

# EXAMEN

DE 39599

# L'EXAMEN

DES ESPRITS.

*En librairie chez Jean-Baptiste Leclerc, par le Roy.*

Par IOVRDAIN GVIBELET,

Docteur en Medecine, & Medecin  
du Roy à Evreux.



A PARIS.

Chez la Veuve JEAN DE HEVQVEVILLE, Et LOUIS  
DE HEVQVEVILLE, rue S. Jacques, à la



M. DC. XXXI.

AVEC PRIVILEGE DU ROY.

Handwritten text, possibly a title or header, appearing as a dark, horizontal band across the upper portion of the page.







A MONSIEUR

l'Illustrissime & Reuerendissime

M<sup>RE</sup> FRANÇOIS

DE PERICÂRD,

Euesque d'Evreux.



MONSIEUR,

*Bien que j'aye tous-  
iours eu imprimée en l'ame la memo-  
ire de vos vertus, & un desir extre-  
me de rendre à vos merites toute sor-  
te d'honneur & de respect : il m'a  
semblé neantmoins que j'estois obligé à  
plus que cela, & qu'il falloit vous  
signifier ceste grande affection par bons  
offices, & en laisser quelque tesmoi-  
gnage à la posterité. Je meriterois d'e-*

## EPISTRE.


*estre blasmé , en l'âge où ie suis , si ie  
 n'auois aduisé à trouuer vn moyen de  
 vous reuerer tousiours , et ne point  
 cesser de publier vos loüanges , mesmes  
 quand ie cesseray de viure , afin que  
 ie viue aussi par vostre moyen , apres  
 ma mort. C'est ce que i'espere en vous  
 dediant ce liure de l'Examen : car ie  
 le vous offre , non en intention qu'il  
 passe seulement en qualité de present :  
 mais afin que , sur la dispute qui s'y  
 trouue agitée contre l'Autheur du pre-  
 mier Examen , tant estimé des meil-  
 leurs esprits de toutes sortes de profes-  
 sions ; chacun voye dans la Republi-  
 que des lettres , que ie n'ay iugé aucun  
 plus capable que vous de le proteger ,  
 Et d'estre arbitre de nos differēs. I'ay  
 pris cēt Autheur Espagnol à partie ,  
 homme veritablement sçauant , & de  
 bon esprit ; nō à dessein de le piquoter par  
 vanité , ou par vne mauuaise volon-  
 té de le blâmer , pour auoir failly :*

# EPISTRE.

mais pour faire voir à vostre prudence, comme en une dispute ouuerte; que tout son liure est fondé sur des principes si debiles, qu'il m'a semblé necessaire de l'attaquer, pour estre entendus de vous toutes nos controuerses. Je croiray auoir remporté l'honneur de la victoire, si vostre iugement incline de mon costé, & que les raisons contraires ne pourront ailleurs avec equité estre estimees meilleures que les miennes, puis qu'on ne trouue point vn iugement plus iuste & plus solide que le vostre, ny une science plus accomplie. De maniere que ce me sera vn nouueau suiet de vous louer, de vous reuerer, & d'estre tousiours,

MONSEIGNEVR,

Vostre tres-humble & tres-  
obeyssant seruiteur,  
GVIBLET.



## AV LECTEUR.

**S**I le Lecteur trouue quelque desordre en celiure du Contre-Examen, notamment eu égard aux fautes de l'Impression, lesquelles s'y sont glissez pour n'auoir peu l'Auth eur estre present lors de la correction des épreuues; il supplera, s'il luy plaist, à ce defaut, aidé en partie de son bel esprit, en partie du memoire ou errata, qu'il trouuera adiousté à la fin du liure. Et parce que quelques vnes sembleroyent plustost fautes de l'Auth eur, que de l'Imprimeur, si elles n'estoyent notées separément; i'en rapporteray icy aucunes des plus signalées, & où faute d'aduertissement, eussent peu choper les meilleurs esprits.

En la page 40. ligne 10. au lieu du mot [ main ] lisez [ raison ] en la ligne derniere de la page 42. il faut lire [ il n'y a pas plus ] en la page 51. ligne 17. lisez [ initié ] au lieu [ d'incité ] en la derniere ligne de la page 276. au lieu de [ fau-

te] il faut lire [ faculté ] en la page 313. ligne 2. [ sans matiere ] au lieu de [ sans merite ] page 316. lignes 14. & 15. lisez [ tromperie ] au lieu de [ temperie ] en la ligne 12. de la page 387. lisez [ phrenetiques ] au lieu de [ Philosophes ] en la page 406. ligne 17. il faut oster ces deux mots [ les conceptions ] en la page 414. ligne 18. il faut lire [ sens intérieurs ] en la page 416. ligne 26. lisez [ dans le moyen ventricule ] en la page 463. ligne 3. il faut lire [ pour ce qu'il dit de la Theorie ] en la page 465. ce qui est en marge doit estre osté. En la page 570. ligne 3. [ ce qu'il faut. ]

Si d'ailleurs quelques textes sont trouvez sans citations d'Autheurs; ou quelques Autheurs citez sans production de textes; ou sans estre cottez les lieux, ny dans le texte ny en la marge: le Lecteur jugera cela, s'il luy plaist, digne d'excuse. Il est mal-aisé d'auoir toutes choses en main: Il est tres difficile de se souuenir de tout: Il est impossible de dire tout au contentement du Lecteur. De propos deliberé j'ay obmis plusieurs petites choses de peu de consideration, pour les auoir jugées non necessaires,

## AV LECTEUR:

Il sera de plus supplié de ne se priver point de la lecture du liure, pour se voir priué de la cognoissance des Langues: car ce que l'on y lit de Grec, de Latin, d'Espagnol & d'Italien, y est si clairement iatépreté en François, qu'il n'est pas besoin de s'y arrester. L'Autheur a jugé que le liure estant ainsi ordonné, seroit vn suiet de contentement pour toutes sortes d'esprits; attendu que les doctes prendront plaisir à faire jugement de tout, voire de ce qui s'y trouue escrit en langage estranger; & les moins lettrez, à lire seulement le François, & passer legerement sur tout le reste.

## TABLE



# TABLE DES AVTHEVRS

*citez en ce liure de l'Examen.*

A.	76.77.80.83.85.89.90.92.
<b>Æ</b> SCHYNES. p. 462.	99. 110. 112. 123. 127. 130.
Aëtius. p. 241 374.	136. 137. 138. 141. 146. 149.
Africanus. pag. 468.	155. 158. 159. 160. 161. 177.
Albert. p. 379. 644. 689.	178. 179. 180. 184. 186. 188.
Alexandre. p. 132. 179. 429.	191. 192. 193. 194. 198. 200.
655. 656. 668.	204. 206. 210. 215. 218. 219.
Alcyphon. pag. 22.	247. 253. 270. 281. 283. 284.
Alphenus. pag. 468.	285. 288. 289. 290. 292.
Ambroise Paré. p. 690.	295. 297. 298. 299. 301.
S. Ambroise. p. 90.	303. 305. 317. 318. 321. 322.
Ammianus Marcellinus.	325. 326. 331. 335. 340. 344.
pag. 667.	350. 353. 354. 355. 359. 365.
Anaxagoras. p. 5. 89. 90.	377. 378. 386. 388. 390. 393.
298. 546.	406. 412. 427. 429. 430. 431.
Andernacus. p. 194. 237.	432. 433. 434. 435. 453. 464.
Antonin. p. 379.	470. 485. 494. 496. 497.
Apollonius. p. 202.	506. 507. 525. 526. 531. 535.
Aratus. p. 364.	572. 573. 574. 581. 592.
Archigenes. p. 186.	604. 605. 614. 615. 616. 622.
Architas. p. 116.	626. 635. 652. 656. 701.
Argentarius. p. 236. 244.	703. 705. 725. 730. 733.
280.	
Aristote. pag. 15. 13. 14. 15.	Arnaldus de villanova.
19. 31. 34. 37. 38. 56. 64. 75.	p. 553.

# Table des Auteurs.

Arnobius. pag. 40. 90. 381.  
 392.  
 Aspasius. p. 22. 734.  
 Athenée p. 213.  
 Arceus Capito. p. 468.  
 Auempace. p. 429.  
 Aueurois. p. 90. 198. 429.  
 513. 529. 641.  
 S. Augustin. p. 90. 241. 329.  
 Auicenne. p. 90. 244. 350.  
 429. 503. 523. 644. 712. 726.  
 Aueuzoar. p. 502.  
 Aulugelle. p. 378. 389. 468.  
 695.  
 B.  
 Balde. p. 36. 59. 60.  
 Bartole. p. 60.  
 S. Basile. p. 61. 90. 616.  
 Bion. p. 605.  
 C.  
 Cajetan. p. 93. 377.  
 Calippus. p. 116.  
 Cardan. p. 430. 958.  
 Carneades. p. 616. 629.  
 Chrysipp. p. 616. 625. 626.  
 Ciceron. p. 15. 34. 62. 90.  
 183. 378. 395. 524. 577. 588.  
 594. 648.  
 Charron. p. 273. 275. 286.  
 306.  
 Cleanthes. p.  
 Clemens Alexandrinus.  
 pag. 197.

Cælius Rhodigin. p. 695.  
 Cornelius Celsus. p. 205.  
 207. 213. 222. 370. 504.  
 Cratippus. p. 13.  
 D.  
 Demetrius. p. 372. 383.  
 Democrite. p. 90. 124. 130.  
 135. 187. 378. 574.  
 Demosthene. p. 20. 21. 27.  
 377. 378. 462.  
 Diocles. p. 727.  
 Diogenes. p. 450. 619.  
 Diogenes Laërt. p. 23. 36.  
 101. 207. 385. 635. 659. 694.  
 Duret. p. 232. 375. 461.  
 Du Perron Cardinal. p. 459.  
 E.  
 Empedocles. p. 78. 186.  
 298. 364. 367. 733.  
 Ephorus. p. 22.  
 Epicharmus. p. 3. 314. 376.  
 594.  
 Epictete. p. 20. 109.  
 Epicure. pag. 36. 101. 186.  
 443. 588.  
 Epimenides. p. 647.  
 Erasistratus. p. 186.  
 Erasme. p. 373. 395.  
 Erastus. p. 734.  
 Esaie. p. 62.  
 Euclide. p. 90. 121.  
 Eudoxus. p. 116. 367.  
 Eusebius. p. 383.



# Table des Auteurs.

Euripide. p. 18. 90. 113. 631.

Eustratius. p. 674.

F.

Falop. pag. 685.

Fernel. p. 242. 244. 245.

250. 254. 257. 266. 375. 395.

461. 728. 729. 734.

Ferrier. p. 461.

Fracastor. pag. 65. 135. 236.

244. 250. 275. 461.

G.

Galien. p. 14. 36. 40. 45. 57.

58. 61. 64. 65. 77. 78. 79. 89.

91. 111. 139. 142. 145. 150.

153. 154. 156. 158. 187. 190.

202. 204. 216. 217. 231. 237.

239. 240. 244. 249. 252.

253. 267. 272. 296. 370.

373. 411. 481. 482. 483.

484. 486. 488. 489. 501.

502. 505. 514. 515. 516. 517.

518. 522. 523. 525. 598. 613.

614. 638. 644. 654. 655.

657. 673. 674. 676. 680.

703. 705. 721. 724. 727.

734.

Geber. p. 328.

Georgius Pisides. p. 337.

Goropius. p. 392.

Gourdon. p. 553.

Gregor. Nazianz. p. 522.

Gregor. Nyssenus. p. 109.

110.

H.

Hali Rhodohan. p. 695.

Henry Estienne. p. 280.

Heraclides le Sophiste. p.

23.

Heraclite. p. 101. 196. 339.

Herodian. p. 662.

Herophile. p. 186.

Herodote. p. 90. 209. 389.

651. 652.

Hesiod. p. 71. 90. 394. 622.

Hieremie. p. 62.

S. Hierosme. pag. 90. 365.

661.

Hippocrate. p. 22. 30. 31.

32. 34. 80. 90. 91. 123. 125.

128. 139. 144. 155. 158. 191.

192. 194. 201. 221. 232. 233.

237. 241. 248. 257. 282.

324. 355. 369. 370. 373.

489. 491. 492. 500. 502.

503. 505. 522. 526. 533. 535.

536. 547. 554. 579. 598.

611. 655. 657. 672. 673.

701. 704. 705. 707. 714. 716.

618. 710. 722.

Homere. p. 90. 209. 219.

363. 365. 366. 367. 494. 652.

683.

I.

Ioachim Abbas. p. 554.

Ioannes Franciscus Picus.

pag. 65. 251.

## *Table des Auteurs.*

- |  |   |
|--|---|
| <p>Ioannes Duns, p. 90. 318.<br/>379.<br/>Ioannes Picus, p. 90. 443.<br/>459.<br/>Iosephe, pag. 90. 652.<br/>Isocrate, p. 29. 462. 616.<br/>Iulius Alexandrinus, pag.<br/>684.<br/>Iules Scaliger, pag. 72. 79.<br/>124. 132. 138. 211. 243. 244.<br/>304. 318. 330. 375. 429.<br/>430. 461. 530. 562. 648.<br/>702. 703. 705.<br/>Iulius Maternus. p. 648.<br/>661.<br/>Iustin. p. 577.</p> <p style="text-align: center;">L</p> <p>Langius, pag. 461. 550.<br/>du Laurens, pag. 243.<br/>Linaus, pag. 364.<br/>Lipse, pag. 374.<br/>Longinus, p. 69. 70. 663.<br/>Lucian, pag. 554.<br/>Lucrece, p. 109. 154. 364.<br/>Lysias, pag. 29. 462.</p> <p style="text-align: center;">M</p> <p>Macrobe, pag. 368. 639<br/>Manard, pag. 641.<br/>Manilius, pag. 364.<br/>Martial, 619.<br/>Martianus Capella. pag.<br/>104.</p> | <p>Menander. p. 486.<br/>Melancthon. p. 562.<br/>Mercurial. p. 78.<br/>Mercure trismegiste. 653.<br/>Modestin. p. 468.<br/>Montagne. p. 508.<br/>Montuus. p. 689. 695.<br/>Moschion. p. 186.<br/>Mutianus. p. 160.<br/>Moyse. p. 90. 319. 388.</p> <p style="text-align: center;">N</p> <p>Nicander. p. 364.</p> <p style="text-align: center;">O</p> <p>Olaus Magnus. p. 211.<br/>Oribase. p. 374.<br/>Origene. p. 70. 90. 663.<br/>Orphee. p. 109.</p> <p style="text-align: center;">P</p> <p>Panætius. p. 69. 662.<br/>Paracelse. p. 328.<br/>Parmenides. p. 78. 186.<br/>364. 701. 734.<br/>S. Paul p. 47.<br/>Paul loue. p. 59.<br/>Paul Iuriconsulte. pag.<br/>468. 473.<br/>Paul de Castre p. 60.<br/>Periander. p. 19.<br/>du Perron. p. 457.<br/>Petronius Arbitr p. 667.<br/>Pherecides. p. 373.<br/>Philon Juif. p. 100. 125.</p> |
|--|---|

# Table des *Autheurs.*

Philostate. p. 100. 616.

R

694.

Pindare. p. 71. 90.

Platerus. p. 686.

Platon. p. 20. 25. 31. 37.

50. 51. 56. 57. 69. 70. 71. 88.

90. 111. 116. 167. 181. 185.

187. 202. 278. 281. 291. 319.

327. 333. 355. 372. 376.

386. 388. 389. 390. 392.

396. 414. 442. 450. 568.

587. 616. 617. 618. 643.

Plaute. p. 397. 594.

Pline. p. 15. 90. 121. 124.

146. 160. 169. 170. 171.

192. 198. 201. 211. 218. 279.

286. 639. 643. 665. 691.

695. 702. 705. 726.

Plotin. p. 125. 340. 356.

418. 616.

Plutarque. p. 15. 24. 71. 90.

367. 368. 447. 594.

Polus. p. 496.

Pomponius Mela. p. 643.

Porphyre. p. 70. 594. 663.

Proclus. p. 70.

Ptolomee. p. 23. 27. 642.

publ. Mimius. p. 486.

Pyrrhon. p. 450. 616.

Pythagoras. p. 3. 90. 442.

Q

Quintilian. p. 369.

Riolan. p. 135. 244. 274.

375. 697. 728. 729.

Rogerius Baccho. p. 328.

Ruffus. p. 374.

S

Salomon. p. 90.

Saluste. p. 522.

Saonarola. p. 553.

Scevola. p. 468. 474.

Senegue. p. 20. 30. 60.

500. 582. 663.

Scholiaſtes Hefiodi. p. 43.

Scholiaſtes Pindari. pag.

72. 633.

Simplicius. p. 442.

Simonides. p. 19.

Skenkius. p. 695.

Socrate. p. 22. 48. 90. 443.

450. 569.

Solon. p. 659.

Sophocle. p. 34. 90.

Soranus. p. 374.

Sotion. p. 10.

Stobée. p. 196.

Strabon. p. 660.

Straton. p. 186. 412.

Suetone. p. 576.

T

Tacite. p. 403. 575. 661.

Terence. p. 397.

Thales. p. 135.

# Table des Auteurs.

Themistius. p. 128. 179.	Valesius. p. 118. 242. 315.
181. 254. 301. 305. 350.	709.
417. 419. 423. 429.	Varro. p. 18. 90. 211.
Theodoret. p. 55. 95. 377.	Vegece. p. 74. 568. 571.
Theodoric. p. 259.	Virgile. p. 74. 90. 304.
Theophraste p. 594. 702.	366. 368.
Theopompus. p. 383.	Vitruue. p. 665.
Theophile. p. 479.	Vlpian. p. 468.
S. Thomas. p. 83. 90. 93.	X
277. 345. 377. 380. 436.	Xenocrates. p. 22. 48.
438. 439. 506. 5290.	186. 442.
Tite-Liue. p. 9.	Xenophanes. p. 101. 364.
Trebonian. p. 479.	Xenophon. p. 90. 570.
Tyrtæus. p. 364.	578.

## V

Valerius Max. p. 21. 40.  
172.

## Z

Zenon. p. 368. 546.

F. I N.




TABLE  
DES CHAPITRES  
DV LIVRE DE  
l'Examen.

CHAP. I.

*Des defauts qui se trouuent  
au liure de l'Examen des  
Esprits. pag. 1.*

CHAP. II.

*S'il y a des hommes du tout  
incapables de science &  
de discipline. Que l'estu-  
de & l'affection sup-  
pleent au defaut de la  
nature. p. 12.*

CHAP. III.

*Si chaque esprit est nay à  
une certaine science. Les  
sciences ne sont point in-  
compatibles. p. 35.*

CHAP. IV.

*Le temperament n'est point  
la nature qui fait l'hom-  
me sçauant. De l'inega-  
lité des ames. p. 64.*

CHAP. V.

*Si le bon temperament nous  
peut rendre sçauans sans  
instruction, & en un  
instant. p. 95.*

CHAP. VI.

*Response à ce qu'il oppose  
sur ce mesme sujet. p. 119.*

CHAP. VII.

*Si les instincts naturels de-  
pendent du temperamēt.  
p. 129.*

CHAP. VIII.

*Continuation du discours,  
Que l'instinct naturel ne  
depend point du tempe-  
rament. Response à quel-  
ques obiections sur ce  
mesme subiet. p. 155.*

CHAP. IX.

*Exemples de phrenetiques*

# Table

*Et des Melancholiques.*

*Si par le temperament, ils peuvent predire ce qui est à venir. p. 173.*

## CHAP. X.

*Le cerueau est le siege de l'ame. Quel est le meilleur temperament du cerueau, pour le bon esprit. De la delicateſſe de la peau. Du gouſt. De l'eſtomach. p. 186.*

## CHAP. XI.

*De la grandeur Et petiteſſe du corps, Des groſſes teſtes. p. 206.*

## CHAP. XII.

*Briue description des parties du cerueau. Si dans le cerueau ſont logees diuerſement les facultez de l'ame. p. 221.*

## CHAP. XIII.

*Les Grecs ont eſté les premiers qui ont enſeigné les diuers ſieges des facultez de l'ame. L'opinion des Arabes confirmée. Opinion nouuelle de l'Autheur, ſur l'usage du camarium. p. 239.*

## CHAP. XIV.

*Reſponſe à ce que l'Examen Et autres oppoſent contre l'opinion des Arabes. p. 252.*

## CHAP. XV.

*Si les esprits animaux ne ſont cuits Et preparez que dans le quatrieſme ventricule du cerueau. p. 260.*

## CHAP. XVI.

*Du temperament de l'imaginatiue, de l'entendement Et de la memoire, principales facultez de l'ame. p. 276.*

## CHAP. XVII.

*Pour les actions propres de l'intelleſt, il n'eſt beſoin ny des parties du corps, ny des qualitez elementaires. p. 287.*

## CHAP. XVIII.

*Deſenſe d'Ariſtote contre l'Examen, pour l'immaterialité de l'ame. Qu'elle ne peut eſtre incorruptible, ſi elle n'eſt immaterielle. p. 305.*

## CHAP. XIX.

*L'immortalité de l'ame prouuée*

## des Chapitres.

prouuée par raisons vray-  
semblables. p. 331.

### CHAP. XX.

Raisōs necessaires pour prou-  
uer l'immortalité de l'a-  
me. p. 344

### CHAP. XXI.

De l'imaginatiue & des sciē-  
ces qui luy appartiennent.  
Si l'imaginatiue est con-  
traire à l'entendement &  
à la memoire. De la grande  
science d'Homere. De l'e-  
loquence d'Hipocrate, de  
Platon, d'Aristote, de Vir-  
gile, de Cicron. p. 360.

### CHAP. XXII.

Pourquoy les Theologiens  
Scholastiques & les Phi-  
losophes ne se monstrent  
point eloquens en leurs es-  
crits. p. 379.

### CHAP. XXIII.

Des langues en general. Si  
elles sont de l'institution  
de la nature. De la langue  
Latine. Si l'on peut parler  
Latin sans l'auoir appris.

p. 385.

### CHAP. XXIV.

Continuation de discours. Le

temperammēt ne peut rien,  
pour l'inuention des noms.  
On peut sçauoir ou parler  
une langue sans l'auoir  
apprise. p. 398.

### CHAP. XXV.

Que les facultez de l'ame ne  
sont point contraires, ny  
les sciences incompatibles.

p. 409.

### CHAP. XXVI.

Des sens extérieurs & intē-  
rieurs. Del' intellect patient.  
Que l'imaginatiue est l'in-  
tellect patient, selon A-  
ristote. p. 423.

### CHAP. XXVII.

Des sciences de l'imaginatiue  
& des autres facultez se-  
lon l'examen. Toutes les  
sciences sont en l'intellect,  
Des Mathematiques. pag.

440.

### CHAP. XXVIII.

De la Theologie Scholastique  
& de la positive. p. 451.

### CHAP. XXIX.

De la Theorique & de la pra-  
ctique de la Iurispreden-  
ce. p. 461.

# Table

## CHAP. XXX.

De la Medecine. Si elle est  
une science douteuse, in-  
certaine, & fondée seule-  
ment sur coniectures.

p. 480.

## CHAP. XXXI.

De la Theorie & de la Pra-  
ctique de la Medecine.

p. 493.

## CHAP. XXXII.

De l'experience. Des indica-  
tions. Des ieunes Mede-  
cins.

p. 506.

## CHAP. XXXIII.

Si l'intelle& cõprend les cho-  
ses singulieres. De l'occa-  
sion.

p. 527.

## CHAP. XXXIV.

Des Medecins Iuifs, & des  
Charlatans.

p. 538.

## CHAP. XXXV.

De l'Art militaire, & de la  
dignité de Capitaine.

p. 555.

## CHAP. XXXVI.

De la prudence.

p. 585.

## CHAP. XXXVII.

Du temperament égal. S'il est  
cause du bon esprit, de la  
santé, de la beauté, de la  
longue vie. Quel tempe-  
rument & quelle habileté  
conuient mieux pour la di-

gnité de Roy.

p. 606.

## CHAP. XXXVIII.

Des diuers Climats de la ter-  
re, & de leurs tempera-  
ments.

p. 637.

## CHAP. XXXIX.

De la difference des mœurs  
& des esprits, selon la di-  
uersité des regions.

p. 647.

## CHAP. XL.

Quel temperament conuient  
mieux pour les bonnes  
mœurs, le chaud ou le sec.

p. 669.

## CHAP. XLI.

En quoy d'ffere l'homme d'a-  
uec la femme. Si une fem-  
me peut estre changee en  
un homme, & un homme  
en une femme.

p. 678.

## CHAP. XLII.

L'homme est de tempera-  
ment plus chaud que la  
femme.

p. 701.

## CHAP. XLIII.

L'enfant n'est point nourri de  
lait& dans la matrice. De  
la generation du lait&.

p. 710.

## CHAP. XLIV.

Pour conceuoir un fils, en  
quel temps doit estre faite  
la copulation.

p. 722



*des Chapitres.*

CHAP. XLV.

*De la ressemblance des enfans  
aux parens. Des causes de  
cette ressemblance. p.730.*

CHAP. XLVI.

*S'il est vray que les enfans  
des hommes illustres, de-  
generent quasi tousiours  
du bon esprit, & des ver-  
tus de leurs parens. p.753.*

CHAP. XLVII.

*Des Bastards. Pourquoi ils*

*sont gentils & de bon es-  
prit. Des Eunnuques. p.761.*

CHAP. XLVIII.

*De la Honte. p.768.*

CHAP. XLIX.

*De la generation des enfans,  
& de leur nourriture.  
p.785.*

CHAP. L.

*Par quelles marques on peut  
cognoistre l'esprit & le na-  
turel des enfans. p.802.*

F I N.




# EXAMEN

DE

## L'EXAMEN

des Esprits.

P R E F A C E.

 OMBIEN quel'Estenduë des sciences soit infinie & qu'elles paroissent plus libres que les vertus, qui demeurent cōme enfermées entre deux extremités contraires. Il semble neantmoins qu'il y ait vn certain moyen de nous y conduire, outre lequel, vers l'excès ou le défaut, il n'y a point de bien-seance. D'vn costé le mespris des bonnes lettres est odieux; d'autre l'opinion ou la volonté d'estre trop sage est comme vne folie, & tient-on pour vne prudence, sçavoir relascher quelque chose d'vne gran-

de sagesse. *Sapientia nihil odiosius acuminis nimio.* Quand quelqu'un, souz couleure de se voir en reputation d'estre sçauant, deuient presomptueux & fait scrupule de se contenir dans la verité d'une doctrine reçeüe, ou public des inuentions nouuelles, avec plus d'ostentation que de iugement, c'est estre trop Philosophe, & croy que ceste sagesse dereglee est moins louable que la modestie d'un ignorant. La Grammaire est vn art necessaire, qui sert de premier degré & marche pour monter aux autres sciences; Et toutesfois parce que plusieurs s'y occupent avec plus d'estude & d'affection qu'il n'est requis, on fait estat d'un Grammairien comme d'un homme inutile, & qui vaut peu hors la poussiere de l'eschole. Ainsi voit-on des Medecins ignorans & indignes de ceste qualité, pour ce qu'ils sont appelez au gouuernement de quelques malades, entrer en vne bonne opinion d'eux-mesmes, & croire qu'Hippocrate, s'il viuoit, seroit bien aise de se trouuer avec eux en conference. C'est vne vanité digne d'estre moquee, & plus remarquable encore que celle des Grammairiens, selon le iuge-

# P R E F A C E.

*Athen Dip-  
nos, lib. 15.*

ment que quelqu'un donnoit de telles gens anciennement. *εἰ μὴ ἰατροὶ ἦσαν, οὐδὲν αὖ ἦν τῆς γραμματικῶν μαρώτερον.* Il est bien vray que les esprits heroïques volontiers sont touchez de quelque pointe d'ambition, & que le desir qu'ils ont de profiter au public & de satisfaire à l'attente que l'on a de leurs ouvrages, leur apporte souvent de la curiosité, qui est mere des nouveantez: Mais en cela, comme ils ont leur prudence pour guide, l'amour propre ne les éloigne pas tant de la raison, qu'ils veuillent obstinément se precipiter à des opinions fausses, au preiudice de ce qui a esté dit & inuenté doctement par le passé. En cela l'Autheur Espagnol qui a escrit l'Examen des Esprits, semble auoir abusé de son iugement, d'autant que pour auoir voulu se monstrier inuenteur du sujet qu'il entreprend, il se fonde sur des maximes notoirement fausses, dont sourdent des consequences absurdes & impertinentes. En suite il impugne souvent la doctrine d'Hipocrate, de Platon & d'Aristote, parce qu'elle n'accorde pas avec la sienne: Il a son entendement en telle estime, qu'il se vante de pouuoir

# P R E F A C E.

dire en secret au Lecteur, ce que l'on ne croiroit iamais auoir pû tomber en l'imagination des hommes. Quand son Examen meriteroit le souuerain degré de la louange des lettres, il n'auroit pas meilleure opinion de soy & ne donneroit pas plus de majesté à ses paroles. Il ne prise rien tant que son escrit & croit que les Muses luy demeurent redevables & luy ont de l'obligation pour ce sujet. Iustement donc on le peut accuser d'auoir passé les bornes de la modestie. Non que d'ailleurs il ne merite quelque louange, tant pour l'intention qu'il a eüe d'enrichir la republique des lettres, que pour son stile plein de gravité Espagnole, & pour sa grande lecture. Mais il est à propos neantmoins de luy faire voir, comme il se trouue des espines entre les roses, qu'il s'est coulé du mauuais mesnage dans ce loüable trauail, où plusieurs, faute d'auertissement, eussent pû recevoir l'impression d'une mauuaise doctrine. Il auoit bien reconnu en la Preface de son liure, qu'il ne pourroit pas estre exempt de quelques erreurs, se doutant peut-estre, de ceste touche que ie luy donne: Car comme

En secreto  
re dixero  
sententias  
tan nueuas  
y particula-  
res, quales  
iamas pen-  
saste que  
podian  
caer en la  
imaginatiõ  
de los hom-  
bres.

*En la Pre-  
face au Le-  
cteur, Tex-  
te Espagnol,  
4. b. Franc.  
pag. 1. b.*

Io bien cõ-  
fieso que  
Æstami o-  
bra no se  
puede esca-  
par de al-

# P R E F A C E.

gunos er-  
rores. Pref.  
au Lecteur.  
s. b.

vn bon soldat n'est gueres blessé que par-  
deuant ; Peu souuent vn homme sage  
reçoit autres accidens que ceux qu'il au-  
ra preueus. Toutesfois il croit que cela  
doit venir non de sa faute, mais du Le-  
cteur lequel n'aura pas assez considéré  
ses raisons & qui receura de la main  
gauche ce qu'il presente de la droite. De  
sorte qu'il renuoye à l'onzième Chapi-  
tre de son liure, où il promet satisfaire  
& respondre à toutes sortes d'obje-  
ctions. S'il plaist au Lecteur prendre la  
pene de lire non seulement ce sien Cha-  
pitre, mais le liure entier, il iugera com-  
bien il est éloigné des termes de sa pro-  
messe, & que i'ay avec raison, prins la  
plume pour examiner son Examen. En  
cela ien'ay eu dessein que de profiter au  
public, & de destruire ce qu'il soustient  
contre le party de la verité. S'il n'eust  
esté homme d'esprit, il n'eust iamais en-  
trepris ceste doctrine des Esprits. Estant  
homme d'esprit, il ne doit estre fasché,  
ny contre moy qui pretends le comba-  
tre dans le champ de la raison; ny con-  
tre luy mesme, attendu que les fautes  
sont naturelles aux hommes. *Nemo no-  
strum non peccat, homines sumus non Di.*



# E X A M E N

DE L'EXAMEN

des Esprits.

*Des Defauts qui se trouuent au liure  
de l'Examen des Esprits.*

CHAP. I.

**L**'AUTEUR de l'Examen  
en son discours de la diuersi-  
té des esprits, traicte ce sujet  
auec tant d'artifice, que i'ay  
esté long temps en volonté de luy cher-  
cher des excuses, plustost que de blas-  
mer ce que ie trouuois de manquement  
en sa doctrine & d'incertitude en l'esta-  
blissement de ses principes. Mais sur  
les apparences que son liure s'auançoit  
dans le credit, au preiudice de la verité;  
il m'a semblé plus expedient de faire  
voir ce qu'il a d'imperfection, que de

A

me rendre coupable avec luy, en dissimulant le tort qu'il fait à la pureté & sincérité des sciences.

Pour base de son Examen il propose,

1. *Pero como todas las animas racionales sean de ygual perfeccion, &c. chap. 2. Espag. 29. a. fr. 13. b.* Que la difference des Esprits ne pouvant estre rapportee qu'à l'inegalité des ames raisonnables, ou à la variété des temperamens, qu'il resulte, puis que les Ames sont toutes égales en perfection, que le temperament seul est cause de la diuersité des esprits. C'est vn fondement foible, qui fera croire que tout le reste du liure est d'une structure semblable. Il falloit pour bien assiseoir ceste premiere pierre, entreprendre la preuue de la suffisance du temperament & de ceste pretendue égalité; couper chemin à toutes objections, pour mettre sa proposition à couuert; & ne se contenter pas comme il a fait, de passer legerement par dessus, tenant pour constant ce qui est ou faux, ou encore litigieux entre les doctes. Puis que contre son aduis, plusieurs celebres personnages tiennent, que les ames raisonnables ont naturellement entr'elles diuers degrez de perfection: nous ferions mal de quitter temeraire-



ment leur party, pour adiouster foy à cét Auteur, qui veut estre creu gratis & à la Pythagorique, sans production de raisons ou de tesmoignages.

Encore ceste faute seroit plus tolerable, si elle estoit seule. Mais quand il deprime tant l'autorité de l'ame, que de la déclarer disciple & comme seruant du temperament, & ne faire mention d'elle que par maniere d'acquit, il semble donner trop de prise sur luy, pour n'estre touché ou accusé de personne.

Il dit <sup>2</sup> que le temperamēt est le principe de toutes les operations de l'ame raisonnable. C'est vne proposition trop hardie. Car s'il l'entend nuement, comme il l'escrit, outre ce qu'elle est du tout fausse, il s'expose à la censure de l'Inquisition. Nous auons contre cela, ces anciens Arrests qui ne peuuent estre reuoquez en doute. Que l'ame raisonnable est le principede ses actiōs: Qu'elle est comme la loy en vne republique, ὡς περ ἐν πόλει νόμος, que c'est elle qui voit, oyt & conduit tout dedans nous. n'estant tout le reste qu'un pur auuglement; ὅρῃ ὁ νοῦς καὶ τοὺς ἀκούει, τ' ἄλλα καὶ φα ἢ τυφλὰ. A quel propos donc la-

<sup>2.</sup>  
Principio  
de todas  
las obras  
de l'ani-  
ma ratio-  
nal. chap.  
<sup>2</sup> pag. 30.

<sup>1.</sup>  
Pythago-  
ra vel Epi-  
charms di-

*Am. apud  
Theodore-  
tum. leg.  
Tertulua-  
nus. An-  
nus au-  
dit, reli-  
qua surda  
es caca  
sunt.*

*videtur  
animus*

*biq. in  
ando 21  
ins 12  
ons 10  
Pue de la  
ber las  
sciencias  
sin auer  
las oydo  
de nadie.  
chap. 4.  
text Esp.  
47 fr. 24.  
b. 30. a.*

rendre aveugle comme vne seruante, à la façon des Scithes, & honorer le temperament de ses priuileges? S'il croit seulement que le temperament, & non l'ame, est la cause & le principe de la difference des esprits, qui se trouue entre les hommes: Quand bien il y auroit en ceste opinion quelque apparence d'excuse, tousiours est il en tort, d'auoir mal déclaré ses conceptions. Mais il mostre assez par la suite de son discours, qu'il tient le party de la premiere opinion.

Quand il dit, qu'un enfant qui aura rencontré vne louable temperature, & sans autre instruction, peut à mesme temps deuenir sçauant, & encore par ce moyen, parler Latin dans le ventre de sa mere, *estando en el vientre de su madre.* Quand il tient que le temperament est le maistre qui enseigne aux ames, comme elles doiuent exercer leurs facultez; comme si l'honneur des sciences appartenoit de premier chef au temperament, & l'ame n'estoit pour autre effect, que pour représenter de point en point sur le theatre de l'homme, le billet qu'elle aura receu du temperament; c'est trop eleuer les qualitez elementaires, four-

dement destruire l'autorité de l'ame,  
& faire naistre de mauuais scrupules aux  
esprits de ceux, qui ont desia quelque si-  
nistrè opinion de son pouuoir, & se don-  
nent la liberté de ne croire que ce qu'ils  
veulent.

Tout ainsi donc que le Philosophe  
reprend iustement Anaxagoras, d'auoir  
en vain attribué le gouuernement de la  
nature à vne souveraine intelligence,  
puis que lors qu'il traite de la genera-  
tion des choses naturelles, sans faire  
mention d'elle, il attribue tout à la na-  
ture; De mesme pouuons nous accuser  
icy l'Autheur del'Examen, de ce qu'en  
certains lieux, où il ne s'agit que peu ou  
point du sujet qu'il traite, il donne à l'a-  
me la principauté sur nos actions; & ail-  
leurs neantmoins, il la declare inferieure  
au temperament. Il soustient qu'elle est  
immortelle, & toutesfois il assure que  
ses operations propres sont materielles  
& obligees aux qualitez elementaires.  
C'est au Lecteur de iuger si telles pro-  
positions sont compatibles.

Dauantage, parce qu'il y a peu de  
fermeté à tout ce que l'on bastit sur vne  
base mal étoquée; En suite de cela il

commet encore vne autre faute, que l'on iugera autant ou plus signalee que les precedentes. 1. Le principal sujet de son liure consistoit à prouuer que les esprits dependent du temperament, 2. Pour demonstrier après que chacune sorte d'esprit est dediee à vne certaine science, 3. Et enseigner le moyen de cognoistre le temperament de chaque enfant, par vn fidel rapport de toutes les marques, 4. Afin de tirer vne coniecture certaine de leurs esprits, pour les employer à la science à laquelle ils seront veuz propres naturellement. Pour ce qui est des deux premiers poincts, il s'en est acquitté au moins mal qu'il a pû; Ce n'est point icy le lieu de contester, si pour ce regard ses raisons sont fausses ou veritables; car elles sont reservees, pour estre examinées plus à propos cy apres. Mais pour ce qui est du reste, qui deuoit estre le couronnement de l'œuvre, il semble auoir grandement manqué ne rapportant rien de notable ny de consequence. Il promet bien satisfaire, lors qu'il traittera ceste matiere, au premier Chapitre de la seconde partie de son liure: Mais ce qu'il

rapportelà est si froidement deduit, & avec si peu d'ordre, qu'il n'y a rien qui peust releuer vn esprit douteux, ou réioüir vn appetit dégousté, apres les viâdes desagreables d'vn premier seruice.

Si l'homme, dit-il, se monstre aigu  
és œuures de l'imaginatiue, c'est vn tes-  
moignage qu'il est chaud & sec au troi-  
troisieme degré : Mais s'il n'y est pas  
beaucoup sçauant, c'est signe d'humidi-  
té iointe avec la chaleur. Le Lecteur  
notera icy plusieurs fautes en peu de pa-  
roles : car au lieu de monstrier comme il  
faut cognoistre par le temperament, l'es-  
prit d'vn enfant, afin de iuger de la  
science qui luy est propre ; Il enseigne le  
moyen de decouurir en vn hōme meur,  
le temperament, par l'habilité ou capa-  
cité de son esprit. Au lieu de faire voir  
la bonté de l'imaginatiue, par le degré  
de la chaleur ; il propose pour argument  
certain d'vn temperament chaud, la  
bonté de l'imaginatiue.

5:  
*Chap. 1. de  
la 2. part.  
El hōmb-  
re que se  
monstra-  
re agudo  
en las o-  
bras de la  
imagina-  
tiua, &c.  
pag. 299.  
fr. 176.*

Il ne produit en tout ce Chapitre,  
que des signes non necessaires tirez de  
certaines parties du corps, nommémēt  
des testicules, comme si la science de-  
pendoit de ces pieces-là, qui ont esté,

par la preuoyance de la nature, éloignées du cerueau, de peur qu'elles ne troublassent l'ame raisonnable, aux actions de la prudence. Mais il sera traité de tout cela plus exactemēt cy apres. Ailleurs il dit bien que l'on void plusieurs esprits rudes lors de leur premier âge, lesquels neantmoins se rendent habiles avec le temps, & autres au contraire; Et il eust beaucoup fait, si nettement & par signes certains, il eust démontré le moyen de cognoistre aux enfans ceste capacité ou incapacité cachée. Mais il a manqué en cela comme en tout le reste, parce qu'il l'a ignoré, ou qu'il n'a pû en dire la cause, sans contreuenir à ses maximes.

Pour deduire ceste matiere avec plus de methode, il pouuoit enseigner briuemēt, que pour apprendre les sciences, plusieurs points sont necessaires, asçauoir la cause premiere, les facultez, les organes & les obiects. Que l'Ame, apres Dieu, est la premiere cause, le principal agent & le vray sujet des sciences; Qu'elle met en besoigne ses facultez, & qu'elle produit ses actions par leur ministère. Que les instruments, qui sont

les autres aydes dont se seruent les facultez, sont, les parties du corps, les esprits, les humeurs & le temperament. Que les facultez qui sont puissances de l'ame, selon leur diuersenature operent diuersement; asçauoir ou sans ayde d'instrumens matériels, cōme l'intellect & la volonté, ou par l'entremise des parties du corps & des autres aydes instrumentaires, comme les facultez des sens intérieurs & extérieurs, lesquels font leurs fonctions plus ou moins parfaites & accomplies, selon l'estat diuers des parties du corps, des esprits, des humeurs & de leurs qualitez. Que les obiects sont representez par leurs especes, lesquelles produites des accidens, sont portees premierement des obiects aux sens extérieurs, puis aux intérieurs, & de là à l'intellect, qui est le centre & l'intérieur de l'ame; Et en suite vider la question de la réception des especes, si elles sont imprimées en l'ame seulement, ou aux esprits, ou en la partie; ou par les esprits, en l'ame & en la partie; Et admirer en passant comme il est possible, que dans vn lieu de si peu d'espace puissent demeurer en reserve si long temps.

& sans confusion, tant d'images, tant de textes, tant de memoires. Par mesme moyen dire quelque chose des sens extérieurs & intérieurs, de leurs offices, de leurs organes, & enquoy ils different les vns des autres; Pour passer après à la faculté de l'intellect; s'il est necessaire qu'il y ait vn intellect agent: Si l'intellect estant immateriel, les especes intelligibles peuuent pas estre materielles, & des operations diuerses de ceste puissance de l'ame raisonnable.

Il pouuoit demonstrier aussi, que la Phantasie qui est vn sens intérieur, materiel, proche voisin de l'Intellect, *in confinio intellectus*, & la derniere retraite des especes sensibles, estant suiette au temperament, que cela en quelque maniere tire l'intellect en consequence. Car s'il est vray que l'intellect pour agir, se tourne vers les especes de la phantasie, il est à croire que son action est meilleure, plus les especes luy sont representees nettement, purement & sans confusion: Or cela depend en partie du bon temperament du cerueau. Le temperament donc est necessaire pour les operations de l'intellect, quoy qu'il soit immate-



ciel: qu'il en va de mesme, pour le regard de la memoire sensitive, & partant il devoit resoudre, que les sciences que l'on tient estre distribuees selon les facultez de l'ame, comme les facultez logees en diuerses parties du cerueau, auxquelles on recognoist diuersité de tēperamēts, sont fondees sur le temperament; & qu'il n'est pas impossible de monstrier en chacun enfant, par les marques du temperament, l'inclination de son esprit & à quelle science il est dedié naturellement.

Au lieu d'auoir suiui ceste methode, Il a proposé d'entree, que l'homme qui est naturellement inhabile aux sciences, fait mal de s'y adonner; & mesmes s'il y a quelque habileté, qu'il perd sa peine, s'il est porté d'affection à vne autre, qu'à celle-là qui luy conuient de nature & du merite de son temperament; attendu que chāque esprit est determiné à vne science particuliere. Il traite apres de la nature & s'efforce de prouuer qu'elle n'est autre chose que le temperament du cerueau, afin de poursuiure apres ce qui reste de plus particulier sur ce sujet: A sçauoir quelles sciences ap-

partienent à l'imaginatiue, à la mémoire, à l'entendement, & conclud en fin par trois ou quatre chapitres, où il discourt de la generation des enfans & du moyen de les engendrer de bon esprit, & naturellement habiles en toutes sciences. Si les parens eussent eu la cognoissance de ce mystere, peut-estre maintenant, serois-je hors de peine d'examiner son Examen.

*S'il y a des hommes du tout incapables de science & de discipline. Que l'estude & l'affection suppleent au defaut de la nature*

CHAP. II.

**L**AVTHEVR publie pour vne de ses maximes, que ceux qui sont naturellement inhabiles aux sciences, en tout le cours de leurs estudes, ne font rien que perdre le temps, consommer leurs biens & se rompre la teste, sans aucun profit; Et confirme cela par exemples, nommément du fils de Ciceron, lequel

v.  
Chap. I.  
Esp. 12 b.  
que brar-  
se la ca-  
beça sin  
prouecho  
n'inguno.  
fr. fol. 3. b.  
4. a. 20. b.  
147. a.

ne put iamais s'auancer en l'estude des  
bonnes lettres, combien qu'il fust fils  
d'un pere sçauant, qu'il eust esté instruit  
par Cratippus tres-habile homme, en  
la ville d'Athenes, la plus celebre Vni-  
uersité qui fut iamais, & qu'il ne man-  
quast d'aucune chose requise pour l'ap-  
prentissage des sciences, excepté qu'il  
n'auoit point les bonnes graces de la  
nature. Considerons si cela doit estre te-  
nu pour vn arrest, ou passer vne autre  
fois par l'Examen.

Contre ceste premiere proposition,  
je tiens pour constant, Qu'il n'y a l'homme  
tant stupide naturellement (pourueu  
qu'il soit dans les limites de la santé) qui  
ne soit capable de science. L'homme qui  
est la meilleure piece de la nature, doit  
auoir quelque chose de plus exquis & de  
plus releué que tout le reste de la nature.  
Or cela ne peut estre que la raison, en la-  
quelle est le priuilege de pouuoir estre  
sçauant; parce que cōme la raison est en  
la partie discourante de l'ame, *ἐν τῇ*  
*λογιστικῇ τῆς ψυχῆς μερῇ* dit Aristo-  
te, ainsi les sciences sont en la raison.  
D'où vient que tous hommes naturel-  
lement ont quelque desir d'apprendre,

2.  
Cap. I. lib.  
I. magn.  
moralium.

à cause de ce pouuoir de l'ame raisonnable, qui a mesmes, de son propre, \* certaines notions generales, qui sont comme les racines & le fondement des sciences. Puis doncque la nature a imprimé en nostre ame ceste volonté d'apprendre, seroit-ce pas en vain, si nous demeurions impuissans de la mettre en effect? Seroit-il bien possible que nous eussions seulement le petitoire, & que la main nous fust close, quand il est question de venir à la possession?

Si l'ignorance a cours quelquesfois entre les hommes, ie croy que cela prouient plustost de nostre defect, que du manquement de la nature. L'homme est capable de tout, mais nous auons enuers les sciences faute d'affectiō, & pour l'estude trop peu de patience & de courage. Comme vn Nautonnier ne passeroit iamais de l'Europe à l'Amerique, s'il demeueroit sur le port les bras croisez, étonné du temps, du travail & des viures necessaires pour vn tel voyage. De mesme si vn enfant n'a le desir d'aquerir la science, s'il n'y apporte la diligence requise, s'il ne fait prouision de patience, il est impossible qu'il s'auance en la

\* νοητὰς ἐν  
τοιαῖς ῥήμασι  
Γάλαξ. Α.  
ῥιζοτέλες  
ἀρχαί, ἢ  
principia.  
ἀξιώματα.  
dignita-  
τες, μαθη-  
ματικά, ἢ  
omnes  
homines  
ἔχουσιν  
καθ' ὅλον  
τὸ βίον.

cognoissance des lettres, quelque fa-  
 veur qu'il ait receüe du temperament.  
 Les meilleurs esprits sont steriles, sans  
 la diligence del'estude.

Aristote enseigne fort bien, à ce pro-  
 pos, que pour apprendre il est besoin de  
 trois choses, de bonne nature, de disci-  
 pline & d'exercice, φύσεως μαθήσεως ἀσκή-  
 σεως. Ciceron dit apres luy, *voluntate, stu-  
 dio, disciplinâ.* comme si la volonté estoit  
 plus necessaire que la nature. Plutarque  
 qui a mieux aimé suiure Aristote, croit  
 aussi trois choses estre necessaires, la na-  
 ture, la raison, & l'usage, φύσιν καὶ λόγον καὶ  
 ἔθος; car comme il s'interprete luy-mes-  
 me, par ces deux mots, (*raison & usage*)  
 il entend avec Aristote, la discipline &  
 l'exercice, μάθησιν ἔ' ἀσκησιν. Mais sur le  
 doute que l'on eust peu faire, tant pour  
 le regard des sciences, que des mœurs &  
 de la vertu; s'il importe plus d'estre bien  
 instruit, ou nay heureusement: 3 *Utrum Plinius*  
*efficacius bene institui aut foeliciter nasci:* *Panag.*  
 voicy ce qu'il répond pour conclusion, *ad. Tra-*  
 & qui peut servir de resolution à ceste *ian.*  
 dispute. C'est vn heur, 4 dit-il, d'auoir  
 la rencontre de ces trois ensemble; mais  
 pourtant, si quelqu'un pense que pour

n'estre pas bien nay, on ne puisse reparer ce defect par discipline, & par exercice à la vertu, cestuy-là doit sçauoir qu'il se trompe fort, ou plustost s'abuse du tout. Car comme la paresse corrompt & ancantit la bonté de la nature, l'estude & la diligence en corrigent l'imperfection & la malice.

*De l'affec-  
tion aux  
lettres, &  
du desir  
d'appren-  
dre.*

C'est vn grand auantage que d'auoir les bonnes graces de la nature, mais le desir d'apprendre est tellement necessaire, qu'il me semble que ie puis dire avec vn docte personnage, Qu'il ne faut point tant attribuer la difference des hommes, pour ce qui est de la science, à la varieté des esprits, comme à la diuersité des volonteiz. Tout homme est capable de sçauoir les sciences, pourueu qu'il s'y employe avec de l'affection. C'est elle qui nous rend faciles toutes sortes d'entreprises, qui leue l'amertume de l'estude, & qui nous rend les veilles plus agreables que le repos. Les hommes de lettres par son moyen, apres le soing qu'ils prennent au gouuernement de leurs familles, ou des affaires publiques, cherchent la tranquillité d'esprit dans leurs estudes, y trouuent le calme.

Et là

& là seulement ils pensent estre à cou-  
uert de la tempeste du monde.

Mais sur tout, il est besoin du trauail  
de l'estude, qui est la clef qui nous don-  
ne entree dans les sciēces. En vain nous  
serions bien nais, & affectionnez aux  
lettres,, si nous ne mettions peine de  
les apprendre. Il faut donc s'y em-  
ployer à bon escient, & non par bou-  
tades, & comme en passant. Car prin-  
cipalement, si nous, sommes d'vne  
mauuaise nature, nous perdons  
tout, si nous nous laissons au mi-  
lieu de la course. Puis qu'il faut estre  
sçauant, voire malgré la nature, il faut  
leuer ses empeschemens par vne estude  
obstinee, & entrer en la cognoissance  
des choses, en despit d'elle; comme  
Hannibal se fit passage dans les Alpes à  
force de vinaigre. *Perrupit Acherontā*

*Herculeus labor.*

Il faut que l'homme qui veut estre  
sçauant soit *όλοφρονός*; c'est à dire, qu'il  
se roidisse à l'estude, comme s'il n'e-  
stoit composé que de trauail; à l'exem-  
ple du coq, auquel les Grecs donnent  
l'epithete *όλοφρονός*, d'autant que pour  
chanter, il semble employer tout ce

qu'il a de corps, de forces & de courage. Il est vray, que c'est vne rude penitence à vn dur-esprit, de se forcer tant, pour corriger le vice de sa nature. Mais puis que Dieu nous vend toutes choses au prix de la peine que nous y prenons, & qu'il preste la main en nos traualx,<sup>s</sup> *facientes Deus adiuvat*: Puis que nous n'auons rien de plus precieux que la science & la vertu: Nous nous trahissons nous mesmes, si nous sommes paresseux d'acquérir vn tel butin, duquel on ne peut nous desrober la jouyssance.

<sup>s.</sup>  
M. Varo.

C'est ce que nous remonstrent tous les Sages, qui ont parlé de ceste matiere: Que pour goustier du nectar des sciences, & de la prudence, il faut boire du vinaigre de l'estude, & mager des racines ameres de la vertu. Que les Muses ne font point leur demeure au Parnasse, cōme disent les Poëtes, mais aux esprits de ceux qui s'adonnent fidelement à l'estude. Quand Euripide dit, que le traual est pere de la renommée, & Simonides que la vertu habite dans des rochers de difficile accès, *δυσβάτοις ὄρεσι πέτραις*; veulent-ils pas signifier par cela, que les habitudes de la science & de





que de permettre à l'ignorance de lo-  
ger chez nous, qui est, selon Platon, vne  
maladie, ou comme dit Seneque, la  
mort & la sepulture de l'homme viuât,  
*Viui hominis mors & sepultura?* Il est bon  
d'auoir égard aux natures particulieres  
des enfans, & que chacun prenne de la  
peine à proportion de ses forces; mais  
il n'arriue gueres, que ceux-là qui sont  
stupides naturellement, soient foibles

\* *Leg. pro-*  
uerb. πᾶ-  
ντα γὰρ  
ἐστὶν, &c.  
*La teste,*  
selon Pla-  
ton, est la  
plus sage;  
mais aussi  
la plus de-  
bile partie  
de l'homme.  
φρονιμω-  
τέα, πλεον-  
στάς. In Ti-  
mo.

& delicates. \* Car cōme l'action de l'in-  
tellect se debilité de la force du corps,  
elle deuient plus vigoureuse quand il  
est debile. S'il se trouue donc que quel-  
qu'un n'ait pas l'esprit clair naturelle-  
ment, mais confus & obscur, il peut se  
faire iour en estudiant, comme l'on fait  
du feu en vn fusil, par le battement de  
la pierre avec l'acier, & s'éclairer luy-  
mesme, avec la lampe d'Epietete, &  
l'huile de Demosthene.

Ce que l'Authheur oppose cōtre ceste  
verité; Que plusieurs apres beaucoup  
de peine & d'estude, n'ont pû rien ap-  
prendre, est vne pure moquerie. Car  
comme la terre la plus sterile est renduë  
fertile par la diligence du laboureur;  
les plus hebétez esprits se rendent capa;

bles de discipline, & habiles par l'exercice: *Et ipsi sibi natura sunt.* Ce qui aide bien souuent à la stupidité est, que le cerueau estant dur de consistance, ou trop froid & humide de temperament, & les esprits grossiers & tardifs, l'ame pareillement en est froide & tardiue en son action. Mais telles imperfections peuuent estre corrigees par la chaleur de l'estude, laquelle outre ce qu'elle dissipe l'humidité superflue du cerueau, rend aussi les esprits plus subtils & luisans, comme ceux des melancholiques. Ainsi Demosthene demeura vainqueur au combat qu'il eut contre la nature, *malignitatem eius pertinacissimo animi robore superando.* Car on dit que c'estoient comme deux Demosthenes, dont l'un estoit rude d'esprit, begue, mal habile, & qui appartenoit à la nature; l'autre sçauant, eloquent & grand Orateur des Atheniens, enfant de l'estude & de l'industrie. *Alterum Demosthenem natura, alterum industria enixa est.*

Au lieu donc de nous arrester à cette opinion del'Examen, tenõs pour constant, comme il n'y a rien si dur qui ne puisse estre amolli avec le temps; que

8.

Valer.

Max. cap.

7. lib. 3.

de-mesme il n'y a esprit si rude, si hebeté, si stupide, qui ne comprenne la science, s'il s'y adonne avec autant de ferueur, de volonté & d'exercice, comme il est requis. C'est le conseil que donne Hippocrate à ceux qui desirent apprendre la Medecine, φιλοπονίῃ ἐς ἁρόνον πέλῃ, vne estude opiniastre, & de lōgue haleine. Car au lieu que toutes autres choses se vendent à prix d'argent, pour acquerir les sciences, il ne faut que de la diligence & du temps. Sans nous soucier des retardemens de la nature, ayons soing seulement de bien employer le temps, qui est le plus precieux gage du monde, & qui doit estre dispensé avec plus de menage.

Nous auons plusieurs exemples de celebres personnages paruenus au sommet des sciences, par les moyens que nous auons declarez, combien qu'ils fussent d'une nature rebutée. Iamais hommen'a eu l'esprit plus stupide, & naturellement enclin au vice que Socrate, au luxe qu'Alcyphon, à l'ignorance que Xenocrates, Cleanthes, Ephorus, Aspasius; & neantmoins Socrate s'est rendu par l'estude vertueux & sça-

πῶς περὶ  
μὲν πᾶσι  
τοῖς ἀνθρώποις  
εἰς ὅτι πᾶσι  
οἷον ὁ δὲ  
πᾶσι δὲ χεῖ-  
ρον ἔχοντες  
λείπας οἷον  
παιδία.

*Metroclis  
dictum a-  
pud Laër-  
tium.*

nant, & le plus sage de tous les Philosophes du Paganisme. Cleanthes, que lon nommoit vn second Hercule, à raison de son trauail, estoit grossier extremement, & d'esprit tardif, & toutesfois il vainquit ceste stupidité, qui luy estoit naturelle, par l'assiduité de l'estude, *ἢν δὲ πενικὸς μὲν, ἀφυσικὸς δὲ καὶ*

*βραδύς ὑπερβαλλόντως.* Les trois autres de mesme, par veilles immoderées, ont eu l'honneur d'auoir esté des plus renommez Philosophes de leur siecle. Nous lisons le semblable d'Heraclidés le Sophiste, qu'il se rendit le plus sçauant de tous les Sophistes de son temps, contre le cours de sa nature, *μὴ συγχωρῶνς αὐτῷ τὴ φύσεως.* Il s'aquit cette reputation par son trauail, duquel il composa vn liure, avec cette inscription, *πόνος ἐγκώμιον*, la louange du trauail, corrigée depuis par Ptolomée, qui en osta la premiere lettre, *ένος ἐγκώμιον*, la louange de l'asne.

<sup>9.</sup>  
Diogenes  
Laërt. in  
Cleanthe.

<sup>10.</sup>  
Leg Philo-  
soff. lib. 2.  
de Virtus So-  
phistar.

L'Auther de l'Examen, qui auoit preu, que tels exemples contraires à ses maximes, ruinoient les fondemens de sa doctrine; pour se parer, respond, que tous ces Philosophes n'ont point

eu faute de nature, ou de bon temperament : mais que leur bon esprit ne s'estoit pas déclaré dès leur premier âge ; Et en cela encores il n'a point de raison : car s'ils auoient en leur ieune âge le temperament de la science, pourquoy deslors n'estoient-ils pas sçauans, selon les maximes ? S'ils ne l'auoient point encores, mais ils l'ont acquis depuis à force d'estude ; A quel propos soustient-il que ceux qui manquent de bon naturel sont incapables de toute discipline, quelque diligence qu'ils y apportent ? Il est tres-certain que leur bon esprit ne se monstroient point alors, & ne se fust iamais montré, s'ils ne l'eussent forcé par le trauail de l'estude.

La Poësie est vn Art, que l'on croit receuoir vn grand aide de la nature, & neantmoins plusieurs bien souuent qui n'y ont aucune inclination, de cholere seulement sont portez à faire des vers.

C'est que le courage a plus de force que la nature. *Si natura negat, facit indignatio*

*versum.* Plutarque dit le mesme de la Musique, qu'elle est enseignee par l'Amour à celuy qui l'ignoroit auparauât,

*Μουσικὴ δ' ἀγαθὸν ἔπος διδάσκει, καὶ ἀμύ-*

σοις ἢ τὸ πρῶτον. De là nous pouuons iuger, puis que la cholere & l'amour aident bien à acquerir ce qui nous est refusé par la nature; qu'une ardente affection, & vne longue estude peuuent auoir ce mesme priuilege de nous faire sçauans malgré elle, & la rendre souple & obeïssante aux commandemens de l'ame.

Ce qui aide encores à corriger les disgraces de la nature, est la nourriture & l'instruction bien reglee des enfans. Car, selon l'aduis de tous les Sages, la bonne conduite du maistre va du pair avec la nature, & bien souuent a plus de force, si le prouerbe doit auoir lieu, que nourriture passe nature, fondé peut estre sur l'exemple des deux chiens de Licurgus. Si le maistre sçait recognoistre les forces de son disciple, s'il a le iugement de l'instruire, & de le conduire, plus par methode que par force, & avec plus d'honneste liberté & de patience, que de contrainte, μετὰ παιδείας τε ἔνδοξής. S'il a la discretion de ne pas le charger de leçons & de preceptes; mais de luy en donner à la fois autant qu'il en peut comprendre, & de

De l'instruction  
Et de la  
nourriture  
des enfans.

Plato.

ne l'auancer point à vne seconde leçon,  
qu'il n'ait digéré & fait son profit de la  
premiere. S'il a la prudēce de luy don-  
ner du courage, prenant luy-mesme la  
moitié de la peine ( comme les meres  
qui machent à demy les nourritures  
qu'elles donnent à leurs petits ) & luy  
aider à cuire les difficultez, luy rendant  
les regles aisées, <sup>12</sup> par similitudes, &  
par exemples, & autres subtils moyens  
qui dependent de l'industrie des peda-  
gogues. S'il a l'inuention, quoy qu'il  
faille qu'un dur esprit supplée par le  
travail, à ce qui luy manque de la natu-  
re, de ne le tenir pas pourtant si estroi-  
tement lié à l'estude, de peur de luy en  
faire perdre le goust; & comme il voit  
qu'il s'y adonne avec de l'affection;  
combien qu'il commette des fautes,  
ne laisser en luy remontrant de le gra-  
tifier de louange & de bon visage, pour  
salaire de sa bonne volonté, à laquelle  
principalement il faut auoir l'œil; sans  
doubte le champ sterile ainsi cultivé  
produira du fruit avec le temps, pour-  
ueu, comme j'ay dit, que la volonté  
d'apprendre ne manque point au disci-  
ple, & qu'il ne soit point destourné par

*12.  
Robert  
Roy de  
Hierusalē,  
grosier d'e-  
sprit natu-  
rellement,  
eut un  
maistre  
qui luy es-  
meilla l'es-  
prit par la  
lecture des  
Fables  
d'Esop.*



mauuaifes conuerſations; car ce venin eſt ſuffiſant de corrompre meſmes les meilleures natures. Le diuin Platon dit contre l'examen, tres à propos ſur cette matiere; L'homme qui aura ſi bien rencontré, dit-il, que d'eſtre nay heureuſement, & bien inſtruit, deuen- dra vn tres-diuin & tres-gracieux animal. *ῥαίοτατον ἡμεράτατόν τε ζῶον.* Mais *Plato lib. 6. de leg. gib.* ſ'il a receu vne diſcipline mauuaife ou imparfaicte, il ſera tel, que la nature ne pourroit rien produire de plus farou- che. Pour cette occaſion il blaſme Cy- rus Roy des Perſes, d'auoir commis à des femmes & à des Eunuques, l'in- ſtruction & la nourriture de ſon fils Cambiſez.

Cela donc ſoit dit contre l'Exa- men, qui admet bien la diſcipline entre les conditions neceſſaires aux en- fans bien nais; mais non à ceux qui ont vn mauuais temperament. Il croit que tout écholier qui voudra vaincre ſa mauuaife nature, demeurera par elle vaincu & ſurmonté: Opinion du tout fauſſe, contraire à ce que nous auons prouué cy-deuant, par l'exemple de Demosthene & de pluſieurs autres, &

qu'il a conceuë en son cerueau, comme vne Minerue, *sine Iunone*, c'est à dire, sans raison, & sans apparence.

La victoire seroit aisee contre les mauuaises inclinations du temperament: mais outre ce qu'il est difficile de trouuer de bons precepteurs; le malheur est, que l'imprudence des parens bien souuēt apporte en cela plus d'empeschement, que tous les retardemens de la nature. Quelques-vns sont tellement fols de leurs enfans, que d'aimer mieux les voir faineants, & nourris à l'oisiueté, que de les occuper aux honnestes exercices des lettres & de la vertu. Ils craignent que la sujection de l'eschole n'apporte à leur santé quelque fascheux accident. Il s'en trouue d'autres perdus d'auarice; & comme l'on disoit des Atheniens, riches seulement du bout des doigts, qui apprehendent que l'instruction de leurs enfans, ne diminuë leur reuenue: A raison dequoy, ou ils les employent à choses basses, ou ils leur cherchent des Maistres de petite estoffe, pour en tirer meilleure composition. De maniere qu'ils ont en fin de compte, de la science, & de l'ignorance

bien cheres. Aristippus vn iour se mo-  
qua d'vn tel pere, assez plaisamment:  
car comme il luy demanda, quel prix il  
desiroit de luy pour enseigner son fils;  
cent escus, dit-il. Comment, dit le pe-  
re, ie pourrois de cette somme acheter  
vn bon esclau. Il est vray, repartit  
Aristippus, & en ce faisant tu auras  
deux esclaués, ton fils le premier, puis  
cestuy-là que tu auras acheté.

Tenons donc pour arresté, que com-  
me les mauuaisés natures peuuent estre  
amendees par instruction bien reglee,  
par bonne nourriture, & par vne arden-  
te affection aux bonnes lettres: de mes-  
me les bons esprits peuuent estre de-  
prauez & perdus par mauuaisés con-  
uersations, & par l'imprudence des pa-  
rens & des pedagogues. Le fils de Ci-  
ceron n'estoit point tant abandonné de  
la nature, qu'il ne retint quelque chose  
des bonnes habitudes de son pere: car  
il estoit facetieux comme luy, & assez  
eloquent; Nous auons certaines Epi-  
stres restées pour eschantillon de sa Mi-  
nerue. Mais il trouua dans la ville d'A-  
thenes de la ieunesse desbauchée, nom-  
mément Gorgias maistre de Rhetori-

14.  
*Lib. 16.  
Epist. Cic.  
ad famil.  
leg. Plut.  
in vita Ci-  
ceronis.*

que, qui mit encore le feu à ce qu'il auoit de mauuaife inclination; de sorte qu'il s'adonna à l'iurongnerie, dont il perdit la memoire qu'il auoit naturellement petite & debile. *Marco Tullio*, dit Seneque, *natura memoriam dempserat, & ebrietas, si quid ex ea supererat, subducebat.*

Afin de clorre & resoudre finalement cette dispute, il semble necessaire de respondre encores à quelques authoritez, non seulement d'Hippocrate, mais aussi d'Aristote, & d'autres, que l'Auteur pouuoit mettre en auant, pour compenser la debilité de ses raisons. Quand les Philosophes discourent de l'intellest, ils le descriuent comme la principale faculté de l'ame, & se contentent de l'appeller τὸ ἡγεμονικόν. Mais quand <sup>15.</sup> Hippocrate parle de la nature, & du pouuoir qu'elle a pour le fait des sciences, il semble passer outre, & luy attribuer la surintendance generale, ἡγεμονικώτατον ἀπάντων ἡ φύσις. De maniere qu'il dit ailleurs en suite de cela, que là où la nature seroit contraire, en vain on voudroit la forcer par toutes sortes de diligences, <sup>16.</sup> φύσις ἀντι-

<sup>15.</sup>  
lib. de de-  
centi or-  
natu.

<sup>16.</sup>  
Hippocr.  
in leg.

ἀπαρίσθους νέεα πάντα. De mesme Aristote apres Platon, dit fort à l'auantage de l'Examen, Qu'il peut arriuer que quelques vns seront tellement rudes, qu'il sera impossible de les ranger, ny aux bonnes lettres, ny aux bonnes mœurs, <sup>17.</sup> ἐς παιδείαν καὶ γινώσκαι ἀνά- <sup>cap. ultimo</sup>  
 δαίους ἀνδ' ἄρ' αὖ δυνάτων. A quoy rappor- <sup>lib. 5. Po-</sup>  
 tent encores certains prouerbes, qui <sup>litiaor,</sup>  
 ont cours entre le vulgaire.

Je respons, que selon Hippocrate (lequel en ces lieux alleguez entent parle mot de nature, non vn temperament, qui ne peut estre forcé, comme portel'Examen, mais vne certaine habileté naturelle, qui est requise pour exercer quelque Art avec de l'honneur, & de l'entregent,) trois choses sont necessaires pour ce suiet :  
 la Nature, la Doctrine, & l'Vsage. Par la Doctrine τῇ σοφίᾳ, l'usage est rendu bien-seant, & de bonne grace : Par l'Vsage, la science deuient vtile & profitable au public ; & ces deux σοφίᾳ καὶ τὸ ἡέσος, la Doctrine & l'Vsage, qui seroient separémēt inutiles & des-agreables, sont ioints & alliez ensemble par la Nature, qui est cette habileté natu-

relle, qui depend en partie de l'affection  
 que l'on a à la science, en partie de la bō-  
 ne conformation des parties de la teste,  
 nommément du cerueau, & de ses ven-  
 tricules, de la subtilité des esprits, & du  
 temperamēt. Hippocrate dit en suite,  
 que la nature se coule & se ioint avec la  
 doctrine, pour la cognoissance de tout  
 ce qui est fait par la nature. Or on ne  
 pourroit pas comprendre le sens de ces  
 paroles, si par ce mot [Nature] Hippo-  
 crate entendoit le temperament: elles  
 ne peuuent pas donc estre alleguees à  
 l'auantage de l'Examen. D'ailleurs, ce  
 seroit mesme contrel'intention de l'Au-  
 theur, veu qu'en la version de ce lieu  
 d'Hippocrate, au lieu de nature, il tour-  
 ne, *Ingenio*, en sa langue, en cette ma-  
 niere <sup>18</sup> *Si falta el ingenio*, dixe Hippo-  
 crate, todos los demas son diligencias perdi-  
 das: *quotos articos tison xévea pávta.*

<sup>18.</sup>  
*Exam. ch.*  
*2. 10. 6.*  
*2<sup>sp.</sup> Natu*  
*ra reluctā*  
*te irrita*  
*sunt em-*  
*nia.*

Pour faire voir plus clairement que  
 cela est l'aduis d'Hippocrate, & le sens  
 naturel de ses paroles, ie produiray vn  
 autre lieu de luy-mesme, qui seruira  
 beaucoup pour decision de ceste dis-  
 pute. <sup>19</sup> Selon que les voyes de l'ame,  
 dit-il, sont disposees par où elle passe,  
 les

<sup>19.</sup>  
*Hippocr.*  
*lib. 1. de*

les parties où elle s'adonne, & selon les  
 esprits auxquels elle se joint pour l'exer-  
 cice de ses facultez: les hommes sont  
 faits plus ou moins participans de pru-  
 dence: Au moyen dequoy; cela peut  
 estre changé par le regime; non toutes-  
 fois que l'ame, qui est vne nature inuisi-  
 ble, reçoive en cela aucune mutation.  
 Puis que ce qui dépend du tempera-  
 ment, & de la constitution des parties;  
 pour le regard de la prudence, peut estre  
 changé par la maniere de viure; selon  
 Hippocrate; N'est-ce pas vne grande  
 preuue, qu'il n'est pas impossible, selon  
 son aduis, de rendre capable de science  
 vn esprit qui en sera éloigné par la dis-  
 grace du temperament & de la nature?  
 On ne peut rien sans la nature: mais il  
 n'est pas impossible d'acquiescer ses bon-  
 nes graces par changement de regime,  
 de temperament, d'affection; & par le  
 traual de l'estude. Il est certain que la  
 nature est la base & le fondement de  
 tout: mais si elle manque; l'affection,  
 l'instruction & l'estude peuent engen-  
 drer en nous la science & la prudence:  
 & cela, comme l'on dit de la coustume;  
 peut estre appellé vne autre nature.

*dieta sub  
 finem. δι  
 ονομα α γ  
 γειας η λυ  
 χη αποκα  
 ρει, & απο  
 ενος πια  
 ατος πη  
 & ονομα π  
 οι καταμ  
 γειας, τια  
 τα φερει  
 σι. δι. 18  
 & γου α  
 δυατα, π  
 οια τα εν  
 δι. 18 με  
 ρις ατα.  
 φησιν γο  
 τα πια  
 α φαια, &  
 οιοι τε.*

Pour ce qui est d'Aristote sur ce sujet, & des propos communs qui ont cours entre le vulgaire, le tout consiste à expliquer le mot ἀδύνατον, qui ne doit en ce lieu estre prins à l'estroit, pour signifier, impossible : mais difficile, à l'imitation de Cicéron, <sup>20</sup> qui l'a ainsi interprété en la version de certain texte de Platon, & comme nous le voyons en usage dans les saintes lettres. Puis le Philosophe en ce lieu là, ne parle pas de la capacité des enfans, mais d'hommes formez, & du tout indoctes ; parce qu'ils sont dans les habitudes du vice & de l'ignorance. Il est difficile de les rendre capables de science & de vertu, parce qu'ils ont l'esprit ailleurs, & qu'il est mal-aisé de leur persuader d'en prendre la peine. Quelques autres Autheurs se sont seruis de ce passage mesme d'Aristote vn peu autrement, changeant le mot, ἀδύνατον, en ces deux autres, ὁρᾶν. Il n'est pas aisé, disent-ils, de changer vne mauuaise nature, φύσιν πορνικὴν μετὰ βλάβην ὁρᾶν. Cōme le lieu d'Hippocrate, qui semble donner tant de pouuoir à la nature, a esté encore changé par Sophocle, <sup>21</sup> πόνος τοι χρεὶς ὁδὸν

20.

Lib 2. de  
Guinerfia  
date.

21.

In clueta.



ἐν τῷ χᾶ. De sorte qu'il attribué à la peine ce qu'Hippocrate dit de la Nature. Il n'y a rien qui altere tant bien souuent la doctrine des bons Autheurs, que de se seruir nuëment de leurs paroles, & les interpreter à la rigueur de la lettre.

*Si chaque esprit est nay à vne certaine science. Les sciences ne sont point incompatibles.*

## CHAP. III.



PRES cela il fait suiure ceste autre proposition, Que chaque science demande son esprit particulier, & que c'est perdre le temps de vouloir embrasser vne profession, qui n'est point conforme à nostre nature. Il faut, dit-il, faire estudier l'enfant par force, à la science qui luy cōuient, & ne s'arrester pas à l'election qu'il en fait luy mesme; attendu que tous les Philosophes ont trouué cela necessaire par experiëce. Il se sert de l'exemple de Ga-

r.  
Hazer le  
apprendre  
el arte  
que le cō-  
uenia, yno  
dexarlo a  
su electiō.  
en la Prt.

*face &  
chap. 1. sur  
la fin.*

lien, qui s'adonna à la Medecine, suivant la reuelatiō que le demon en auoit faicte à son pere: & de Balde, qui quitta l'estude de la Medecine pour prendre la Iurisprudence, à laquelle il auoit d'auantage d'inclination. Il adioust, que  
 ,, Dieu distribuë ses graces aux hommes,  
 ,, selon qu'ils en sont capables; comme le  
 ,, Pere de famille les talens à ses seruiteurs  
*secundum propriam virtutem.* Il pouuoit

*apud La-  
ertium.*

dire encore avec Epicure, Que toute habitude de corps n'est pas propre pour faire vn homme sage, ny toute sorte de pays: ὅδ' μὲν ἐν πάσι σώματος ἕξεως σοφὸν γένεσθαι δ' ὅδ' ἐν πάντι ἔθνει. Et ce que l'on dit communément, que de tout bois on ne fait pas l'image de Mercure. Tout cela merite de passer encore par l'estamine.

Si chaque esprit n'estoit nay qu'à vne certaine science, ce defaut seroit ou de la part de l'ame, ou à raison des sciences qui sont, peut-estre, incompatibles, ou à cause du temperament, & des autres dispositions du corps. Que ce soit de la part de l'ame, il y a peu d'apparence, veu ce qu'il dit, que toutes ames raisonnables sont égales en perfection: car il

*Exam.  
chap. 2.  
Todas las  
animas*

s'ensuit de là, qu'elles sont toutes indifféremment capables ou incapables de toute science.

raisonna-  
bles de y-  
gal per-  
fection.

L'ame raisonnable est tellement capable de tout & indifférente à toutes sortes de cognoissances, que plusieurs Philosophes anciens ont creu qu'elle estoit constituée des principes de toutes choses, puis qu'elle a le pouuoir de comprendre tout ce qui est au monde.

L'ame  
raisonna-  
ble est ca-  
pable de  
toutes sci-  
ences, par-  
ticuliere-  
ment en  
chaq<sup>n</sup> vn  
homme.

L'entendement a pour obiet tout ce qui est, entant que vray, & pour ceste occasion il a esté nommé par Platon βασιλεὺς ὁ ἐν τῷ οὐρανῷ, le Roy du ciel & de la terre, à raison que son discours peut estre comme vn cercle de pareille estendue que le monde. Aristote dit, qu'il est aucunement tout, parce que tout ce qui est, peut entrer en sa cognoissance. On le compare à la premiere matiere, à raison que l'un & l'autre sont capables de toutes sortes de formes.

In Philo-  
so.

L'intellect, dit le mesme Philosophe, est semblable à la main: car comme la main est l'organe des organes, ὅργανον τῶν ὀργάνων, pour dire que la fabrique & l'usage de toutes sortes d'instruments luy appartiennent: De mesme l'intel-

Lib. 3. de  
anima.

# 38 *Examen de l'Examen*

*Probl. 1.  
sect. 30.*

lect est la forme des formes, ὁ ὧς εἶδος  
 καὶ εἶδον, parce qu'il est capable de  
 former toutes sortes de notions, & que  
 la science est l'instrument de l'intellect,  
 ὡς ὅργανον ὁρῶντων, lequel est l'instru-  
 ment de l'ame, comme la main est l'in-  
 strument du corps. Selon son aduis  
 donc l'intellect est capable de toutes  
 sciences, comme la main de toutes sor-  
 tes d'outils, & de toutes sortes d'ou-  
 urages.

La nature nous a donné trois admi-  
 rables parties, dont l'une est sans matie-  
 re, à sçauoir l'intellect; les deux autres  
 materielles, la langue & la main; &  
 à chaqu'une respond son effect particu-  
 lier, qui sont le discours, la parole &  
 l'ouurage. L'intellect, par le discours,  
 ainsi nommé pour ceste occasion, a le  
 priuilege de se pourmener par tout le  
 monde, d'arpenter la terre, de compas-  
 ser les elemens, d'entrer dans le ciel,  
 pour mesurer son estenduë, admirer ses  
 beautez, considerer ses mouuemens, &  
 en suite se former toutes sortes de  
 sciences. La langue comme messagere  
 deploye toutes les conceptions de l'a-  
 me, pour les communiquer, & faire en

tendre aux presents: pourquoy la voix à esté dicté par les Grecs *φωνή*, quasi *φῶς* & *ῥή*, la lumiere & la clairté de l'entendement. L'intellect n'a rien qui ne puisse estre énoncé par la parole. La main, qui est le peintre de l'ame & de la langue, peint la parole tant interieure qu'exterieure, pour estre signifiée aux absents: car comme vn Prince qui desire faire alliance en pais estranger, au lieu d'y aller en personne, se contente d'y enuoyer vn tableau, où naïvement sont representez tous les traits & toutes les lignes de son visage: de mesme, parce qu'il seroit impossible à l'homme d'estre present par tout, où il seroit besoin de faire entendre ses conceptions, la main luy a esté donnée pour la peinture des pensees & des paroles, afin qu'estant enfermées dans le papier, elles puissent estre declarees non seulement d'une extremité à l'autre du monde, mais encores à toute la posterité. Pourquoy l'on pourroit avec quelque raison estimer la main plus excellente que la langue, d'autant que outre ceste vertu qu'elle a de faire entendre aux presents & aux absens les conceptions de

l'ame, & mesmes qu'elle peut suppleer au defaut de la langue, elle est comme vn instrument qui peut façonner toutes sortes d'instrumens, sans lesquels nous menrions vne vie brutale & miserable. Aussi la nature a donné à l'homme seul l'usage des mains, qui seroient inutiles aux bestes, parce qu'elles sont priuees d'entendement & du benefice de la <sup>raison</sup> ~~main~~. La langue dit tout & la main fait tout, mais sous la conduite de l'intellect qui sçait tout. Les bestes ont bien quelque industrie naturelle de façonner certains ouurages avec le bec, les ongles, & autres parties: rien toutesfois à proportion de l'homme, cui sunt opifices manus & omni genere perfectionis artifices.

Ces trois donc, l'intellect, la langue & la main sont capables de tout, & n'y a rien qu'ils n'expedient, particulièrement en chaqu'un homme, si le temps le permet, & comme i'ay dit, l'on y apporte l'affection & la diligence. *Quidquid animo, quidquid manu, quidquid lingua admirabile est, ad summum laudis perducitur industria.* Galien doctement apres Aristote dit, que la raison est vn art qui

*Arnobius  
lib. 2. contra  
Gentes.*

*Valer.  
Max.*

*Lib. 1. de  
usu part.*

precede tous autres arts. Car comme la main, quoy qu'elle ne soit aucun instrument particulier, est dite neantmoins vn instrument anterieur de tous autres instrumens: Ainsi la faculté de raisonner, combien qu'elle ne soit aucun art ou science determinee, est toutesfois vn art qui a à sa suite tous les autres arts, *τεχνὴ πρὸ πάντων τεχνῶν*, parce qu'elle est capable de se former toutes sortes de sciences. Puis donc que le pouuoir de l'ame raisonnable & del' intellect est infiny, il n'y a point de raison à vouloir la restraindre; & dire, que les sciences doiuent estre ainsi logees par fourrier, & incompatiblement separees les vnes des autres, c'est trop ignorer son pouuoir, & l'estenduë de ses priuileges.

Ce qui fait croire encore, que la faculté del'entèdement n'est pas limitee, comme il s'imagine, est qu'il se delecte souuent à choses fausses, encore qu'il n'ait pour obiet que la verité. Pourquoy, ie vous prie, prenons nous plaisir à nous former en l'esprit ou voir en peinture des monstres, des chimeres, des cètaures & autres telles grotesques?

N'est-ce point que l'ame est bien aise de s'emanciper, & de franchir ses limites ordinaires, quoy qu'elles tiennent de l'infiny ? Tous les hommes ont naturellement en l'ame la cognoissance d'un Dieu : & neantmoins il est certain que plusieurs, par vne damnable liberté d'esprit, ont tenu échole de l'Atheisme, & pour prouuer qu'il n'y a point de Dieu, ont miserablement deployé toutes les forces de leur esprit. C'est que l'entendement apprehende tant d'estre enfermé dans certaines bornes, qu'il prend l'infiny à partie, & desire passer, mesme ce qui est infiny. Nous auons plus de contentement à voir en vn tableau d'un bon maistre, l'image de quelque chose peinte à perfection, que la chose mesme, à raison que nos esprits ne veulent estre obligez à rien. Et parce que l'art en cela, pour ce qui est du traiet du dehors, bien souuēt surpasse la nature, nous croyons auoir auancé d'autant nostre liberté. Ceste imperfection donc de n'estre capable que d'une science, ne pourroit pas estre referée à l'ame.

Il n'y a plus de raison à vouloir ac-



cufer les sciences, & iuger qu'elles de- Les sciences ne font point incompatibles.  
 mandent chaqu'une son esprit particu-  
 lier, à cause qu'elles sont incompati-  
 bles. Car si vn esprit grossier, & qui n'a  
 inclination à aucune, se rend bien ca-  
 pable de toutes, comme i'ay demon- Chap. 2.  
 stré nagueres: A plus fort raison celui  
 qui sera disposé naturellement à quel-  
 qu'une, trouuera moins de résistance,  
 quand il voudra s'adonner à la cognois-  
 sance des autres. L'experience ordina-  
 ire nous apprend, qu'elles nous entrent  
 mieux en l'esprit, en suite l'une de l'au-  
 tre, parce qu'elles sont comme liées en-  
 semble, & moins accomplies & plus  
 labiles estant seules, comme les Ima-  
 ges de Dedalus. Les Poëtes nous ensei-  
 gnent cela couuertement, quand ils di-  
 sent, que les Muses sont filles d'une  
 mesme mere, & qu'elles dansent toutes  
 ensemble leurs mains enlaccées les vnes  
 aux autres. Pourquoi elles sont dittes  
 par les Grecs Μῦσαι, quasi, ὁμοῦ ἀεί- Vetus scholiastes Hesiod. in Theogoniam.  
 ῶσαι ἑ μὴδέποτε ἀλλήλων χωρίζομεναι,  
 Parce qu'elles sont tousiours ensemble,  
 & ne se separent iamais; pour dire que  
 l'empeschement n'est point de leurs  
 part, si elles ne se trouuent point toutes

en toutes sortes d'esprits.

*Le tempe-  
rament ne  
peut redre  
les sciences  
incompati-  
bles. leg.  
infra chap.  
25.*

Reste donc le temperament, sur le-  
quel nous puissions reietter ceste in-  
compatibilité des sciences : mais de  
ceste part encore se presente tant de dif-  
ficultez, qu'il semble que cela soit im-  
possible. Si le temperament est cause  
que nous ne pouuons apprendre qu'v-  
ne science, d'où vient que plusieurs  
hommes d'vn mesme temperament  
sont veus exceller en diuerfes, & vn seul  
homme exercer heureusemēt plusieurs  
sortes de professions? Cela estant, com-  
me cy apres i'en apporteray des exem-  
ples, s'ensuit-il pas ou que ceste doctri-  
ne de l'Examē est fausse, ou qu'vn hom-  
me seul peut auoir plusieurs tempera-  
mens en mesme temps, & en vne mes-  
me partie?

*Y.  
Examen  
chap. 5.*

Il dît que les sciences qui appartienn-  
ent à la memoire demandent vn tem-  
perament humide; que le chaud con-  
uient mieux à celles de l'imaginatiue,  
le sec à celles de l'entendement; & par-  
ce qu'il n'est pas possible que la partie  
où s'acquierent les sciences, loge ces  
trois temperamens ensemble, qui sont  
contraires, il conclut, que chaqu'vn es-

prit necessairement est nay à vne certainescience. Voicy ce que i'oppose à ceste Philosophie. Si les sciences de la memoire dependent du temperament humide, les enfans qui abondent fort en humidité naturelle, selon <sup>2.</sup> Hippocrate, jouïroient incontinent qu'ils sont nais, des sciences qu'il dit appartenir à la memoire, pour exēple de la <sup>Lib. 1. de</sup> theorie du Droit & de la Grammaire: veu <sup>diet. leg.</sup> ce qu'il dit ailleurs, qu'un enfant à l'instant qu'il est nay pourroit discourir & <sup>Gall. 1. de</sup> Philosopher <sup>tēperam.</sup> sans l'auoir apprins, si en <sup>ὕπερτατα ἔ</sup> cēt âge là il auoit le temperament de <sup>ῥεγῶτατα</sup> l'intellect: Or cela ne s'estant iamais <sup>ὀνόματι ἔφυ-</sup> veu en la nature, contre toute raison <sup>τα τῆς γεν</sup> nous adiousterions foy à ses maximes. <sup>εἰσας. leg.</sup>

En vn lieu il tient qu'il est besoin de trois degrez de chaleur, pour estre bon Poëte; & ailleurs qu'il n'est pas impossible que toutes sortes de sciences longent en vn mesme cerueau; car il donne ce priuilege à ceux qui ont le meslange des quatre qualitez, reduites par la nature à vne égale proportion. Ces deux propositions contraires s'entrechoquent, & sont moins compatibles que plusieurs sciences contraires en vn

<sup>2.</sup>  
*Lib. 1. de*  
*diet. leg.*  
*Gall. 1. de*  
*tēperam.*  
*ὕπερτατα ἔ*  
*ῥεγῶτατα*  
*ὀνόματι ἔφυ-*  
*τα τῆς γεν*  
*εἰσας. leg.*  
*infra 36. 1*

<sup>3.</sup>  
*Exam. Fr.*  
*65. a. ch. 3.*

<sup>4.</sup>  
*Exam. ch.*  
*4. Franc. 2*

<sup>21. a. 26.</sup>  
<sup>a. 30. a.</sup>  
*Et chap. 13.*  
<sup>fo. 147. a.</sup>

mesme esprit. La Poësie qui requiert le temperament chaud au troisieme degre, ne peut pas estre logee dans vn cerueau temperé.

Si les sciences estoient ainsi engagees au temperament, il semble en suite que les mœurs deuroient auoir part à ceste obligation, selon ce qu'il enseigne, que la bile ou cholere brulée est vn instrument de ruse, d'industrie & de malice. Les qualitez elementaires n'ont point plus de pouuoir sur l'entendement que sur la volonté, qui sont comme deux principautez dans le royaume de l'ame. Puis donc qu'il confesse que les inclinations naturelles, pour le regard des mœurs, peuuent estre corrigees par la raison, il deuoit, pour ce qui est des arts & des sciences, estre de mesme aduis. Le luy proposeray dōc ceste questiō. Quand vne mauuaise inclination naturelle, & qui suit le temperament, est corrigée & changée en vn amendement notable du vice à la vertu, prenōs pour exemple la cōuersion de S. Paul, selō qu'il en discourt en son 7 examen; lequel des deux a esté la cause de ce mouuement, le temperament, ou la

*Exam. ch*

12. *Fr.* 119.

*Esq.* 201

a. 209 a.

Estacole-

ra reto-

stada in-

strumēto

de la So-

lencia, a-

stucia,

versucia,

y malicia.

6.

*Exam. ch*

13. *Fr.* 132

223. b.

7.

*Chap.* 10.

raison? S'il dit le temperament; ce n'est donc point la raison qui corrige, & par ce moyen il se contredit luy-mesme, & repugne aux paroles de S. Paul, qui ap-

Cap. 7.  
Epist. ad  
Rom.

pelle, *legem mentis*, ceste raison, laquelle avec la grace fut cause de sa conuersion. S'il donne cela à la raison, il sera contraint d'auouer le mesme, pour ce qui est des arts & des sciences, qu'elles peuvent estre acquises sans inclination naturelle, par l'estude selon les mouuemens de l'intellect & de la volonté. S'il entēd que ce soit la raison par le moyen du temperament; il s'abuse encore, car en ce changement de vie de l'Apostre, la raison, *lex mentis*, eut le dessus du temperament, qui estoit ceste autre loy, *quam Videbat in membris suis repugnantem*.

Il est certain que l'ame raisonnable, pour agir a besoing de l'aide des parties du corps, & du temperament, mais elle demeure tousiours principe de ses actions: De maniere qu'elle n'est pas capable d'aquerir telle ou telle science, parce qu'elle a des organes de diuers temperamens: Mais selon qu'elle les trouue disposez, elle en est seulement plus ou moins habile, prompte ou tardieue en son action.

Nous disons donc, que comme l'ame, pour le regard des mœurs, est susceptible de chāgement selon les mouuemens de la volonté; de mesme qu'elle est capable de plusieurs sciences en vn particulier, & que chaqu'vn peut forcer son esprit, s'adonnant à yne autre qu'à celle à laquelle il est enclin naturellement, soit qu'il y ait, ou non, mutation de qualitez en ses organes. Quand Polemō ieune homme vitieux & debauché, apres auoir entendu discourir le Philosophe Xenocrates de la tēperance, despoüilloit ses vestemens dissolus, & sa mauuaise vie, pour embrasser la vertu, estoit-il necessaire que ce chāgement de mœurs fust accōpagné d'vne mutation de tēperament? Falloit-il pour changer de maniere de viure, changer de nature, & entrer en vn tel remuēment autant de fois? On dit le semblable d'Alcibiades, incontinent qu'il approchoit de ses amoureux, qu'il deuenoit lasche & effeminé, & oublioit ce qui estoit de la prudence : mais comme il retournoit vers Socrate, que de mesme il fuioit les delices & les attraiçts de la volupté, comme vn fer qui deuient mol estant

ierty

ietté au feu, puis plongé en l'eau, se remet en l'estat de sa premiere nature.

Il semble bien qu'il y ait en cela quelque chose d'~~un~~ temperament, attendu que l'ame estant touchée par la presence de quelques objets agreables aux sens, ou par les discours d'hommes sages, & auxquels on a de la croyance, peut émouuoir les esprits & les humeurs, & en suite les affections. Mais le principe de ce mouvement est en l'ame, & peut bien estre que la raison, qui tient la bride des appetits, se laisse aller à leurs inclinations, ou s'oppose à leurs mouvements, sans mutation de temperament, lequel n'a pas assez de pouuoir pour forcer tousiours la volonté & la faculté de l'intellect.

Les enfans sont timides naturellement : à quelles qualitez voulons nous attribuer cét accident ? L'Examen dira, que c'est faute de chaleur ou de fermeté aux esprits : Mais quelqu'autre plus iudicieux, que c'est faute d'experience. Ils craignent, parce qu'ils s'imaginent du danger où il n'y en a point : au contraire des hommes yures, qui ne redoutent rien, à raison qu'ils manquent de confi-

deration , & n'ont pas l'esprit de iuger ce qui est perilleux. Tel defaut aux enfans peut estre corrigé par la raison, laquelle a le pouuoir de commander comme vne Reyne ; au contraire du temperament , qui obeît aux commandemens & suit les mouuemens de l'ame, comme la languette d'une balance, *quæ pondus non facit sed sequitur.*

Nous voyons des hommes naturellement de peu de courage , combien que leur inclination les dissuade de s'exposer au hazard , quand il est question d'entrer en duel, se refoudre neantmoins & se forcer contre leur mauuaise nature, à conseruer l'honneur au peril de la vie. Puis que telles actions se font malgré le temperament, à quel propos voudroit-on les rapporter au temperament ? Platon dit , que les Polices deregliées, & les mauuaises paroles nuisent beaucoup aux maladies de l'ame , & qu'elles peuvent estre gueries par bonne nourriture, par preceptes & discipline : *Ἀγ. τροφῆς δι' ἐπιτηδεύματων , ἔ μαθημάτων.* Tout cela est du gouvernement de la raison. Mais ce que dit ailleurs ce Philosophe semble apporter de la lumiere à nostre



dispute. Il n'y a point de discipline, dit-il, qui ait tant de force que la cognoissance des nombres pour la conduite d'une famille, pour le gouvernement d'une Republique, & pour toutes sortes d'arts. Elle resueille, dit-il, les esprits lourds, endormis & naturellement inhabiles aux sciences, & les rend subtils, dociles & de bon esprit: de sorte que par cet art diuin ils profitent notwithstanding leur mauuaise nature: *Ἐπὶ τῆς Lib. 5. de αἰσθητικῆς ἀφαιρέσει νοσησόντα & ἀμαθῆ φύ- legibus. σσει ἐγείρει, καὶ εὐμαθῆ & μνήμονα καὶ ἀσχυροῦ ἀσφραζεται ὥστε τιμὴ αὐτῷ φύσιν.*

Socrate disoit le mesme de la Geometrie, & ne donnoit entrée en son école à aucun disciple, s'il n'estoit initié à ceste sciēce. *ἀγαμέμντος ἐνθάδ' οὐδέ τις εἰσὶτω.* S'il est vray que ces disciplines seruent pour la cognoissance des autres: pourquoy voulons nous croire qu'elles sont incompatibles & que chaque esprit n'est capable que d'une? Pourquoy le tēperament auroit-il cēt auantage sur nos esprits, selon l'examen, puis que Platon en ce mesme lieu nous enseigne, que les loix & l'Arithmetique peuuent forcer le temperament & la na-

ture? Puis que nous sommes susceptibles de plusieurs temperamens successi-  
 uement, & le temperament, cōme il  
 dit, est cause de la diuerse capacité des  
 esprits, il s'ensuit que plusieurs sciences  
 ne sont point impossibles en vn mesme  
 esprit. Puisque chaqu'un, selon qu'il  
 chāge d'aage, change de temperament,  
 peut-il pas aussi auoir diuerse capacité  
 d'esprit, & changer d'arts & de sciences  
 à tour & ordre? On ne peut pas nier, se-  
 lon les maximes de l'examen, qu'un ie-  
 une homme, au mesme temps qu'il entre  
 en l'āge de consistence ne puisse changer  
 d'art, comme il change de complexion,  
 & en suite des sciences de la memoire  
 premierement acquises à raison de l'hu-  
 midité de son cerueau, il ne se rende ha-  
 bile aux sciences de l'entendement, si  
 l'āge & l'estude luy rendent ceste mes-  
 me partie de temperament sec, qui est,  
 comme il dit, le temperament de l'in-  
 tellect; voire sans perte des sciences de  
 la memoire; veu quel'on ente bien vne  
 greffe sur vn arbre, quoy qu'elle soit  
 d'vne autre espee.

Tout ainsi qu'en vn banquet, quel-  
 qu'un pour auoir le goust porté à vne

viande, qu'il iuge la meilleure, n'est pas exclus du pouuoir qu'il a de manger des autres, parce que son estomach peut estre indifferent à toutes, mesmes quād elles seroient de tout poinct contraires. Il semble aussi, combiē que nous ayons quelque particuliere inclination à vne science, que cela ne nous prue pas du moyen de comprendre les autres, quād bien il y auroit entr'elles de la contrariété. Au contraire la iouissance de l'une peut seruir de marche pour monter plus facilement à vne autre, cōme Platon dit de l'Arithmetique, parce qu'elle aura comme ouuert l'appetit, & que l'ame est indifferente à toutes, & les regarde toutes également.

Je confesse qu'il est bon de n'embrasser qu'une seule science, attendu qu'un esprit occupé à plusieurs, ne peut pas les comprendre avec tant de perfection. Mais la question n'est pas cela: car seulement ie débats icy contre l'Examen, que l'habileté naturelle que quelqu'un auroit à vne, selon ses maximes, ne luy osteroit point le pouuoir de paruenir à vne autre, & faire choix de celle qu'il aura plus en affection. Per.

sonne ne remet en doute que l'élection ne soit vn iugement que fait l'ame d'une chose qui luy plaist, & qu'elle desire entre les autres, en intention de s'en servir. Or en ceste action la volonté concurre avec l'intellect: car le iugement est de l'intellect, qui represente l'espece de la chose à la volonté, laquelle puis apres y apporte le desir d'en jouir, & de s'en servir; & en tout cela nous ne pouvons dire avec raison, que le temperament ait tant de force, qu'il puisse empêcher ces deux facultez, qui sont immatérielles. Pour exemple, il m'a prins icy vne volonté, & vn desir de disputer contre le temperament; A laquelle des quatre qualitez premieres voudroit rapporter celal'Autheur de l'Examen. Quelqu'un en âge de pouvoir choisir vne profession pour s'y employer le reste de sa vie, mesprisera toute sorte d'exercice, pour estre foullon ou joueur de gobelets; A quelles habitudes du corps pourroient appartenir ces inclinations? Tel homme qui sera nay aux Alpes, descendra à Venise pour se faire gondolier; & vn autre qui aura Venise pour son pays, quittera les exercices de la

mer, pour se rendre escuyer à Rome ou à Naples, Ces particulieres affections dependent de la liberté de l'ame, selon le iugement qu'elle fait de l'vtilité ou inutilité des choses. A quoy aussi elle peut estre confirmée par vsage, & par conuersation. L'election de l'ame, dit Theodoret, dispose & donne vne premiere inclination à cecy ou à cela; mais l'vsage & la conuersation confirment & en impriment vne plus ferme habitude. Comme la volôté est libre de vouloir tout ce qui luy plaist, entant que bon, l'intellect est capable de sçauoir tout ce qui est vray, sans l'aide du temperament, sinon par accident, entant qu'il est necessaire aux facultez des sens, qui sont ses seruantes.

Si l'on oppose, que la volonté pour agir ne regarde que l'intellect, mais que l'intellect ne peut faire sa fonction, sans se tourner vers l'imaginatiue, qui est vne faculté materielle, & qui depend en partie du temperament; partant que cela l'oblige à vne certaine science. Je responds, que ceste consequence est sans raison & de nulle valeur, veu que l'estomach, comme nous auons dit, quoy

I.  
Lib. de vi-  
ta actiua,  
10<sup>o</sup> & γνά-  
μης ἀνθε-  
γερον τῇ δὲ  
πέπειν ἢ ἐκ-  
εῖν ὅσα-  
σκέα ζῆ, ἢ  
δ' ὁμιλία  
ἢ 10<sup>o</sup> ἐτος  
ισχυεῖν ἢ  
ἐξιν ἐργα-  
ζέσθαι.

qu'il n'ait qu'un temperament, ne laisse pas d'appeter diuerses viandes, & de les digerer toutes, nōmément estant prises en diuers repas, comme les sciences apprinses par ordre, & l'une apres l'autre. Cela dōc doit estre tenu pour constant, puis qu'il n'y a rien qui empesche ny de la part de l'ame, ny des sciences, ny des qualitez contraires : & neantmoins, quoy qu'il soit bien loüable d'en sçauoir plusieurs, qu'il est plus vtile de s'adonner du tout à celle que nous aurons choisie pour profiter au public.

*Il est loüable, selon  
Aristote,  
d'aimer en  
chaque un,  
& neant-  
moins il  
faut se con-  
tenter d'un  
intime  
amy.*

*1.  
Exam. en  
la Preface.*

*2.  
lib. 8. de  
legib.*

Ainsi, combien qu'il y ait du contentement à voir plusieurs villes, il est expedient neantmoins de demeurer en vne.

Quant aux lieux qu'il allegue, pour donner couleur à son opinion, il me semble qu'ils ne font rien ny contre nous, ny pour le soustien de sa cause.

<sup>1</sup> Il dit qu'il est impossible, selon le diuin Platon, de sçauoir deux arts parfaitement, sans manquer en l'un d'iceux. Il se trompe. Platon ne dit point qu'il est impossible de sçauoir, mais d'exercer, <sup>2</sup> δύο τεχνάς ἀκριβῶς ἀπαρνεῖται. Il ordonne là des arts mechaniques, & des artisans d'une Republique : de sor-

re qu'il deffend qu'un mesme ouvrier  
exerce plusieurs sortes de metiers, à rai-  
son qu'il est impossible non de les ap-  
prendre, mais de les exercer à perfe-  
ction, parce que la main s'adonnant à  
vn, bien souuent est renduë inhabile à  
l'exercice de l'autre. Mais pour le re-  
gard des sciences & des arts, que l'on  
nomme liberaux, il n'en va pas ainsi:  
d'autant que l'intellect, qui est la main  
immaterielle de l'ame immaterielle,  
par l'apprentissage d'une est rendu plus  
capable de comprendre les autres. Pla-  
ton est de cét aduis: car ailleurs il ensei-  
gne qu'il est vtile, & nullement nuisible  
desçauoir toutes sortes de sciences, &  
que la Dialectique est necessaire pour la  
cognoissance des autres. + τὰς τέχνας  
πάσας ἀβλαβὲς τε καὶ ὠφελίμων ὅστις αὖτε. *In Phil.*  
Il se sert donc inutilement de l'autho-  
rité de Platon. *60.*

Galien<sup>1</sup>, dit-il, estudia en Mede-  
cine, parce que son pere fut aduerti par  
vn demon de le pousser à ceste profes-  
sion, à raison qu'il auoit vn esprit vni-  
que pour apprendre ceste science. Il est  
vray qu'à l'âge de dix-sept ans, il com-  
mença à s'adonner à la Medecine, son

*Exam. en  
la prefac.  
Faut lire  
Galien lib.  
de ord. lib.  
9. lib. 9.  
de Meth.*

pere en ayant eu quelque auertissement par songes, τὸ πατρὸς ὀνείρου ἐνέργειον ὡς ἀπέντος. Mais ceste consequence ne vaut rien : le pere de Galien persuadé par vn songe, ou par vn demon, a fait estudier son fils à la Medecine. Ergo il n'estoit capable que de la Medecine. Si par l'iniure du tēps nous n'auions point perdu cent quatre vingts treize liures qu'il auoit écrits de toutes sortes de sciences, il seroit difficile de iuger s'il les sçauoit toutes également ; veu que par ce qui nous reste de ses œuvres, le surplus ayāt esté brulé avec les bibliothèques de Rome, nous doutons encore s'il a esté meilleur Medecin que Philosophe.

De son temps la Medecine mal menée, à raison de plusieurs partis qui la rendoient obscure, & pleine de confusion, auoit besoin d'un homme universel tel que luy, qui sceust appaiser les differens par la viuacité de son esprit, & destruire les opinions dereiglées des Medecins sectaires du tēps, par la bonté de son iugement. Il semble qu'il se soit donné à ceste profession par prouidence diuine, non que son temperament



n'eust que cela de portée, ou que son esprit, pour paroistre, eust besoing de vaquer à cela seulement, selon son inclination : mais parce que l'art de la Medecine demandoit lors vn homme comme luy, qui fust ἀγχινοος, μνήμων & φιλόπονος, c'est à dire, d'esprit vif & subtil, pour oppugner leurs raisons : De bonne memoire, pour sçauoir & retenir toutes leurs opinions, comme il auoit l'honneur de les cognoistre toutes mieux qu'aucun autre de son tēps : Et studieux, pour remettre par son travail & par ses écrits la Medecine en son premier lustre, & faire reuiure la doctrine du venerable vieillard Hippocrate.

Il adioust, que Balde estudia premierement en Medecine, mais qu'il s'adonna depuis à la Iurisprudence, à raison qu'il n'auoit point l'esprit propre à ce premier exercice. Il fust, dit-il, demeuré vn Medecin vulgaire, & sans credit, au lieu qu'il s'est monstre vne grande lumiere en l'autre science. Il y auroit grand subiet de douter si ce qu'il dit est veritable de ce Iurisconsulte. Car Paul Ioue dit bien, que par son

*Paul. Iou.  
an doctōrū  
Giror. elog.  
Nā ā Pa-  
tre Medico  
celebris pri-  
usquā in  
ciuile at-  
tingeret,  
Dialectica  
præceptū  
haud me-  
diocriter  
imbutus  
fuerat.*

pere qui estoit vn celebre Medecin, il auoit esté initié à la Dialectique deuant qu'il se portast au Droit Ciuil: mais qu'il ait estudié à la Medecine, rien du tout. Et neantmoins tres-volontiers ie souscrits à ce qu'il en rap- porte, voyant bien que cela ne suffit pas, pour prouuer que Balde ait esté incapable de la Medecine. Il peut auoir quitté ce genre d'estude, non par incapacité de temperament, mais peut-estre pour quelques autres considerations que nous ne sçauons point. Il voyoit la Iurisprudence en credit dans la ville de Peruse lieu de sa naissance, & plusieurs hommes illustres en honneur par ce moyen, comme Bartole qui fut son precepteur, Paul de Castre, & autres; pourquoy, par l'aduis de son pere, il peut auoir fait choix de ceste profession.

Dieu, dit-il. distribué ses graces selon la vertu d'un chaqu'un. Je veux encore cela avec luy, mais ie nie que ceste vertu soit vne habileté naturelle & à vne seule chose; & laquelle nous soyons obligez de suivre necessairement. Nostre ame seroit trop captiue d'estre ainsi

attachée à la nature, comme Prométhée au Caucase. Il diroit volontiers, comme Galien croit, que Dieu ne peut rien que selon la disposition des matieres, Que l'ame aussi en vn chaqu'un ne peut estre capable que d'une science, puis que le cerueau aux dispositions duquel elle est obligee, ne peut auoir qu'un temperament, & que c'est perdre temps de vouloir forcer ceste inclination, comme de vouloir avec violence empescher le coulant d'une riuere, selon S. Basile, *2. βιάζειται πῶς ποῦ ποταμὸς*. Mais de ces deux opinions, celle de Galien, comme du tout fausse, est de long temps reiectée & bannie de l'opinion commune des hommes : car Dieu peut & fait tout ce qui luy plaist, sans matiere, ou avec matiere : De sorte qu'il peut ou de fange, ou de rien former vn homme ; & ces deux sortes de productions luy sont également possibles, parce qu'estant Dieu, le plus & le moins ne logent point dans sa puissance infinie. L'autre opinion de S. Basile est douteuse : d'autant que l'ame raisonnable, combien qu'elle se serue des dispositions du corps comme d'instrumens,

2.  
Epistol. ad  
Eudoxum  
Rhetor.

ne laisse pas d'auoir la liberté de changer d'inclination, ainsi qu'un ouurier peut de la main, ou d'un seul instrumēt faire des ouurages de diuerses formes & de diuerses matieres, parce que l'outil est indifferent à toutes, & que l'intention de l'ouurier est le principe du mouuement.

Tout ainsi donc que Dieu, quoy que pour se seruir de nous, bien souuent ne nous force point en nos conditions, ou acquises, ou naturelles; comme font foy les exemples de Hieremie, qui begayoit en parlāt, & d'Esaie qui estoit éloquent, ausquels outre cela il ne laisse pas d'inspirer ses graces, le don de Prophetie, & la cognoissance du futur aduenemēt du Messie. Ainsi l'ame, quoy que souuent elle suiue les inclinations des facultez des sens & de la nature, cela n'epesche pas qu'elle ne demeure libre de faire choix de telle professiō qui luy plaira, comme nous auons amplement discoursu cy-deuant. Et cela doit seruir de respōse à ce qu'il allegue de Ciceron, Qu'il ne faut point forcer la nature: Car chaqu'un est bien d'aduis, qu'il faut suiure plustost le choix que fait un en-

fant d'un art ou d'une Science, selon qu'il y est porté naturellement, que de l'employer à une autre contre sa volonté, d'autant que l'affection facilite l'apprentissage. Mais quand bien son temperament le porteroit à embrasser une vacation, ou inutile, ou deshonneste, & peu convenable à sa personne: Nous disons, qu'il peut changer ceste mauvaïse nature.

Il dit ailleurs, qu'il faut faire estudier l'enfant par force à la science qui luy est propre, & ne permettre pas qu'il en face luy-mesme l'election. Cela est abuser de son bel esprit, & de la patience du Lecteur : car si le choix qu'il en fait est fondé sur l'inclination qu'il y a, & l'inclination sur le temperament : on ne pourra pas le forcer à une autre science, sans faire force aux maximes de l'Examen.

Le temperament n'est point la Nature qui fait l'homme sçauant.  
De l'inegalité des ames.

# CHAP. IV.

i.  
En la Preface de  
l'Examen,  
Chap. 2.



L dit, i que ce que l'on appelle Nature, n'est autre chose que le temperament; mais que cela n'a esté en-

Leg. Arist.  
Probl. 1.

sect. 30.

Que el temperamento de las quatro calidades primeras (calor, frialdad, humedad, y sequedad) se hade llamar naturaliza.

Espag. pag. 29. 35.

3.  
Finalmente todo lo que escriue Galeno

core expliqué particulièrement para uant luy. Il se trompe par tout, & pour le condamner, il ne faut point d'autre iuge que luy-mesme. Il est tesmoing au chap. 2. de son Examen, que selon Aristote, la Nature est le temperament des quatre premieres qualitez, chaud, froid, sec & humide, parce que de ceste nature procedent toutes les habiletez de l'homme. Il est difficile de couvrir ceste contradiction de quelque pretexte. En ce mesme lieu il confesse que Galien est de cet aduis, en son liure De animi moribus, sur lequel il dit auoir fondé son Examen. Il n'est pas besoing d'autre tesmoignage pour le conuaincre.

cre. Il adiousté, que Galien n'a pas en su li-  
 touché particulièrement les différentes bro, es el  
 habiletez d'vn chaqu'vn, ny quelles fondamē-  
 sciences leur appartiennent. Mais cet- to desta  
 te fuite ne le sauue pas: car si Galien a mi obra.  
 negligé de declarer cela particuliere Exam. ch.  
 ment, pource, comme ie croy, qu'il n'y 2. Espagn.  
 trouuoit pas assez de raison, plusieurs fol. 31. b.  
 autres apres luy, & auant l'Examen, ont  
 assez clairement & amplement discou-  
 ru de ce subiect, pour faire perdre à  
 l'Auther la vanité & l'opinion que  
 l'inuention luy en appartient.

○ Fracastor traictant de ceste matiere,  
 dit, que la Philosophie depend de l'in-  
 tellect; lequel à son siege au moyé ven-  
 tricule du cerueau, & en cela que l'hu-  
 meur melancholique a du pouuoir; &  
 il poursuit de mesme pour le regard  
 des autres sciences. *Mathematici*, dit-il,  
*imaginatione plurimum pollent. & ea parte*  
*que in interiore cerebro est, quare & cali-*  
*da illam habent.* Ioannes Francisc. Picus  
 en son liure de l'Imagination, dit assez  
 sur ce propos, pour exciter vn esprit  
 mediocre à rechercher ce que l'Au-  
 theur de l'Examen dit auoir inuenté,  
 avec autant d'ostentation que s'il di-

45  
 Lib. 2. de  
 intellect.

soit vray. Mais qu'itons tout cela pour passer à ce qui nous meinc.

Le temperament n'est point la Nature qui fait l'homme sçauant; & neantmoins i'excuserois cela, si ce qu'il bastit sur ce mauuais fondement estoit stable pour quelque apparence de verité. Il y a du plaisir à considerer les demonstrations certaines, que font quelques Astrologues des Phenomenes, par des principes qui sont faux en la nature & veritables en la science. Car il me semble qu'il n'y a rien qui face parestre dauantage la diuinité de l'esprit de l'homme, que ce pouuoir qu'il a de penetrer avec violence dans les secrets cachez de la nature; & de paruenir à la verité par le mensonge; comme ceux qui sont poussez à bien faire par le vice, & par ce moyē se remettent au train de la vertu.

Quand il s'agit des choses obscures & grandement difficiles, nommément en matiere de lettres humaines, il ne faut pas tant s'enquerir si les hypotheses, qui seruent de fondement, sont vrayes ou fausses, pourueu qu'elles nous menent fidellement à vne science



certaine. Pourquoy ie pardonnerois de bon courage à nostre Autheur Espagnol la faulxeté de ses principes, si par ce moyen nous venions à l'effect de ses promesses. S'il nous pouuoit conduire à vne pratique certaine de ce qu'il dit, il n'importeroit pas par quelles raisons, ny par quels destours & subtilité d'esprit, ny par quelle methode. Mais tout son liure est en si mauuais estat, qu'il n'en faut rien esperer que du desordre. Il prend assez de peine à se donner la loüange de ceste inuention imaginaire: mais en vain, comme ces souffleurs & tireurs de quinte-essence, qui cherchent ce qu'ils ne trouueront iamais.

Ie ne m'arresteray point à disputer contre luy des dictions, n'estant point mon humeur de laisser les choses pour m'amuser aux paroles, comme ces amoureux qui quitterent Penelope, pour faire l'amour à ses seruantes. Ie veux bien que la Nature & le Temperament soient vne mesme chose, mais i'insiste seulement sur ce qu'il dit, que le temperament est le principe de toutes les operations de l'ame raison-

*Principio  
de todas*

la: obras nable, que c'est ce qui fait les hommes  
de el ani- ſçauans, & qui est cause de la diuerſité  
ma ratio- des esprits.  
nal. chap. 2

*Eſpag pag.* L'homme, dit il, ſelon la variété  
*30. Fr. 14. b.* des âges, montre diuerſes ſortes d'eſ-  
prit; Or cela ne peut eſtre attribué à  
l'ame, laquelle eſt touſiours vne en  
chaqu'un homme, & d'une meſme ſor-  
te. C'eſt donc le temperament qui eſt  
cause de la difference des eſprits. Il ſe  
trompe. Il dit ailleurs, que <sup>2</sup> pluſieurs  
autres conditions ſont à garder, non  
moins neceſſaires que l'habileté du  
temperament: il ne deuoit pas donc luy  
donner le tout en conſequence de l'é-  
galité des ames, comme ſi outre cela il  
n'y auoit rien de remarquable en la na-  
ture de l'hōme. Je feray voir cy apres,  
que la belle confirmation des parties  
du corps, la pureté & ſubtilité des eſ-  
prits, le Ciel & l'eſtude peuuent plus  
pour aider à nous rendre differemment  
ſçauans, que les qualitez elementaires.

Il adioute, que ſelon la maniere de  
viure, & la difference des regions, les

*De la dif-* eſprits des hommes ſont differens; à  
*ference des* raiſon de la variété des temperamens;  
*eſprits ſelo*  
*la diuerſi-* Il y a en cela quelque apparence de ve-

rité. Mais ce passage est trop épineux <sup>té des re-</sup> pour passer légèrement par-dessus. Il <sup>gions.</sup> est certain, que selon les climats les hommes sont differens pour ce qui est des mœurs, des inclinations, & des esprits; & neantmoins, on ne pourroit pas me persuader que le seul temperament en soit la cause, sans ruiner paravant toutes mes deffenses, par vne batterie de raisons plus fortes que la mienne. Prenons pour exemple le país de la Grece, par maniere d'exercice.

Ceste region a esté long temps la retraite des Muses, & le climat des bons esprits; faut-il rapporter cela au temperament, comme il semble que ce soit l'opinion de Platon? Ce diuin Philosophe dit, Que la region Attique est fertile en bons esprits; & que la bonne temperature des saisons en est la cause, *τῆς ὁπῶν εὐκρασίας* : & les Platoniciens sont en grande dispute sur ceste opinion de leur maître. Panætius rapporte cela à vne iuste moderation de l'air, entre le chaud & le froid. Longinus est de contraire avis, veu que ceste region est subiette aux grandes gelees, & aux extremes

*In Timæo*

chaleurs. Pourquoy il soustient, que ceste propriété d'estre seconde en bons esprits, depēd de la qualité du lieu conjointe avec autres que l'on ne cognoist point. Porphyre n'approuue point ceste opinion de Longinus, parce qu'il tient que la propre cause de l'esprit est corporelle. Origene croit que cela viēt de l'influence du ciel, & non du temperament. Mais Proclus glose encore sur ce iugement d'Origene, à raison qu'il ne dit pas assez. Il adioust l'ame du Monde, & autres particularitez qui seroient de longue deduction. Ceste variété d'opinions montre assez la difficulté de la question, & n'est pas croyable que tant de notables Philosophes de la Grece eussent manqué de publier le pouuoir du temperament, s'ils l'eussent iugé soluable pour satisfaire à tout, & porter le faix de tant de doutes qui se trouuent sur ceste dispute.

Il est vray que Platon au lieu allegué, refere cela au temperament : mais ailleurs, pour auoir reconnu qu'il y a quelque chose de plus, apres auoir fait mention des vents, des eaux & des nourritures, il adioust ce qui ensuit. Mais ce

qui est, dit il, vne très-grande cause; pourquoy les contrees d'une region sont differentes, est vne certaine inspiration diuine, & les departemens des demons, *ἡ εἰς τὴν ὁμοιοτητα, καὶ διαίρεσιν τῶν λήξεων*. Voicy donc ce que i'oppose à l'Examen. *Lib. 5. de legib.*

Si le bon air, & le bon temperament ont esté cause de tant de bons esprits qui ont florý en la Grece; pourquoy la Boeotie, qui faisoit partie de ceste region, ne produisoit-elle que des esprits lourds & grossiers, selon les prouerbes qui nous en sont demeurez? Pourquoy la cité d'Athenes jouïssoit-elle des bonnes graces du temperament plus tost que la ville de Thebes? la distance des lieux estoit-elle si grande, & les situations si differentes; pour causer des temperamens si diuers, & des conditions si esloignées? Nous ne lisons point que ce pays de la Boeotie ait produit beaucoup d'hommes illustres, outre Hercules, Pindare, Epaminōdas, Plutarque & le docte Poëte Hesiode, lequel a dit neantmoins, que les Muses font leur demeure ordinaire sur l'Helicon, montagne de ceste mesme prouince, pour

i.  
Vetus  
Scholiastes  
Hesiodi in  
Theogonia

nous faire entendre qu'elles logent où il leur plaist, *φοιτῶσιν ἐνθα βέλονται*, sans auoir égard ny à la sterilité des regions, ny au mauuais air, ny au temperament. Si quelqu'un dit avec Plutarque, que les Atheniens reprochoient aux habitans de la Bocotie, qu'ils estoient lourds & grossiers d'esprit, parce qu'ils mangéoiert trop, & que l'air est grossier en ce pays-là. Partant que cela doit estre rapporté au temperament. Cela n'est rien dit: Car pourquoy à present la ville d'Athenes est-elle pleine d'ignorance, & tellement despoüillée de son lustre, qu'il ne luy reste rien de son ancienne gentillesse?

Les sciences comme les hommes sont venuës premierement de l'Orient. Les Hebreux les ont portees en Egypte & en la Iudée: de là elles ont passé en la Grece, puis en Italie, laquelle après par le commerce de la ville de Rome, qui a esté & est encore l'œil de la terre, & le chef de la Monarchie spirituelle, a instruit & ciuilité tout le reste du monde. Le moyen de dechiffrer tout cela, & de rendre raison de ceste migration des sciences par le seul temperament? Il

faut prendre visée de plus loing, si nous voulons n'estre point trompez en nos raisons.

La ville de Paris n'est point située en vn climat temperé, & neantmoins elle est de long temps riche de tât de beaux esprits, pour ce qui est des arts, des sciences, & de toutes sortes d'exercices, qu'à peine trouueroit-on rien de pareil au reste de la terre. Telles eminences peuuent estre referees à deux causes, au ciel, & à l'affiète des villes & des prouinces. Il y a grande apparence que les Astres, & non les hommes, sont les premiers fondateurs des villes,

*Astra condunt vrbes non homines.* Appellons cela des destins ou autrement : Mais ie croy que Dieu donne des Anges tutelaires à chaque royaume, & à chaque ville, pour en auoir non seulement la direction & la conduite, mais aussi pour leur estre distribuees ses graces comme il luy plaist, & pour des raisons que nous ne sçauons point.

C'est du bien fait de ceste souueraine cause, que la ville de Rome a estendu si loing les limites de son Empire, Qu'elle fut preseruée de la ruine, com-

1.  
*Inll. Scalliger de  
Subtil. in  
Card. Exa  
260.*

me par miracle, lors que le grand Guerrier de Carthage, estant proche des portes, au lieu de s'en rendre maistre, fit sonner la retraicte. De ceste part le grand Constantin fut inspiré de transférer le siege de l'Empire en Constantinople, pour faire place à l'Euesque de Rome, & à la Monarchie spirituelle de ceste grande ville, qui ne finira qu'avec le Monde. Vegece l'appelle *Vrbem æternam*, apres Virgile, qui dit, *Imperium sine fine*. Hierusalem a esté grandement renommée pour la pieté, Rome pour les armes, Athenes pour les lettres: ie ne croy point que ces faueurs puissent avec raison estre rapportees aux qualitez elementaires.

Outre la consideration du ciel, nous auons la belle situation des villes pour la conuersation & pour le commerce. Athenes ville maritime, auoit pour ce regard cet auantage sur la ville de Thebes, de pouuoir communiquer par le moyen de la mer avec les estrangers, nommément avec les Iuifs & les Egyptiens. Ils conféroient & trafiquoient avec eux, & auoient les hommes doctes en telle estime, que leur merite



estoit tousiours suiuy de la recompense. C'est ce qui enflamme les cœurs, & incite les plus rudes esprits à embrasser ce qui est de l'estude & de la vertu.

Aristote, dit-il, au Probleme premier de la trêtiesme section, appelle le tēperament Nature, à raison que de ce principe procede toute l'habileté des hommes. C'est se seruir mal à propos du texte de ce Philosophe: car combien qu'il die quelque chose qui approche de cela au discours qu'il fait de l'humeur melancholique, & mesmes au Probleme premier de la quatorzieme section, où il declare ouuertement que le temperament exquis est vtile pour auoir bon esprit, & que l'excès de chaleur ou de froidure blesse le temperament de l'esprit; ὁ ἀγροῖας κρῖσις, il ne dit pas que le temperament soit la nature. Au contraire, s'il eust bien examiné le texte d'Aristote, il eust trouué qu'il appelle nature vne certaine puissance, de laquelle nous tenons tout ce qui est nay avec nous: comme il appert par ce qu'il enseigne au 5. de la 30. sect. Que nous auons vn intellect du don de la Nature, duquel nous nous seruons

1.  
 Probl. 5.  
 sect. 30.  
 ο θεος ο ε-  
 γων εν ε-  
 αυτῳ ημῶν  
 δεδωκε δι' α-

comme d'un instrument, ἡ δὲ φύσις τοῦ σώματος ἐν ἡμῖν ὡς ὅργανον ὑπάρχων. Et par ceste Nature il entend Dieu : car en ce mesme lieu il dit, Que Dieu nous a donné deux instrumens, la main pour le corps, & l'entendement pour l'ame. Or s'il opiniastre qu'Aristote en ce lieu, par le mot de Nature, entend le temperament, il faut en suite de deux choses l'une, ou que le Philosophe ait creu que le temperament est la cause efficiente de l'intellect, ou que Dieu, le temperament & la nature ne sont qu'une mesme chose : Opinions neantmoins du tout contraires à la doctrine d'Aristote, comme nous pouvons iuger par la lecture du Probleme allegué dans l'Examen. En ce lieu là il discourt du temperament melancholique, duquel il constituë deux especes, vne acquise par la nourriture & maniere de viure ordinaire, ἀπὸ τῆς κατὰ ἡμέραν τροφῆς : l'autre naturelle, qu'il nomme κατὰ φύσιν ἐν τῇ φύσει, quand quelqu'un est melancholique naturellement. Que voudroit dire Aristote par ces mots, κατὰ φύσιν ἐν φύσει, temperament en nature, ou de nature, s'il auoit creu que le temperament fust

la nature? Mais c'est trop s'arrester sur la diction ; l'Examen m'a forcé à cela contre ma promesse. Passons à l'intelligence des choses.

Je tiens pour vray , que le temperament a beaucoup de pouuoir pour la diuersité des esprits, & les paroles d'Aristote ont assez de force pour me tenir dans ceste opinion. Mais ie suis de contraire aduis avec l'Authcur del'Examē, parce qu'il n'est pas bien d'accord avec luy-mesme : Il dit en vn lieu , que le tēperament est la nature qui fait l'homme sçauant ; & ailleurs, que plusieurs autres conditions sont à garder, non moins necessaires que l'habileté du temperament. Je suis entierement de son party, en ce qu'il dit avec Aristote, Que le temperament aide à faire les hommes sçauans : mais ie luy manque de garantie, quand avec Galien il veut obliger au temperament toutes les actions de l'ame.

Pour le dessein qu'il a entrepris d'enseigner la diuerse capacité des esprits, & de montrer à quelle science vn chaqu'vn est dedié du bienfait de sa nature, il estoit necessaire qu'il donnast tout

pouuoir au temperament. Mais comme il a recognu que ceste doctrine estoit defectueuse, il a esté contrainct de faire mention aussi des autres dispositions du corps; toutesfois legerement & comme en passant, de peur de diminuer d'autant l'embonpoint du temperament. Au lieu d'oc de s'estendre également sur le tout, & de donner des marques particulieres de tout, & à toutes occasions, quād il discourt au fond de son liure des facultez de l'ame, des parties du cerueau, & du logement des sciences, il ne fait mention que du temperament. La cause de cela est, qu'il s'est amusé & abusé miserablement à la doctrine de Galien, lequel s'est trompé aussi, pour auoir suiny l'opinion de Parmenides & d'Empedocles, Que l'homme est doiué d'esprit selon qu'il a les parties du corps bien ou mal temperées. *ὡς γὰρ ἕκαστος ἔχει κράτιν μελέων πολυχρόμων, τοῖς νόοις ἀνθρώποισι παρέσται.* Mais tant s'en faut que ceste opinion ait lieu, qu'elle a esté reprobée par les plus doctes. *Scio Galenum, dit Mercurial, impium & irreligiosum in ea heresi fuisse, ut crederet animam nostram*

<sup>1.</sup>  
Cap. 12.  
Lib. 2. *Var.*  
lect.

mortalem esse ac temperamentum corporis sequi. Iules Scaliger en parle en la mesme maniere. <sup>2.</sup> *Non quod anima*, dit-il, *sequatur corpus, ut pessimè sentit Galenus.* L'ame compatit aux dispositions du corps, & le corps respectiuellement aux mouuemens de l'ame ; & neantmoins on ne peut pas dire avec raison, combien que le bon temperament serue à auoir bon esprit, qu'il puisse produire naturellement en l'ame l'habitude de la vertu ou de la science. Quoy qu'il y ait, il est impossible de demonstrier la difference & diuerse capacité des esprits par la seule diuersité des temperamens ; attendu que plusieurs autres causes de nécessité concurrent à ce mesme effect.

*De subtil.  
in Card.  
exer. 265.*

La belle conformation des parties du corps, notamment du cerueau, est plus nécessaire pour auoir bon esprit, que le tēperament. Car cōme il ne suffit pas qu'une fluste pour rendre vn son gracieux & agreable à l'oreille, soit faite d'un bois bien sec, mais il faut aussi qu'elle soit bien percée, bien tournée, bien polie: de mesme ce n'est pas assez pour auoir l'esprit bon, que le cerueau soit de bonne trempe: Il faut outre ce-

*De la belle  
conforma-  
tion des  
parties du  
corps.*

la que les nerfs soient bien formez, les membranes bien tissües, les veines & les arteres bien percées, & les autres cauitez qui seruent aux mouuemens de l'ame, <sup>1</sup> δι' ὧν ἡ ψυχὴ πορεύεται. Il me

<sup>1.</sup>  
*Hippocra-  
tes lib. 1. de  
diata.*

<sup>2.</sup>  
*Probl. 6.  
sect. 30.*

ἔστι γὰρ τὸ  
μὲν ὁ ἐξα-  
γοὶ ὁ ἐστὶν  
μὴ. τὸ γὰρ  
ὅτι χρεῖται  
μὴ καὶ α-  
ὐτοὶ αὐτοὶ  
ἀλλήλῃ.

semble que ie puis vser de ceste compa-  
raison; puis qu'Aristote <sup>2</sup> compare biē  
l'entendement à vn flusteur, & la scien-  
ce à vne fluste. Si le temperament estoit  
seul la cause des operations de l'ame,  
elle pourroit exercer ses facultez en  
chaqu'vne partie du corps, où il y au-  
roit affinité de temperamēt avec celuy  
du cerueau. Or les mammelles des fem-  
mes semblent auoir vn mesme tempe-  
rament, attendu qu'elles sont glandu-  
les, blanches, molles, froides & humi-  
des, & moins chaudes de chaleur pro-  
pre, que de chaleur influente comme le  
cerueau: elles seroient donc capables  
de rendre ce bon office, & de seruir  
comme d'vne seconde boutique aux  
principales facultez de l'ame raison-  
nable.

Puisque l'vsage des facultez peut  
estre perdu en vn instant, par la reple-  
tion seule des pores du cerueau en l'a-  
poplexie, y restant le temperamēt tout

entier

entier & nullement offensé ; c'est vn grand argument, que la structure loüable des parties est nécessaire. Pourquoy l'on dit vulgairement des hommes de bon esprit, qu'ils ont la teste bien faite. S'ils opposent que la belle conformation du cerueau est en suite du bon temperament ; cy-apres ie leur prouueray le contraire ; & s'ils ont de l'esprit, ie leur leueray ceste opinion de l'esprit. La cōformation des parties du cerueau estant blessée seule ; l'ame peut estre troublée en ses principales fonctions ; elles ne sont donc point puremēt similaires, & sous l'obeissance seulement des quatre premieres qualitez. Mais aussi veu que par l'intemperie seule, la structure des parties restante en son entier, l'ame peut estre empeschée en son action, comme en la frenesie ; il y a grāde apparence qu'elles ne sont point entièrement organiques, mais en partie organiques ; en partie similaires, que la cause de la difference des esprits n'appartient pas à la seule température du cerueau ; & partant qu'il la qualifie à tort du nom de nature.

Si quelqu'un estoit si bien nay, que

d'auoir la substance du cerueau deliée, bien formée, & d'une bonne trempe; les cellules bien faictes, les autres conduits bien percez, ies esprits prompts modérément, subtils & point cōfus ou meslez de mauuaises vapeurs, ie ne doute point que cestui-là n'eust vn grand auantage pour l'apprentissage des sciences. Et neantmoins sur ce que nous voyons des esprits bien faits & tres-habiles aux sciences, n'y estre aucunement portez de volonté, & les auoir en horreur: A quoy voulons nous rapporter cela, sinon à quelque cause supérieure, ou autre que le temperament & la conformation? Il y a pour ce subiet tant de pieces, tant de detours, tant de diuers empeschemens, que cela me remet en memoire les atomes de Democrite.

Tel pourra auoir les bonnes graces de la Nature, pour toutes sortes de dispositions du corps, qui toutesfois ne succedera pas heureusement, ou faute de bonne instruction, ou pour estre detourné par mauuaises conuersations, ou pour demeurer en vn pais où les lettres n'ont point de credit, ou pour



quelque autre raison. De sorte que sur ceste consideration deux pensees me sont venuës en l'esprit. Vne, qu'il faudroit tenir pour vn miracle, si quelqu'un naissoit avec le bon-heur d'auoir routes choses à plomb, pour ce qui est de l'ame & del'esprit, des sciences & de la vertu. L'autre, Que l'Autheur de l'Examen, au lieu d'auoir si heureusement rencontré, semble manquer de iugement, quand il veut faire marcher tant de particularitez sous la banniere du temperament, & il se glorifie d'estre inuenteur de ceste belle pratique. Ce que nous appellons bon esprit, est bien vne habileté naturelle. Mais de dire qu'elle depend du temperament seul, c'est manquer d'habileté & de nature, & de ce bon temperament de delà les monts.

Aristote dit, que le monde inferieur est gouuerné par le superieur. S. Thomas apres luy, croit que le ciel imprime ses vertus icy bas. Les Astrologues plus particulierement enseignent, que Mercure & Saturne sont comme les Dieux tutelaires des sciences, à raison que Mercure donne la viuacité de l'esprit,

pour la recherche des choses. Pourquoy Iulian l' Apostat auoit de coustume à l'heure de minuit de faire des prieres à ceste Planete. Et que Saturne nous retient & nous fait perseuerer en la poursuite de ce que nous cherchons, faculté que l'on attribüe à l'humeur melancholique, laquelle encore ils disent estre sous la conduite de Saturne. Pour moy ie suis de moitié seulement avec ceux-cy, & croy que le ciel a le pouuoir de peindre nos humeurs, nos courages & nos affectiōs d'une infinité de couleurs, & causer vne bonne partie de la difference des esprits: mais que nous en ignorons la raison, d'autant qu'il y a dans ce cinquiesme corps simple, tant de secrets, de mouuemens & de detours qui nous sont cachez, que nous demeurons muets, quand il est question de respondre à mille doutes quel'on propose sur ce suiet. D'ailleurs aussi, de dire que telles influences obligent necessairement, ou que nous ne puissions sans les faueurs du ciel deuenir sçauans; C'est l'autre moitié de leur opinion, à laquelle ie n'adiouste foy que sous bons gages.

Ce qui a plus de pouuoir, pour la *De l'ine-*  
 difference des esprits, est, à mon aduis, *galité des*  
 l'inegalité des ames : car quoy que die *ames.*  
 l'Auth eur de l'Examen, elles peuuent  
 estre iugees inegales, si l'on ne rend  
 point d'autres causes de la difference  
 des esprits, que ce qu'il rapporte de la  
 varieté des temperamens & autres dis-  
 positions du corps, comme i'en donne-  
 ray des preuues & des raisons, qui pour-  
 ront estre iugees de poix au conseil des  
 sages. Il semble qu'il n'y a point assez  
 d'estêduë d'une extremité à l'autre des  
 temperamens, c'est à dire, depuis le  
 meilleur iusques au pire, pour pouuoir  
 comprendre toutes les differences des  
 esprits, qui se trouuent depuis le sou-  
 uerain degré, qui est proche de la natu-  
 re Angelique, iusques au dernier que  
 nous voyons peu esloigné de la bruta-  
 lité. Il se trouue des hommes, dit Ari-  
 stote, qui different peu des bestes bru-  
 tes. *ἡ ἀνθρώπων ἐνίοι θηρίων ὡς ἔπος*  
*ἐστίν.*

*1.  
 cap. 7. lib.  
 5. Politic.*

Pour me rendre plus intelligible,  
 l'Auth eur de l'Examen dit, que le plus  
 exquis temperament pour les sciences,  
 est vne chaleur modérée, & sans excès

2.  
 Chap. 2.  
 Esp. 37. a.  
 F. 18. a.

des autres qualitez , *2 moderado calor y sin exceso de las demas calidades* , & quele pire est le froid & humide; parce, dit-il, que ces deux qualitez sont fort preindiciables à l'esprit. Or le iuste temperament ne peut produire que des esprits mediocres à proportion, si ceste maxime est veritable, que nul effect n'est plus noble que sa principale cause. A quelle autre cause donc rapporterons nous ces esprits sublimes, que nous voyons eleuez au dessus des mediocres? S'il dit, qu'ils appartiennent au temperament chaud, au second ou troisieme degre, lequel peut echauffer l'imaginatiue, & en suite donner à l'intellect vne action plus prompte pour la recherche, & pour l'invention de toutes choses. Le responds que cela seroit contre ses principes, dautant que ceste sorte de temperament ne regarde, come il dit, que les sciéces del'imaginatiue, lesquelles il tient incōpatibles avec celles de l'intellect. Les esprits qui sōt sous la conduite de ce temperament, ont trop de promptitude pour s'arrester come il est requis, à la recherche de ce qu'ils pretendent. Ils sont plus propres à remuer

des disputes & des controuerses dans les écoles, qu'à resoudre des poincts de grande consequence, ou establis des maximes infaillibles, pour mettre fin à des contentions qui ne meurent point, & à des affaires épineuses, & de longue estude. *Ignæ illa ingenia nouandis quam gerendis rebus aptiora sunt.*

Si l'Authéur de l'Examen vouloit encoire contester que l'ame fait ses plus belles actions dans la iuste température des quatre qualitez, parce qu'estant ainsi reduites sous la reigle, l'entendement ne reçoit plus d'empeschement de leurs contrarietez. Cela seroit encoire contre sa doctrine : car il auoueroit par ce moyen que l'ame opere mieux, & est plus libre en son action, lors qu'elle est comme desliée des prisons du corps, & du temperament; & que celuy qui est égal, & en vn corps plus subtil, profite le plus, parce qu'il nuit le moins. Puis donc que nous voyons plusieurs excellens esprits passer ceste mediocrité, iusques à s'esleuer quasi au dessus de ce qui est de l'homme, nous ne pouuons referer ceste inégalité d'esprits, qu'à l'inégalité des ames. Le ciel

& les astres peuuent biē imprimer quelques vertus particulieres en nos esprits, mais cela a beaucoup moins de force que ceste grace que nous receuons de la premiere cause, & l'assistance que nous auons du bon Ange dès le commencement de nostre vie, pour rendre nos ames plus ou moins parfaites.

*Leg. Plato  
in Timæo.*

Platon, auquel ont esté cachez les mysteres de la vraye Religion, s'est contenté de dire, que Dieu a rangé nos ames sous le gouuernement de pareil nombre d'estoiles: διὰ τὰς ἑκατὰ ἰσασθ. μὲν τοὺς ἀστροὺς. Il eust dit dauantage, si comme nous il eust esté éclairé de la lumiere de l'Euangile. Mais s'ensuit-il pas de là, que comme les astres & les estoiles ne sont pas en égalité de perfection: de mesme les ames raisonnables sont parfaites inégalement. L'opinion de Platon peut auoir esté, que les plus belles ames sont sous le regime des sept Planetes, & les autres sous la conduite d'autres estoiles, selon leur rang & à propottion de ce qu'elles sont. Et que les parties du corps, & les dispositions qui doiuent seruir aux facultez de l'ame, dès le commencement de la

vie sont appropriées selon le degré de  
 la perfection de l'ame, & non au con-  
 traire. Pourquoy ie m'esbahy que Ga-  
 lien est de ce mesme aduis, veu qu'il  
 refere les actions de l'ame au tempera-  
 ment. Ses paroles sont dignes d'estre  
 notées. L'homme n'est pas tres-sage,  
 dit-il, parce qu'il a l'usage des mains,  
 comme disoit Anaxagoras, mais les  
 mains luy ont esté données à raison  
 qu'il a esté créé le plus sage entre les  
 animaux, selon Aristote; ἀλλ' ὅτι σοφώ-  
 τατοι ἡ ἀγγέλων χεῖρας ἔσχευ, ὡς  
 Αἰστωτέλης φησὶν, pour dire, que le  
 temperament & les autres dispositions  
 du corps suivent le dessein de Dieu &  
 de la nature, & non au contraire.

I.  
 cap. 3. lib.  
 I. de usum  
 part.

D'ailleurs nous voyons grand nom-  
 bre d'hommes auoir le cerueau de bon-  
 ne trempe & la teste bien faicte, selon  
 qu'il apparroist par les signes de la san-  
 té, par les marques du dehors & autres  
 coniectures, & neantmoins entre tous  
 ceux-là, il s'en trouuera peu qui excel-  
 lent pour ce qui est des sciences & du  
 bon esprit. Si nous auions tous les ce-  
 lebres personnages, qui ont tenu les  
 premiers rangs dans la republique des

lettres, depuis le monde fait iusques à ces derniers temps, ie croy qu'ils ne suffiroient pas pour peupler vne petite cité. Moyse, Homere, Hesiodé, Salomon, Pythagoras, Pindare, Sophocle, Herodote, Anaxagoras, Democrite, Hippocrate, Socrate, Platon, Euclide, Euripide, Xenophon, Aristote, Demosthene, Varron, Ciceron, Virgile, Tite-liue, Senecque, Iosephe, Pline, Plutarque, Origene, Arnobius, S. Basile, S. Ambroise, S. Hierosme, S. Augustin, Auicenne, Rhafis, Auerrois, S. Thomas, Io. Duns, Io. Picus. Il a falu au ciel & à la nature plus de trente siècles pour produire ce petit nombre de miracles. La diuine prouidence en a esté cause, qui a voulu qu'il y eust peu d'esprits ainsi éleuez, dautant qu'ils sont plus propres à commander qu'à obeir, comme il est necessaire qu'il y ait moins de Roys que de subiects.

Les meilleures complexions, pour ce qui regarde les esprits, peuuent estre frequentes, où au contraire nous voyõs des inuentions de choses singulieres, trouuees par des hommes d'un esprit particulier, & qui ne l'eussent iamais



esté par autres ; à raison que tous les premiers inuenteurs ont eu ie ne sçay quelle vinacité d'esprit, qui leur estoit vnique, & qui ne peut estre attribuée au temperament. Je ne doute point que le hazard ne nous en ait appris vne bonne partie, comme l'on dit, de l'inuention de fondre le fer, *post Ida montis incendium*, apres le mont Ida bruslé fortuitement. Mais plusieurs aussi ont esté descouuertes par vne force d'esprit, lesquelles depuis ayant esté perduës, n'ont peu estre, & ne seront iamais remises par aucun de la posterité. Galien a eu opinion qu'Hipocrate a sceu la raison des Iours critiques, & toutesfois depuis luy, il ne nous reste en cela que de l'ignorance. Anciennement en la Grece, ils auoient vne certaine preparation d'hellebore, qui leur en rendoit l'vsage plus familier, laquelle ayant esté perduë, ne peut estre retrouuee par l'industrie des hommes. Quelqu'un de la ville de Bourges inuenta le moyen de faire du verre, qui ne pouuoit estre penetré des rayons du Soleil. Il a denié ce secret à la posterité, impossible d'estre remis en vsage, parce qu'il semble qu'en

Aristote  
cap. 1. lib  
1. Politic.

l'inegalité des ames raisonnables il y a des proprietéz & des faueurs particulieres, qui ne sont qu'un pour vn, <sup>ev. w. g. s.</sup> <sup>ev.</sup> Si celuy qui a inuenté le papier, qui est vn tres-admirable artifice, & des plus necessaires dans le commerce des hommes fust mort avec son inuention, c'eust esté vne perte irreparable à iamais, quoy que la nature eust desployé tout ce qu'elle a de temperamens & de complexions. L'ame de cestuy-là auoit pour cet effect ie ne sçay quoy de singulier, qui n'auoit esté, & ne se fust iamais rencontré en aucun autre.

Il n'y a point d'inconuenient à soutenir ceste inegalité des ames, attendu que plusieurs doctes Theologiens tiennent la mesme opinion pour le regard des Anges: A sçauoir que Dieu, selon qu'ils sont plus ou moins éleuez en dignité, leur distribué ses graces. Si les Anges qui ne sont tous ensemble qu'une mesme espee, different en perfection, dès le premier temps de leur creation; les ames raisonnables, qui sont à peu près de semblable nature, *Imminut & paulominus ab Angelis*, peuuent auoir ce mesme priuilege, veu que le

plus & le moins en matiere de telles proprietez & preeminēces, ne peuuent pas causer vne difference specifique. Lesames donc comme les Anges, peuuent auoir naturellement, c'est à dire, dès le premier point de leur estre, diuers degrez de perfection, *καίτοι οὕτως* *Ἀλφωερ* : & croy que les plus eleuees ont tant d'auantage sur les autres, qu'elles peuuent operer, jointes avec le corps, plus parfaictement, voire quand elles auroient rencontré vn pire temperament, & moins proportionné au degré de leur perfection. Ainsi vn expert artisan fera mieux vn oeuvre de son mestier avec de mauuais outils, qu'un autre qui sera moins habile avec des instruments bien faits, & accomplis de tout point.

Ceste verité de l'inegalité des ames a esté suiui & approuuee par tant de signalez personnages, que Cajetan se moque de l'aveuglement de ceux-là, qui croient que S. Thomas n'a pas esté de cet aduis. De maniere que l'Authcur de l'Examen est à blasmer, non tant neantmoins pour auoir tenu le party contraire, que pour ne l'auoir pas fortifié de raisons, puis que de ceste pre-

miere base dependoit tout le soutien de sa cause, & l'establissement de son liure.

Le temperament donc n'est point la Nature qui fait l'homme sçauant : car la belle conformation des parties du corps, le ciel & l'inegalité des ames, peuuent plus que le temperamēt, pour la difference des esprits. La faculté qui forme nos corps, lors de nostre generation, a pour principal instrument la chaleur du ciel ; car celle qui est des elements agit sous elle, tient lieu comme de matiere, & ne se trouue là qu'en qualité de seruant : & cela est cause que plusieurs doutes sont meus sur ce sujet de la diuerse capacité des esprits, difficiles à resoudre, parce que nous ne cognoissons pas bien les thresors cachez de ce cinquiesme element. Il est certain neantmoins, quand quelqu'un n'auroit qu'un esprit de mediocre condition, & un temperamēt moins louable, & le ciel au commencement de sa vie, l'auroit regardé de mauuais oeil, Qu'il peut suppleer à tous ces defauts, par vne grande affection qu'il aura à la science, & par la chaleur de l'estude.

Adiouſtons à cela la diſcipline, qui a  
preſque autant de force que la Nature,  
ſelō Theodoret, *φύσις καὶ διδασκαλία τῶν* *Libro de*  
*διδασκαλία* : Quand le ciel, la nature, & *natura &*  
les elemens nous tournent le dos, nous *mundo, ex*  
pouuons par ces trois moyens eſtre *Democrito*  
Mercures & Saturnes à nous-meſmes. *leg. infra,*  
*pag. 61.*

*Si le bon temperament nous peut  
rendre ſçauans ſans inſtruction,  
& en vn inſtant.*

## CHAP. V.

**L'**AVTHEVR de l'Examen  
tient encore pour vn des  
fondemens de ſa doctrine,  
Qu'vn enfant qui auroit  
rencontré vn temperament froid & ſec,  
qui ſont, dit-il, les qualitez de l'enten-  
dement & de la prudence, pourroit en  
meſme tēps diſcourir & philoſopher,  
mieux que s'il l'auoit appris aux écho-  
les: *Meio que ſi en las eſcuelas lo viera* *Exam. ch.*  
*apprendido* : Mais parce que la Nature ne *4. Eſp. 50.*  
*a. Franc.*  
peut donner ces qualitez à l'enfant, ſi- *26. a.*

non peu à peu, & avec le temps, l'homme aussi ne peut acquérir la science, si non avec le temps. Voila beaucoup de fautes en peu de paroles, & neantmoins avec plus de malice que d'ignorance.

Son dessein estoit de soustenir, Que les sciences dependent du temperamēt; mais comme il a descouvert qu'en suite de ceste affirmatiue l'on peut inferer qu'un enfant nouveau nay pourroit estre sçauant en vn moment; notamment aux sciences qu'il dit appartenir à l'imaginatiue & à la memoire, attendu qu'en cet âge là dominēt la chaleur & l'humidité naturelles, sur lesquelles il fonde ces deux facultez. Pour se liberer de ceste obiectiō, au lieu de continuer son discours sur les tēperamens, les facultez & les sciences en general: Il ne fait mention bien apparente que du temperament de l'intellect, & de ce qu'il en dit en particulier; il veut tirer le general des autres facultez en consequence, cauteleusement & contre les loix de la Dialectique, en ceste maniere. L'enfant pourroit discourir & philosopher incontinent qu'il est nay, s'il auoit le temperament froid & sec, qui sont

*Leg. supra*  
*pag. 28.*

sont les qualitez de l'entendement. Mais cela estant impossible, sinon peu à peu & avec le temps, il ne peut aussi estre sçauant que peu à peu & avec le tēps. *Va adquiriendo poco a poco la sabiduria.* Puisque selon son examen, ceux qui ont le temperament chaud & humide, qui sont les qualitez de l'imaginatiue & de la memoire, doiuent auoir bonne imaginatiue & bonne memoire, pourquoy ne dit il point ouuertement, que les enfans qui naissent ainsi temperez, doiuent en mesme temps estre habiles aux sciences de ces deux facultez, pour exemple, à la cognoissance des langues, & à faire des horloges, comme il en discourt ailleurs? c'est qu'il seroit contrainct d'aduouier la presence de l'effect, qui sont les sciences, s'il accordoit la presence de la cause qui est le temperament. Son liure seroit condamné sur le champ, la verité estant reconnuë, que nul enfant n'a les sciences qu'il croit appartenir à la memoire, combien qu'ils ayent tous le temperament qu'il dit estre propre pour la memoire.

Si quelqu vn respond pour l'examen, que les enfans avec ce bon tempera-

Ex. 10. 6.  
Esf. fr. 26.  
a.

Ex. Chap  
8. pag. 74  
a. fr.

ment ont la memoire bonne en puissance & non actuellement, à raison, qu'elle ne peut encore rien retenir, puis qu'elle n'a rien appris. Cela n'est rien à propos de l'examen, selon lequel la présence des qualitez doit rendre les sciences actuellement presentes. Il eust faict vn mesme soustien pour le temperament de l'intellect, que les enfans en leur premier âge ne pourroient pas discourir, & philosopher quoy qu'ils eussent le temperament de l'entendement, parceque les sens ne luy auroient porté encore aucunes especes, & qu'il seroit alors comme vn nouveau soldat qui n'a ny armes, ny preceptes, ny experience. Mais c'eust esté contre l'intention de ses maximes, ~~veu que~~ ce qu'il dit ailleurs que les enfans des vieillards, pour estre engendrez de semence froide & seiche, peu de iours apres qu'ils sont nés commencent à discourir & philosopher, ne ce souuenant pas de ce qu'il dit icy, que ce temperament des enfans est impossible à la nature. L'on n'a iamais veu aucun autheur plus prompt à donner des arrests & plus hardy à se contredire. Comment pourrons nous iuger, si vn

i.  
Los niños  
qui se en-  
gendran  
de simien-  
te fria y  
seca (co-  
mo son  
los hijos  
auídos en  
la veres) a  
may po-  
cos dies y  
meses des-



enfant nouveau né est Philosophe, si-  
 non en l'oyant parler, & comment au-  
 roit il le benefice de la parole qui ne  
 peut estre acquise que par discipline,  
 comme ie demonstteray cy apres:

pues de  
 nacidos  
 cōmien-  
 çan à dis-  
 curre y  
 philoso-  
 phar. ch. 4  
 Ess. fol 57.  
 b. franç.  
 30. d.

Les proprietiez qui sont du don de la  
 nature, c'est à dire du temperament, se-  
 lon l'examen sont bien peu suiëttes à  
 mutation; comme nous voyons qu'une  
 pierre qui a de nature son mouuement  
 vers le centre, quand on la ietteroit mil-  
 le fois en haut, retourneroit tousiours  
 vers le centre. De mesme si le bon tem-  
 perament donnoit naturellement les  
 sciences, tous ceux qui auroient de la  
 nature le don d'estre bien nés, seroient  
 necessairement sçauans, & comme dit  
 Aristote de la vertu, si elle estoit natu-  
 relle, il ne seroit pas besoin de prece-  
 pteurs, & *αὐτὸν τὸ διδάσκαλος*. Or cela  
 estant, pourquoy dit-il ailleurs, qu'il  
 est necessaire pour estre sçauant d'auoir  
 un bon maistre. Si l'un & l'autre sont  
 necessaires, tous ceux la qui auront la  
 faueur du temperament sans discipline,  
 seront sçauans & ignorans en mesme  
 temps.

De tous les climats du monde, celuy

de la Grece qu'ils nommoient *Ῥόδος*, le climat de Rhodes, a esté iugé le plus conuenable pour les sciences : & tient-on que la ville d'Athenes pour ceste occasion a flory en l'exercice des lettres.

Mesmes que ses citoyens ont eu l'esprit le plus subtil & plus clairvoyant de tous les Grecs, selon Philon Iuif, qui dit encore que ceste ville estoit en la Grece ce que la prunelle est <sup>en</sup> l'œil & la

raison <sup>en</sup> l'ame. *ὅπερ ἐν ὀφθαλμῷ κόρη, ἢ ἐν ψυχῇ λογισμός τῆς ἐν ἑλλάδι Ἀθηνῶν.*

Auiourd'huy toute fois en tout ce pays là, il n'y a que del'ignorance: non fautede temperament, mais d'instruction & de discipline. Pourquoy nous pouuōs dire que la ville d'Athenes est par tout, où les sciēces sont en credit, & où l'on fait estat des hommes de lettres: Com-

me<sup>2</sup> Apollonius tenoit anciennement que la Grece estoit par tout a vn homme sage. *σοφῶ ἀνδρὶ ἑλλας πάντας.*

L'on tient que la Chine est fertile en beaux esprits, polis & addonnez aux sciences, à raison qu'ils ont grand soin de l'entretien des escholes, & de recco-  
gnoistre ceux qui se rendent capables, par leur bon esprit, de profiter au pu-

1.  
*Lib. Rhod  
Vir bonus  
est liber.*

2.  
*Apud Philo  
lostratum  
lib. Vita  
Apollonij.*

blic. La bonne police qu'ils obseruent a plus de coup pour cela, que le bon air & le bon temperament du pays, quoy qu'il rapporte aucunement à celuy d'Italie. Les sciences sont bannies de toutes les terres du Turc, quoy qu'elles soiēt en vn climat assez temperé. Quelque temperamēt donc que nous ayons, si nous ne sommes instruits & nous ne prenons la peine d'apprendre les arts & les sciences, à force d'estude, il est impossible, quelque faueur que nous ayons receuē du temperament, de les auoir du bienfait de la nature. Les esprits sans estude & sans discipline, deuiennent inutiles & de nul effet, comme de nul rapport vne terre qui n'est point cultivée. La generation de la science est l'apprentissage, & comme celuy qui n'apprent rien, ne sçait rien; ceux-là sont les plus sçauants qui estudient mieux.

Depuis le monde fait, l'on n'a veu aucun homme habile en quelque science sans instruction; car ce que l'on dit d'Heraclite, qu'il estoit sçauant de luy mesme est du tout faux, attendu qu'il fut auditeur de Xenophanes, & selon le tēmoignage de Sotion; & Epicure qui

i.  
*Apud Diogen. Laert.*

affectoit ceste vanité d'estre estimé *αὐταμαθής*, c'est à dire, de n'auoir estudié sous aucun maistre, auoit esté disciple de Nausiphanes, lequel toutefois il a blasmé par ses escrits, peut estre pour fortifier son imposture. Mais cela n'est pas le suiet de nostre dispute. Quoy qu'il seussent appris d'eux mesmes, sans autres precepteurs que leurs liures & sans autre eschole que leur estude, c'est tousiours apprentissage à force d'estude, & non de temperament.

Il faut donc de deux choses l'une, ou que ce soustien de l'examen soit reprochable, à sçauoir que le temperament donne les sciences en vn moment & sans instruction; ou qu'aucun homme iusques icy, n'a eu l'heur de iouir d'un bon temperament naturel ou acquis. S'il accorde le premier poinct, il signe la condamnation de son examen; Si le second, c'est contre ce qu'il dit ailleurs,

1. que la Grece & l'Espagne sont regions  
 2. tempérées, & que les 3 enfans des vieillards,  
 pour estre engendrez de semence froide & seche commencent à philosopher peu de iours apres qu'ils sont nés,  
 à cause que ce temperament est appro-

4.  
 pag. 151. v.

3.

pag. 30. a.

prié aux œuvres de l'ame raisonnable. Puis qu'il croit que telle temperature est frequente, & que le froid & le sec sont les qualitez des vieillards & des melancholiques, pourquoy ne voyons nous point souuent des hommes sçauans sans discipline, & du bienfait seulement de leur bonne complexion.

S'il dit que le climat de la France est trop intemperé, pour produire des natures si loüables, attendu que pour estre vn esprit capable de toutes les sciences ensemble, il faut estre également temperé. Mais que tout cela se trouuera veritable dans son pays. Quand il me persuadera ceste phantasie, ie croiray par mesme moyen ce que l'on disoit anciennement des jumens de Portugal, qu'elles conçoient de vent. Pourquoy donc dit-il que le Turc fait passer l'Vniuersité d'Athenes à Paris ville capitale de la France, où elle est encore de present: car si le Turc n'a point pillé aux Grecs leur temperament pour en faire vn present aux François, pourquoy ont ils cessé d'estre sçauans? Pourquoy l'Espagne par affinité de climats, n'a t'elle succédé à la Grece, plustost que la Fran-

r.  
Passar la  
Vniuersi-  
dad de A-  
thenas, a  
Paris de  
Francia.  
donde ao-  
ra esta.  
chap. 14.  
Esp. fol.  
159. v. fr  
153. a.

ce, & Salamanque plutoſt-que Paris. Puisque les François ſelon l'examen ſont de pire temperament, & neant-moins plus ſçauans que les Eſpagnols, c'eſt vn abus de croire que le temperament donne les ſciences, & en ſuite que l'inſtruction des maiſtres muets ou autres, n'eſt point neceſſaire.

Quelqu'un diſoit anciennemēt, que les Eſpagnols, quoy qu'ils ayent l'heur d'auoir bon eſprit, ſont touteſois mal-heureux en leurs eſtudes. *2 Hispani ſœlices ingenio infœliciter diſcunt*; tant s'en faut donc que le temperament ſeul ait autant de pouuoir & de vertu, comme il dit que ceux de ſon pays, quoy qu'ils ſoyent bien nés & bien inſtruits, ne ſuccedent pas bien en l'apprentiſſage des ſciences.

Quand le temperament ſeroit vn Ange, il n'auroit pas tant de vertu, que luy en accorde l'examen, veu ce que l'on dit de Soſipatra, qu'elle fut cinq ans inſtruite par vn demon, où vn bon temperament euſt peu la rendre ſçauante en peu de temps, ſi en vn moment il ſe fuſt rendu maiſtre de ſon cerueau, comme la Royauté ſaiſit vn ieune Prin-

ce apres le deceds du Roy, & comme vne chambre, à l'apport d'un flambeau est illuminée en vn instant.

Pour examiner donc cecy plus exactement, supposons qu'un enfant en l'âge de cinq ans soit deuenu tout à coup temperé de la meilleure marque, & sçauant par mesme moyen à proportion. Je demande, par quelle voye le temperament aura causé cet effect en si peu de tēps. Il ne dira pas que les sciences sont au temperament, car ce seroit contre sa doctrine. Ainsi pourroit-on soustenir, que dans la qualité d'un pinceau bon & bien fait, seroit toute l'habileté, les proportions, les traicts & les images de la peinture; & qu'il suffiroit pour peindre doctement, d'auoir la main bien faine, des couleurs choisies, broyées & meslangées comme il est requis, & des pinceaux de bonne forme. A ce comptelà vn Lion, vn Cheual, vn Perroquet qui auroient rencontré vn bon temperament, pourroient aussi discourir & philosopher en vn instant, & sans l'auoir appris.

S'il disoit que l'ame raisonnable est bien le premier principe qui a caché

~~mesme~~ en soy toutes les sciences, mais qu'elles ne peuuent estre mises en lumiere, sinon par le bon temperament; comme quand on refuseille en soufflant, le feu qui seroit caché dans la paille. Je responds que ceste raison & comparai-son seroient encore fausses comme les precedentes; car tout ainsi que les sciences qui sont accidens, ne peuuent auoir pour suiet le temperament, qui n'est qu'un accident; elles ne peuuent estre en l'ame, qui est vne substance, que par le moyen des especes, qui sont accidens produits des accidens des obiets. L'Au-  
theur de l'examen mesme est de cét aduis, quand il blasme ce que dit Pla-  
ton des ames raisonnables, qu'elles sont naturellement sçauantes.

S'il est vray donc que les sciences ne sont de nature, ny en l'ame, ny au tem-  
perament; ces deux estant joints ensem-  
ble peuuent ils produire les sciences en  
vn instant, comme ces deux eaux claires  
& sans couleur des Alchymistes, les-  
quelles estans meslées font en vn mo-  
ment vne autre liqueur de couleur & de  
consistence de lait, nommée pour ce-  
ste occasion, lait virginal? Il n'y a point



d'apparence, l'acquisition des sciences est vn mouuement de plus longue suite. Il faut premierement que les sens extérieurs reçoioient les especes des obiets, pour estre portez apres au sens commun, & delà à l'imaginatiue, où comme en vn miroir elles sont représentées à l'intellect, lequel les despoüille des conditions de la matiere, & comme luy les <sup>venit</sup> ~~venit~~ immaterielles, pour estre la matiere & le sujet de toutes ses operations. Il les vnit & les diuise, sur icelles il se forme des notions & vniuerselles & singulieres, il distingue les choses semblables; il compare les effets avec leurs causes, les effets avec les effets, les causes avec les causes; il prend ses conclusions, il fait des demonstrations necessaires pour paruenir à la science. Il est impossible que l'ame procure tant d'actions en vn instant, quand bien elle auroit pour organe vn cerueau de la meilleure temperature du monde. Apprendre est vne action qui depend de plusieurs autres actions subalternes, elle ne peut donc estre parfaite qu'avec le temps.

Il n'y a homme de quelque tempera-

ment qu'il soit, qui puisse sçauoir de quelles parties il est composé interieurement, s'il ne l'a appris par l'anatomie, ou de quelqu'un qui luy en aura faict la description. Si donc le temperament est impuissant de luy enseigner, mesme avec le temps ces choses qui sont dedans nous, & dans lesquelles il est naturellement: comment sera t'il possible, qu'il donne la cognoissance en vn instant de ce qui est hors de nous, plus estoigné & plus difficile? Par quel moyē pourroit-il apprendre à discourir des principes de la Geometrie? à demonstrier que le triagle à trois angles egaux, a deux angles droits? & que la ligne diagonale est adiametre, c'est à dire hors de proportion avec les laterales du quarre: cela n'appartient qu'à l'ame raisonnable. L'on a veu assez de sçauans Medecins, & de doctes Iurifconsultes, apres auoir consommé vne bonne partie de leur âge à l'apprentissage de leurs professions: mais on ne trouuera point que quelqu'un d'eux n'ayt eu autre maistre que le temperament.

Il est certain, comme i'ay dit plusieurs fois, que le bon naturel & le bon tem-

perament aydent beaucoup & sont nécessaires pour les actions de l'ame, veu ce que l'expérience nous apprend, quand il y a quelque partie du cerueau mal disposée, que la faculté à laquelle elle sert cloche de ce costé là, *claudicat ingenium*, dit Lucrece, ὁράζει κατ' ἐκείνο καὶ τῆς δια-  
 νοίας ἢ κινήσεως. Mais pour rendre à l'ame quelque seruice, croire qu'il a vn plein pouuoir sur ses facultez, il n'ya nulle raison. Pour bien escrire il ne suffit pas comme i'ay dit, d'auoir vne plume bien taillée, d'autant que les outils ne se mouuēt pas d'eux mesmes, *αὐτομάτως*, comme en la boutique de Vulcain. Celuy qui acheta le Luth d'Orphée, afin d'estre bon joüeur : vn autre qui voulut auoir la lampe d'Epiétete, pour deuenir sçauant ; & Mahōmed second pour aquerir de la force & de la valeur, qui demanda l'espée de Scanderbeg, estoient dignes d'estre reseruez au temps de l'autheur de l'examen, pour estre de ses disciples. Quand quelqu'un parle bien ou mal, nous disons qu'il a vne bonne ou mauuaise langue, nō toute-fois que le blâme ou la louāge soit deuë à ceste partie, mais à l'ame qui se sert

Gregor.  
 Nyssen.  
 li de hom.  
 opif.

d'elle comme d'un instrument. Ainsi le conducteur d'un horloge est le principe du mouvement de toutes les roues, combien que les contrepoids semblent aux esprits rudes, en estre la premiere cause. C'est donc l'ame qui fait, & puis que la science & la vertu sont habitudes acquises, & du nombre des choses qui se font dedans nous, *καὶ ἐφ' ἡμῶν ποιητῶν*, <sup>1</sup> dit Aristote, elles ont besoin

<sup>1.</sup>  
*Problem.*  
*sect. 30.*

<sup>2.</sup>  
*Cap. 1. lib.*  
*2. Ethic.*

de temps & d'experiēce, <sup>2</sup> *ἐμπειρίας καὶ χρόνου*. Je demonstreray cela par vne exemple assez familiere.

✱ Quand vn maistre de musique touche quelque instrument, pour exemple; le tetrachorde qui sera fait de bon bois, bien formé, monté de bonnes cordes & bien accordées; il peut avec cet instrument rēdre vn son gracieux & vne bonne harmonie, de laquelle neant moins il seroit incapable, si parauant il n'auoit appris l'art & l'industrie de le bien toucher. Ainsi l'ame, encore que les organes dont elle se sert soient bien formez & de bonne trempe: car tout le corps, dit Gregoire de Nyse, <sup>3</sup> est comme vn instrument de musique, *καθάπερ τι μουσικὸν ὄργανον ἅπαν τὸ σῶμα*. Nous ne pou-

<sup>3.</sup>  
*Lib de ho-*  
*minis opif.*

uons auoir la science que par apprentif-  
sage. L'ame est comme le joueur : la fa-  
culté, la main : le cerueau, l'instrument :  
les quatre qualitez premieres, les qua-  
tre cordes ; & l'harmonie, le discours  
que fait l'ame sur le suiet de quelque  
science ; qui ne peut estre acquise qu'a-  
uec le temps & par discipline.

Tout ainsi donc que le tetrachorde  
n'est point ce qui enseigne le Musicien,  
mais que c'est le Musicien qui se sert de  
l'instrument, par l'industrie qu'il a ap-  
prise de le toucher musicalement, <sup>4</sup> καὶ  
λύει τὸν μεσσιὸν ἔκ ἐδιδάξεν ἀλλὰ τεχ-  
νίτης. L'ame aussi qui est selon Platon,  
vne harmonie, a d'elle mesme certai-  
nes facultez, ausquelles on doit rap-  
porter les arts & les sciences, encore  
qu'elles ne puissent operer ou agir sans  
instrumens. Dauantage, comme c'est  
le Musicien qui met d'accord l'instru-  
ment, l'ame est la cause du bon accord  
& du meslange réglé des humeurs, & le  
principe des mouuemens de la genera-  
tion. I'entens l'ame du pere laquelle  
donne à la semence le principe de la ge-  
neration. Et tout ainsi que pour estre vn  
instrument bien d'accord, celuy qui le

<sup>4.</sup>  
Galenus  
cap. 3. lib.  
1. de usu  
part.

<sup>5.</sup>  
In Phedo-  
ne ἡ ψυχή  
ἀρμονία  
πῆς.

possede n'en est pas plus habile à le bien toucher ; l'ame pareillement encore qu'elle soit en vn corps bien disposé, a besoin de discipline, à raison que ceste bonne disposition seule, ne sert de rien pour la science, attendu qu'un ignorant peut auoir le meilleur temperament du monde, comme vn mauvais joueur vn Luth excellent, bien monté & d'accord, de Venise ou de Padouë.

Si iamais homme a eu l'esprit habile aux sciences, ç'a esté Aristote, car il semble que ce Philosophe ayt esté mis en bute, pour faire voir iusques à quel degré des sciences peut monter la capacité des hommes : Dieu ayant ainsi esleué certains esprits hors de toute imitation, pour des considerations qui ne sont cognues qu'à luy seul. De sorte que ce diuin personnage a esté nommé par quelques vns le genie ou l'esprit familier de la nature. Voicy donc comme ie dispute. Ceste doctrine admirable d'Aristote luy est venue ou de la part du temperament seul, ou de l'ame par le moyen du temperament, qui est, selon l'Examen, comme son precepteur & son pedagogue. Non du tempera-  
ment

ment seul, car à quel propos tant de veilles excessiues, & tant de trauail qu'il employoit à l'estude, quand il trouuoit les nuits avec vne boule d'airain? pourquoy suiure l'eschole de Platon l'espace de vingt ans, si la nature le pouuoit rendre sçauant en vn moment? Si de la part de l'ame par le moyē du bon temperament & des autres dispositions du cerueau; il a fallu pour cela du temps & de l'eschole. Si quelqu'un du party de l'Examen vouloit dire que l'estude a donné à Aristote ce temperament qui l'a rendu sçauant. Je responds que le temperament donc est capable de correction, contre les maximēs de l'Examen, & puis qu'il est acquis, que le trauail peut suppleer aux manquemens de la nature. Il eust esté plus expedient pour Aristote, au lieu de prendre tant de peine à l'estude, d'auoir recours à vn docte & experimenté Medecin, afin d'acquérir par remedes & par bon regime le temperament de la science, & la meilleure disposition pour les actions de l'ame.

xi  
fol. 8. G. 9. d.

Quand Platon partit d'Athènes pour aller en Egypte, avec Euripide en in-

tion d'apprendre les sciences, auoit-il faute de bon temperamēt? changeoit-il de pays, pour trouuer vne meilleure complexion & vn air plus sçauant que celuy de la ville d'Athenes? nullement: le climat de la Grece le pouuoit rendre assez temperé, pour toute sorte d'industrie, sans aller en Egypte, si le temperament seul eust esté suffisant: mais parce quel'Astrologie estoit encore peu en vsage entre les Grecs, faute de Maistres, il fut contraint de passer en ce pays là. De sorte que les premiers des Grecs qui ont enseigné ceste science plus richement & avec plus de methode, ont esté Platon, Eudoxus, & Calippus, apres leur retour d'Egypte. Mais Platon non encore content de ceste premiere course descendit à Tarente en Italie vers Architas, puis il retourna à Megare vers Euclide: il n'y a point d'apparence que pour changer de complexion, il ait entrepris tous ces voyages, mais pour s'approcher des maistres plus habiles que le temperament. Au contraire, il quittoit les lieux mieux aërez, pour se loger à l'Academie, demeure mal saine de la ville d'Athenes, afin que sō corps estant



incommodé dans le mauvais air, son esprit eust plus de force pour philosopher.

Si l'Autheur de l'Examen ou quelqu'un des siens vouloit opiniastrer que Platon alla en Egypte, pour apprendre les sciences de l'imaginatiue, comme sont les Mathematiques, attendu que le climat chaud du pays rendoit les hommes capables de telles sciences, que dira t'il de la derniere retraicte vers Euclide, où il alla pour la Geometrie, qui est vne partie des Mathematiques? Mais si le temperament est esgal en la Grece comme en Espagne, & proportionné, comme il dit, à toutes sortes de sciences, que les Grecs ne sçauoient-ils naturellement toutes les sciences en general, sans les mandier des nations estrangeres.

Les sages de la France n'approuuent point que l'on prenne tant de peine à descouurir les temperamens des enfans, leurs inclinations naturelles, & à quoy ils seront propres, à raison qu'il n'y a en tout cela que de l'obscurité, de la confusion, & de l'incertitude. Mais au lieu de tant de façons, de ceremonies,

de prognostiques & de vaines coniectures tirées du temperament, des traiçts du visage & des premiers mouuemens des enfans : ils sont d'aduis que dès l'enfance on leur donne vne instruction utile & bonne indifferemment, pour les mœurs & pour les lettres, afin de les employer apres à tout ce que la raison, leur condition, l'inclination & la fortune leur dicterōt en l'âge de iugement. Ils tiennent ceste voye plus assée, parce que c'est comme vne premiere couche qui sert pour donner en suite plus d'esclat ou de fermeté aux autres couleurs. L'impression de ceste premiere teincture leur semble vn grand auantage pour tout le reste de la vie, *vt initia sunt, spes est in cetera*. Où en s'arrestant ainsi au temperament, on perd l'occasion de l'eschole & de la discipline.

Si l'Autheur de l'Examen a pour support ce iugement que l'on faiçt deçà les monts, peut-estre il adioustera foy à l'un des sages de son pays, Valcius qui a esté des plus celebres Philosophes & Medecins de toute l'Espagne. L'homme, dit-il, qui a vn tres-bon temperament, surpasse tous les autres en pru-

i.  
Cap. ix. lib.  
I. controu.  
Nā si hac  
aqualia nō  
sunt, potest  
homo tem.

dence, pourueu que d'ailleurs il ait avec eux vne égale cognoissance des arts & des autres choses necessaires, & qu'il soit esgalement versé aux exercices de l'ame. Car si en cela ils sont inégaux, celuy qui sera temperé pourra auoir moins de prudence qu'un autre de pire temperament. Il adiousté avec la bonté du temperament vne cognoissance acquise & les exercices de l'ame: selon son aduis donc, le temperament n'est pas le maître qui enseigne en vn moment de temps, seul & sans instruction, les arts & les sciences.

---

*Responce à ce qu'il oppose sur ce  
mesme sujet.*

CHAP. VI.



A plus forte raison qu'apportel'Examen, pour donner couleur à sa doctrine, est ceste-cy: L'Ame sensitive & l'Ame vegetatiue sçauent faire incontinent ce qu'elles doiuent, sans aucune,

1. instruction, <sup>1</sup> estant assez d'auoir l'in-  
*Ex. fol.* „ stinct naturel, c'est à dire l'instinct du  
 21 v. 25. „  
*v. chap.* „ temperament. L'ame raisonnable donc  
 4. „ ayant rencontré vn bon temperament,  
 „ doit de mesme faire ses fonctions, asça-  
 „ uoir philosopher & estre sage & sçauan-  
 „ te sans instruction. Mais il me semble  
 que ceste philosophie n'est point d'un  
 bon temperament.

Il y a trop peu de proportion entre  
 l'ame raisonnable & les deux autres,  
 pour en tirer vne consequence si hardie.  
 L'on pourroit dire de mesme, puis  
 qu'un homme de basse condition sans  
 ayde conduit bien sa petite famille,  
 qu'un grand Prince qui a bien plus d'au-  
 thorité & de credit pourra de mesme,  
 sans estre assisté d'aucun, expedier tou-  
 tes les affaires de son Estat. Vn pauvre  
 pescheur peut seul avec deux rames  
 conduire sa barquerole: *Ergo*, vn Ge-  
 neral des galeres, ou vn Amiral, qui est  
 bien plus puissant, pourra seul aussi  
 avec deux rames conduire vne armée  
 nauale, ou mener à bon port vne rem-  
 berge, ou quelque autre vaisseau de cinq  
 cens tonneaux. C'est manquer de juge-  
 ment, de vouloir par les actions de la

fenſitiue & de la vegetatiue, inferer des actions de l'intelle&t.

Si l'ame raifonnable, comme les deux autres, pour ſes actions propres, ſe ſeruiroit du temperament, ſa conſeſion ſeroit aucunement paſſable; mais cela n'eſtant point, comme ie feray voir cy apres, tout ce qu'il dit ſur ce ſuiet eſt entierement ridicule. Il y a tant de reſſorts cachez, tant de detours admirables, tant de diuins mouuemens, quand il eſt queſtion de raifonner & de diſcoursir, que tout homme d'eſprit le blaſmera d'auoir voulu obliger tout cela au temperament, comme les fonctions des deux autres ames.

L'Araigne d'inſtinct naturel eſt portee ſeulement a faire de la toile, & cela eſt tellement ne avec elle, qu'elle en a l'exercice & l'apprentiſſage en vn meſme temps, *cum exercet artem, & diſcit texere*. Les Abeilles ſcauent fa&onner le miel & baſtir leurs cellules a ſix angles, d'vne belle induſtrie, comme ſi elles auoi&ent appris les demonſtrations d'Euclide; & neantmoins elles ont conceu c&et artifice en l'eſchole de la nature & non du temperament. Mais l'homme

<sup>1.</sup>  
Plinius  
cap. 24. lib.  
11. natur.  
hiſtor.

au lieu d'auoir seulement inclination à quelque chose d'instinct particulier, pour le regard de l'ame raisonnable, il a l'intellect qui est comme vne science generale, qui precede toutes les sciences, afin de les comprendre toutes, comme nous auons dit de la main. De maniere que la plus grande inclination qu'ait l'homme aux arts & aux sciences, est de n'estre enclin à aucune particulièrement. Car il est bien plus digne de son excellence, de les aquerir ainsi toutes que d'en auoir vne seulement du don de la nature. Mais les bestes qui manquent de raison & de iugement, & en suite sont incapables de science, quel autre maistre pouuoient elles auoir que la nature? ce sont donc diuerses facultez distribuées selon la diuersité des ames, comme les recompenses du pere de famille, lequel paye ses seruiteurs de leur salaire, & au lieu de cela fait instruire ses enfans, afin que d'eux-mesmes ils acquierent tout ce qui leur est ytile, pour l'honneur & pour la vie.

L'art & la nature conuiennent en cela, que ny l'un ny l'autre n'ont point besoin de consulter, ou de deliberer

quand il faut agir : car comme vn escri-  
uain sans discourir & sans prendre aduis  
de sa pensée , escrit quelquefois plu-  
sieurs lignes , sans y commettre aucune  
faute contre les regles , patce qu'il a l'art  
& l'habitude de bien escrire , qui est  
cause qu'il n'a plus besoin , comme les  
apprentifs , d'estre conduit par son es-  
prit, sur chaque syllabe. ἡ τέχνη , dit A-  
ristote, ὅς ἐσθλύνεται. Ainsi la nature sça-  
uante d'elle mesme, opere sans delibe-  
rer, comme au mouuement de l'œil, el-  
le sçait si bien toutes les parties qui ser-  
uent à ceste action , qu'elle trouue à l'in-  
stant & sans se tromper, le muscle droit  
ou oblique ; de sorte que le choix du  
muscle, & le mouuemēt se font en mes-  
me temps. Le temperament peut seruir  
au mouuemēt, mais il ne peut rien pour  
le choix. A raison dequoy, Hippocrate  
dit, que la nature est sçauante sans auoir  
esté instruite que d'elle mesme, ἀπαίδευ-  
τος ἡ αὐτοδίδακτος ἡ φύσις.

1.  
Cap. 8. lib.  
2. *Physic.*

Mais il y a cela de difference , que  
l'art doit estre acquis par estude , par  
discipline, par exercice , & non la natu-  
re ; car autrement elle ne seroit point  
nature, comme l'art ne mériteroit point

d'estre ainsi appelé, s'il estoit naturel. Il n'y a homme au monde, quelque bon temperament qu'il ait, qui puisse iouer du luth sans l'auoir appris. Pour apprendre il faut du temps & de l'exercice, car il est besoin de façonner ses doigts, pour toucher les cordes d'une main, & les bien pincer de l'autre, & mediter sur le choix de celles qui doiuent estre battues en chacun accord, durant tout le temps de l'apprentissage: mais quand l'habitude en est acquise, les especes sont tellement en l'intellect, & toutes choses luy sont si presentes, que sans discours & sans penser au choix des cordes ny des touches, il ioue avec vne bonne harmonie, comme si la volonté, la science, le discours, & la memoire estoient au bout des doigts, comme Plin<sup>e</sup> dit des Lamproyes, qu'elles ont l'ame au bout de la queue, *1 Murenas in cauda animam habere certum est*. C'est que la main s'est tellement accoustumée à cet exercice, que pour bien iouer, elle n'a presque plus besoin de l'agitation de l'esprit, & qu'elle peut soustenir son droit, *2 sine Caio Aquilio*. A ce propos Democrite disoit fort bien, que la

1.  
Cap. 2. lib.  
32. natur.  
hist.

2.  
Scaliger.  
3.



bonne discipline estoit peu esloignée *Leg. suprà pag. 55.*  
 de la nature, & Hippocrate que pour  
 rendre la main docte & sçauante, il n'y  
 a point de meilleure escole que de l'ac-  
 coustumer à l'exercice, *4. τὸ ἔθος χρὸν καὶ ἐλ-  
 λιστον διδασκαλίον.*

*4.  
 Lib. de flati-  
 tibus.*

La raison de tout cela est, que la na-  
 ture est vn principe interne qui est pre-  
 sent par tout, de sorte qu'il n'est point  
 besoin de deliberer au gouuernement  
 de son œconomie. Mais l'art qui est vn  
 principe externe, c'est à dire, qui a hors  
 de soy le suiet de son exercice, ne peut  
 operer sans deliberation, auant que le  
 long vsage & l'exercice, luy ayent ren-  
 du son action comme naturelle. Plotin  
 dit cela tres-doctement. Le Medecin,  
 dit-il, qui commence son œuvre hors  
 de soy & par parcelles, hesite souuent &  
 prend aduis de ce qu'il doit faire, mais  
 la Nature qui est principe interne de ses  
 actions, dès le commencement n'a point  
 besoin de consultation: *1. ἡ δὲ φύσις ἀπὸ  
 τῆς ἀρχῆς ἀποροσδεῖς βελέουσας.* Philō Iuif  
 dit le mesme, que pour apprendre, il  
 est besoin d'un long temps, mais que  
 tout ce que nous auons de la nature se  
 fait comme en vn moment, *1. τὸ διδασκα-*

*1.  
 Cap. 11. lib.  
 4. Enncad.*

<sup>1.</sup>  
Philo 1<sup>re</sup> d.  
lib. de pro-  
fugis.

μεγόν μακρῶ χρόνῳ δέεται, τὸ δὲ φύσει, τα-  
χύ τε ἐπρόπτον τινα ἄλλαν ὄν ὅτι.

Ce n'est pas que l'ame raisonnable ne soit plus prompte & plus active que les deux autres, car il n'y a rien plus viste que l'intellect, ὅτι γὰρ ἑνὴν τὸ ταχὺς ὁ νοῦς. Mais à raison que l'ame ne peut pas par vne chose cognüe en comprendre vne autre qui luy est incognüe, sinon par le discours. Or discourir est comme vn mouuement de l'entendement, duquel l'ame est la premiere cause: car il court d'un terme à vn autre, & d'une premiere propositiō à vne moyenne pour finir à vne conclusion qui est son repos, comme l'arrest apres vn plaidoyé; & cela ne peut estre expedié, qu'avec le temps. Ceste verité paroistra dauantage & sera renduë plus claire par vn exemple.

Si quelqu'un desire sçauoir, pourquoy les poissons ne respirent point, il faut premierement qu'il face vne diligente recherche des causes de la respiration, & apres auoir appris par discours, que l'ame fait ceste action par le moyen des muscles de la poitrine, des poulmons & de l'artere, pour temperer la chaleur du cœur, qui est la cause finale

de la respiration ; il fera vne diligente perquisition si les poissons n'ont point de poulmons, si estant plus humide que les autres animaux, ils ont point aussi la chaleur du cœur plus petite & plus debile, & pour le temperer, si la fraischeur ne suffit point de l'eau qui les enuironne, *περιέχοντος ὕδατος ψύξης*. En fin apres que la raison & le iugement luy auront euacué tous ses doutes, sur la necessité de ses principes, il fera sa demonstration pour acquerir la science en ceste maniere. Tout animal qui n'a point de poulmons, ne respire point. Les poissons n'ont point de poulmons, les poissons donc ne respirent point. Ou autrement : tout animal qui a la chaleur du cœur petite & debile n'a point de poulmons & ne respire point. Les poissons ont la chaleur du cœur petite & debile ; les poissons donc n'ont point de poulmons & ne respirent point. L'intellect apres ceste derniere resolution, cesse de discourir, parce qu'il a trouué la raison de ce qu'il cherchoit qui est la science, dicte pour ceste occasion par Aristote, vne maniere de repos, *ἡσυχία τις ἐπιτήμη*, *ratiocinamur enim ne ratiocinemur.*

Cap. 4. lib.  
de respira-  
tione.

Puis qu'il y a du discours & de la difficulté à trouuer ainsi les causes de la respiration, il est impossible qu'il ne se coule beaucoup de temps en ceste agitation de l'esprit. L'intellect rumine sur ses doutes & court sur tout ce qu'il sçait, pour paruenir à la cognoissance de ce qu'il ne sçait point; & ce discours est comme vne pourmenade de l'ame,

Lib. 2.  
Epi-  
dem. sect.

ψυχῆς ἀσπίματος, selon Hippocrate, en laquelle il se resout en fin sur la force & sur la nécessité de ses raisons; pourquoy, comme dit Themistius, il est besoin de

Lib. 2. de  
demonstra-  
tione.

beaucoup de temps, πολλὸν χρόνον τῆς ψυχῆς ἀνάγκη.

L'auteur de l'Examen donc se trompe, quand il dit que l'ame vegetatiue & l'ame sensitiue, par le bon temperament, sçauent en vn instant ce qu'elles doiuent faire dès le commencement de la vie; car comme ie deduiray plus au long en autrelieu, ces deux ames font ce qu'elles ne sçauent point, & qui est plus, elles ne peuuent pas estre instruites par le temperament qui est vn accident du tout incapable de cela. De sorte que c'est vn grand auuglement à cet Auteur, de discourir avec impertinen-

tant

ce de ces trois aveugles. Les enfans en leur premier âge sont inhabiles à la generation, combien qu'ils soyent chauds & humides, qui est le temperament qui conuient mieux pour cét effect. En ce temps là donc, ou l'ame ne peut faire, ou elle ne sçait point ce qu'il faut faire. Si elle ne peut, le temperament n'a pas tant de pouuoir comme il dit. Si elle ne sçait point, il n'est pas si sçauant comme porte son Examen.

---

*Si les instincts naturels dependent  
du temperament.*

C H A P. VII.

**E** O V S ceux qui ont voulu, sous pretexte de traicter les sciences avec plus de methode, rapporter les effets de la nature à vn seul principe, ont esté blasmez, ou pour auoir māqué en quelque chose, ou pour auoir cōmis des absurditez. L'auteur de l'Examen se rit

du vulgaire, de ce qu'il rapporte toutes choses à Dieu immédiatement. Ainsi on reprochoit anciennement aux Platoniciens, qu'ils attribuoient aux demons tous les effets cachez & difficiles de la nature. Ainsi Aristote accuse Democrite, d'auoir tout referé à la matiere; & Aristote mesme n'est pas bien receu, quand en traitant de la nature des animaux, il enseigne que le cœur est le siege de toutes les facultez de l'ame. Ainsi l'auteur de l'Examen doit estre repris d'auoir esleué le temperament, iusques à le declarer principe de toutes les actions de l'ame, & luy donner toutes les proprietiez occultes & manifestes de la nature.

Nous auons deux causes naturelles principales, dont depend icy bas le gouvernement de toutes choses; le Ciel & les elemens. Les effets que produisent les quatre elemens nous sont manifestes, parce qu'il est aisé de les rapporter à leurs qualitez qui nous sont apparentes. Il y a bien quelque chose en la proportion de leur meſlange, aux corps mixtes, que nous ne ſçauons point, mais il n'est pas difficile de deſcouvrir ce qui leur

leur est deu pour ce regard. Les raisons des effets que produit le Ciel icy bas nous sont cachées, parce qu'il est trop esleué au dessus de nous. Nous disons bien que le poiure & l'euphorbe sont chauds, parce que l'element du feu domine en leur temperament. Mais sur la question, pourquoy le feu est chaud, pourquoy la rubarbe & la scamionée purgent la bile, il n'y a point de response, d'autant que ce sont proprieté qui dependent de l'essence de leurs formes.

En tous corps animez on remarque trois sortes de principes : à sçauoir la forme qui leur donne l'estre & la vie, & ceste forme est appellée ame; & deux sortes de chaleur, vne du Ciel, & l'autre des elemens. Lors donc qu'une plante est formée dans la terre, la chaleur du Ciel qui est contenuë en la semence est comme vn instrument dont se sert la faculté generatiue, car l'autre chaleur qui est des elemens, comme i'ay dit, ne tient lieu que de seruante; & il en va de mesme pour le regard des animaux. De sorte que durant tout le temps de nostre vie, nous auons tousiours dedans nous ces trois principes : mais quand

nous prenons fin , ils prennent party ailleurs & se separent diuerſement. Ce qui est des elemens retourne aux elemens , comme la chaleur du Ciel se retire dans le Ciel , l'ame raisonnable est reseruee à l'eternité , en quoy elle differe des autres ames , lesquelles perissent , si selon l'opinion de quelques-vns , elle ne venſſe reünir à l'ame du monde.

De tout ce que nous auons du temperament , à raison qu'il n'y a que des qualitez sensibles , la cognoissance des causes n'est pas tant difficile : mais des effects que produit le Ciel icy bas , nous n'en cognoissons les causes particulièrement que par coniectures , à raison que les sens n'y peuuent atteindre. Nous les appellons proprieté occultes , *ἀφανῆς ἰδιότητες* aux plantes & aux corps qui n'ont point d'ames. Aux animaux qui ont peu de raison , comme sont les enfans , ou point du tout , comme les bestes , nous les nommons instincts naturels , & non instincts de temperament. Si à l'ame raisonnable il suruient quelque chose d'en haut , comme si elle est inspirée de Dieu ou du bon Ange , cela ne doit pas estre appelé instinct , mais

*Alexand.  
lib. 1. pro-  
blom.*

*Inl. Scal.  
in Carda-  
num de  
suoril.*



inspiration, *afflatio*. L'Autheur de l'Examen donc s'abuse, quand il interprete instinct naturel, instinct de temperament, d'autant que les qualitez elementaires ont trop peu de vertu, pour porter seules le nom de nature; & ceux-là qui presument de rendre raison de tout par le seul temperament, destruisent plustost la sciëce qu'ils ne l'establissent, parce qu'ils confondent les causes, & attribuent les effets à qui ils n'appartiennent pas, qui est vne grande faute, & comme vn larcin en la nature.

La pierre d'aymant a vne certaine adresse vers les parties du Septentrion; est-il possible de trouuer quelque raison de cela dans le temperament? Les Espagnols qui ont par ce miracle de la nature escumé toute la mer de l'Occident, pourroient-ils à force de s'alambiquer l'esprit, prouuer qu'il y a quelque proportion entre le temperament de ceste pierre & le pole arctique? L'Etoile du Nord est elle composée des quatre elements en mesme proportion que l'aymant, ou l'aymant de mesme matiere que l'estoile? Si le Ciel est vn cinquiesme corps simple, & comme

vne quintessence, qui n'a nulle affinité ny mesme de matiere avec les corps mixtes d'icy bas, la raison ne se trouue pas de ce costé là; & s'il est d'une substance similaire en toutes ses parties, pourquoy ceste pierre a t'elle son adresse vers le pole Artique plustost que vers le Canope?

D'ailleurs nous voyons que le diamant rapporte fort à la pierre d'aymant, à raison dequoy les François leur donnent vn mesme nom, car ils appellent la calamite, aymant, nom tiré de cét autre *adamas*. Puis il attire le fer comme l'aymant. Si le temperament est cause de ceste affinité de proprieté, pourquoy le diamant n'a t'il point aussi son adresse vers le pole? Ils pourront dire que l'aymant a plus d'action, & vn temperament plus fort: mais ils feroient mieux d'aduouer ingenuement leur ignorance, que de perdre le temps apres telles responses. A la presence du diamant l'aymant perd sa vertu d'attirer le fer: le diamant donc a plus de force que l'aymant en ceste action là. Or s'il est plus foible en l'autre, il faut croire qu'il y a biē de la cōfusion en leurs tēperamens.

La plus saine opinion est, que telles proprietez dependent des formes, de la chaleur du Ciel, selon qu'elle est distribuée diuersement, & de la diuersité des temperamens tout ensemble. Le Ciel & le Soleil donnent les formes, mais outre cela la disposition des matieres est necessaire. Democrite rapportoit ces proprietez à vne rencontre fortuite d'atomes semblables. Fracastor à vne analogie de principes, ie le veux; mais qu'estce tout cela, sinon vne ignorance voilée de belles paroles? Riolan docte Medecin & Philosophe de ce temps, disoit fort bien, que comme l'on tient en la Logique que les proprietez specifiques des choses, sourdent des premiers principes de l'essence; ainsi en la Physique, que les vertus occultes dependent de la forme du mixte. Mais laissons là les proprietez des corps inanimez, & passons aux instincts naturels des corps animez, afin de suivre l'ordre & l'intention de l'examen. Ce que i'ay dit cy deuant de l'aymât, n'a esté que pour acheminement à ceste matiere, & assez à propos ce me semble, puisque Thales a eu opinion anciennement que ceste pro-

*Apud A-*  
*ristot. c. p.*  
*2. lib. 1. de*  
*anima.*

priété de l'aymant d'attirer le fer, pro-  
uenoit de l'ame de l'aymant, & que ce-  
ste pierre estoit animée, τὸν λίθον ψυχρὴν  
ἔχειν, ὅτι τὸν σιδήρου κινεῖ.

*Exam.*  
*chap. 4*

„ L'instinct de nature, dit l'Examen,  
„ n'est autre chose qu'instinct de tempe-  
„ rament ; & les Philosophes vulgaires  
„ qui appellent instinct naturel, vn cer-  
„ tain amas de choses qu'ils cuident en-  
„ tendre, n'ont peu declarer que c'est. Les  
„ plantes par cét instinct sçauent former  
„ leurs racines en terre, attirer la nourri-  
„ ture, la retenir & la cuire, sans estre en-  
„ seignées de personne. Par le moyen de  
„ cét instinct de temperament, qui est le  
„ maistre qui montre à l'ame sensitiue ce  
„ qu'elle doit faire, vne beste brute fait  
„ mieux son office qu'un autre de son es-  
„ pece ; & l'ame raisonnable est si bien  
„ pourueüe d'instinct naturel, pour ses  
„ propres fonctions, que par son moyen  
„ l'homme peut sçauoir les sciences en vn  
„ moment, sans les auoir entendües de  
„ personne. le voudrois qu'il eust dit tou-  
„ tes ces paroles avec plus de discretion  
„ & de iugement.

Como  
de re-  
pentre  
por ra-  
son del  
instin-  
cto na-  
tural, o  
del buē  
tempe-  
ramen-  
to, pue-  
de sa-  
ber el  
hombre  
las scien-  
cias, sin

„ Pour ce qui est des plantes, de la  
conformation de leurs racines, & de

l'attraction de l'aliment qui leur est propre, ce n'est pas le temperament qui en est la cause efficiente, ny mesme la cause instrumentaire la plus proche, car c'est là qu'il faut toujours auoir recours selon Aristote; mais la faculté, selon qu'elle trouue les matieres disposées. Pour la cuisson & attraction des alimens, nature se peut seruir du temperament, mais nullement pour le choix que font les plantes de la nourriture qui leur est propre.

auer las  
appren-  
do de na-  
die. Exam.  
chap. 4.

Cap. 1. lib.  
4. de ge-  
ner. ani-  
mal.

Dans le genre des plantes quelques-unes perdent leurs fueilles tous les ans; quelques autres montrent leur Printemps toute l'année: à quel instinct de temperament voudroit il rapporter ceste variété? il ne dira pas que la chaleur soit cause de la conseruation des fueilles, puisque nous voyõs le Myrte, l'Oliuier, le Cyprés toujours verds, & froids neantmoins de temperament. Ny le froid, car le baume de la Iudée & le Cedre ont assez de chaleur pour luy faire perdre ceste opinion. Ny le temperament sec, car la Ioubarbe froide & humide garde la verdeur toute l'année. Les fueilles ne tombent point en hyuer

*Julius  
Scaliger.*

aux ieunes Amandiers comme aux vieux, quoy qu'ils ayent plus d'humidité. Ce n'est donc point le temperament sec qui en est la cause.

Il n'y a rien icy bas où la nature, c'est à dire ceste faculté à qui appartient de conseruer l'ordre & la beauté de l'uniuers, se soit tant esgayée, qu'en la production des fleurs. D'où peuuent naistre tant de brodures diuerses, tât d'odeurs, tant de couleurs ; ce sont vrayement les tapisseries de la nature. Pour rendre raison de tout cela, nous disons que les facultez de leurs formes en sont les causes, où pour trouuer les moyens de les rapporter aux instincts des temperaments, l'âge du monde ne suffiroit pas à la vaine curiosité des meilleurs esprits.

Les plantes attirent la nourriture & prennent leur accroissement par ce moyen ; or si l'instinct du temperament en est la cause, pourquoy les metaux, qui auront vn mesme temperament ne croistront ils aussi à la maniere des plantes, & non par apposition de matieres, l'or pour exēple qui est temperé, comme la chicorée. Si c'est vn effect de la chaleur, qui est la plus actiue qualité de

toutes, selon Hippocrate: Pourquoy le Pauot & le Iusquiamme attirent-ils & croissent dauantage que le Thym & le Pouliot? si le froid ou l'humide sont cause de l'accroissement, la Laiçtuë & la Mauue deuroient monter plus haut que les Cedres du Liban.

La racine de l'Aconith, de figure est semblable à la queue du Scorpion, & neantmoins ce petit animal deuiant comme assoupy & tout hebeté, quand il est touché de ceste racine, à quoy l'on dit que l'hellebore luy sert de remede. Si l'auteur de l'Examen qui blasme tous les Philosophes vulgaires, pouuoit nous donner des raisons soluables de tout cela, par son instinct de temperament, il meriteroit d'estre loué au dessus du vulgaire. Si le temperament de la racine est contraire au temperament du Scorpion, d'où vient qu'elle porte la figure & le caractere du Scorpion, s'il est vray ce que dit l'Examen, que la ressemblance est signe d'affinité de temperamens, quelle cause pouuons nous trouuer de ceste antipathie, dans le temperament?

Si quelqu'un est mordu d'une vipere, Galenus

l'on dit qu'il sera incontinent guery, si l'on estuue la partie malade d'une decoction de l'herbe Trifolium; & au contraire si une partie saine en est fomentée, qu'elle tombe en pareils accidens que si elle estoit mordue de la vipere. Il y a de l'antipathie entre la Vigne & le Chou. La Ciguë est un venin qui tue les hommes, & neantmoins qui est nourriture aux Estourneaux. Il est impossible de rendre raison de tout cela par les qualitez elementaires.

*Exam.  
chap. 4.*

„ Le bon ordre de la nature, dit-il, est  
 „ quand l'ame vegetative est bien tempe-  
 „ rée, & ce pouuoir qu'elle a au premier  
 „ âge de l'homme, de former le corps, de  
 „ le nourrir & luy donner accroissement,  
 „ est cause de la grande chaleur & humi-  
 „ dité naturelles qui dominant alors, &  
 „ que la vieillesse n'a pas tant de force  
 „ pour toutes ces fonctions, à raison que le  
 „ corps est froid & sec en cet âge là. Tout  
 „ cela me semble mal digéré, quoy qu'il  
 „ ait Galien pour pleyge, lequel il fait  
 „ parler à la mode de son Examen. Si lors  
 „ de la generation de l'enfant au vêtre de  
 „ la mere, la semence n'auoit point d'au-  
 „ tres agēs que les qualitez elementaires,



& si la nature se trouuoit destituée de tous autres principes, elle ne feroit rien qui vaille, & au lieu d'un enfant elle ne produiroit que des ordures, En ceste noble action donc il est necessaire que la faculté, qui est comme vn substitut en l'absence de l'ame du pere; iointe avec la faculté du ptincipe de la mere, porte les figures & les caracteres de toutes les parties du corps; & qu'elle les imprime aux semences par le moyen des esprits. Or ces esprits là, comme i'ay dit cy deuant, contiennent deux sortes de chaleur, du Ciel & des elemens. Il ne se feroit point de generation, n'estoit que le Soleil produit icy bas vne certaine chaleur qui viuifie & rend fécondes toutes les semēces. Aussi dit-on qu'il est la nature, le principe, & la cause commune, qui concurre avec toutes les causes particulieres pour les generatiōs. C'est ce que dit Aristote, que dans toutes les semences est contenu vn esprit, & dans cēt esprit vne nature qui respond de proportion à l'element des estoiles, *Ἐν τῷ πνεύματι φύσις ἀνάλογος ἔσται τῷ τῶν ἀστρον τοιχείῳ*, Ce diuin Philosophe compare la semence à vn artisan, parce

*Cap. 3. lib.  
2. de gen.  
animal.*

que la faculté generatiue qui est aux semences imprime le caractere selon l'espece, comme l'Artisan donne à la matiere la forme qu'il a conceuë en son esprit.

Galien apres auoir ruminé la doctrine de ce Philosophe incomparable, semble auoir relasché quelque chose de la bonne opinion qu'il auoit du temperament; car en vn lieu il dit que pour estre bien formé & quarrement composé, il ne suffit pas d'estre de moyenne constitution entre le sec & l'humide, mais qu'il faut outre cela auoir rencontré l'heur d'une tres-bonne faculté formatrice, laquelle peut-estre suit le bon temperament des quatre elements, mais peut-estre aussi quelque autre cause, qui contient vn principe plus diuin & venu de plus haut. *Ἐπεὶ δὲ θεοτέρας ἀρχὴν ἔστιν ἐν αὐτοῖς*; & ailleurs quand il refute deux opinions tenuës sur ce mesme sujet. Les vns, dit-il, se trompent en ce qu'ils ne font aucune mention de la faculté naturelle, qui forme & figure toutes les parties en la generation, selon les mœurs & conditions de l'ame; & les autres, en ce que du temperament d'un

Cap. 9. lib.  
1. de tem-  
peram.

ne partie ils veulent inferer de tout le corps & tirer tout le reste en conséquence. Car de ce que les enfans sont plus camus & les ieunes hōmes ont le nés plus aquilin, nous ne deuons pas conclure que tous camus soient humides & tous aquilins de temperatnre seche, attendu que cela peut estre vn effect de la faculté conformatrice plustost que du temperament. τῆς διαπλαστικῆς δυναμὲως ἔργον εἶναι τὸ ποιῆτον μᾶλλον, ἢ τῆς κράσεως. Et en suite il dit encore à l'imitation d'Aristote, que la semence est comme Phidias, τὸ σπέρμα ἀνάλογον τῷ φιδείᾳ, & le sang de la mere semblable à la cire. Puis donc, comme il dit, que ce n'est pas à la cire de donner la reigle & la mesure, ce n'est pas aussi aux elemens, qui n'ont lieu que de cause materielle, ny à leurs qualitez, qui ne sont que les moindres instrumens, qu'il faut attribuer le pouuoir de former les parties en la generation; mais à ceste faculté qui est contenuë dans les esprits de la semence. Il est certain donc que ceste doctrine imaginaire de l'Examen est contre la raison, contre Aristote, contre Galien, & contre l'experience.

Cap. 6. lib.  
2. de temp.

Cap. 3. lib.  
2. de facult.  
natur.

En vn certain pays vers la Scythie, du temps d'Hippocrate, les hommes auoient la teste plus longue quel'ordinaire, estimans cela vne marque de valeur & de courage; & pour ceste consideration, ils continuerent quelque temps de bander à leurs enfans & presser souuent ceste partie avec les mains, quand ils l'auoient d'une autre forme, afin de leur donner ceste figure par artifice; & ceste coustume eut tant de pouuoir, qu'elle se tourna en nature avec le temps. Car en fin dans toute ceste region là ne naissoient que des testes longues, sans besoin d'y plus apporter l'industrie accoustumée. Au commencement, dit Hippocrate, la coustume en fut la cause, mais maintenant, la nature par accord fait avec la coustume en a pris la charge. *τινὸν μὲν ἀρχὴν ὁ νόμος ἀι-  
πώτατος ἐγένετο τῆς μίαντος τῆς κεφαλῆς, νῦν  
δὲ καὶ ἡ φύσις συμβάλλεται τῷ νόμῳ.* Voicy donc comme ie raisonne sur ce suiet.

Puisque ces peuples du Septentrion auoient acquis par coustume ceste forme longue de la teste, sans changement de temperament, & mesme sans rien innouer, que la coustume est passée en

nature, Il appert que l'instinct du temperament n'a peu estre la cause de ceste figure.

Ainsi voit on que les nourrices forment & façonnent les membres des enfans nouveaux nés, comme s'ils estoient de cire, τοὶ κῶλα διαπλάττεισιν αἱ τροφαὶ τῶν βρεφῶν ὥσπερ κέρανα, dit Galien : & Platon est tescmoin, que cela se prati-  
quoit par les Eunuques au pays des Perses. Ainsi la cire est susceptible de toutes sortes de formes, sans luy rien changer de ses autres qualitez, parce qu'il suffit que celuy qui veut façonner quelque ouvrage de ceste matiere, ayt la main habile, pour y imprimer ce qu'il aura conceu en son esprit. Et en cela l'art imite la nature; car le peintre afin d'vser d'un autre exemple, est comme la faculté; la main les esprits; les pinceaux, la chaleur du Ciel; les matieres & les couleurs; le corps de la semence, le sang de la mere & le temperament. Comme donc ce n'est pas assez d'estre muni de bonnes couleurs, pour bien représenter vne histoire en vn tableau, de mesme en la generation de l'enfant il ne suffit pas d'auoir la faueur du tēperament,

Lib. de  
temper.

parce que plusieurs autres pieces ont plus de coup & sont plus nobles & plus necessaires.

Pour plus grande foy de tout cela, nous auons quel'imaginatiue de la mere desrobe quelquefois à la faculté lors de la generation, le type & la figure naturelle qu'elle deuoit imprimer à l'enfant, pour luy en supposer vne autre avec violence; apres s'estre imaginé vi-

*Plin. cap. 112. lib. 7. nat. hist.* *haustas imagines sub ipso conceptu.* Prenons

pour exemple ceste femme, dont fait mention l'Examen, laquelle accoucha d'un enfât noir apres auoir veu en peinture l'image d'un More. Est-il possible que ce larcin soit vn effect du temperament? s'il est indifferent aux deux couleurs, comment peut-il auoir esté cause de cét eschange? l'imaginatiue de la mere à la veuë de ceste image peinte, peut-elle auoir bruslé les humeurs de sorte que la peau de l'enfant en soit deuenüe noire? mais que respondra t'il à ce que recite Aristote d'une autre femme, laquelle engrossie par vn More d'Ethiopie, eut vne fille qui ne tenoit rien de l'Ethiopien; & que ceste fille depuis engendra

engēdra vn fils More comme son grand pere? s'il dit que lors de la generation de la fille, la semence de la mere fut plus forte que celle de l'Ethiopien & que cela fit perdre coup au temperament de la semence du pere; mais depuis qu'il se remit en son premier train, lors que la fille deuint grosse d'un fils; Ceste response comme vn œuf hardé auroit plus de monstre que d'effect & de verité. Cela seroit bon à dire de la faculté qui forme l'enfant, laquelle reserue quelquefois la ressemblance d'un ayeul ou bisayeul iusques au troisieme & quatrieme degre; non du temperament, lequel ayant failly à faire vn More du premier coup, ne peut pas estre reserué pour vne autre fois. Si le temperament chaud; pour exemple, au troisieme degre de la semence du More, a perdu vn degre de sa chaleur en la generation de la fille, à raison dequoy elle n'a point esté More comme le pere; d'où peut estre reueu ce troisieme degre, lors de la copulation de la fille avec le mary qui n'estoit point More? Pourquoi les autres femmes souuent n'engēdreront elles point des Mores, si le temperament qui faict

les Mores peut estre acquis si facilement ? Nous traicterons de cela plus amplement cy apres.

Las facultades o el temperamento en que consisten. chap. 4.

L'enfant, dit-il, incontinent qu'il est né, sçait attirer l'aliment, parce que les facultez ou le temperament auquel elles consistent sont toutes sçauantes, sans auoir esté instruites. Tout cela est faux. Il a dit cy deuant instinct naturel ou du temperament; & icy: les facultez ou le temperament; comme s'il n'y auoit rien de difference entre le temperament, les facultez, & l'instinct de nature: en intention de tromper le lecteur, faisant couler ces mots, en suite l'un de l'autre insensiblement.

Pour l'attraction de l'alimēt & pour la nourriture il n'y a point de qualité plus conuenable que la chaleur, pourquoy quelques anciens Philosophes en attribuoient la cause à l'element du feu; lequel seul entre les elements, est capable de nourriture, comme nous voyons que l'huile en vne lampe est attirée par la flamme, pour son aliment. Sur quoy, peut-estre s'est fondé l'Examen, quand il donne au temperament de l'enfant, la cognoissance de tout cela naturelle-



ment. Mais il se trompe; car nourrir est vne action, dont l'ame est le principe, & non le temperament. La chaleur ayde bien en quelque sorte aux facultez d'attirer & de nourrir, & neantmoins elle n'en est pas la cause absolument, mais l'ame, dit Aristote, *ἡ τὸ πῦρ (ὡς αἰτίον πᾶς μὲν ὄντος, ὃ μὲν ἀπὸ πᾶς καὶ αἰτίον ἀλλὰ μᾶλλον ἢ ψυχῇ.* *Cap. 4. lib. 2. de anima.*

Si en l'homme la nourriture n'estoit attirée que par le moyen seul de la chaleur, tout le sang alimentaire iroit au cœur, qui est la plus chaude partie de tout le corps. Il est certain que chacune partie du corps a la faculté d'attirer le suc & l'aliment qui luy est propre, les bilieuses comme les poulmons, le sang bilieux; & les pituiteuses, comme le cerueau, le sang pituiteux. Le temperament ne peut estre cause de ceste attraction: Car en quelle eschole auroit-il appris à faire election du sang bilieux ou pituiteux, pour estre si exactement distribué aux parties bilieuses & pituiteuses? si le temperament n'est vn démon, il est impossible qu'il ayt tant de cognoissance, de science, & de raison, qu'il luy en est donné icy, par l'Exa-

men: comme Galien : dit du ventricu-  
 le, qu'il seroit vn animal raisonnable, &  
 non vne partie organique dediée sim-  
 plement à la nature, s'il cuisoit les vian-  
 des, par preuoyance des autres parties  
 du corps.

C'est l'ame donc, ou la faculté ve-  
 getatiue, qui est la cause de l'attraction  
 de la nourriture, par le moyen des ef-  
 prits, des fibres, & du temperament de  
 chaque partie; & le choix se fait, à cau-  
 se de l'affinité des substances. Car com-  
 me l'on dit de l'Aymant qu'il attire le  
 fer, à raison que leurs principes se regar-  
 dent, de quelque proportion, comme  
 leur couleur en rend tesmoignage; de  
 mesme, les poulmons attirent, & choi-  
 sissent le sang bilieux, pour leur nour-  
 riture. De sorte que l'attraction que font  
 les parties du corps, des alimens qui  
 leur conuiennent, est admirable en pa-  
 reil degré, que l'attractiō de l'Aymant;  
 mais parce que c'est vne actiō, qui se fait  
 dedans nous, & qui nous est ordinaire,  
 nous en perdons l'opinion du miracle.

L'ame n'opere que par le moyen des  
 organes, il est vray: mais c'est elle qui a  
 le dessein, & qui porte le pouuoir. C'est

2.  
 Lib. 3. de  
 facul. nat.  
 ἡ γὰρ ἡ ἐν-  
 κέπ φυσι-  
 κὸν ὁ ἔρα-  
 νοι ἀλλὰ  
 ζωὸν ἰσχύ-  
 οῦν, ἀν-  
 ἡσυχίᾳ περὶ  
 τὴν ἐξου-

elle seule, qui est le principe de l'action. La loüable conformation des parties, & les autres conditions de la matiere, les esprits & le temperament, aydent & seruent à l'operation, comme au peintre, la main, les pinceaux, & les couleurs. Mais à l'instinct & à ceste propriété naturelle de faire cecy ou cela, toutes ces choses sont inutiles, veu qu'il n'y a nulle proportion entre le temperament & l'instinct naturel de l'Abeille, ou de l'Araigne, à faire du miel ou de la toile. L'instinct est de la forme, & l'operation est d'elle encore; mais les dispositions du corps y ont part aussi, comme secondes causes.

Le Cheureau incontinent qu'il est né essaye de sauter à petits bonds, & faire ce que nous appellons des cabrioles, selon le propre de son espee; & ceste action est commune à la forme & aux instrumens de la forme: mais quand il est besoin, pour mouuoir vne jambe, de choisir en vn instant les muscles qui doiuent seruir à ce mouuement, c'est vn droit & vn priuilege qui appartient seulement à la forme. Ce n'est pas au temperament de commander, mais d'o-

beyr sans cognoissance de cause, tant s'en faut qu'il enseigne à l'ame, comme elle doit se conduire en l'exercice de ses facultez.

L'ame sensitive meut le corps, par le moyen des muscles, & les muscles par les esprits: mais les esprits comment? n'est-ce point de la vertu propre de l'ame, sans ayde d'aucune autre cause moyenne? car si l'on disoit par le moyen du temperament, pour exemple, l'on rentreroit encore au mesme doute; & par ainsi nous aurions vne suite infinie de questions & de responses. Les esprits obeïssēt à l'ame, de premier coup, parce qu'ils sont prōpts & d'une substāce subtile; & la chaleur n'est point la cause de ceste subtilité, veu qu'ils sont plus subtils dās le cerueau, qui est froid de temperament, que dās le cœur qui est principe de chaleur, à tout le reste du corps.

Quand l'enfant s'adonne à teter, incontinent apres estre né, c'est vne action à laquelle peut ayder le temperament; mais lors qu'il est question de rendre raison, pourquoy quand il veut tetter, il approche plustost les levres que les oreilles; c'est vne viande que ne peut di-

gerer, ny le temperament, ny l'Examen. C'est vn choix, qui ne prouient que de l'ame, laquelle a donné cét instinct aux levres de l'enfant, comme Dieu & la nature, l'ont donné à l'ame. De sorte que l'ame imprime aux muscles des levres, l'instinct à ce mouuement de tetter, & les fait mouuoir par le moyen des esprits; combien que ny l'ame, ny l'enfant ne sçachent point l'vsage de telles parties, ny mesmes qu'elles soyent en estre.

Les mouuemens volontaires sont bien conduits par la volonté, comme la volonté par la cognoissance. Mais ceste cognoissance est des choses que nous desirons, & non des parties organiques, qui seruent au mouuement, veu que personne ne sçait (quand il est besoin de mouuoir vn bras, ou vne iambe) quel muscle est nécessaire pour ce mouuement, s'il ne l'a appris par l'anatomie. Et en ceste cognoissance encore il y a du doute, veu que Galiē confesse qu'il ne peut pas rendre raison du mouuement des muscles.

Il est certain donc, puis que l'ame raisonnable & la sensitiue ignorent les causes de leurs fonctions, que la vege-

tative qui leur est inferieure, n'est pas sage & ſçauante dès le commencement de la vie, comme nous veut faire croire l'Examē, mais priuée de toute cognoiſſance, comme dit Galien, *παντα πασιν ἄλογος*. Les beſtes n'ont point de volonte, mais vn inſtinct, qui les pouſſe naturellement aux actiōs propres de leurs eſpeces; de ſorte qu'elles ſont obligées à l'vnité & continuité de leurs ouurages. Il n'eſt donc pas beſoin qu'elles cognoiſſent les parties dōt elles ſe ſeruent, en telles actions. Quand l'araigne fait ſa toile, elle ſ'y employe ſans ſçauoir ce qu'elle fait, ny à quelle fin ny avec quels inſtrumens, ny avec quelle matiere, parce qu'il ſuffit, que l'inſtinct de ſa forme, la pouſſe à cela ſans en auoir la cognoiſſance: & pour preuue que cēt inſtinct eſt de la forme & non du temperament, nous voyons entre les animaux, que le veau, qui a vn inſtinct naturel de ſe defendre de la corne, eſt porté meſmes à faire ceſte action auant qu'il y ait ſur ſon front aucune apparence de cornes, *Cornua nata prius vitulo quam frontibus extant*. La cauſe de cela ne peut eſtre le temperament des cornes, puis qu'elles ne ſont point encores.

*Lucretius.  
leg Gal de  
usu part*

*Continuation du discours, que l'instinct naturel ne depend point du temperament. Response à quelques obiections sur ce mesme sujet.*

# CHAP. VIII.

**L'**A ME vegetatiue, dit l'Examen, fait mille fautes quand la semence se trouue de mauuaise substance, ou d'autre temperament qu'il n'est requis: car si elle est froide & humide avec excès, Hippocrate dit que les hommes qui en sont formez, sont eunuques ou hermaphrodites. Si elle a trop de chaleur & de secheresse, selon le tesmoignage d'Aristote, elle les rend contrefaits, ayans les iambes torfes, & le nez plat & camus, comme ceux de l'Ethiopie. Si elle est trop humide, les hommes en deuiennent grands & puissans, comme petits de corps, quand elle est seche outre mesure, selon l'opinion de

„ Galien. Il adioust, que l'ame vegetati-  
 „ ue, qui est sage & puissante en l'enfance,  
 „ à cause de la grande chaleur & humidi-  
 „ té naturelles, ne peut pas faire en la  
 „ vieillesse, ce qu'elle auoit de coustume,  
 „ à raison que le corps est deuenu froid &  
 „ sec en cét âge là: de sorte que si vne dent  
 „ tombe à vn vieillard, il n'est pas possi-  
 „ ble à la nature au lieu de celle là d'en re-  
 „ faire vne autre, où en l'enfance si elles  
 „ tomboient toutes, nous voyons qu'elle  
 „ trouue le moyen de reparer ceste perte.

I.  
*Exam.*  
*chap. 4.*  
 Si al  
 mucha  
 co le faltā  
 todas, ve-  
 nios que  
 naturales.  
 sa las tor-  
 na a hasē.  
*Espag. 44.*  
*fr. 22. v. 23.*  
 a.

Pour satisfaire à tout cela, ie dis que  
 la difficulté ne consiste pas à sçauoir si  
 l'ame vegetatiue se sert du tempera-  
 ment, pour l'exercice de ses facultéz: car  
 tous auoient cela comme véritable;  
 mesme pour le regard de la sensitiue.  
 Mais ie nie que le tēperament rende l'a-  
 me sçauāte, & qu'elle ne face riē que sous  
 sa cōduite. Car outre ce que l'ame vege-  
 tatiue est du tout auetugle & ignoran-  
 te, comme i'ay dit nagueres; le tempe-  
 rament & les autres dispositions sont  
 seulement à sa suite en qualité d'offi-  
 ciers, & de causes instrumentaires. Il ne  
 seroit pas besoin d'une ame, si le tem-  
 perament auoit la science, & l'action:



Or il a la science, selon l'Examen, puis qu'il est le pedagogue de l'ame; & l'action, puis qu'il croit que la force de l'ame depend de la force du temperament, le corps donc auroit tous ses mouuemens par le temperament, & seroit mû, comme les images de Dedalus. Aussi semble t'il, que l'Authent par tout son liure, ne parle de l'ame que laschement: pour couvrir quelque mauuaise opinion qu'il a de l'ame raisonnable; & s'il croit que les corps qui ont vie, ayent vn autre ame que le temperament, qu'elle ne leur rend autre deuoir, que de les conseruer par sa presence; comme l'on dit par raillerie, de l'ame du pourceau, qu'elle ne luy sert que de sel, pour empescher la corruption. Je m'estonne comme il est possible que ceste doctrine de l'Examen ayt eu cours dans l'Espagne, pays d'inquisition, veu qu'elle seroit mieux logée en l'eschole d'Epicure. Mais passons à l'Examen de ce qui suit apres.

Ce qu'il allegue des Hermaphrodites n'est point veritable. Hippocrate ne dit point cela, mais qu'en la Scythie, plusieurs, pour estre trop humides de

leur natutel, deuiennent froids & impuissans, comme s'ils estoient chastrez, *ἐνυχία γίνονται οἱ πλεῖστοι διὰ τὴν ὑπερίσταν τῆς φύσεως*. Le lecteur cognoistra par la conference, que l'Auth eur ne rapporte pas fidellement les textes, & qu'estant passionné à soustenir vne fausse opinion, il ne fait point scrupule de citer à faux les paroles d'Hippocrate. Tout ce qu'il cite icy d'Hippocrate, d'Aristote, de Galien, n'est que pour prouuer que le temperament est le chef & le maistre qui enseigne à lame, comme elle doit se conduire en ses actions, & cela, comme j'ay dit, pour tirer l'ame raisonnable en consequence, & demōstrer finalement, par les marques du temperament, la diuerse capacité des esprits. Mais en tous ces poincts il erre grandement, parce que l'ame raisonnable a trop de priuilege au dessus des deux autres, pour deuoir estre comprise dans la generalité de son enoncé, & ainsi mal menée & indignemēt par les qualitez elemētaires. Il se sert neantmoins de l'autorité d'Aristote, pour appuy de ses maximes, quoy qu'il luy soit totalement contraire, comme presentement i'en feray la demonstration.

L'opinion du Philosophe est que l'ame est principe de mouuement. L'Examen au cōtraire, dit que le tēperament est le principe des operations de l'ame, son maistre & son pedagogue. Aristote blasme ceux qui rendoient l'ame suiette à l'accommodement du corps, ψυχὴν ἐνὴνμοζον τῷ σώματι, & l'Examen soustient, que toutes les actions de l'ame, sont selon les dispositions du corps & selon le temperament. Aristote dit que la premiere ame, c'est à dire, la vegetatiue, est le principe de la nourriture, τὸ μὲν τέλειον ὅτιν ἡ πρώτη ψυχὴ: & l'Examen, que l'ame est puissante de nourrir le corps quand elle est bien temperée, entendant couuertement, que le bon temperament est le principe de la nourriture. Aristote dit que la vieillesse ne vient pas de ce que l'ame patit ou reçoit quelque dechet en cēt âge là; mais le corps auquel elle est, τὸ μέγας ὅτι τῷ τὴν ψυχὴν πεπονθέναι τι, ἀλλ' ἐν αὐτῷ. Cap 4. lib. 2. de anima. Et l'Examen que l'ame en la vieillesse oublie & ne peut plus faire ce qu'elle auoit de coustume, & qu'elle n'a ny sçauoir ny pouuoir, à cause de la grande froideur & secheresse du corps. De for-

te qu'elle ne peut pas lors, au lieu d'une dent perdue, en faire renaître une autre. Il y a donc faute, en tout ce qu'il dit, au jugement d'Aristote. Je discourray principalement sur ce dernier point, par maniere d'exercice.

L'ame ne cesse point d'operer en la vieillesse, par impuissance de sa part, mais par le dechet des matieres, ou par l'inhabilité des organes. Si un vieillard d'as la dernière debilité de son âge pouvoit avoir les yeux d'un jeune homme, il verroit comme un jeune homme, & l'é-

*Aristoteles* πῶς αὖ ὡς ὁ πρὸς τὸν ἄνθρωπον, dit Aristote. Ce n'est donc pas que l'ame ayt oublié, ou que de son chef, elle soit impuissante de faire son action; mais parce qu'elle n'a pas cela, dont elle a besoin. Elle ne manque pas à ses organes, mais ses organes luy manquent. En tout âge elle peut faire toutes actions, si elle trouve les matieres propres & une loüable disposition en ses organes, comme fait foy l'exemple de Zancles, à la ruine de

*Apud Plin-* ceste opinion de l'Examen, cui renati sunt  
*nium cap.* dentes post centum & quatuor annos. Les  
 37. lib. 11. dents luy reuindrent apres l'âge de cent  
 hist. quatre ans, au tesmoignage de Mutia-

nus, qui disoit l'auoir veu. Les debilités, & les maladies du corps, ne passent point iusques à l'ame : car il s'ēsuiuroit en la perclusion du corps, qu'elle seroit paralytique.

Quand quelqu'un tient en main vn cachet pour représenter la figure qui y est grauée sur de la cire ; sans doute, il l'imprimera nettemēt, si la cire se trouue de loüable consistance : mais si elle est dure ou molle, plus qu'il ne faut il y aura de la faute en l'impression, non de la part de la main ou du cachet, mais de la cire qui est la matiere. De mesme quand la faculté generatiue, qui est comme la main, se sert des esprits de la semence, qui sont comme le cachet, & qui portent les caracteres de toutes les parties du corps, si elle rencontre le corps de la semence, de consistance loüable, & de bon temperamēt, elle formera le corps selon le dessein de la nature. Mais si elle trouue les matieres peu obeyssantes, par l'excez, ou le defaut des premières, ou secondes qualitez, il se coulera du mauuais mesnage, en la conformation, αἰ *Probl. 1.*  
 ὑπερβολαί, dit Aristote, ἐξ ἡτῶσι καὶ τὸ *sect. 14.*  
 σῶμα ἀνατρέφεται : non que la faute doi-

ue en estre reietée sur le dereglement de l'ame , ou de la faculté : mais sur l'inhabileté de la matiere , à receuoir son action, qui est comme l'impression du cachet.

Le corps peut estre blessé par maladies où tout vſe de vieillesse, comme vn ancien seruiteur , qui ne peut plus rendre de bon seruice ; & l'ame aussi operer à proportion : mais elle demeure toujours saine & entiere en son essence. Le temperament donc ne conduit pas l'ame , mais l'ame opere & se conduit en son action , selon le temperament. I'entens l'ame vegetatiue & l'ame sensitiue. Et ce qui est encore à considerer, est que le temperament n'est pas la seule cause del'embompoint & de la conseruation du corps, mais ceste humidité naturelle ou radicale , qui est la force des fonctions, le fondement de la vie, & la substance des parties similaires. Car elle participe plus du ciel , que des elemens ; pourquoy la perte qui se fait insensiblement de ceste humeur, est irreparable & avec le temps nous conduit à la mort ; à raison que le suc des alimens que nous prenons pour reparer la perte de ce baume,

baume, n'est pas d'une telle vertu : de sorte que l'huile nous manque en fin, comme en une lampe.

Cela se voit apparemment aux jus des viandes, que l'on tire par expression, pour les malades : car si l'on presse une perdrix qui aura esté prise ieune & au fort de sa chaleur, elle rendra à la presse un suc qui aura plus de corps & de nourriture loüable, & qui se tournera en gelée apres estre refroidy. Où si elle est prise vieille, le suc qui en sera tiré, demeurera tousiours clair & de consistance d'eau ; parce que l'âge aura consommé toute l'humeur radicale & naturelle, & ne sera rien resté que l'humeur elementaire. Mais passons au reste.

Il dit apres Galien, que le Cheureau, incontînét qu'il est né, essaye de cheminer, & sçait choisir la nourriture qui luy est propre ; & il apporte outre cela, plusieurs exemples d'oyseaux & d'autres animaux, qu'il dit faire mieux leurs fonctions, entre ceux de leur espece, à raison de l'instinct de leur bon temperament ; comme de plusieurs chiens sortis d'une même mere, les uns sont bons à

la chasse, & de haut nés; les autres goulus, & de mauuaife nature; & conclud que c'est le temperament qui apprend à l'ame sensitiue ce qu'elle doit faire. Il est raisonnable que cecy passe encore par l'Examen.

1.  
Quo el  
tempera-  
mento es  
elmaestro  
que ense-  
na al'ani-  
ma sensi-  
tiua, lo  
que ha de  
hafer.  
*chap. 4.*

Le Cheureau n'essaye point de marcher, à raison de son temperament, attendu qu'ayant toutes les parties basses temperées de mesme sorte, il marcheroit aussi tost sur le ply des genoux, que sur les pieds. Mais ie luy demande, à quelle sorte de temperament doit estre referé le marcher & pourquoy le Cheureau apres estre né, n'essaye point de voler, comme les oyseaux. S'il dit qu'il a trop peu de chaleur, pourquoy l'euphorbe, le poiure, le soulfhre qui sont grandement chauds, sont-ils priuez aussi de ce mouuement. Mais pourquoy vn Cheureau, qui aura esté suffoqué en vn momēt, sans perte, ny de son temperament, ny d'aucune de ses parties, est il impuissant de marcher? il a encore les iambes temperées comme aupara-uant, & nean-moins il est priué de ce mouuement, parce qu'il est priué de la forme, qui est le principe du mou-



uement.

La chaleur naturelle donc, & la bonne temperature n'ont autre qualité que d'instrumens, ou de dispositions, qui ne seruent qu'à rendre les parties souples aux commandemens de l'ame, & promptes à obeyr; comme à l'Orfevre, la lime & le burin. l'vse encore de cét exemple, pour rendre le tout plus intelligible: car tout ainsi que le burin ne sçait rien de l'intention de l'ouurier tant s'en faut qu'il puisse luy servir de directeur & pedagogue: le temperament aussi ignore les desseins de la nature, & les instincts qui sont imprimez en l'ame naturellement.

Il me semble donc, que cét Examen des esprits est vn trauail inutile, parce qu'il produit mille raisōs sās raisō, des instincts naturels, & dont il est impossible de rendre raison. S'il me peut dire à quel temperament doit estre rapporté le beau plumage du Paon, & le diuers ramage des oyseaux. Pourquoi certaines personnes s'euanoüyssent, & quelques animaux, comme le Vautour & l'escarbot, meurent, à l'odeur de la rose. Pourquoi les dents qui sont insensibles

à la solution de continuité ( car elles peuuent estre limées sans douleur ) & sensibles à l'intemperie , veu qu'elles ne peuuent pas endurer la froideur de la glace. Alors ie luy donneray l'honneur de la dispute.

Ce qu'il dit en suite , est encore de mesme farine: car au lieu de mōstrer par marques exterieures , si vn poulain est ou fera de bon seruice ; si vn Chien ou vn Éspréuier seront bons pour la chasse, il dit quand ils sont habiles aux exercices de leurs espèces, que c'est signe qu'ils sont biē temperez. Et puis qu'un Chien chasse bien en jeunesse , & non estant vieil , que cela vient , de ce qu'en vn temps il a le temperament de la chasse , & en vn autre non. Puis il discourt du fourmy & du temperament de son cerueau. Tout cela, *quisquiliae volantes, & venti spolia.*

Plusieurs Chiens sortis d'une mesme mere , peuuent estre habiles diuersement, non seulement à raison de leurs complexions ; mais ou pour auoir esté la mere couuerte de chiens de plusieurs espèces ( car les barbets , les mastins, les dogues ; les roquets , les turquets , les

leuriers, sont diuerſes eſpeces de chiens differens en proprietez, qui peuuent prouenir de leurs formes ) ou à raiſon qu'ils ſont inſtruits diuerſemēt, & drefſez les vns à la chafſe, les autres à la garde, ou d'une bergerie, ou d'une maiſon; comme nous voyons que tous chiens ſont fideles naturellement, & de propriete occulte; c'eſt à dire du merite de la forme. De deux chiens d'une meſme portee, d'un meſme poil, & d'un meſme temperament, l'un peut eſtre inſtruit à la chafſe, & l'autre negligé, qui ne ſera bon qu'à une cuiſine, pour exemple les deux chiens de Lycurgus. Le bon temperament donc n'eſt pas la cauſe de tout cela, mais vtile à tout cela. Il ne fait pas, mais il aide à rendre les parties du corps plus ſaines & plus habiles à exécuter les commandemens de l'ame, laquelle, comme dit Platon, eſt pour commander & non pour obeyr; non pour ſuiure, mais pour conduire.

ἡνιοχὲν ἐπαίχθη ἔ ἀγεῖν, ἀλλ' ἐκ ἀγῶ-  
 ῶς τε' ἔ σῦρα. Ce que dit l'Examen  
 que les vieux chiens ne peuuent plus  
 chafſer, d'autant qu'ils ont perdu le  
 temperament de la chafſe, merite d'e-

estre expliqué & dit d'une autre façon.

La propriété de chasser, est aux chiens un instinct qui depend de leurs formes, & nullement du temperament; de sorte qu'il parle ignoramment, quand il dit, temperament de chasse. Mais à raison qu'il est necessaire pour chasser, d'avoir bon nez, & les membres forts & souples, les vieux chiens, pour avoir perdu ces deux qualitez, sont inhabiles à ceste action, par la debilité du corps, & non à cause du manquement de l'instinct ou de la forme. S'il dit qu'il confesse bien que l'instinct depend de la forme, comme de son principe, mais qu'il n'entend parler, que de la difference des actions, & que la diuersité que l'on voit aux chiens, de chasser bien ou mal, ne depend que de la variété des temperaments. Je responds que le temperament ne peut faire cela, & qu'il est besoin d'avoir bon odorat, les membres bons & l'appetit porté à cet instinct, toutes choses qui dependent plus des esprits, des parties, & des facultez, que du temperament. Je voudrois bien avoir appris de l'auteur de l'Examen, quel est le temperament de la chasse, & pourquoy.

les vieux chiens de chasse perdent ce  
temperamēt en leur vieillesse, veu qu'ils  
sont secs d'humidité naturelle, & que  
l'odorat depend du temperament sec,  
& en suite de ce qu'il dit ailleurs, que *Leg. infra*  
l'homme estant vieil, raisonne mieux, *112.*  
parce qu'il a le temperament del'enten-  
dement & de la prudence, & que les  
abeilles sont doüées de prudence, à rai-  
son qu'elles sont seches de complexion.  
C'est qu'il dispose des temperamens,  
des facultéz, des esprits, des arts, & des  
sciences, tout ainsi qu'il luy plaist.

Pour cognoistre la bonté des chiens,  
les meilleures marques, entre les chaf-  
seurs, sont, outre la taille & le pelage,  
quand ils sont de haut nés, quand ils  
ont la teste grosse & longue, les oreilles  
larges, le rable gros, la cuisse troussée,  
le jarret droit & la queue grosse & non  
retirée entre les jambes, car Plinētient  
cela pour vn mauuais signe. *Canes dege-*  
*nerēs, dit il, sub alium caudam reflectunt.*

Ce qui est mesme reconnu par le vulgai-  
re, & quasi tourné en proverbe. Les  
chevaux ont aussi leurs marques parti-  
culieres ( ie les compare icy avec les  
chiens, suivant la route de l'Examen, &

parce, comme dit Pline, que ces deux animaux, sont fidèles compagnons aux hommes, *fideliſſimum animal ante omnia, homini canis & equus*. Le cheual eſt eſtimé de bon ſervice, qui eſt de belle taille, qui a la teſte petite, les oreilles petites & droites, le col gros & court, la poitrine & la croupelarges, la queue roide, & eſt *rotundis clunibus*. Toutes ces marques dependent de la conformation, pluſtoſt que du temperament; & neantmoins, il ſe trouue des chiens & des cheuaux de la plus mauuiſe façon du monde, qui ſont meilleurs que beaucoup d'autres de meilleure forme en apparence, pourquoy l'on dit communement, de toute taille bon leurier. Que pourra reſpondre à cela l'auteur de l'Examen, ſuppoſé ce qu'il ſouſtient ailleurs, que l'habileté, la beauté du corps & l'integrité des actions, dependent du bon temperament? il a voulu entreprendre la deffence du temperament; & le ſouſtien de ceſte mauuiſe cauſe, rend ou debiles ou douteuſes, ou fauſſes toutes ſes maximes.

Nous le plus bel homme de tous les Grecs fut trouué, au ſiege de Troye

le plus lâche & le moins courageux, de toute l'armée. Entre les oiseaux le Paon qui a vne beauté incomparable, *φιλόχαλον ζῷον*, est creu d'une mauuaise nature, *Pauo pulcherrimum animalium*, dit Pline, *creditur esse maleuolum*, cela ne se peut faire, selon les raisons de l'Examen, sans contrariété de temperament, en vn mesme suiet.

L'enfant, dit-il, sçait demener les livres, & teter aussi tost qu'il est né; ce que ne sçauroit faire vn homme tant sage soit-il. Je suis marry que tant d'impertinences sortent de la boutique d'un si bel esprit. Les hommes peuuent teter aussi bien que les enfans, mais parce que ceste action ne leur est pas ordinaire, il croit impossible. Il ne sçauoit pas l'histoire de ceste femme de Rome, laquelle apres auoir eu permission de visiter sa mere, condamnée à mourir de faim dans la prison, trompa quelque temps le concierge, qui estoit soigneux de la fouiller tousiours à l'entrée, de peur que secrettement elle ne luy portast des viures. Toutefois sur le doute, l'on découurit en fin qu'elle se nourrissoit du lait de ses mammelles : pour

Leg. Plin.  
cap 37. lib.  
7. nat. hist.

memoire de ce miracle, la vie sauue de la mere fut donnée à la pieté de la fille, & ordonné, qu'elles seroient l'une & l'autre nourries le reste de leurs iours, aux despens de la Republique. Vn temple fut basti & consacré à la pieté, au lieu où ceste pieté fut exercée. Vne autre fille voyant son pere en pareille peine, le nourrit aussi de son laiët; comme vn enfant, combien qu'il fust en sa dernière vieillesse, *Patrem suum iam vltima senectutis, velut infantem pectori suo admo- tum aluit.* Mais sans chercher si loing des exemples, ne voyons nous pas souuent des malades, tabides de fièvres hectiques, par ordonnance de leurs Medecins, vser du laiët de femmes qu'ils tettent iournellement de leurs mammelles? Cela est si frequent dans les escrits des Medecins que l'on iourneroit à risée, si i'en apportois des exemples.

Quant à ce qu'il adioust de rire & du plorer, ie ne puis m'imaginer, comme il a osé donner au temperament ces proprieté, qui naissent des principes de l'essence. Ie ne croy point, que l'homme qui est seul capable de rire entre les animaux, ayt vn temperament particu-

Valer.

Max. cap.

4. lib. 5.



lier pour cela. Il n'y auroit pas plus de contrariété entre la vie & la mort, qu'il s'en trouueroit entre les temperamens d'Heraclite & de Democrite.

*Exemple de phrenetiques & de melancoliques. Si par le temperament ils peuuent predire ce qui est à venir.*

C H A P. I X.

**L'**AVTHEVR de l'Examen semble presser dauantage, quand il apporte des exemples de phrenetiques, qui oublioient toute leur science durant leur maladie, s'ils estoient sçauans, & s'ils ne sçauoient rien, acqueroient plus d'esprit & d'habileté qu'ils n'en auoiēt parauant. Il dit auoir veu vn villageois parler eloquemment, estant en phrenesie; & vn autre qui se mesloit de poësie & de faire des vers, lequel toutefois estant sain n'y cognoissoit rien. Il recite l'histoire d'un page phrenetique, qui auoit opinion d'estre Roy; & discou-

roit pertinemment des affaires d'Estat ; combien qu'en sa santé il fust réputé de peu d'esprit & de iugement. Volontiers ie luy accorde tout cela. Ce seroit trop de peine, pour m'informer du faict, de faire vn voyage en Espagne : puisque d'ailleurs nous voyons souuent des euenemens, autant ou plus estranges & extraordinaires ; à quel propos rebuter ceux-cy comme impossibles ?

\* auparavant

Il se trouue de certains hommes songearts, & de peu d'esprit en apparence, lesquels neantmoins remarquent & retiennent ce qu'ils oyent dire, & font memoire de tout ce qu'ils iugent digne d'estre noté, sans intention toutefois d'en faire leur profit ; à raison qu'ils sont rustiques de condition ou de naturel ; ou parce qu'ils se delectent à parler peu, comme ces melancoliques, qui ne prennent plaisir qu'à s'entretenir sur le suiet de leurs pensées. Estant seuls, ils ruminent & discourent tacitement en leur esprit, ou à petit bruit ; & s'ils ont de l'affection, ou de l'inclination à quelque chose, comme à la poésie ; apres auoir ouïy proferer des vers, & entendu qu'il y faut de la rime ; ils s'occu-

pent à rimer, en leur phantasie, sans en faire aucune demonstration en l'exterieur. De sorte que s'il arriue, qu'ils tombent en demence, par accident de fièvre ou autrement, & que le feu leur monte au cerueau ils deuiennent plus hardis & disent effrontement ce qu'ils n'osoient declarer parauant. Alors chacun demeure estonné que telles personnes rudes, stupides, & sans esprit, ayent appris en si peu de temps, & contre leur coustume, à parler avec de l'ornement, & de l'assurance, comme le premier, dont fait icy mention l'Examen; à faire des vers, comme le second; & à discourir des affaires d'Estat comme le Page.

La chaleur de la fièvre, & le meslange de quelques humeurs ou vapeurs melancoliques, rendent le sang & les esprits plus subtils, plus prompts, & plus brillans; & comme ils sont portez au cerueau, qui est le siege principal de l'ame, ils leuent la honte, & donnent l'assurance de desployer toutes sortes de conceptions. Mais qu'un homme simple, & de basse condition, qui n'aura iamais frequenté ny ouy parler ceux

qui font profession de bien dire; qui n'aura rien entendu de ryme, ny de poésie; qui ne se sera trouué en aucun lieu; où l'on ait tenu propos, d'affaires de gouvernement, ou de police; lors qu'il estoit sain, puisse estant aliéné d'esprit ou discourir eloquemment, ou composer en vers; ou deuiser sagement des affaires d'Estat: <sup>c'est</sup> ce qui est esloigné de ma croyance; Je ne trouue point de raison; à vouloir en attribuer la cause au temperament.

Plusieurs phrenetiques, dit-il, ont parlé Latin sans l'auoir appris. Nous vuidérons ceste matiere cy apres, lors que nous discourrons de la langue Latine. Il fait mention aussi d'une femme aliénée d'esprit, qui racontoit les vices & les vertus de tous ceux qui alloient la visiter. Elle predict à vn Barbier qu'il mourroit dans peu de iours, & que sa femme seroit remariée, à vn foulon. Ce qui aduint, comme elle auoit predict. Il attribué tout cela au temperament. Il me semble que c'estoit assez de luy auoir dōné le priuilege des sciences, de l'eloquence, de la poésie, & de la politique; sans le charger encore

de l'esprit de prophetie, au preiudice des demons.

Si la prediſtion des choſes futures, eſt poſſible à l'homme ( i'inſiſte ſur ce point principalement, parce que declarer les vices ou les vertus de quelqu'un, eſt parler du paſſé, qui peut eſtre ſceu. ) Cela prouient ou du temperament ſeul, ou de l'ame ſeule, ou des deux enſemble. Il ne dira pas que l'ame ſeule en ſoit la cauſe, car il trahiroit ſon client, le temperament: ny le temperament ſeul: car encore qu'il en euſt la volonté, il n'oſeroit pas; attendu qu'il n'y a nul rapport entre le temperament & la prophetie. S'il donne ceſte vertu à l'ame, par le moyen du temperament: il faut que ce temperament ſoit, ou quelque degré de chaleur qui la face penetrer, & comme vne clef luy donne entrée dans la preuoyance des choſes futures; ou qui luy en repreſente les eſpeces. Le premier ne peut eſtre: car l'ame raſonnable, comme ie feray voir ailleurs, n'eſt point ſuſceptible de chaleur. Ny le ſecond: car il eſt impoſſible, que les eſpeces luy ſoyent repreſentées des choſes qui ne ſont point encores. S'il eſt vray, qu'il

n'entre rien en l'ame, qui n'ayt passé par les sens premierement: comment pourroit elle sçauoir ce qui n'est point? Si le temperament a ce pouuoir, pourquoy la prophetie est elle si peu frequente entre les hommes?

Ceux-là, dit-il, qui attribuent tels effects aux demons, sont rudes d'entendement, & ennemys de la philosophie naturelle; parce que le diable ne peut pas sçauoir ce qui est de l'auenir, & qu'il n'a point l'esprit de prophetie. Et moy ie soustiens, contre l'Examen, que ceux-là sont du tout ignorans & ennemys iurez de la verité, qui veulent imputer à la nature des choses qu'elle ne peut faire, & qu'elle ne fit iamais. Mais examinons ceste belle philosophie. Si les demons ne sçauent rien du futur, l'ame ne doit pas auoir en cela plus de priuilege, veu, comme il dit, qu'elle sçait vn peu moins, que le plus auisé diable, qui puisse estre. Ce sont les paroles mesmes del'Examen, *2 Sabe muy pocos menos, que el mas auisado diablo*. Il accuse les autres d'auoir faute d'entendement, & luy mesme manque de iugement & de memoire. Il tiët en vn lieu, que le diable est plus

I.  
Exam. ch.  
4. Esp 60.  
4. fr. 31. b.

plus sçauant, & plus habile que l'homme, & il veut prouuer icy, que le temperament est plus sçauant que les diables. Si ceste Philosophie de delà les monts estoit veritable, on ne vit iamais tant de deuins: car la folie ne fut iamais tant en credit. Chacun voudroit deuenir fol, pour estre Prophete.

Il s'aide neantmoins de l'autorité d'Aristote, qui dit; que les Sybilles & les Prophetes sont tels, à raison de leur temperament, quand la chaleur est proche du siege de l'intellect: <sup>2.</sup> *Διὰ τὸ ἐγγύς εἶναι; τῷ νοεῖν τῶν* <sup>Aristoteles probl. 1.</sup> *τῶν ἡερμῶν* <sup>scilicet. 30.</sup> & que Maracus Poëte de Syracuse, pour ceste raison, deuenoit Poëte, lors qu'il entroit en furie. Il est vray, que le Philosophie; discourant en ce lieu là des effects de la melancholie; pour le regard des sciences, croit que les melancholiques ont plus d'inclination aux lettres; que ceux d'une autre complexion, à raison de la chaleur, que ceste humeur donne au cerueau: & d'autant que ceste chaleur & les autres qualitez de l'humour melancholique, resueillent la phantasie, & l'excitent à remuer toutes ses images; l'intellect, par

mesme moyen, qui est present à tout cela, roule aussi sa pierre, remuë mesnage de son costé, & desploye ses conceptions, sur les especes que luy presente l'imaginatiue. Ainsi, dit-il, Maracus deuenoit meilleur Poëte (il ne dit pas Poëte simplement) lors qu'il estoit en extase, <sup>1.</sup> Μαργαρος δὲ ὁ Συρακούσιος, καὶ Ἀριστοτέλης ἀμείνων ἢ ποιήσας, ὅτ' ἐκστασι. De tout cela bien examiné, il ne s'ensuit pas, que l'Aristote ayt donné le tout à la complexion melancholique, mais seulement, qu'elle communique au cerueau quelque degré de chaleur, qui incite l'imaginatiue, & que l'intellect s'éveille aussi par ce moyen.

*Aristoteles  
ibid.*

L'ame raisonnable, qui est vne substance immatérielle, qui est si principe du mouuement, & qui n'a presque rien plus de son essence, que le mouuement; ne demande qu'à agir & operer. De sorte qu'elle feroit ses fonctions, sans intermission, si elle trouuoit tousiours tous ces empeschemens leuez, & les facultez des sens disposées comme il faut, à luy fournir les especes. Mais d'autant que les parties du corps, qui seruent d'instrumens à ces facultez matérielles,



ne peuuent pas porter ceste fatigue, l'ame est contrainte de cesser avec ses organes, comme les nourrices, quand leurs petits sont dans le repos. La chaleur donc, qui est la plus active qualité de toutes, est fort commode, pour ceste nature de l'ame, & comme dit Fracastor, très-agreable à l'ame. Mais il ne faut point douter, que ceste chaleur ne soit dans les esprits des arteres, & plus chaleur du ciel que des elemens.

Aristote dit, que les melancholiques sont addonnez aux femmes, à raison qu'ils sont spiritueux *πνευματώδεις*, & qu'ils ont les veines pleines non de sang, mais d'esprits. Or l'eiection de semence se fait, par l'impulsion des esprits, *τὸ πνεύματος ὁρμήντος*. Aussi Pythagoras disoit, que le principal instrument des sens, est vne chaleur celeste, & Alexandre vn esprit de la nature du Ciel, *αἰθεροειδὲς πνεῦμα*. Ce n'est donc pas sans raison ce que dit Aristote, que les melācholiques de la meilleure marque, & qui sont suiets aux extases, ont beaucoup de ceste chaleur des esprits, & en suite, sont riches en belles conceptions, dorment peu, dit Themistius,

2.  
Aristoteles  
ibid.

3.  
Alexander  
Aphrodis-  
sans probl.  
94. lib. 1.

& s'occupent quasi tousiours , à la recherche de quelque chose.

Quand l'ame donc trouue la liberté d'agir & des'exercer par la belle disposition , que l'humeur melancholique donne aux esprits , & autres organes de la sensitiue : sur la multitude des especes, qu'elle voit en la phantaisie, cōme en vn miroir, elle desploye tant de conceptions , tant de notions , de raisons d'inuentions, de paroles; qu'il n'est guere possible, que dans ces extases ou boutades , & saillies melancholiques, elle ne rencontre à dire quelque chose de l'auenir , & que de mille predictions, il n'arriue , que quelqu'vne fortuitement soit veritable. Mais cela doit estre dit rencontre, plustost que Prophetie. C'est la doctrine d'Aristote , quand il compare les melancholiques aux tireurs d'arcs , lesquels à force de continuer, en fin rencontrent heureusement. Car selon que l'homme est melancholique & grand parleur ; parce qu'il suit la legereté de sa phantaisie ( comme cela est ordinaire aux phrenetiques , de remuër sans cesse tant d'images en leur esprit; & tant de conceptions , que la langue ne peut

1.  
Cap. 1. lib.  
de diuina-  
tione per  
insomnia.  
leg. The-  
mist. ib. in  
cap. 3.

pas fournir à les exprimer : ) finalement il touche le but, & par hasard il dit la verité. διὰ τὸ πολλὰ ἔπαντοδὶα κινεῖσθαι, επιτυχάνουσιν, dit Themistius. Themist.  
ib. Ils rencontrent à dire vray, apres auoir remué des notions, & des conceptions de toutes sortes.

Les esprits donc, les humeurs, la chaleur, peuuent exciter l'ame, par la multitude des obiets: mais qu'ils ayent pû luy représenter la mort d'un Barbier dans peu de iours, & le mariage de sa femme avec vn foulon, comme raconte l'Examen, C'est ce que ie ne croy point, si avec cela il n'y a de la reuelation. Les predictiōs des Sybilles ont esté plustost de la part de Dieu, que du demon, ou de la nature. Je sçay que la nature a vn grand pouuoir dans le mōde, veu qu'elle se rend admirable à tous momens, & qu'elle produit des effets, qui passent toute croyance. *In omnibus momentis fide caret*, dit Pline, *nil incredibile existimandum de ea*. Le Philosophe l'appelle, φύσιν δαιμονίαν : & neantmoins, de croire que les oracles se fissent, par vne vertu de la terre: les predictions des phrenetiques, par vne colere bruslée; & les

Propheties des Sybilles, par vne vapeur mélancholique; il ne m'est pas difficile seulement, mais impossible.

Je trouue si peu de raison en tout cela, que ie serois contraint pour ce seul poinct de me declarer partie del'Examen & de manquer de garantie à la nature. Les oracles anciennemēt estoient, ou collusions de demons, ou vne imposture d'hommes attitrez. Toute la folie, tous les phrenetiques du monde ne sçauroient auoir fait vn carme Grec ou Latin sans instruction, s'il n'y a de l'operation du demon, ou de l'inspiration d'vne meilleure cause. La mélancholie la plus fine & la plus luisante, la plus louable complexion, le plus docte temperament d'entre les hommes, ne sçauroient auoir fait l'acrostique de la Sybille.

En suite de tout cela, ce que porte l'Examen sur la fin du quatriesme Chapitre ne conclud rien necessairement. Il demeure d'accord avec luy; qu'il y a deux sortes de diuination, vne artificielle, & l'autre naturelle. La diuination artificielle; quand par signes experimentez, nous tirons vne coniecture cer-

tainede l'aucnir. Pour exemple, quand vn Medecin, par les signes du quatriefme iour predict la crife qui arriuera, & pour le regard du temps, & pour le regard de l'espece. La naturelle, quand quelqu'un estant en excès d'esprit, ou esclairé de quelque lumiere outre la nature, predict ce qui aduiendra, comme l'on dit de Sauonarola, qu'il annonça la venuë de Charles VIII. en Italie, plus de dix ans parauant. La difficulté est pour ceste-cy; sçauoir si le temperament en peut estre la cause. Ciceron en ses liures *de diuinatione*, traite ceste question problematiquement, à la façon des Academiques, pour en laisser le iugement au lecteur; De sorte que de ceste part là il n'y a point de resolution. L'auteur de l'Examen a pris l'affirmatiue, & la negatiue, par non choix, m'est demeurée, laquelle toutefois me semble le meilleur party. Quand bien la diuination seroit possible à l'homme, du bienfait de la nature, mon humeur ne me porteroit iamais à estre si intemperé, que d'en deferer l'honneur au temperament.

Autrefois, pour me donner du con-

tentement en mon esprit ; i'ay voulu me persuader par apparence de raisons, plus puissantes que celles dont nostre Auteur de l'Examen se fait fort, pour le party du temperament; Que ceste vertu de deuiner appartenoit à l'ame raisonnable, plustost qu'à toute autre cause d'icy bas ; & mes raisons estoient celles cy. Puisque Dieu cognoist tout, & que le futur luy est present ; il est à presumer, que l'ame qui a esté créée à son image, peut auoir eu quelque rayon de ceste diuine prescience : mais qu'elle ne peut mōstrer ce pouuoir qu'elle a, sinon en certaines occasions, comme quand elle est libre, & quasi desliée du gouuernemēt du corps. Il se trouue des hommes simples sans malice, sans affaires, appelez par Aristote, οἱ τυχεῖς : En telles personnes, l'ame quelquefois, lors que le corps est profondement endormy, ou en extase, ou en phrenesie dans l'ardeur d'une fièvre chaude, fait vne tetraicte chez elle, & vne revüe de ses franchises, & de tous les droits qui luy ont esté donnez d'en haut dès le commencement de son estre : De sorte qu'elle iouÿt lors par auance,

de ses priuileges ; comme si desia elle estoit séparée du corps , qui est vn empeschement à l'integrité de ses actions ; pourquoy il a esté dit par quelques-vns, la paralyfie de l'ame. Alors donc s'inui- tant elle mesme, au banquet de ses bon- nes pensées, elle peut entrer en cognois- sance , & courir au deuant des choses futures. C'est ce que veut entendre Pla- ton, quand il dit qu'il faut estre fat, pour auoir la faculté de deuiner, mais que c'est aux sages de donner l'interpreta- tion de leurs predictions. Ὁὐδὲις ἐννῆς ἐφάπτεται τῆς ματικῆς, ἀλλὰ ζυνοῶσαι μὲν ἔμφρονος παρῆθεντα, ὑπὸ τῆς ματικῆς φύσεως. Comme donc estant ieune, i'ay remué ceste proposition , dans la chaleur de l'estude, par maniere d'exer- cice , l'âge depuis m'ayant donné loisir de la considerer avec plus de iugement: ceste derniere resolution m'a semblé plus raisonnable: Que toutes diuina- tions qui ne sont point artificielles, sont ou fortuites, ou par reuelation, & ia- mais du temperament.

*Le cerueau est le siege de l'Ame. Quel est le meilleur temperament du cerueau, pour le bon esprit. De la delicatesse de la peau. Du goust. De l'estomach.*

C H A P. X.



**L**A question du siege de l'ame, a esté tant disputée anciennement, qu'il ne seroit pas besoin de la remettre sur le tapis. Xenocrates & Moschion ont creu qu'elle exerce ses fonctions esgalement partout le corps. Straton, que sa principale demeure est entre les deux yeux. Erasistratus, aux membranes du cerueau. Herophile, dans les cellules, ou selon l'opinion de quelques vns, en la baze du cerueau. Herodote, aux oreilles. Parmenides, Epicure & les Egyptiens, en toute la poitrine. Aristote, Archigenes, & toute l'eschole des Stoïciens, au cœur. Diogenes, aux arteres proche du cœur. Empedocles, au sang.



Aucuns au diaphragme. Quelques autres, aux cauitez du foye. Mais, sans nous arrester à ceste confusiō d'opiniōs, le meilleur auis est, que l'ame de l'homme est toute en chacune partie du corps, & que la teste toutefois luy est dediée, pour l'exercice de ses plus nobles facultez. Que ceste partie en l'homme est la plus diuine de toutes, & qu'elle a tout le reste sous sa conduite. *Ἡ εἰότης τοῦ ἐν τῶν* I: plato  
*ἐν ὑμῖν πάντων δεσποτεῖ.* Time 2 C'est l'opinion de Democrite & de Galien, qui a esté confirmée par tant de raisons, qu'elle est demeurée seule en credit apres la condamnation de toutes les autres.

Mais vne difficulté se presente, touchant le temperament du cerueau, sçauoir s'il est froid & humide, comme porte l'Examen. C'est vne verité resoluë, que l'homme entre tous les animaux est le plus temperé, comme la peau, entre toutes les parties de l'homme: & tout ainsi que l'on iuge du temperament des bestes par la comparaison que l'on fait d'elles avec l'homme, qui est comme la regle, la mesure, le milieu & le centre de toute la nature. De mesme cognoist on le temperament, de

chacune des parties du corps , & les tient ou chaudes ou froides , à proportion du temperament de la peau. Philosophons d'õc à bon escient sur ceste matiere, qui est vn des poincts principaux, & des plus necessaires , pour examiner fidelement ce que dit l'Examen , des causes de la diuersité des esprits.

Aristote dit que le deuoir de l'homme, est d'entendre & d'estre sage. Or s'il est vray , que la nature donne à chaque espeece le temperament qui conuient pour ses actions, il est à presumer, puisqu'il l'homme, à l'adueu de tous les philosophes , est le plus temperé des animaux, que le iuste temperament du cerueau luy conuient mieux que le froid & humide. Pour estre sage & sçauant , le mieux est d'estre temperé , & ceux qui approchent plus du bon temperament, sont plus capables de ces deux habitudes ; pourueu qu'il n'y ayt point d'empeschement d'ailleurs. Il seroit bien requis aussi , que tout le corps eust vne loüable proportion des quatre qualitez : mais parce que les facultez principales de l'ame ont leur exercice dans le cerueau , ceste partie principalement

doit estre temperée : attendu , que tout le reste du corps , en vain seroit bien réglé , si le cerueau se sentoit del'excez de quelqu'une des qualitez premieres. Voyons donc de quelle sorte il est temperé , & considerons , que le dessein de la nature , est de le rendre tel , & qu'elle montre en cela vne admirable prudence.

La peau qui est temperée naturellement est plus froide que le cerueau , & le cerueau qui est temperé aussi , peut estre dit plus froid que la peau : mais pour diuerses considerations ; de sorte que ceste contradiction peut auoir lieu en la nature. La peau temperée peut estre plus froide au toucher que le cerueau , parce qu'elle est exposée à l'air , qui repousse par sa froideur la chaleur influente qui luy est portée du cœur , par les arteres. Le cerueau a esté fait de temperament naturel froid & humide , à raison que la chaleur influente du cœur deuoit suppleer , pour le rendre temperé , comme la peau. N'estoit la froideur de l'air extérieur , la chaleur influente rendroit la peau de temperament chaud. Sans la froideur & humidité naturelle du cer-

veau, la chaleur influente du cœur l'élève-  
 ueroit de quelque degré de chaleur, par-  
 dessus le iuste temperament. De sorte  
 que le froid & l'humide font au cer-  
 veau, ce que l'air du dehors fait à la  
 peau. La peau donc est temperée de  
 chaleur naturelle & plus froide au tou-  
 cher que le cerneau : mais le cerneau  
 pour recôpense d'estre plus froid natu-  
 rellemēt, est plus chaud actuellemēt que  
 la peau de chaleur influente ; dautant  
 qu'il n'est point touché, de l'air du de-  
 hors. Galien dit qu'il est plus chaud que  
 tout air qui l'enuironne. Passons à ce  
 qui est du reste.

L'homme excelle par dessus tous les  
 autres animaux, pour le regard du tou-  
 cher, inferieur pour ce qui est des au-  
 tres sens, à raison que le toucher est le  
 sens du tēperamēt. De maniere que par  
 le sentiment exquis de la peau, nous fai-  
 sons coniecture du temperament ; & par  
 le temperament, du bon esprit : atten-  
 du que c'est vn grand aduātage pour les  
 operations de l'ame, quand le cerneau  
 est bien formé, de bonne consistence,  
 de bonne trempe, & sans excez, au mel-  
 lange des quatre premieres qualitez,

Le bon esprit, dit Aristote, monstre le bon temperament, car l'homme est le plus prudent de tous les animaux. *Ἀλλοὶ τὴν εὐκρασίαν ἢ διάνοιαν, φρονιμώτατος γὰρ πῶν ζῶων ἄνθρωπος.* Voicy donc, comme peut estre concluë ceste dispute. Le bon esprit, qui est vne facilité de comprendre, & vne promptitude moderée des sens & de l'intellect, en leurs operatiōs, nous est signifiée aux enfans, par le bon temperament : Puis donc que le bon temperament nous est demonstré par le sentiment exquis du toucher, & cestui-cy encore, par la delicatesse de la chair & de la peau, *τῇ εὐσπαρίᾳ καὶ μαλακότητι*, selon Aristote. Il y a suiet de croire, que la mollesse, ou delicatesse de la chair, & de la peau, doit estre vn tesmoignage de bon esprit.

*Cap. 6. lib. 3. de gener. animal.*

*Leg. infra chap. 50.*

Toutesfois plusieurs difficultez se presentent encore sur ce suiet. Car si le bon temperament sert à faire l'homme sage & sçauant, d'où vient que les hommes sanguins de complexion, qui est la plus temperée, sont stupides ordinairement, & plus habiles à chercher la vertu dans les plats, que dans les liures? car ce que dit Hippocrate au cōtraire, qu'il

n'y a rien au corps, qui aide tant que le sang à acquérir la prudence, doit estre entendu du sang spiritueux des arteres; veu que ce qu'il dit là du sang, il l'attribuë à l'air, c'est à dire aux esprits, au li-  
*Hippocrates.* *ure de morbo sacro, τῷ ἐγκεφάλῳ, τὴν φρόνησιν ὁ αἷρ παρέχεται.* Je responds que les hommes sanguins, c'est à dire, qui ont le foye bien temperé & fort, & qui font beaucoup de sang & de chair, dont la repletion nuit à l'ame, selon Platon, ne valent rien pour les lettres, parce qu'il n'est pas besoin en cela du temperament du foye; mais du cerueau, ny de la repletion de sang, mais de l'abondance, de la pureté & subtilité des esprits.

Plusieurs animaux insectes, qui n'ont point de sang, comme les fourmis & les abeilles, sont dits auoir de la prudence: le sang donc n'est pas ce qui ayde plus à auoir bon esprit; ny le temperament du sang; mais la netteté des esprits. Au contraire, si nous adioustons foy à Aristote, le cerueau n'a point de sang; *ἄνθρωπος ὁ ἐγκεφαλὸς ἀπ᾽ αἵματος, καὶ ὕδατος ἔχων ἐν αὐτῷ φλέβα.* Pline le décrit, *sine carne, sine cruore, sine sordibus.* Mais ceste opinion n'est pas suiuiue, veu qu'il y a du sang

1.  
*Cap. 16.*  
*lib. 1. hist.*  
*animal.*

2.  
*Cap. 37.*  
*lib. 11. natur. hist.*

sang au cerveau, spiritueux & autre, porté par plusieurs petites veines & arteres capillaires, qui entrent dans la substance. Tout cela donc soit dit pour faire voir à l'Examen, que ce n'est pas le temperament qui a le plus de credit en ceste affaire des esprits.

D'ailleurs, dira quelqu'un, si le iuste temperament est le plus commode pour auoir bon esprit; pourquoy Aristote dit-il que les animaux qui ont le sang froid ont dauantage de prudence? Je responds que le Philosophe en ce lieu là resotit la question, par l'explication qu'il en donne luy mesme. Il dit, que la cause de celan'est pas tant la froideur, comme la pureté & subtilité de sang, & ἡ τῷ ψυχρότητι ἀλλὰ τῷ τῷ λεπτότητι μάλλον, ἔτι τὸ καθαρόν. Comme s'il disoit, que le sang & les esprits qui seruēt aux facultez de l'ame sensitive, doiuent estre froids, c'est à dire, moins chauds au cerveau, qu'ils ne sont au cœur; de peur que le cerveau, qui est la boutique des conceptions, estant eschauffé plus que de raison, ne fust cause de troubler l'ame en ses opérations par vne confuse représentation des especes:

3.  
Cap. 4. lib.  
2. de part.  
animal.

1.  
Lib. de  
carnib.  
2.  
Cap. 16. lib.  
1. hiffor.  
animal.

Hippocrate dit, que le cerueau est la ville capitale du temperament froid; <sup>1</sup> ὁ ἐγκέφαλος μητρόπολις τῆ ψυχῆς, & Aristote mesme tient qu'il est froid naturellement; <sup>2</sup> τυγχάνομενος τῆ φύσιν ψυχρός. Andernacus a aussi suiuy ceste opinion, au iour de ces deux grandes lumieres. De sorte quel'on fait estat communement d'un esprit froid, c'est à dire qui est retenu, & point precipité en son action, parce qu'il n'a point de chaleur. Je responds que ceste opinion de la froidure actuelle du cerueau n'est pas certaine, veu que l'experience nous apprend le contraire. Toutes les parties du cerueau sont chaudes au toucher, mais il est plus froid de temperament que les deux autres parties nobles, le cœur & le foye, & de premiere constitution, & à raison de son humidité. Et cela doit suffire pour l'intelligence du texte d'Hippocrate, qui ne donne pas la froideur actuelle au cerueau, comme Aristote. Le cerueau, comme i'ay dit, doit estre chaud moderement & temperé en toutes ses qualitez; & ce temperament neantmoins n'est point tant necessaire pour auoir bon esprit, que la tenuité de



sa substance, la pureté & subtilité des esprits & la bonne conformation, & belle disposition des organes.

L'ame qui de soy est active, demande des instrumens qui soyent actifs: or entre les substances, celles là sont les plus promptes qui ont moins de matiere, comme l'air & le feu. Dieu & la premiere matiere sont les deux extremités de toutes choses, dont l'un n'est qu'action, parce qu'il est hors de toute matiere; l'autre privée de toute action, à raison que c'est vne masse puremēt materielle. L'ame raisonnable de son chef n'a pas besoin d'instrumens pour agir: mais l'imaginative, qui est l'une de ses servantes, demande des esprits subtils, afin de pouvoir respondre à l'action prompte de l'intellect; comme vn serviteur doit estre légèrement habile, qui a vn maistre actif, & qui veut estre seruy à point nommé. L'on recognoist en cela l'industrie & la prudence de la nature; qui rend les esprits plus prompts & plus subtils dans le cerueau, quoy que froid de temperament. De chauds qu'ils estoient dans le cœur, ils deviennent plus temperez dans le cerueau.

plus purs, plus brillans & plus souples aux commandemens de l'ame : Grand tesmoignage que la subtilité des esprits ne depēd pas du tout du temperament, comme i'ay dit ailleurs, puis qu'elle n'est point diminuée, par la diminution de la chaleur. Ce n'est donc ny la chaleur, ny le iuste temperament, qui sert principalemēt pour le bon esprit. Mais la pureté, la netteté, la subtilité, & legereté des esprits. Aussi faisons nous estat d'un esprit net, comme les Grecs anciennement d'un esprit subtil, selon leur proverbe, qu'un gros vêtre ne peut pas engendrer un esprit delié, *παχὴα γαστήρ λεωλόν ὃν τίκτει νόον.*

Pour ce qui est de l'humidité, il semble qu'elle ne soit pas tant requise, que son contraire; veu que le propre du sec, est de fortifier, parce qu'il resserre; & de l'humide de debilitier, à raison qu'il dilate & espend. Pour ceste occasion, les melancholiques sont plus habiles

*1.  
αὐτὴν ἔχει  
ψυχὴ σιφω  
πῆν, ἀπὸ  
Plutarch.  
ἐξ ὁρμῆς,  
ὅτι οὐκ ἔστι*

aux sciences, selon Heraclite, qui attribué la prudēce de l'ame, à vne splendeur seche des esprits. Ce Philosophe obscur en ses discours, tenoit l'humidité, comme vne peste aux actions de l'a-

me, & qu'un homme gâté de vin ne <sup>2<sup>e</sup> secund.</sup> sçait pas se conduire, parce qu'il a l'a- <sup>Clem. Ale-</sup>  
me humide, *υγρὸν τὸ ψυχρὸν*. A cela <sup>xand.</sup>  
il faut respondre de mesme; que ce n'est  
ny l'humidité ny la seicheresse des es-  
prits, qui les rend plus ou moins habi-  
les instrumens de l'ame; mais la splen-  
deur & la pureté. Par la splendeur nous  
entendons vne certaine vertu qui les  
rend prompts & brillans comme la lu-  
miere, qui a quasi son mouuement en vn  
instant. Par la pureté, vne netteté de  
substance, sans aucun meſlange d'hu-  
meurs, ou de vapeurs estrangeres. Car  
comme vn nuage en l'œil, ou vne paille  
en vn cachet, est cause qu'il ne reçoit ou  
ne represente pas nettement la figure;  
ainsi les esprits qui sont confus n'im-  
priment pas nettement les especes en la  
partie.

Les esprits des vrais melancholiques  
& des hommes d'estude sont purs en ce-  
ſte maniere; parce que le ſoin, les veil-  
les, l'estude, l'agitation de l'ame aux  
grandes & fortes meditatiōs portent les  
esprits au cerueau, les pourmeinent, &  
les exercent ſi ſouuent, qu'ils ſont eſpu-  
tez par ce moyen; & deuenus comme

vn extrait alambiqué de leur premiere substance. En cét exercice il est impossible que le cerueau ne soit rendu plus sec. Mais ceste qualité pourtant ne profite que par accidēt, & de second coup; attendu que nous sommes faits sçauans non par le temperament sec, mais par le long exercice & par le trauail de l'esfude, qui fait que le cerueau pert vne partie de son humidité, & deuient plus sec que de premiere constitution. Si la qualité seche du cerueau estoit le temperament de l'entendement, comme il dit, pourquoy ceux qui ont l'odorat meilleur ont-ils l'esprit plus tardif, veu que ce sens cōsiste au temperament sec, selon Aristote; ὅτι δὲ ἡ ὀσμὴ τῆς Ξηρῆς. Pourquoy les bestes auroient elles ce sentiment plus exquis, ou ne seroient elles point plus habiles, & de meilleur esprit que les hommes? Il est certain, que le Chien, l'Aigle, le Vautour, en cela nous surpassent de bien loing, si ce que dit Auerroës<sup>1</sup> est vray, qu'un Vautour sentit de la ville de Damas, vne charogne qui estoit en Babilone. L'homme a le cerueau fort humide en son premier âge, parceque comme la nature a pre-

1.  
*Leg. Plin.*  
*cap. 6. lib.*  
*10. nat.*  
*hist. Auer-*  
*roës 2. col-*  
*lig. cap. 38.*

uen que pour estre sage & sçauant il est besoin d'estude, de soyn, & d'exercice, qui desseichent ; elle donne en cét âge là au cerueau plus d'humidité qu'il n'est requis, afin qu'avec le temps il ne soit pas desseiché plus qu'il faut.

Tout bien considéré, il seroit expedient, pour l'integrité des actions de l'ame, qu'elle trouuast seulement les parties du corps bien formées, & les esprits purs & subtils, sans aucune autre qualité, ou ayde de temperament. Mais parce qu'il est impossible, l'homme estant composé des quatre elemens, qu'il ne retienne quelque chose de leurs qualitez ; le mieux est, que tout y soit tellement temperé, notamment le cerueau, qu'il n'y ait rien qui retarde les actions de l'ame. Les vieillards ne sont point sages, à raison de leur tēperament sec ; mais à cause de leur lōgue experiēce comme les demons en partie pour ceste mesme raison sont plus sçauans que les hommes. Les fourmis, & les abeilles ont plus de prudence, que plusieurs autres animaux ; non par leur temperament, mais à raison de leurs instincts naturels, qui dependent de leurs formes.

L'on peut douter encore, pour le regard du temperament, & des autres dispositions de la peau; cars'il est vray, qu'il n'y a que le sens du toucher qui nous donne les meilleures marques du bon esprit, ou de la stupidité des hommes, selon Aristote; & que ceux qui ont la chair dure ont l'esprit dur aussi, au contraire de ceux qui l'ont molette & delicate, *οἱ σκληρόσαρκοι ἀφυσὶς τὴν Διάνοιαν, οἱ δὲ μαλακόσαρκοι εὐφυσὶς*: Pourquoy les melancholiques; qui ont la peau dure (Aristote les appelle *σκληρὸς*) sont ils plus capables des sciences que les autres hommes? Si cela a lieu, il faut abolir cet axiome de la Philosophie, *ut negationis negatio causa est, sic affirmationis affirmatio*. Je responds que ceste maxime a lieu, pour le regard seulement des proprietéess essentielles. Pour exemple, nous disons, puisque le blanc dissipe les esprits de la veüe, qu'il s'ensuit necessairement que le noir les recueult & les amasse: parce que ces deux contraires, estant diametralement opposez, si l'un a vne propriété de son essence; l'autre par mesme moyen, aura vne propriété contraire aussi de son essence: De sorte que

I.  
Cap. 9. lib.  
2. de animalibus  
leg. infra  
cap. 50.

l'affirmatiue de l'un est cause de l'affirmatiue de l'autre : comme la negatiue, de la negatiue. Mais cela ne peut auoir lieu icy, parce que la propriété d'auoir bon esprit n'est pas vn effect, ou vne propriété qui depende essentiellement de la bõne constitution de la peau; mais nous disons seulement que la peau molle & delicate, est vn signe & non vne cause de bon esprit. De sorte que, comme il n'est pas tousiours vray, que ceux qui ont la chair molle, la peau delicate, & le sentiment du toucher exquis, ayent meilleur esprit; veu que la femme, qui est selon Hippocrate d'une chair plus delicate que l'homme, ἀπαλοσάρχοτερη τῷ ἀνδρὶ, seroit plus capable, & de meilleure nature que l'homme: Il n'est pas tousiours vray aussi que la dureté de la chair & de la peau soit vn argument certain de la dureté de l'esprit; puisque nous auons, outre l'exemple des melancholiques, que l'Elephant qui a la peau extremement rude, & inegale, est capable de discipline, s'il faut ainsi parler, plus que toutes les autres bestes, & approche plus de l'habileté de l'homme. Elephas, dit Plin, *maximum ani-*

Cap. 1. lib. *malium proximum humanis sensibus.* Apol-

2. nat. hist. lonius 2 luy dōnoit le second lieu apres l'homme, pour ce qui est du conseil & du bon esprit. δεύτερον ἀνθρώπου, καὶ ζώε-

2. *Apud phi-* σὶν τε καὶ βελός. Ce qui rend l'esprit meil-  
*lostratum* leur, selon Galien, est la tenuité ou sub-  
 cap. 7. lib. tilité de substance du cerueau, τῆς ὑσίας

2. ἐγκέφαλος λεπτομερής: Pourquoy Platon disoit que les hommes sages ont le test & le cerueau delicats, ce qui est porté mesme par l'Examen, qui tient que l'esprit subtil & delicat, consiste en ce que le cerueau soit composé de parties subtiles. Or parce que quelquefois, la tenuité & moleste de la peau, suit la subtilité de substance du cerueau, de l'un on fait coniecture de l'autre; non pourtant que la consequence en soit necessaire. Puis la chair molle & delicate, peut estre signe de bon esprit, non à raison du temperament, mais à cause des esprits; car si elle est molle & lâche, à raison d'une humidité aqueuse, comme aux femmes, elle n'est point marque de bon esprit. Tout cela montre assez, combien il est difficile de iuger de la difference des esprits, par les apparences du dehors; & qu'il est impossible d'or-



donner de cela, que par coniectures foibles, & incertaines. Tant s'en faut, que nous y puissions paruenir par les marques seules du temperament, en la cognoissance duquel encores il y a del'incertitude.

Le plus grand aduantage que puisse auoir l'homme de la part du corps, pour ce qui est de l'esprit, est la structure loüable & la belle composition du cerueau, la tenneté de sa substance, la pureté & subtilité des esprits, & d'auoir les conduits bien percez, par où l'ame se pourmeine ( c'est à dire qui seruent de passage aux esprits, qui portent les facultez ) & le temperament. Mais à raison que nous ignorons tout cela, en la consideration des enfans: nous essayons par autres signes d'entrer en cognoissance de ceste œconomie de nos esprits. Or nous n'en auons que deux entre autres, qui semblent bien apparentes, le goust delicat, & le sentiment exquis de l'estomach, desquels il suffira de dire icy vn mot seulement en passant, puis que nous proposons de traicter ce suiet plus amplement cy apres.

au 50. &  
dernier  
Chapitre.

Par le goust, à raison qu'il tient du

sentiment du toucher, lequel est plus parfait en l'homme, qu'au reste des animaux, nous pouvons iuger de la capacité d'un esprit. Aristote dit que l'homme a le sens du toucher tres exquis, *ἡ ἀρετὴ τοῦ αἰσθῆναι αἰσθῆναι*, & en suite plus de prudence. Par mesme raison il a le goust meilleur, & le sentiment plus exquis de l'estomach: car la nature qui a voulu planter le goust en la langue, & l'appetit à l'entrée du ventricule, a ietté en ces parties plusieurs petits nerfs, non pour le mouvement, mais pour estre les organes du goust & de l'appetit; au moyen dequoy, l'estomach principalement, a vne telle communication avec l'ame, qu'il la rend compatible à ses indispositions, *ὡς ἀντίθετον τῷ ψυχῇ*.

1.  
Cap. 9. lib.  
2. de ani-  
ma.

Galenus  
com. 4. in  
lib. 5. Epi-  
dem. Hip-  
pocr.

Pour ceste raison nous voyons peu d'hommes manquer d'esprit, qui ayent l'estomach delicat, d'autant que c'est vne marque que le cernéau est delicat aussi, tant en sa substance propre qu'en ses ventricules. Aristote, qui a esté le roy des bons esprits, pourquoy ie me fers icy de son exemple, semble auoir eu ceste partie delicate, car il auoit de coustume de la fortifier, par application

d'huile. *ἀσπίου θερμὸς ἐλαίος ἐπιπίνεαι*: &  
 Cornélius<sup>2</sup> Celsus est tesmoin que cela  
 est ordinaire aux hommes d'estude, im-<sup>2.</sup>  
*becilli stomacho, omnes penè cupidi literarum*  
*sunt.* <sup>Cap. 1. lib. 1.</sup>

Puisque tant de choses sont neces-  
 saires, pour estre creu auoir bon esprit,  
 outre le temperament, qui n'y est quasi  
 que priuatiuement recommandé; veu,  
 comme i'ay dit, que le meilleur pour ce  
 suiet seroit que tout excez des premie-  
 res qualitez fut reduit & moderé, com-  
 me si elles n'estoient point; afin que l'a-  
 ction de l'ame fust libre, & sans empes-  
 chement de ceste part, & que la partie su-  
 perieure de l'homme; qui est le cerueau,  
 fust semblable à la partie superieure du  
 monde, qui est le ciel, lequel porte vne  
 exemption des quatre premieres qua-  
 litez elementaires. Il appert qu'il ne suf-  
 fit pas pour monstres la diuerse capaci-  
 té des esprits, d'auoir esgard seulement  
 au temperament.

*De la grandeur ou petitesse du corps.  
Des grosses testes.*

CHAP. XI.



PRES auoir discoursu du temperament du cerueau, il parle en ces termes de la conformation de la teste. I'ay trouué par experience, dit-il, qu'il vaut mieux i aux hommes qui sont petits, auoir la teste vn peu plus grosse, & à ceux qui sont grands, vn peu plus petite qu'à proportion du corps. Il adiouste apres Aristote que ceux qui sont grands de corps ont faute d'esprit. C'est de la besongne taillée & du suiet assez pour nous exercer. Mais parlons premierement de la grandeur du corps.

Si ce que dit l'Examen est vray que le temperament soit cause de la beauté; & que la beauté cōsiste en la grandeur du corps, τὸ κάλλος ἐν μεγάλῳ σώματι, selon Aristote; cōme Achilles est descrit par Homere κάλλιστος ὃς μέγας; & Alcibiades

1.  
En los  
hōbres  
peque-  
nos de  
cuerpo  
es meior  
declinar  
la cabeça  
a grandé.  
Chap. 3. 17.  
b. 18. a. Esp.  
36.

2.  
Cap. 3. lib.  
4. Ethic.

par Platon, καλλίςτος ὃ μέγιστος, tres beau & bien grand ; il ne peut pas nier qu'un homme qui sera bien formé, d'une louable grandeur, & d'une bonne grace, c'est à dire, qui sera quarrément proportionné en toutes ses parties, ne soit de meilleur esprit qu'un autre qui sera mal basté & de mauuaise taille. C'est ceste figure quarrée dont parle Celsus ;

*Corpus habilissimum quadratum est, neque*

*gracile neque obesum.* Le corps qui est quarrément composé, & qui n'est ny

trop gros ny trop maigre, est le plus ha-

bile pour toutes sortes d'exercices. C'est

une grandeur de cinq pieds, ou de cinq

pieds & demy, qui estoit dite ancien-

nement, *Statura Romana, media, militaris* ;

& aujourdhuy la riche taille : elle est

dite aussi *quadrata*, parce qu'elle n'a rien

que bien proportionné, en toutes ses parties ; comme un cube qui est quarré

par tout, & a toutes ses faces esgales. De sorte que cela mesmes a esté appro-

prié à l'ame. Car comme Demetrius

<sup>3</sup> Cap. 1. lib.

<sup>2</sup>.

<sup>4</sup>. Leg. Diogen. l. 1. lib. in Demetrio.

Ἰεσχωρον Ερμίου ; parce qu'il estoit esga-

lement perdu dans toutes sortes de vi-

tes; *vestis, barba, ventris & pudendi*; Simonides au contraire entendoit par ces mots, *τετραγωνος ανηρ*, vn homme quar-ré, celuy qui est ferme & stable comme vn cube, & orné de toutes les vertus, comme le nombre de quatre contient tous les nombres, c'est à dire le dix, ou-tre lequel on ne trouue qu'une repeti-tion de nombres. Et neantmoins quel-que raison que l'on apporte pour cela, l'experience nous apprend que, ny la grandeur ou grosseur excessiue, ny la moyenne taille, ny la petitesse de corps, n'est point vtile necessairement pour les actions de l'ame.

Si la grandeur du corps est incom-mode à l'esprit, pourquoy vn Elephant est-il plus auisé qu'un Asne ou vn Che-ual? pourquoy les Anciens auoient-ils à si grande recommandation la hauteur du corps, comme les Lacedemoniens qui condamnerent vn de leurs Roys à vne somme d'argent pour auoir espou-sé vne petite femme? Ils craignoient que ce mariage ne leur donnast que des Roitelets. Si d'ailleurs, la petitesse de corps est incommode à l'esprit; d'où vient qu'un fourmy a plus de prudence qu'un

qu'un veau ? nous voyons iournellement que de mille petits hommes, voire qui seront bossus ou autrement contrefaits, à peine un petit nombre sera veu auoir peu d'esprit. Tout ainsi que pour la veüe la grosseur de l'œil incommode plus qu'elle ne profite, & que les animaux qui l'ont petit & un peu enfoncé, comme l'Aigle; voyent mieux que ceux qui l'ont gros & à fleur de teste, comme le Cerf & le Taureau; de mesme la grandeur du corps sèble estre un empeschement à l'ame. Chacun sçait que Chrysippus grand Philosophe estoit un petit homme, & d'une nature debile, & que le Poète diuin Homere décrit ainsi Vlysses, homme sage & de petite stature, *Γεῖχλὺς ἔ φρονιμὸν* : Ajax au contraire.

Le trop de matiere au corps, comme nous voyons aux Geants, n'est bon qu'à retarder ou empescher l'ame en ses actions. Il est plus aisé à un Nautonnier de conduire une petite barque, qu'un grand Nauire : & Aristote en apporte la raison produite dans l'Examen, mais d'une mauuaise grace. Les paroles du Philosophe sont celles cy. De tous les

animaux, l'homme seul marche la face droite, parce qu'il est d'une substance & d'une nature diuine. Or le deuoir de ce qui est diuin est d'entendre & d'estre sage : qualitez que l'homme n'eust peu auoir s'il eust esté obligé à une masse de corps lourde & grossiere, à raison que le poids de trop de matiere alentit l'esprit, & le sens commun, τὸ βάρος δυσκινῶν τὸν νοῦν, καὶ τὸν λογισμὸν, καὶ τὸν αἰσθητικόν.

1.  
Cap 10. lib.  
4. de part.  
animal.

2.  
μικρὸν ἂν  
ᾖ τὸ σῶμα καὶ  
ὁ νοῦς ὁμοιομε-  
τρον.  
Arist. ibid.

2 Le corps ramassé d'un petit homme semble mieux proportionné, & de meilleure grace. Ainsi peut estre plaidée ceste cause de part & d'autre; & tout cela neantmoins n'apporte rien de preuue necessaire; parce que nous voyōs des hommes de toute sorte, de grande, de moyenne, de petite stature, indifferemment sages & sçauans.

Entre les petits hommes nous en voyons souuent qui sont vicieux, stupides, & de peu d'esprit; & d'autres sages, sçauans & vertueux, comme il y a de l'apparence que l'ame estant moins empeschée d'un petit corps doit auoir ses coudées plus franches, ses mouuemens plus libres, & estre plus riche en ses conceptions; comme l'on dit des Gren-



diers qu'ils portent plus de fruiçt, plus ils sont petits. Les hōmes trop grands, & qui tiēnent du geant ont plus de corps que d'esprit: & ce mot *μέγας*, grand, signifie quelquefois en Aristophane, stupide, grossier, & de peu de sens. Comme disoit Lucilius de quelqu'un qui estoit *nequam & magnus homo*, grand & meschant. Et toutefois cōbien d'hommes grands de corps ont esté sages & sçauans. Iuuenal; le Pape Leon X. Iulles Scaliger; ont esté grands hommes, de corps & d'esprit. Stercaterus en la Gothie a esté d'une stature de geant, & neantmoins tellement accomply, qu'il estoit esgalement fort de corps & d'esprit, & *+ nulli mortalium virtute cedere putaretur.*

3.  
Apud Var-  
ronem.

4.  
Apud O-  
laum.

magn. rer.  
Septērio-  
nal. lib. 5.

Pour la moyenne taille, il y a grande raison aussi de la iuger plus louable; car comme l'homme est le milieu de toute la nature, le plus tempéré, & le plus sage de tous les animaux: il semble aussi que pour mieux exercer les actions de la prudence & pour estre sçauant, il doit estre d'une moyenne grandeur, & telle que la décrit Plin<sup>e</sup> au milieu de la terre habitable. *Illic*, dit-il,

1.  
cap. 78. lib.  
1. natural.

*hiffor.*

*modicus corporum habitus, magna & in colore temperies, ritus molles, sensus liquidus, ingenia fecunda, totiûsque naturæ capacia.* En ce quartier là de la terre, dit il, les corps sont de loüable constitution, & d'habitude moyenne, & d'une grande temperature, pour ce qui est de la couleur des habitans; les coustumes & les façons de viure y sont faciles, les sens purs & clairs, les esprits fertiles & capables de comprendre toute la nature. Mais pourtant il se trouue tât d'esprits maussades dans l'estenduë de ceste riche tail-  
le, que ceste conclusion n'en peut estre generalement veritable: Il est d'une moyenne stature, ergo il a l'esprit bon.

La mesme difficulté est pour le regard des hommes gras, attendu qu'ils sont condamnez par Hippocrate, comme rudes & grossiers au fait des arts, & des sciences, *ἐς τοὺς τέχνας πύχες*, lequel encore dit en autre lieu, qu'il est bõ d'estre maigre, pour acquerir la prudence. *ἡ συμφέρει ἢ ἀσφαλες, πρὸς τὸ φρονιμὲς εἶναι.* Ceux-là, dit Plin, qui ont le ventre chargé de greisse ont moins de viuacité d'esprit. *Minus solertes quibus obesiſſimus venier.* A quoy rapporte ce

2.  
Lib. 6 Epi-  
dem. sect.  
5.

3.  
Cap. 37.  
lib. 11. na.

que dit Celsus, que la maigreur donne *tur. hist.*  
 au corps de la debilité; mais que la gres-  
 se le rend stupide. *4. Gracile corpus infir-*  
*mm, obesum hebes est.* Et neantmoins, *Cap. 1. lib. 2.*  
 Platon, qui a esté vn diuin Philosophe,  
 & des plus renommez de l'antiquité,  
 estoit gras & replet. Anaximenes, de  
 trop de gresse auoit le ventre si grand,  
 que Diogenes le prioit de luy en don-  
 ner vne partie. L'vn auoit trop de ce que  
 l'autre auoit trop peu: grands person-  
 nages & l'vn & l'autre.

Il est certain donc que l'homme de  
 quelque taille ou stature qu'il soit, peut  
 auoir bon esprit, & deuenir sçauant; &  
 combiè que le meilleur fust d'estre bien  
 formé, ie croy neantmoins que la riche  
 taille, *Statura quadrata & Romana*, n'est  
 pas celle qui conuiēt mieux pour auoir  
 bon esprit: au contraire, qu'elle est plus  
 propre pour vn soldat, que pour vn  
 homme d'estude, qui est gresse ordinaie-  
 rement, & delicat; comme l'on descrie  
 Aristote, lequel, selon le tesmoignage  
 de Timothée Athenien, auoit les jam-  
 bes menuës, la voix claire & vn peu em-  
 peschée, & les yeux petits. L'ame fait  
 son profit de la debilité du corps, &

*r.*  
*Apud A-*  
*theniensem.*

pourueu qu'elle trouue ses organes bien disposez dans le cerueau, sans incommodité des autres parties nobles; il n'importe pas autrement si l'on est de façon, de corps biē ou mal proportionné. Il est impossible de iuger par la forme extérieure d'un enfant combien & à quoy il pourra estre habile naturellement.

La conformation de la teste apporte plus pour la difference des esprits que de tout le reste du corps, d'autant que ceste partie est la boutique de l'ame raisonnable, & qu'elle fait là ses fonctions. Mais icy encore se trouuent les mesmes doutes, veu qu'en chaque sorte de conformation de ceste partie l'on void du bien & du mal, du manquement & de l'auantage. Pericles homme sage & sçauant au maniement des affaires auoit la teste grosse & si mal faicte, qu'il donnoit occasion de s'en moquer à ses ennemys. Sainct Thomas d'Aquin l'a eue fort grosse aussi, lequel neantmoins à raison de son diuin esprit, & de son admirable doctrine, a esté surnommé le Docteur Angelique. D'ailleurs plusieurs sont veus auoir la teste grosse, qu

2.  
Leg. Gale-  
nū com. I.  
6. Epidem.

de mesme ont l'esprit grossier & ne sçauent rien. C'est chose si ordinaire de voir des grosses testes sãs ceruelle, qu'elles ont passé en prouerbe, condamnées mesme par le vulgaite. L'Examen produit pour exemple 3 les grosses oranges lesquelles bien souuent, n'ont point de suc; mais plus d'escorce que de mouëlle. Tout cela se rencontre aussi, & aux petites testes & aux petites oranges: de maniere que c'est vne merueille qu'en la teste de l'homme on ne trouue que de l'incertitude.

Ex. Chap.  
3. 34. b.  
como a-  
contere  
en las na-  
râjas muy  
grandes,  
que abier-  
tas, teneu  
poca me-  
dulla fr.  
17. a.

L'Auth eur de l'Examen pour establi-  
sur ce doute quelque doctrine de bon-  
ne assiete, dit auoir trouué par experien-  
ce, qu'il vaut mieux aux petits hom-  
mes d'auoir la teste vn peu plus grosse,  
& au contraire plus petite à ceux qui  
sont de plus grande stature; *en los que son  
de mayor corpulencia*. Et reprent Aristote,  
d'auoir dit sans raison, que l'homme  
est le plus sage de tous les animaux, par-  
ce qu'il a la teste plus petite, à propor-  
tion du corps. ὅτι μικροκεφαλώτατος,  
καὶ λόγον τὸ σῶματος. Examinons enco-  
re cecy, sans autre passion que pour la  
verité. Il est certain que Galien & Ari-

i.  
Probl. 3.  
sect. 30.

stote en cecy se trouuent differens, veu que l'un donne à la grosseur ce que l'autre rapporte à la petitesse de la teste. Aristote, pour la prudence louë la petitesse de la teste, *πὺ μικροκεφαλία*, laquelle selon Galien est signe de mauuaise constitution de cerueau, il sera plus à propos de les accorder que de les blâmer ou l'un ou l'autre.

Puisque l'ame se sert d'instrumens materiels, il y a de l'apparence que la nature, qui ne fait rien mal à propos, a deu garder quelque mediocrité en leur constitution; parce que si ces organes sont d'une substance grossiere, ou plus grands qu'il n'est requis, c'est une charge à l'ame, laquelle de soy est tellement immaterielle, qu'elle opereroit tousiours sans matiere, si elle pouuoit. D'ailleurs aussi, si ces organes sont trop petits, c'est un manquement vitieux qui rendroit les actions imparfaites. Les grosses testes sont trop chargées de matieres, & ont une chaleur naturelle diffuse, pourquoy les actions de l'ame sensitive en sont plus confuses aussi & plus tardiuës. Les petites testes sont debiles à raison qu'elles ont trop peu d'esprits,

& de chaleur. Il est mieux donc que la teste soit de moyenne grosseur. C'est à mon auis ce que veut dire Galien quand il blasme la petitesse de la teste, entendant ceste forme, qui est au dessous de la mediocrité plus requise pour auoir bon esprit. Car comme il louë la teste qui aura esté formée grosse par la force de la faculté naturelle de la partie, qui l'a ainsi façonnée de beaucoup de matiere loüable; de mesme il blasme celle qui est grosse seulement par abondance de matiere, *αἰγὶ μόνος τῆς ὕλης τὸ πλεονθος*. Il croit la petitesse, comme vn signe de mauuaise constitution de cerueau. Mais il faut noter que Galien en ces lieux là, fait comparaison d'homme à homme, & non de l'homme avec les bestes, comme fait Aristote, qui semble avec raison, attribuer plus de prudence à l'homme, parce qu'il a la teste plus petite & dauantage de ceruelle à proportion du corps, au contraire les poissons, qui ont la teste grosse, & les sens stupides, plus que les autres bestes. *Capita piscibus* <sup>2</sup> dit Pline, *proportione corporum maxima*. Les aduis donc de ces deux

<sup>1.</sup>  
Lib. artis  
Med. 6  
cor. 16. E-  
pidem.

<sup>2.</sup>  
Cap. 17.  
lib. 11. na-  
tur. hist.

quoy que contraires en apparence.

I'inclinerois volontiers à ce que dit l'Examen des grosses testes des petits hommes : & des petites de ceux qui sont de plus haute stature , mais ceste opinion encore me semble incertaine, vn petit homme quelquefois est gros, bien fourny & de temperament chaud.

A cestuy-là vne grosse teste ne peut estre pleine que de fumées, de vapeurs, & de chaleur , attendu que la teste , selon Hippocrate , est comme vne ventouse ; qui attire de tout le corps. Aristote dit doctement & tres à propos sur ce suiet.

Aux hommes qui sont petits, dit-il , & ont la teste grosse, l'impetuosité des vapeurs & des humeurs leur monte à ceste partie , τοῖς νανώδεσι ἔμακρον ἐφάλοισι, ἢ ἂνω ὄρμη πολλή καὶ ἀναθυμίασι.

En vne telle constitution de corps, quel esprit peut estre logé, sinon fumeux, bouillant, plein de feu, d'escume, & de colere ? Si vn petit homme au contraire est gresse & froid de temperament, la grosseur de la teste luy fera vne augmentation de froideur, puis que le cerueau est froid naturellement. De mesme si quelqu'un grand de corps , est bilieux de



complexion, & il a la teste petite, il aura les sens & le cerueau offusquez de vapeurs chaudes ; supposé ce que dit le Philosophe , qu'une chaleur esgale a moins de force & d'effect dans vn lieu de plus d'espace, ; το ἴσον πῦρ, ἥστων ἐν τῷ <sup>3.</sup> cap. 4. lib.   
 μείζονι θερμαίνει. <sup>3. de part. anim.</sup>

La teste donc pour estre marque de bon esprit, doit estre bien formée & de grosseur, à proportion du corps, & de bon temperament. L'on condamne les testes dures, les testes aiguës, les testes rondes, les testes serrées à l'endroit des temples. Le vulgaire n'approuue point aussi les petites testes euentées, ny les grosses testes sans ceruelle. Et cela toutesfois n'empesche point que l'opinion d'Aristote n'ayt lieu, touchant les petites testes : car quand il dit, qu'elles aident à la prudence, il entend que de toutes les formes qui sont louables, celles là qui tirent vers le peu sont les meilleures. Pour exemple, si nous supposons, qu'il y ait deux degrez de louable grosseur au dessus de la moyenne, & deux autres degrez au dessous ; la forme qui tient iustement le milieu entre ces quatre, doit estre plus estimée, qui est

petite neantmoins, en comparaison de celles des autres animaux, encore qu'elle ayt tousiours plus de ceruelle; mais apres ceste constitution moyenne, la petitesse de teste qui la suit immédiatement est plus loüable que la grosseur en pareil degré, & ainsi consequemment; au moyen que d'ailleurs l'homme soit bien fait, & bien temperé. La raison est, que ce peu qui manque pour le regard de la matiere, est autant de liberté pour les facultez de l'ame: comme les grosses testes au premier degré, sont vn commencement de charge.

*Briefue description des parties du cerueau. Si dans le cerueau sont logées diuerſement les facultez de l'ame.*

## CHAP. XII.

**D**OVR ſuiure le train de l'Examen, apres auoir parlé de la teſte en general, il ſera à propos de traiter de ſes parties, mais comme en paſſant, & autant ſeulement que le requiert ce preſent diſcours.

Aux diſſections que l'on fait de la teſte apres auoir leué ceſte peau muſculeuſe, qui eſt couuerte de cheueux, & le perierane, ſe preſente l'oſ nommé par les Grecs *κεφάλιον*, par les Latins *calua* ou *caluaria*; nous diſons en noſtre langue, le teſt, le crane, lequel eſt comme vn caſque fait par la nature, pour la deſenſe du cerueau. Cét oſ eſt compoſé de deux tables, entre leſquelles eſt contenuë vne ſubſtance ſpongieuſe, dont elles tirent leur nourriture. Hippocrate, & apres

*Lib. de  
Vulncrib.*

cap. initio.

2.

Lib 6. Me-  
ch. cap. 6.

luÿ Celsus, la nomment διπλοῦς, com-  
bien que Galien<sup>2</sup> par ce mot entende  
quelquefois les deux tables, & non ce-  
ste substance moëleuse qu'elles contien-  
nent. Apres le crane suivent les deux  
membranes qui couvrent le cerueau,  
appellées *meres* par les Medecins Ara-  
bes. L'une est d'une substance plus te-  
nuë & plus déliée, dictée vulgairement  
pour ceste occasion, *pia mater*: c'est com-  
me vn crespes qui couvre immediate-  
ment tout le cerueau, & s'insinuë dans  
les crenures, & dans les inegalitez de sa  
substance. L'autre plus dure & plus es-  
pesse est située entre le crane & la pie-  
mere. Elle est dite *dura mater*, dure me-  
re.

Le cerueau sous ces deux envelopes,  
est vne substance molle, blanche & glan-  
duleuse, laquelle est diuisée naturelle-  
ment en deux parties, asçauoir en la par-  
tie du deuant, qui est ce que nous ap-  
pellons proprement, cerueau, *cerebrum*,  
εγκέφαλον: & en la partie de derriere,  
qui est comme vn appendice, nommé  
par les Grecs, παρεγκεφαλις, supplement  
de cerueau, petit cerueau, *cerebellum*. La  
partie du deuant que nous nommons le

cerueau est encore diuifée en deux autres parties esgales, par le moyen de la dure mere qui se redouble & penetre iufques à moitié de fa substance; & dans ces deux parties font les deux premiers ventricules du cerueau, vn à dextre, & l'autre à fenestre, en forme de deux demicercles fepez l'un de l'autre, par vne portion de la substance du cerueau, ou par vne membrane que les Anatomiftes nommēt *septum* ou *speculum lucidum*; miroir luisant, à raifon qu'elle est pure, blanche, & luisante comme vn miroir.

Ces deux cellules ou ventricules fe terminent en vn autre canal ou conduit, qui est le vëtricule du milieu, ainfi nommé, *sinus vel ventriculus medius, aut tertius*, à raifon qu'il est placé entre les deux premiers & le quatriefme, & situé iufte au point du milieu entre le haut & le bas du cerueau. Ce qui est digne de remarque en cefuicy, est qu'il a au deflus de soy vne maniere de voute, portée fur trois piliers que l'õ croit n'estre pour autre fin que de fouftenir le faix du cerueau, de peur que ce ventricule du milieu n'en foit oppreffé. Mais nous difcours de cela plus amplement cy

apres. Ceste troisieme chambre se termine encore en vn canal ou conduit, par lequel elle communique avec le quatriesme ventricule, qui est dans le petit cerueau au derriere de la teste, lequel a esté formé plus petit que les trois autres, à raison que c'est là que les esprits de l'ame desia aucunemēt preparez doivent receuoir leur derniere main, & leur derniere perfection, pourquoy ils y sont en plus petite quantité. Il est plus solide aussi, de peur que les esprits ainsi purifiez ne s'exhalent au trauers de sa substance, comme pour la mesme raison les arteres sont mieux tissües que les veines. Ceste description ainsi faicte sommairement, retournons à nostre propos.

Les Medecins Grecs semblent estre d'aduis que toutes les facultez de l'ame s'exercent par tout le cerueau, & qu'elles ne sont point diuisées selon ses parties: de sorte qu'ils ne donnent autre office aux cellules ou ventricules, que de preparer les esprits, les purifier, & les rendre capables de seruir à l'ame, tant pour ses principales actions, que pour le sentiment & le mouuement. Les  
Arabes

Arabes d'autre opinion que les Grecs, font distinction des trois principales facultez ; selon les trois ventricules du cerueau, & attribuent aux deux premiers le sens commun de l'imaginatiue : à celui du milieu la cogitatiue ; & au dernier la memoire. L'Autheur de l'Examen, pour monstrier qu'il y a de la nouvelle doctrine semée par tout son liure, se declare neutre entre ces deux partis, & pour dire en vn mot, ne fauorise ny les Medecins, & Philosophes Grecs, ny les Arabes, ny ceux de nostre siecle, ny le party de la verité. Pour estre veu separé de l'opinion des Grecs, il ne fait mention que des ventricules. Pour se despartir des Arabes, il soustient que les trois facultez ; l'imaginatiue, l'entendement, la memoire sont confusément logées en chacune des cellules, sans y comprēdre toutefois la quatriesme. Il dit qu'il n'y a point d'apparence *Leg. infra* qu'en chacun de ces trois ventricules ne *chap. 14.* soyent point toutes les trois facultez, veu que l'vne d'icelles étant blessée, les deux autres compatissent & participent à l'offence. C'est vne de ses raisons, que j'examineray presentement avec les au-

tres qui suiuent sur ce mesme suiet.

Il semble donc que l'autheur del'Examen mal à propos a voulu suiure ceste doctrine nouuelle, veu que l'opinion des Arabes donnoit quelque aduantage, & estoit plus conforme à la suite de ses maximes: car si les trois facultez sont logées separémēt, il est plus aisé de rendre raison pourquoy certains esprits sont plus capables d'vne sciēce que d'vne autre; & pourquoy ceux qui ont l'imaginatiue bonne manquent volontiers de memoire & de iugement. Puis il est difficile selon ses principes de satisfaire à ceste question: comme il sera possible qu'vn seul hōme excelle esgalement en toutes les trois, veu ce qu'il

*Exam. Eff.*  
157. b. fr.  
151. b.

dit, que telle sorte d'esprits se trouue seulement en Espagne. Si chaque faculté demande son temperament, & les temperamens sont contraires, s'ensuit-il pas, estant logées ensemble, que plusieurs contraires seront en mesme suiet, & en vn mesme ventricule, le chaud, le froid, le sec, & l'humide, voire en degre eminent. Ainsi le Satyre d'Esope souffloit le chaud & le froid d'vne mesme bouche. Il n'est pas aisé de respon-



dre à cela , sinon par cauillations & par subterfuges.

Il dit que le iuste temperamēt est cause de tout cela par la reduction des qualitez contraires : mais en suite il faut qu'il aduouē que le temperament donc ne profite aux actions de l'ame que priuatiuement , & que l'ame feroit mieux ses fonctions s'il n'y auoit point du tout de qualitez: mais cela estant impossible, tant que l'ame est iointe avec le corps , que le mieux est qu'elles soyent modérées & reduites à vn tel poinct, que leurs excez estans perdus , l'ame ne trouue plus que peu ou rien de leur part, qui retarde ou empesche autrement ses mouuemens.

Les trois ventricules, dit-il, <sup>1</sup> sont composez d'vne mesme sorte, & l'on ne trouue en eux aucune diuersité de parties; il faut donc auoir recours au temperament pour rendre raison de la diuersité des esprits. Il se trompe: car tant s'en faut que les cellules soyent d'vne mesme structure, quel'on recognoist la difference plus grande entre les facultez & les actions que produit la diuersité des organes, qu'il n'y a entre les tem-

<sup>ti</sup>  
Ex. fr.  
35. d.

peramens. Puis que l'anatomie nous apprend que les cellules sont de diuerſes formes: qu'elles different en grandeur, & qu'elles ſont ſituées diuerſement: Que les dernieres ont les eſprits plus purs & mieux elaborez que les premieres: Que les deux du deuant ont le tiſſu admirable, & le *ſeptum lucidum*, & les deux dernieres autres parties adjacentes, qui ſont differentes, comme ie diray cy apres; Toutes ces particularitez ſuffiſent pour la diuerſité des eſprits, ſans l'aide du temperament, que de dernier coup, ou comme de cauſe, *ſine qua non*. Mais pour marque que ſa doctrine n'eſt pas bien certaine, ſur la fin du quatorzième Chapitre de ſon Examen, il eſt contraint d'approuuer l'opinion des Arabes au preiudice de la ſienne. Il opiniaſtre que les trois uiſſances de l'ame ſont en chacun ventricule, puis que de la ſeule bleſſeure de l'un toutes les trois ſe debilitent. Il ſ'abuse. Cela vient de ce qu'ils compatiffent l'un à l'autre, comme eſtans proches & aliez d'affinité de ſubſtance. Mais ce qu'il dit n'eſt pas toujours veritable: car nous voyons ſouuent aux malades de fièvre

2.  
Ex. fr. pag.  
163. b. Eſſ.  
281. a. b.

3.  
De ſola la  
leſion de  
vno ſe de-  
bilita to-  
das tres.  
Eſſ. 65. b.  
fr. 35. a.

vn des facultez principales blessée, sans aucune lésion des deux autres. Mais nous discourrons encore de cela cy après.

Son opinion est donc, que la pluralité des ventricules dans le cerueau n'est pour autre suiet, que de suppléer au défaut l'vn de l'autre; comme nature, pour mesme raison a dōné à vn chacun deux yeux, & deux oreilles; & pour confirmer dauantage ceste nouueauté, il dit, qu'en la paralysie l'action & l'usage se pert du ventricule, qui est & respond du costé de la partie percluse. Ignorance grande, & indigne de ces beaux esprits d'Espagne. On n'a iamais creu que la perclusion de costé ou d'autre prouienne de ce que le cerueau soit offensé en l'vn ou en l'autre de ses premiers ventricules: mais que l'humeur qui en est la cause est aux extremittez du cerueau, ou en l'origine des nerfs, & de la moëlle de l'espine. Je sçay bien que les nerfs qui seruent au mouuement & au sentiment, rarement peuuent estre blessez en leur origine, que par l'indisposition du cerueau ou de ses ventricules; & que quelques Anatomistes disent auoir remar-

*Ess. 6r. 6.*  
puende la  
obra de  
aquel vè-  
triculo  
que esta a  
la parte  
resuelta.

qué en certains corps morts de paraly-  
sie quantité d'eau claire dans le ventri-  
cule du costé perclus : mais ie croy que  
cela est imaginaire. Dans ces deux pre-  
mieres cellules il y a tousiours de l'eau ,  
qui s'engendre des vapeurs des esprits ,  
qui s'y espeussent par la froide humidi-  
té du cerueau ; & peut estre qui sont ne-  
cessaires à la nature. Mais quand bien il  
s'y trouuerroit quantité d'humeurs vi-  
cieuses , lesquelles venant à tomber au  
derrière de la teste , & sur les appendices  
du cerueau , asçauoir sur la moële de  
l'espine & sur les nerfs , comme par vne  
maniere de defluxion , causeroient de  
costé ou d'autre la paralytie ; cela ne fait  
rien pour le suiet que nous disputons  
de la pluralité auxiliaire , & pourquoy  
les ventricules de deuant sont deux, veu  
qu'il n'y en a qu'un au milieu , & vn au-  
tre au derriere de la teste.

Pour destruire donc ceste fausse do-  
ctrine de l'Examen ; ie dis qu'il seroit  
impossible , veu la grande sympathie  
qui est entre les deux premiers ventri-  
cules , que l'un d'iceux fust touché de  
quelque grâde maladie que l'autre n'en  
eust quelque ressentiment , & que l'ame

aussi ne patist en ses principales facultez, comme nous voyons en l'Epilepsie. Que le deuant de la teste n'est point le siege de la paralyse, ny mesme le dernier ventricule du cerueau; combien qu'il ayt plus de pouuoir que celuy du milieu; & cestuicy que les deux premiers, pour ce qui est du sentiment & du mouuement; comme Galien<sup>1</sup> & l'experience nous l'apprennent.

<sup>1.</sup>  
*Cap. lib. 7.  
de plac.  
Hipp. &  
Plac.*

Si les deux ventricules de deuant sont la cause de la correspondance de la paralyse; ceste cause est ou coniointe, ou esloignée: non coniointe, car ils ne sont pas le principe des nerfs, ny la cause esloignée, par le moyen des defluxions: car il n'est pas possible que le ventricule droit, pour exemple, soit cause reglée de la perclusion du costé droit, veu que l'humeur qui partiroit de là seroit portée premierement dans le ventricule du milieu, & en suite à celuy du derriere de la teste, indifferente iusques là, & sans inclination, plus à vn costé del'espine qu'à l'autre.

S'il dit quel'humeur suit le costé du ventricule d'où elle part & des conduits par où elle passe, parce qu'elle n'est pas

dans la cauité, mais abreuuée dans la substance. Je responds que l'humeur ainsi portée, ne pourroit estre cause de la paralytie, à raison, que ceste maladie est en la substance des nerfs, & non aux tuniques qui les enueloppent. De sorte que ceste opinion tiendrait plus le party d'Erasistratus, qui a creu, que tous les nerfs tirent leur origine de la dure mere; Que de la verité, qui est, que la substance des nerfs prend son origine de la substance, & non des membranes du cerueau: pourquoy les doctes<sup>2</sup> croient avec Galien, que la cause de l'apoplexie est au cerueau & non aux ventricules, puis qu'elle se tourne en paralytie.

<sup>2.</sup>  
Leg. 10.  
*Duretus*  
*in Holle-*  
*rium.*

*Galenus*  
*cap. 2. lib*  
*4. de locis*  
*affect.*  
*ἐν τοῖς ἀπο-*  
*πληξιαῖς*  
*μᾶλλον τοῦ*  
*σπείρα τῆ*  
*ἐγκεφάλου.*

<sup>3.</sup>  
*Galenus*  
*cap. 10. lib.*  
*8. de usu*  
*part.*

Il est certain que la nature a fait doubles quelques instrumens des sens, & le cerueau, & les membranes qui l'enueloppent, & le crane, à raison de ses deux tables, pour plus grande seureté des parties: car comme dit Galien, le peril est moindre, quand il y en a deux d'une mesme sorte, que lors qu'il n'y en a qu'une. 3 ἀσφαλέςτερον τὸ διφύες τῆ μονοφύης. Mais l'Examen s'est seruy mal à propos de l'exemple des deux premiers ventricules du cerueau. Aux legeres offences,

l'un des deux ventricules peut estre blessé, que l'autre n'en sera, que peu ou point incommodé; mais aux grandes blessures, comme en la playe que reçeut le jeune Smyrneen en l'une de ces deux cellules, il n'est pas possible que l'autre aussi ne soit gradement mal affectée par sympathie en la nephretique, l'un des deux reins estant vexé d'inflammation, ou de calcul, l'autre, quoy que bien sain, cesse de faire son operation.

I.  
Apud Galienum cap.  
10. lib. 8.  
de usu  
part.

Il dit que Galien & tous les Anatomistes, tant anciens que des derniers siecles ont ignoré l'usage des quatre ventricules du cerueau; & qu'ils ont dit seulement, encore avec crainte; qu'ils sont dediez naturellement à cuire les esprits de la vie & les rendre esprits animaux; c'est à dire, capables de seruir à l'ame pour ses principales fonctions. Le bon homme se trompe. Tous les Medecins & Philosophes qui ont escrit depuis quatre cens ans ont suiuy sur ceste matiere l'aduis des Grecs ou des Arabes. Galien & tous ceux de son eschole ont creu que l'ame exerce indifferemment toutes ses facultez par tout le cerueau; & que les ventricules sont dediez seule-

^ apparens

ment pour purifier les esprits. Que demande t'il d'auantage ? veut-il qu'ils parlent comme son Examen au preiudice de la raison ? Les Medecins Arabes, qui ont eu l'honneur des sciences apres les Grecs & les Latins, ont iugé plus à propos de distribuer les facultez de l'ame, selon les cellules ou ventricules du cerueau ; & ceste doctrine a esté suiuiue depuis & approuuée par tous les plus celebres Medecins & Philosophes, & confirmée par luy mesme en son Examen. <sup>2.</sup> A tort donc, & peut-estre faute de bon temperament, il les accuse de n'auoir pas déclaré à quel vsage lesdites cellules sont employées par la nature.

*Chap. 14.  
sur la fin.*

Mais luy mesme apres auoir blasmé toute la Philosophie, & appelé Philosophes vulgaires tous ceux qui tiennent ceste opinion des Arabes, produit-il quelque chose de plus releué, de plus solide, & de meilleure <sup>trempe</sup> ~~exemple~~ ? Il dit, „ que les trois facultez principales de l'a-  
„ me, l'imaginatiue, la memoire, & l'en-  
„ tendement sont toutes dans chacun des  
„ trois ventricules ; Que dedans ces trois  
„ logemēs ne sont point cuits les esprits,  
„ comme croit Galien, pour estre faits



esprits animaux d'esprits vitaux, qu'ils „  
estoyent auparauant ; mais dans le der- „  
nier ventricule seulement , qui est le „  
quatriesme , & lequel n'a autre charge „  
que ceste-là selon son aduis : Parce, dit- „  
il , que la costion est vne operation qui „  
troubleroit l'ame en l'exercice de ses „  
plus belles facultez ; pourquoy il est „  
plus croyable qu'elle a esté separée des „  
autres par la prudence de la nature. Au- „  
tant de paroles , autant de fautes nota-  
bles.

Si en chacune cellule sont les trois  
facultez, pourquoy trois cellules? l'vne  
des deux premieres n'est-elle pas entie-  
remēt superflue? Puis qu'elles ont vn pa-  
reil pouuoir, & que la cause de ce qu'el-  
les sont doubles, τῆς διδυμότητος, n'est  
à son aduis que pour supplement, & au  
defaut l'vne de l'autre, comme les deux  
yeux, la troisieme avec l'vne des deux  
premieres estoient suffisantes pour sa-  
tisfaire à ce supplément imaginaire: les  
ventricules du cerueau sont moins ex-  
posez aux iniures du dehors que les  
yeux: pourquoy donc trois ventricules.  
puisque deux yeux ont esté assez à la na-  
ture? S'il est vray, que le quatriesme

ventricule ne sert qu'à cuire & preparer les esprits, ils ne commencent à estre esprits animaux qu'en ceste partie; de sorte que selõ son aduis, l'ame ne se sert que d'esprits vitaux en l'exercice de ses facultez principales, si quelque reflexion ne se faisoit des esprits iusques aux trois precedés, comme dit Fracastor des especes qu'elles font par reflexion portées du quatriesme au troisieme ventricule. Ceste opinion donc de l'Examen n'est pas nouuelle seulement, mais aussi tellement inepte, qu'elle merite plus que la ferule.

S'il eust suiuy du tout l'opiniõ d'Argenterius, qu'il n'y a point d'esprits animaux, peut-estre eust-il esté plus excusable: mais de croire qu'ils n'acquierent ceste qualité que dãs le quatriesme ventricule, & que l'ame pour ce qui est du sentiment & du mouuement a besoin des esprits animaux, & non pour ses principales facultez: c'est vne ignorance indigne du bon temperament de son pays, & vne faute dont vn François seroit hôteux, s'il l'auoit commise. Mais pourquoy la cuissõ des esprits animaux plustost au quatriesme qu'aux trois au-

tres ventricules ? & pourquoy les trois facultez principales de l'amelogées aux trois premiers, & non au quatriesme : puis qu'ils sont d'une mesme structure, en chaque particulier selon luy mesme, & d'un mesme temperament ? Si quelqu'un dit que le dedans du cerueau est froid actuellement, & pour ceste consideration qu'il est incapable de cuire les esprits. Je responds que quelques-vns, comme Andernacus, ont eu ceste opinion du cerueau, mais seulement en sa base : & cela neantmoins est du tout faux, veu ce que dit Hippocrate, que le cerueau iouyt des premiers fruiets de la respiration, a sçauoir du rafraichissement ; & Galien que le cerueau est plus chaud que tout air qui l'environne. L'experience nous apprend, qu'il est actuellement chaud, veu que nous le sentons tel au toucher, lors des playes profondes & recentes de ceste partie. Mais quand cela seroit veritable, le quatriesme ventricule auroit encore moins de chaleur que les trois premiers, veu qu'il est encores plus esloigné des veines, & des arteres, & partant moins capable de cuire les esprits. Aux premiers ven-

tricules & en toute la partie anterieure du cerueau, le sang & les esprits sont moins purs qu'aux deux autres, à raison qu'ils sont, comme deux premieres boutiques, où se fait le premier apport des esprits vitaux, pour y recenir le commencement d'une autre preparation; au moyen dequoy il s'y engendre beaucoup d'excremens; partie desquels est euacuée aux deux premiers ventricules par les apophyses max<sup>m</sup>illaires; comme par l'entonnoir ceux du ventricule. Mais c'est trop s'arrester sur ceste matiere.

du milieu

*Les Grecs ont esté les premiers qui ont enseigné les diuers sieges des facultez de l'ame. L'opinion des Arabes confirmée. Opinion nouuelle de l'Authheur sur l'usage du Camarium.*

CHAP. XIII.

**L**ES Medecins Arabes n'ont point esté les premiers, qui ont mis en auant l'opinion des diuers sieges des facultez de l'ame, cōme l'on croit vulgairement: car Galien long temps parauant auoit reconnu ceste belle œconomie. Mais peut-estre nel'ayant pas assez decouuerte, pour en publier la doctrine nette de doutes & de scrupules, il s'est contenté de nous laisser des marques de sa diligence & de son bel esprit, sur ce suiet. S'il arriue, dit-il, que toute la partie de deuant du cerueau soit blessée, de necessité le vëtricule du milieu aussi

est offensé par sympathie, & en suite les  
fonctiōs du discours & de la raison qui  
en dependent. 1. συμπάσχειν ἀναγκαῖον ὅτι

1.  
Galenus  
cap. 2. lib.  
4. de loc.  
affect. 286.  
12.

ὅτι τὰ ἐπὶ τῇ ὑψιλοτάτῃ αὐτῆς κοιλίᾳ,  
βλάπτειται δὲ καὶ τοῖς ὑποκοιτίαις αὐτῶν  
ἐνεργείας. Et ailleurs lors qu'il rend rai-  
son des diuers symptomes de la phrene-  
sie, & pourquoy aux vns en telle mala-  
die l'imaginatiue seule est blessée; aux  
autres, la memoire aussi; ou la raison,  
ou toutes ensemble; la cause de cela,  
dit-il, est bien au cerueau, mais selon  
que l'humeur ou la vapeur, qui fait le  
mal, est portée à telle ou à telle partie.

2.  
Galenus  
com. 1. in. 1.  
prophetie.  
Hipp. gr.  
172. 41.

2. καὶ μὲν τὸν ἐγκέφαλον ὅτι τὸ αἷτιον ἄλλ'  
ἄλλοι αἷμα αὐτῆς τὸ πρὸν ἐνοχλεῖ τὸ μετὰ ῥ-  
ῥέον. Tout cela en suite de la doctrine  
d'Hippocrate, qui est, que les melan-  
choliques deuiennent souuent epilepti-  
ques, & les epileptiques melancholi-  
ques, selon que l'humeur qui fait le  
mal, se coule en vne partie ou en l'au-  
tre; car si elle est portée dans la substan-  
ce du cerueau, ils sont faits epilepti-  
ques. Mais si elle passe dans le siege de  
la raison, c'est à dire dans les ventricu-  
les, qui sont le siege des facultez princi-  
pales de l'ame, ils sont saisis de la folie  
melancholique:

melancholique. *Ἐν μὲν τὸ σῶμα ὅτι ληπτοί, εἰ δὲ ὅτι τὰ ἀγνοίαν, μετὰ γὰρ ῥολοί;* comme il dit ailleurs, que les hommes sont sages, selon que les voyes sont biē disposées par où l'ame se portement. *ἡ φύσις τῶν πρώτων, δι' ὧν ἡ ψυχή πορεύεται, αἰτὶν ὅτι.* Par l'ame il entend la forme de l'homme, & par les voyes, les ventricules: car il s'explique diuinement au mesme endroit, quand au lieu de ces mots, *δι' ὧν πρώτων*, il met pour se rendre plus intelligible en la mesme ligne, *δι' ἀκρίων ἀγγείων*, selon les vaisseaux. *Ætius* montre cela plus clairement. L'imaginatiue, dit-il, est blessée par l'indisposition des premiers ventricules; la raison, quand celui du milieu se porte mal; & la memoire, lors que le dernier est mal affecté. *ἔκδοσ μοι τοῦ πνεύματος* Les Latins mesmes long temps deuant les Arabes auoient euenté ceste doctrine, entre autres S. Augustin, au rapport duquel les trois ventricules du cerueau estoient demonstrez de son temps, chacun separément avec sa faculté, 1. *Vnus anterior ad faciem*, dit-il; *2. à quo sensus omnis; 3. Alter posterior ad ceruicem, à quo motus omnis; 4. Tertius inter vtrum-*

*Hippocr. sect. 8 lib. 6. Epidem.*

*Lib. 1. de diat. sub finem.*

*Lib. 7. de Genese ad litteram cap. 18.*

Q

*que, in quo memoriam Vigere demonstrant.*

Et cela doit suffire pour montrer que les Médecins Arabes n'ont pas esté les premiers inuenteurs de ceste Philosophie, & qu'ils ne l'ont pas embrassée témérairement; comme l'Autheur de l'Examen s'est précipité en son opinion nouvelle, & en la publication de son liure.

Depuis eux les plus celebres Philosophes de toutes les nations ont esté de mesme aduis, & avec eux ie me suis résolu de prendre party, non que les raisons dont on se sert pour ceste opinion soyent nécessaires: mais parce que, outre ce qu'elle est fondée sur grandes apparences, il n'y a pas plus de fermeté à ce que l'on oppose pour la destruire. De sorte que tous ceux-là qui se sont tenus à l'opinion premiere des facultez de l'ame par tout le cerueau, ont tousiours fait scrupule de quitter du tout celle des Arabes, excepté Fernel, avec lequel nous entrerons en propos incontinent.

Valesius, qui croit les facultez de l'ame par tout le cerueau, confesse neantmoins que la cellule de derriere a plus de vertu que celle du milieu, &



cette-cy que les deux premieres, & parle de l'aduis des Arabes sur ce suiet, avec tant de modestie, & y trouue tant de raison, qu'il ne l'ose pas condamner absolument. *Negamus*, dit-il, *vel saltem non asserimus.*

Du Laurens y apporte la mesme caution. Mon aduis est, dit-il, que les facultez principales de l'ame sont logees par tout le cerueau: non que ie nie pourtat que l'vne n'ayt plus de vertu en vne cavitie qu'en l'autre, selon que les esprits y sont plus subtils, plus parfaicts, & mieux elaborez; & neantmoins ailleurs encore il semble fauoriser ceste opinion des Arabes, quand il dit que le sentiment est perdu en l'Epilepsie, à raison que les premiers ventricules du cerueau sont l'organe du sens commun, & le siege de ceste maladie. *Leso organo sensus communis, anterioribus quippe cerebri ventriculis, in quibus sedem habet epilepsia.*

Le docte Scaliger en parle en la mesme maniere. Les autres, dit-il, ont placé la memoire au derriere de la teste, par vne raison assez apparente: parce que ceux qui ont esté blesez en ceste partie ont perdu la memoire de toutes

*10. L'au-  
rentius in  
Anatomi-  
cis:*

*1ul Scalig.  
in Carda-  
nū de suba-  
til. ex. 307.*

28.

choses. Et cela ne sera point de difficile croyance à ceux qui voudront considérer la belle ordonnance des parties intérieures du cerueau. *Nec displicebit hoc interiora cerebri intuentibus.*

*Fracastor.*  
lib. 2. de  
intellectu.

Fracastor est de ce mesme aduis, que toutes les facultez, ou puissances de l'ame sont separées, & *ratione* & *locis*: comme Argentarius, lequel apres auoir proposé les raisons de l'un & de l'autre party, incline plustost à l'opinion des Arabes.

*Io Riola-*  
*nus.*

Riolan aussi se monstre comme indifferant entre ces deux opiniōs de Galien & d'Auicenne. *Recentiores practici*, dit-il, *fauent Auicenna, non peccabit tamen, qui Galenum imitabitur.*

*Fernel.*

Il n'y a que Fernel qui s'oppose formellement à ceste opinion des Arabes, combien qu'il ne produise riē de necessaire pour la destruire; dautant qu'il y a ie ne scay quoy de caché en l'œconomie des facultez de l'ame, & des ressorts que nous ne connoissons point.

Sur ce doute ie diray librement que le party des Arabes me semble auoir quelque facilité plus apparente, & qu'il est aisé de la confirmer par raisons &

par coniectures. Puisque nous voyons par experience, que ceux qui ont le front ouïe derriere de la teste auancé, & plus eminent en dehors, ont bonne imaginative ou bonne memoire : il semble que cela nous inuite plustost à croire ceste distinction des facultez, qu'à les loger toutes confusément dans chacune cellule. Si ceste opinion del'Examen estoit veritable, outre ce que plusieurs qualitez contraires, selon ses maximes, seroient en vn mesme suiet, il seroit difficile, sinon impossible, de rendre raison, pourquoy en certaines maladies, l'vne des facultez peut estre blessée seule, & les autres nullement incommodées. Puisque Fernel a bien osé donner à la substance du cerueau le principe du mouuement, & le principe du sentiment à ses mēbranes : Pourquoy trouue t'il estrange que l'on ait distingué les facultez de l'ame selō les cellules? Semble t'il point qu'il y ait quelque raison puis que les sens exterieurs sont logez en diuers lieux, que les interieurs aussi doiuent resider en diuerses parties du cerueau, veu mesme que la structure, le lieu, l'ordre & la situation rapportent

aucunement à cela, & quasi nous forcent à ceste opinion. L'on tient pour constant, que les esprits sont les premiers instrumens de l'ame, & que selon les diuers degrez de leur perfection, les facultez de l'ame aussi operent diuersement. Or les esprits se purifient & deuiennent plus parfaicts selon l'ordre des cellules; les facultez de l'ame donc, selon le rang de leur perfection sont logées par ordre dās les cellules. Or comme il est certain que les esprits sont moins purifiez dans les premiers ventricules qu'en celuy du milieu, & en cestuicy que dans le quatriesme; le sens commun semble mieux placé dans les deux de deuant du cerueau: l'imaginatiue dans celuy du milieu, & la memoire dans le dernier, au derriere de la teste. Il y a toutefois de la dispute pour la preference entre le troisieme & le quatriesme ventricule. Mais à raison du temperament sec, qui conuient mieux pour retenir, & de la subtilité des esprits pour penetrer, & mieux imprimer les especes; le quatriesme semble estre mieux deu à la memoire, qui est comme la garde des registres de l'ame, &

sa thresoriere de l'espargne.

Tout bien considéré, & pesé à la balance de la verité, il y a de grandes raisons pour prouuer que la substance du cerueau est du tout necessaire pour la force, l'entretien, & la conseruation des ventricules: mais il est certain aussi qu'ils sont les maistresses pieces. C'est là que l'ame se pourmene: c'est là qu'elle tient son siege Royal, comme vne Royne.

S'il m'estoit permis d'adiouster quelque chose de nouueau à ceste doctrine, ie dirois volontiers que la voute nommée *Camarium*, est le principal palais de l'ame, veu l'excellence du lieu, la beauté de sa structure, la pureté & netteté de sa substance, & que rien n'y peut auoir entrée, sinon des esprits subtils, & plus epurez encore qu'en toute autre partie du cerueau. Les parois de ce Louure ne sont point membranes, comme aux autres cellules, mais la substance mesme du cerueau plus ferme & plus amassée; comme Aristote dit que les astres & les estoiles sont les parties plus denses de leurs globes. Si l'on oppose que les esprits ne peuuent estre portez

*Physiol.*  
*cap. 9. lib. 1.*

dans le *Camarium*; veu qu'il ne communique par aucun conduit, avec les autres ventricules. Je responds, quand il n'y auroit aucune voye apparente de l'entrée des esprits dās ce ventricule; ce que dit Hippocrate, suffit, que le corps est perspirable par tout, & que les esprits se trouuēt des passages qui ne sont cognus qu'à la nature. Le sang passe d'un ventricule en l'autre du cœur par la paroy du milieu qui les separe presque sans apparence d'ouuerture. Et les esprits penetrent dans les os, quoy que l'on ne voye entrer en leur substance aucunes arteres. Mais cela est ponctiller mal à propos; car ou le *Camarium* est plein d'esprits, ou il faut, qu'ils aduoient que le vuide s'y est logé, qui est l'ennemy de la nature.

Si l'on insiste que le *Camarium* est vne voute, qui n'est que pour soulager le troisieme ventricule, auquel la place du milieu a esté donnée dans le cerueau, parce qu'il est le plus digne & le plus noble: Je responds que iustement on peut accorder au *Camarium* des qualitez plus releuées que celles là; veu la beauté de cet edifice basty en triāgle, & porté

sur trois piliers d'une si belle ordonnance, que Fernel qualifie de son nom (Fornix) le troisieme ventricule du cerueau. Il est vray que le troisieme est placé au milieu, & tient la place principale entre les ventricules, mais cela n'importe pas; veu que le milieu n'est pas tousiours accordé à ce qui est plus digne & plus estimé dans l'ordre de la nature. La teste, qui est la plus excellente partie de l'homme, est située au plus haut du corps, parce que la nature l'a voulu ainsi pour le mieux, *Ἀπὸ τοῦ ἑλτίου*, plustost qu'au milieu, où sont les parties de la generation. Entre les parties de l'œuf le blanc est iugé le plus noble par les meilleurs Philosophes, & toutefois le rouge tient le milieu, comme si nature l'auoit plus en estime. Comme le cerueau dōc est logé au plus haut de tout le corps, le *Camarium* est au plus haut du cerueau, comme la plus digne & la principale de toutes les cellules, selon l'opinion mesme de quelques anciens Medecins, au rapport de Galien. Ceux-là, dit-il, qui ont eu opinion que ceste cavitè estoit la quatrieme du cerueau, ont creu par mesme

1.  
Physiolog.  
cap 9. lib. 2

2.  
Cap. 1. lib.  
8. de usu  
part.

moyen, qu'elle estoit la principale de toutes, *κυριωτάτῃ εἶναι φασὶν αὐτῇ ἀ-  
πασῶν τῶν χαθ' ὅλον τὸν ἐγκέφαλον.* Ce ventricule donc basty en forme de voute, est proche du ventricule du milieu, & vn peu plus esleué, non pour se sauuer de la presse, mais afin que luy estât proche voisin, comme aussi des deux premieres cellules, & ayant vne grande affinité avec le nerf optique, il recoiue de toutes parts abondance d'esprits purifiez par les pores, au trauers de sa substance, attendu, comme i'ay dit, qu'il n'a point de membranes comme les autres ventricules; car, Fracastor se trompe quand il dit le mesme du quatriesme ventricule, que *In eo membrana non est, sed duritia sua constat.* Qui sont les paroles mesmes de Fernel, quand il parle du *Camarium*. Ceste netteté & pureté d'esprits dans le *Camarium*, est cause que les especes sont representées par l'imaginatiue plus purement & plus nettement à l'intellect.

I.  
Lib. 2. de  
intellectio-  
no.

2.  
au chap. 15.

I'ay mis en auant ce propos du *Camarium*, & en parleray encore : cy apres, nō pour estre curieux de nouueauté, ou desireux de cōtreuenir à ce qui a esté en-



seigné de tout cela par le passé: car ie me  
 tiens tousiours dans l'opinion de l'es-  
 chole. Mais ie la propose seulement,  
 pour y adherer, si elle est trouuée plau-  
 sible & raisonnable, ou la biffer moy-  
 mesme, si on la iuge indigne d'estre re-  
 ceuë. Ie fais estat du iugement d'au-  
 truy plus que du mien, & remets le tout  
 à l'arbitrage des doctes. Il peut bien  
 estre que le sens commun ayt sa demeu-  
 re aux deux premiers ventricules; & que  
 le *septum lucidum* soit le lieu où il opere  
 plus parfaictement: que l'imaginatiue  
 soit placée au ventricule du milieu &  
 aux parties voisines; mais que l'excel-  
 lence de ceste faculté, qui a tant de res-  
 sorts, qui est proche de l'intellect, & in  
*confinio intellectus*, & qui est l'intellect  
 patient, cōme ie demonstreray cy apres,  
 peut auoir son arriereboutique dans le  
*Camarium*: la memoire au quatriesme  
 ventricule, & autres parties voisines  
 dans le petit cerueau au derriere de la  
 teste. Pour faire fin, il y a grande apparen-  
 ce, par les lieux cy deuant alleguez: que  
 l'opinion des facultez de l'ame, logées  
 diuersement dans les cellules du cer-

3.  
 10. Fracise  
 Picus.

ueau, ne manque pas de raisons; & que par Galien<sup>elle</sup> auoit elle esté fondée aucunement & par autres, long temps auant les Arabes. Mais, comme il arriue souvent aux premiers inuenteurs des choses, la nouuelle difficulté du suiet l'a empêché d'en discourir ouuertement, & retenu dans l'irresolution.

---

*Response à ce que l'Examen & autres opposent contre l'opinion des Arabes.*

CHAP. XIV.



OVR donner plus de force à son opinion de toutes les facultez logées en mesmes cellules, il dispute que l'entendement ne pouvant faire son action sans la memoire, qui luy represente les images, selon Aristote; ny la memoire, si elle n'est assistée de l'imaginatiue; qu'il s'ensuit necessairement que toutes les trois sont logées dans chacun des trois ventricules, *Que*

todas tres potentias estan iuntas en cada ven- Exam. ch.  
 triculo. Le respōs qu'il se sert mal à pro- 5. fr 34. n.  
 pos des paroles d'Aristote, qu'il faut h.  
 que l'intellect pour contempler se tour- ch. 2. di. I  
 ne vers la phantasie. 2. 2. telus  
*ἀνάγκη ἅμα φαντασμα τι θεωρεῖν*, par les 2.  
 quelles il appert bien que les facultez Cap. 8. lib.  
 ont ensemble quelque rapport, & sont 3. de ani-  
 nécessaires les vnes aux autres: mais non ma.  
 pour en tirer vne conséquence de la ne-  
 cessité de leurs logemens en mesmes  
 lieux. La memoire seroit nulle, & l'in-  
 tellect nul encore (tant que l'ame est  
 jointe avec le corps): sans le ministère  
 de l'imaginatiue ou de la memoire, il  
 est vray: mais pourtant, il ne s'ensuit  
 pas qu'elles doivent estre placées en  
 mesmes cellules. De mesme les facultez  
 du cerueau, du cœur, du foye, del'e-  
 stomach seroient iugées faire leurs de-  
 meures ensemble, puis qu'elles s'entray-  
 dent ainsi, & respectiuelement elles sont  
 vtilēs l'vne à l'autre. mortal. et  
 L'imaginatiue & la memoire, disent -omni ch  
 ils, s'exercent en mesme lieu, ces deux p. 2. 2. 2  
 facultez donc ne sont point logées se- Cap. 8. lib.  
 parement, & prouuent cela par Galien, -2. 2. 2  
 qui dit que les fortes imaginations ne -2. 2. 2

Lib. 2. de  
motu mus-  
culor. sub  
finem.

s'effacent point ; & que la faculté de l'a-  
me qui imagine, est celle là mesme qui  
se souvient , ἡ τὸ φαντασίζμενον τῆς ψυ-  
χῆς, ὅτι πῶς δὲν ἦ, ταυτὸ τὸ αὐτὸ καὶ μνημο-  
νεύειν εἶσιν. Je responds que nous auons  
deux sortes de memoire , dont l'vne est  
ainsi nommée improprement , quand  
l'imaginatiue rumine souuent , sur les  
images qu'elle a conceuës , & les re-  
tient , en qualité d'images seulement.  
L'autre , quand quelqu'un considere  
l'image de quelque chose autrefois im-  
primée en son esprit avec cognoissance  
du temps : car il faut que la cognoissan-  
ce du temps y soit coniointe , auquel la  
chose a esté imprimée , & comme l'im-  
pression en est demeurée en l'ame , ἡ εὐ-  
κλος καὶ ὅν το ἐγκρατα λειμμα ἐγκρατα λει-  
πῶν , dit Themistius : sur Aristote. Cum  
temporis prateriti cognitione , dit Fernel,  
quo facta est impressio ; & ceste-cy est di-  
cte vrayement memoire. La premiere  
est de l'imaginatiue : car puisque cesté  
faculté remuë ses images en l'absence  
des obiects , il faut qu'elle les retienne  
quelque temps ; mais l'autre est vne fa-  
culté separée : de maniere qu'elle doit  
estre aussi logée diuersement , & non en

2.  
In librum  
de memo-  
ria cap. 4.  
3.  
Cap. 8. lib.  
5. de ani-  
ma facul-  
tatibus.

mesme lieu que la phantasie.

Quelques-vns avec luy adioustent que l'on voit souuent toutes les trois facultez blessees par l'indisposition d'un seul ventricule; dont ils tirent coniecture qu'elles y sôt placées toutes trois. Il me fasche dem'arrester à des raisōs de si peu de raisō. Si l'autheur de l'Examen & ceux qui auancent ces propositions, pour le soustien de sa cause, auoient gousté seulement du bout des levres les principes de la Medecine, ils auroient scēu que les parties du corps peulient estre malades ou de premier coup ou par sympathie. Au mal caduc les ventriculēs de deuāt du cerueau sont premierement affectez; & quand bien ces deux cauitez, selon la doctrine des Medecins Arabes, seroiēt la demeure du sēs commun seulement, les deux autres ne laissent pas d'auoir part au mal par sympathie, à raison de l'affinité de leurs substances, & de la cōmunication de leurs offices. En ceste mesme maladie les conuulsions monstrent assez que la faculté du mouuement par tout le corps y est, pareillement deprauee, laquelle neantmoins, selon l'Examen, a son siege & son

principe au detriere de la teste, separément des autres facultez; grand argument pour prouuer qu'il n'est pas necessaire, que toutes les facultez demeurent en vne partie du cerueau, quoy qu'estant malade elle les blesse toutes. L'on vomit en la nephretique, en la colique, en quelques migraines; & neantmoins on ne pourroit pas soustenir que la premiere cause de ces trois symptomes, soit en l'estomach, sans estre blasme de mauuaise dialectique. *30* Ils insistent encore; & disent que la phrenesie simple, *simplex delirium*, est vne inflammation de tout le cerueau, c'est à dire, tant de ses cellules, que de sa substance; de sorte qu'elle deueroit blesser toutes les facultez, si elles estoient placées separément, ce qui n'aduient pas toutefois le plus souuent, veu qu'elle ne touche que l'imaginatiue en certains malades, ou la raison, ou la memoire toute seule. Je responds qu'en cet argument il y a aussi peu de bone raisõ qu'en la phrenesie; veu qu'il touche également & l'un & l'autre party. Si elles sont toutes dans la substance du cerueau, selon les Grecs, ou toutes dans chacune des

des cellules, ſelon l'Examen, ou diſtinguées & logées chacune ſeparémēt dans ſon ventricule, comme c'eſt l'opinion des Arabes, pourquoy l'inflammation eſtāt par tout, toutes les facultez ne ſerōt elles point bleſſées eſgalemēt & de meſme forte. L'on pourra reſpondre avec Fernel <sup>1.</sup> que la cauſe de cela eſt la diuerſe diſpoſition des malades, & que l'imaginatiue, pour exemple, peut eſtre bleſſée ſeule, ſi le malade a ceſte faculté plus debile naturellemēt, & ainſi des autres. Mais ceſte reſponſe encore ſemble inutile au faiſt de ceſte diſpute; attendu qu'elle trenche des deux coſtez, comme l'argument, & qu'elle peut ſeruir de part & d'autre.

Si de plus l'on oppoſe, qu'il n'y a point de raiſon à diſtribuer ainſi ces facultez, & qu'elles ſeront mal placées en ceſte maniere, veu que les conduits de tous les ſens ne ſe rendent pas aux deux premiers ventricules, pour faire le ſens commun. Puisque tous les nerfs, qui ſont les premiers organes des ſens, prennent leur origine en la moële de l'eſpine, comme Hippocrate & l'experience nous l'apprennent: il y a de l'apparence

*Quæritur  
que facultas  
est natura  
aut estio  
infirma e-  
xiſtit, ut  
ruentibus  
cauſis mi-  
nus obſi-  
ſtit, premi-  
umque  
offiditur.  
cap. 5. lib.  
6. Phyſic-  
log.*

que le premier apport des especes, pour le sens commun, est micux deu au quatriesme ventricule, qu'à ces deux autres situez en la partié de deuant du cerueau. Je responds, que les esprits de vray sont portez par les nerfs aux instrumens des sens extérieurs ; à l'œil, pour exemple, les esprits de la veuë par les nerfs optiques : attendu que l'obstruction d'iceux cause l'aveuglement. Mais il nes'ensuit pas que les especes des obiects doiuent suiure ceste mesme route, & qu'elles ne puissent par autres voyes que trouuent les esprits sous la conduite de l'ame, se rendre dās les premieres cellules du cerueau, pour leur premiere retraicte. Les especes des odours sās doute y sont portées ( ie dirois visiblement, si elles estoient visibles ) par les apophyses mamillaires. Et combien que les voyes quertienent les especes des autres sensibles, soient moins apparētes, elles ne laissent pas d'y courir aussi tost par autres chemins, & d'un mouuement si prompt, que l'espece de la chaleur perceue au bout du pied, en vn moment se rend dans ceste premiere retraicte du sens commun, comme dans son centre.



Nonobstant tout cela ainsi disputé de part & d'autre, i'aduoue librement; que mon esprit se trouue encore aucunement confus & empesché d'un scrupule qui me reste pour le fait de la memoire. Theodoric en sa Chirurgie fait mention d'un Sellier auquel apres vne grande blessure qu'il receut au derriere de la teste, tout le quatriesme ventricule, par pieces luy fut tiré par la playe, sans perte de la memoire. Apres estre guery il se souuenoit & faisoit son mestier comme auparauant, *memoriam*, dit-il, *sicut ante habebat, & artem suam non amisit*. C'est aux doctes de resoudre, apres la verité de ceste histoire, quelle doctrine doit estre suiuite comme la plus certaine, pour le repos & le contentement des esprits: Je doute, s'il y auroit point quelque raison, à croire que l'imaginatiue est placée au ventricule du milieu, la memoire au *Camarium*; & au petit cerueau aydé du dernier vëtricule, la faculté du mouuement, selon l'aduis de Fernel. Il est à croire qu'il estoit resté à ce Sellier assez de ceruelle pour le mouuement, puis qu'il exerçoit son art apres estre guery. En cas que ceste histoire soit

veritable, voila ma coniecture. Si tous les sages qui sont conuiez à ce festin veulent se forcer à payer leur escot, ie ne doute point que nous n'ayons bien-tost des resolutions notables sur ce suiet. *Nos nostrum pensum absoluius.*

*Si les esprits animaux ne sont cuits & preparez, que dans le quatriesme ventricule du cerueau.*

## CHAP. XV.



**N**TRE les maximes de l'Examen cette-cy encore sera iugée fausse comme les autres. Que tous les esprits ne sont cuits & faits esprits animaux que dans le quatriesme ventricule; n'estant les trois autres que pour seruir aux trois facultez principales del'ame, auxquelles, dit-il, rien ne peut estre plus contraire que ceste cuisson ou preparation d'esprits. Et combien que ceste faute soit grandement apparente, la bonne opinion qu'il a d'estre auteur de ceste nouueauté pré-

i.  
Exam. 33.  
a. chap. 9.  
fr.

tendue est cause qu'il ne presume pas seulement, que ce qu'il dit est necessairement veritable; mais encore que tous ceux-là sont ignorans qui n'adioustant pas foy à ses caprices, le mauuais mesnage neantmoins de son Examen est tellement palpable qu'il est aisé de le condamner par luy mesme.

Il dit, <sup>1.</sup> que la subtilité des esprits contenus dans les arteres est necessaire pour auoir bon esprit. Si cela est vray, pourquoy ne place t'il point plustost au quatriesme ventricule les facultez de l'ame, puisque les esprits y sont plus subtils & plus purifiez qu'aux autres cellules, & qu'il est de pareille structure que les trois autres? Ailleurs il tient <sup>2.</sup> que la contemplation demande du repos, de la tranquillité & de la clairté aux esprits animaux, *claridad en los espiritus animales*. Or puisque, selon son aduis, les esprits ne sont faits animaux qu'au quatriesme ventricule, de vitaux qu'ils estoient auparauant, n'y a t'il pas en cela vne contradiction insupportable? L'on pourroit donc disputer contre luy en ceste maniere. Pour la contemplation il est besoin d'esprits animaux: or

<sup>1.</sup>  
Cap. 3. pa.  
20. b. fr.

<sup>2.</sup>  
Espagne  
5. pag. 6  
fr. 34. b.

les esprits animaux ne sont point aux trois premiers ventricules, la contemplation donc ne se fait point aux trois premiers vëtricules. Est-il possible que l'ame pour ses propres & plus nobles actiōs ne s'ayde que des esprits du cœur & de la vie; & que les esprits qu'elle se prepare elle mesme dans le cerueau qui est sa principale demeure, ne soyēt employez que pour les facultez du sentiment & du mouuement? Ils ne sont esprits animaux que d'une moitié, s'ils ne courent point dās tous les premiers ventricules. Mais si l'histoire du Sellier est veritable, n'est-ce point vne batterie qui mine toutes les forces de l'Examen.

1.  
Cy devant  
chap. 14.

Il est à presumer que comme la nature, lors de la constitution des plus notables parties du corps, qui seruent à la nourriture & à la vie, s'y est conduite admirablement, & pour l'ordre, & pour la structure, & pour le rang, selon l'excellence de leurs facultez: qu'elle n'a pas manqué à faire le semblable, pour ce qui est des organes, qui sont pour les fonctions de l'ame raisonnable, puisqu'elles sont plus releuées que les deux autres & de plus d'estime. Le ventricu-

le, combien que quelques-vns l'ayent nommé le Roy de toutes les parties, & qu'il ait esté formé diuinement, tant à raison de ses tuniques tissües de plusieurs fibres, des nerfs, des venes, & des artteres qui entrent en sa substance; que de ses deux orifices, notamment du supérieur, qui est l'estomach, & lequel communement & improprement est appellé cœur, καρδια, à raison que la nature luy a donné vn sentiment exquis & subtil, pour estre le siege de la faim & de l'appetit. Il est certain neantmoins que le foye a esté formé avec plus d'artifice encore que le ventricule. Le foye est le principe du sang & l'origine des venes, les racines desquelles esparées dans sa substance font la venë porte, & la venë caue, lesquelles à la sortie se diuisent en plusieurs branches, dont en suite naissent plusieurs autres rameaux, qui multiplient apres en plusieurs autres reiettons, iusques aux petites venes capillaires, pour la nourriture des parties. La bourssette du fiel, la rate, les reins, sont comme officiers qui seruent à receuoir les excremens du foye, bilieux ou autres, & purifier le sang, pour

estre porté plus pur dans les venes, pour la nourriture de tout le corps; & tout cela avec tant de merueille que l'on ne pourroit pas croire avec raison, qu'une telle fabrique n'appartiène qu'à la nature, ny mesme à la nature, si elle est autre chose que la puissance ou prescience de Dieu. Apres les parties de la nourriture, considerons le cœur, qui est le principe de la vie, des esprits, de la chaleur influente, & l'origine des arteres: nous y trouuerons vn grand nombre de belles parties, ou essentielles, ou auxiliaires, dignes & necessaires inégalement. Le Pericarde, qui est son enuelope, est de moindre estime que son vëtricule dextre. La vene arterieuse moins digne que la vene caue. Les oreilles du cœur moins vtilles que l'artere veneuse, & celle-cy moins à priser encore que les poulmons qui portent au cœur l'air de la respiration, pour le temperament & pour la confection des esprits. Mais la plus noble partie de toutes est le ventricule fenestre, muni com me il est des nerfs, des racines, du tronc de la grande artere, & de ses valuules: attendu que les autres parcelles, enuelope, mem-

branes, closture, poulmons, venes, val-  
uules, ne sont que pour servir aux facultez de ce ventricule gauche. La nature a observé ceste mesme ordonnance en l'œconomie du cerueau: car cōme elle a placé le cœur au dessus du foye, elle a tenu le cerueau en lieu plus eleué que le cœur, & gratifié en luy certaines parties de quel que vertu particuliere, comme cela a esté réglé de mesme en la fabrique du cœur, du foye, & du ventricule. C'est la plus digne partie de tout le corps, à raison qu'elle est le domicile de l'ame raisonnable, l'origine des nerfs, & le principe du sentiment & du mouvement. Comme dans le grand monde il n'y a rien plus diuin que le Ciel, nous ne voyons rien dans le petit, plus admirable que le cerueau. Il y a dans ceste partie supérieure de l'homme tant de détours, tant de parties, & de mysteres cachez que l'on ne cognoist pas de certain à quoy elles sōt dediées naturellement. Au deuant du cerueau nous auons les deux premiers ventricules, qui ont à leur entrée les deux apophyses mamillaires, par la voye desquelles l'air de la respiration leur est porté. Cest air y est

meſlé avec les vapeurs ſubtiles du ſang contenu dans le tiſſu choroïde, & les eſprits du reſs admirable, qui peuvent pénétrer juſques là inſenſiblement pour eſtre donné aux eſprits de l'ame vne premiere preparation dans ces deux premieres cellules. Entre ces deux cauitez eſt vne maniere de membrane luſſante comme vn miroir, qui eſt peut-eſtre leur perfection & leur quinteſſence. En ſuite ces deux cellules ſe terminent en vne troiſieſme, laquelle eſtant ſituée au milieu du cerueau, comme le cœur au milieu de la poitrine, ſemble auoir quelque aduantage pour les exercices de l'ame. Au deſſus de ce troiſieſme ventricule eſt vne voute en triangle portée ſur trois piliers, qui ſont productions des nerfs optiques, dont quelque vertu peut eſtre communiquée à ceſte partie, pour aider à rendre plus parfaite la faculté de la troiſieſme chambre, ſi la voute meſme n'eſt la maiſtreſſe piece, comme Fernel ſemble auoir eu quelque doute de cela, quand il nomme le troiſieſme ventricule, *Camarium*. Ceſte troiſieſme cauité produit d'elle meſme vn autre conduit, par lequel elle com-



munique avec la dernière dans le petit cerueau. C'est la quatriesme, dans laquelle assistée des parties voisines, les esprits semblent deuoir estre plus purifiez encore, à raison qu'ils reçoient là leur dernière main, & que ceste dernière retraicte est cōme vn recueil de tout ce qui a esté fait dans les trois precedentes. Ces quatre logemens diuers ainsi establis dans le cerueau, monstrent assez qu'il y a vn commencement de preparation d'esprits dans les deux premiers, & qu'ils sont encore plus purifiez dans le troisieme, veu que pour cét effect il y a vn petit conduit par lequel il se purge dans l'entonnoir de ce qu'il pourroit auoir d'humidité superfluë, comme les deux premiers par autres voyes. De sorte qu'il semble necessaire, puisque ces parties acquierent leur perfection par degrez, & selon l'auantage des lieux dans le cerueau; que leurs facultez aussi ont esté distribuées separément & par ordre, & non logées toutes ensemble en chacune cellule. L'on doute à laquelle des quatre est deuë la preference, veu que Galien en vn lieu fait plus d'estat de la dernière, en vn autre de la

troisiesme cellule: mais ceste question peut estre proposée & vuidée ailleurs plus à propos.

Les esprits de la vie donc portez du cœur au cerueau par les arteres carotides reçoient vn commencement de preparation en la base du cerueau, dans le rets admirable: puis estant meslez dans les premiers ventricules, avec les plus subtiles parties du sang du tissu choroide, & l'air de la respiration, comme i'ay dit cy-deuant, ils commencent là à prendre le nom d'esprits de l'ame, qui iusques là n'estoient qu'esprits de la vie. C'est vn premier degré de perfection pour les esprits, & vne demeure à proportion pour loger la premiere & la plus foible faculté des sēs interieurs, qui est le sens cōmun. Les esprits apres sont portez dans la cellule du milieu, où ils deuiennent encore plus subtils pour l'imaginatiue: & de là dans le quatriesme vētricule ils sont accomplis de tout poinct, pour seruir à la memoire, & pour estre distribuez par les nerfs à tōut le corps pour les facultez du sentiment & du mouuement. La nature par vne tres-grande prudence semble auoir

ainſi meſnagé les eſprits des facultez de l'ame. Car comme il ſeroit meſſant à vn grand Prince d'eſtre ſeruy par des officiers en mauuais ordre, & couuerts de veſtemens de vil prix & de mauuiſe eſtoffe, comme d'un homme de baiſſe condition: de meſme ce ſeroit contre raiſon que les facultez principales de l'ame euſſent pour organes des eſprits groſſiers & auſſi peu purifiez que ceux qui ſeruent aux facultez de la vie & de la nourriture.

Mais ſi l'on demande à l'auteur de l'Examen, pour quelle raiſon il croit que les eſprits ſoient cuits & preparez dans le dernier ventricule pluſtoſt que dans les trois autres, veu qu'il les reconnoiſt tous d'une meſme ſubſtance, & d'une meſme ſorte, ſans aucune marque de difference. Dira t'il qu'il y a plus de chaleur en ce quatrieſme ventricule? Quoy qu'il ſoit hardy en ſes propoſitions, en ſes conſolutions, en ſes reſponſes, ie ne croy pas qu'il vouliſt eſtre quitte en nous payant d'une ſi mauuiſe monnoye. Car ſoit que nous conſiderions la chaleur propre du cerneau, ou celle qu'il reçoit du foye & du cœur, par les

1.  
Todos  
tienen vna  
meſma  
compoſi-  
tion y fi-  
gura, ſin  
auer coſa  
de por me-  
dio en que  
pueden  
differir.  
*Ex chap. 5.  
Eſp. pag. 62  
fr. 33. a.*

venes & par les arteres. Il semble qu'elle doit estre plus grande par tout ailleurs; qu'en ceste derniere cavit  du petit cerueau. Mais veu que le cerueau est plus froid de temperament que le c ur selon Aristote, & les esprits animaux neantmoins plus subtils que ceux de la vie, n'est-ce pas vn suiet de croire que ceste subtilit  d'esprits prouient, ou de quelque qualit  que nous ne cognoissons point, plustost que du temperament, ou qu'elle s'acquiert dans les destours de tant de petits chemins dans le cerueau, comme vne eau trouble se rassied estant port e loing dans de petits canaux, & dans les terres, sur vn li t de sable ou de grauois.

Il dit que la cuisson & preparation des esprits est contraire   l'ame, qu'elle apporte du trouble aux facultez, qui ne demand t rien tant que la clart  des esprits. Il se trompe par tout, pour s'estre imagin  que la preparation des esprits est semblable   la cuisson des aliments dans l'estomach. Si les trois premiers ventricules cuisent bien le sang dont ils sont nourris, pourquoy non les esprits? ils sont nourris de necessit , puis qu'ils

1.  
Cap. 7. lib.  
2.   cap.  
4. lib. 3. de  
partib. an.  
mal.

prennent accroissement, & puis qu'ils sont nourris, ils cuisent le suc qui est conuertý en leur substance. Or ceste cuisson ne les trouble point en l'exercice de leurs facultez : La cuisson donc des esprits leur sera moins incommode veu qu'elle se faiet avec moins de trouble & d'agitation. Les esprits, selon l'Examen, sont cuits & preparez dans le quatriesme ventricule, pour le sentiment & le mouuement. Or puisque la cuisson des esprits en ce lieu là ne trouble point les facultez du sentiment & du mouuement, elle ne doit pas troubler dauantage les facultez des trois premieres cellules. Entre les sens exterieurs il n'y en a point qui ayt tant besoin de la clairté des esprits que le sentiment de la veüe : Or la faculté qui est portée aux yeux par les nerfs optiques leur viét du quatriesme ventricule, où se cuisent les esprits, selon l'Examen. La cuisson donc & preparation des esprits ne trouble point les facultez de l'ame. Sãs doute tous les ventricules en leur substance sont nourris de sang, & en leurs cauitez ils cuisent & preparent les esprits, chacun pour soy : mais neantmoins les pre-

miers pour les derniers, d'intention de la nature: & tout cela, afin que les facultez facent leurs fonctions par ordre, & separément en diuerses cellules. Il a pensé, peut-estre, que ceste Philosophie estoit trop vieille; aussi ay-je pris la plume pour luy faire voir que la sienne est trop nouuelle, & que les vieilles maximes fondées sur la raison & sur vne longue experience ne doiuent pas ceder aux nouuelles, comme les loix & les contracts. Galië dit que le cerueau est nourry de sang pituiteux, & il enseigne neantmoins que les facultez de l'ame fôt leur demeure en ceste mesme partie. Il entend donc que les fonctions de l'ame & de la nature peuvent estre exercées ensemble, & qu'elles ne sont point incompatibles.

C'est au lecteur de iuger si cét authœur Espagnol doit auoir vn tel auantage sur les Grecs & sur les Sages des autres nations, que d'estre creu sans raison, sans bonnes authoritez, & sans apparence. Il tient que la cuisson des esprits est contraire aux fonctions de l'ame: cela est faux. Car si les esprits sont les plus habiles instrumens que puisse auoir l'ame, pourquoy

pourquoy leur preparation estelle contraire à l'ame? Si vn Orfevre fait bien luy mesme, polit & embellit les outils de son mestier; pourquoy non l'ame les organes dont elle se sert pour l'usage de ses facultez: mais pour luy faire plaisir; accordons luy ceste contrariete; & en suite que les facultez ne peuvent loger dans le dernier, ny la coction des esprits estre faicte dans les premiers ventricules: Que ne s'oblige t'il luy mesme à la generalité de ses maximcs? Il dit presque dans toutes les pages de son liure, que la phantasie & l'entendement sont facultez contraires; comme aussi l'entendement & la memoire, lesquelles neantmoins il loge confusément dans les trois premiers ventricules du cerueau. Puisque les contraires sont incompatibles, à quel propos vouloir les loger en mesmes boutiques?

Vn Sage qui a escrit depuis l'Examen, s'est rangé de son party sur le sujet de ceste nouvelle doctrine, mais avec vn peu d'assaisonnement. Car apres auoir proposé que dans le quatriesme ventricule seul se fait la preparation & concoction des esprits, il adiouste qu'ils sont

*Charron  
chap. 13. du  
premier li-  
ure de la  
sagesse.*

puis faicts animaux & portez aux trois creux de deuant, auquel l'ame raisonnable fait & exerce ses facultez. Et ce propos seruiroit aucunemēt de response à ce que i'ay opposé cy deuant & dit contre l'Examen; que les facultez de l'ame sans raison ( s'il falloit adiouster foy à son opinion ) seroient exercées sans esprits animaux dans les trois premieres cellules. Mais ie n'approuue point ce que dit ce sage & docte personnage du retour des esprits, du quatriesme dās les trois autres; non que ie croye impossible la contrarieté de l'aller & du venir dans l'estroit de mesmes chemins; veu que le chyle est ainsi porté au foye par les venes mesaraiques, & le sang du foyeaux intestins par les mesmes venes. L'air de la respiration court des poulmons au cœur par l'artere veneuse, lequel luy renuoye ce qu'il a de superflu, & le sang arterieux par la mesme vene, & en mesme temps, sans perdre son battement, *nec ipsa arteria*, dit Riolan, *pulsare desinit*. Ainsi les apophyses mammillaires portent l'air de la respiratiō dans les deux premiers vētricules du cerueau, lesquels par ces mesmes voyes se des-



chargent dans les conduits du nez, de ce qu'ils ont d'humidité superflüe. Ainsi disoit Fracastor que les especes retournent du dernier ventricule à celuy du milieu. *Reflectuntur Species ab Ultimo Ventriculo ad medium.* Mais ie soustiens, que ceste refuite ne sauue point l'Examen, attendu que ce retour des esprits se feroit sans besoin & inutilemēt, puis qu'ils sont assez preparez dans chaque ventricule & suffisammēt pour son vſage, & que le dernier n'a rien plus que le premier, sinon qu'il adiousté quelque traitt de luy aux esprits qui estoient quasi parfaicts & accomplis, dans les trois premiers.

L'autheur de la sagesse donc semble auoir manqué en voulant excuser & interpreter l'Examen, par ce retour des esprits; & en ſuiuāt ſon opinion des trois facultez en chacune cellule: & en ne le ſuiuāt point ſur la diſpoſition des ventricules: car l'Examen ne dit pas comme luy contre la verité, que les trois premiers ſoyent logez de front au milieu du cerueau, collateraux entre eux; & le quatriefme ſeul au derriere de la teſte. Il eſt excuſable touteſois, parce

Faute notable de Charren,

qu'il n'estoit pas Medecin, & que les  
fautes qu'il cōmet sont en taille douce.

*Du temperament de l'imaginatiue, de  
l'entendement & de la memoire,  
principales facultez de l'ame.*

CHAP. XV



Y deuant nous auons exa-  
miné ceste question des  
temperamens: mais en  
general seulemēt & com-  
me en passant. Il sera donc

à propos maintenant de la considérer  
en particulier, & de plus près. L'au-  
teur dit que, l'imaginatiue despend  
du temperament chaud & sec, l'enten-  
dement du sec, & la memoire de l'hu-  
mide: mais que le froid est inutile pour  
la difference des esprits. Tout cela me  
semble proposé avec plus d'ostentation  
que de iugement & de verité.

Premierement, pour ce qui regar-  
de l'imaginatiue: veu que le propre  
de ceste faulté, est de recevoir les es-

pees , comme de la main du sens commun ; & que le propre de l'humide aussi est de recevoir : avec plus de raison le temperament humide doit appartenir à l'imaginatiue. Il est vray que la partie qui est dediée au sens commun requiert plus d'humidité, d'autant qu'il reçoit seulement les especes, & ne les retient point : pourquoy il n'agit qu'en presence des obiects. Mais aussi, comme dit fort bien saint Thomas, la phantasie qui retient moins que la memoire, doit estre logée en vne partie plus humide que la memoire. Pour estre creu auoir bonne memoire il faut apprendre tost & oublier tard ; c'est à dire retenir ou long temps ou tousiours. Pour apprendre tost il est besoin d'vne humidité d'esprits subtils, de pores bien ouuerts, & que la substance du dernier ventricule soit d'vne loüable consistance. Pour retenir long temps, toutes ces mesmes qualitez sont requises, & outre cela ie ne sçay quelle humidité huileuse, qui rende les especes mieux empreintes en la partie, cōme nous voyons les peintures en huile de plus lōgue durée, que si elles n'estoient qu'en detrépe.

Il faut, comme ie croy, que la substance de la partie soit plus seche & plus solide pour la memoire, que de celle qui sert à l'imaginatiue; & que les esprits soyent aussi plus subtils pour imprimer l'espece plus en fond, & de plus longue durée. Platon dit à ce propos que les

1.  
 μνήμονες,  
 ὡς τὰ πολ-  
 λαὶ καὶ ἀπο-  
 τὰς ὀρεῶς  
 ὁξύρροτοι  
 εἰσι. In  
 Theateto.

hommes coleres ont bonne memoire, parce que la bile est vne humeur chaude, seche, & prompte, & qui communique aux esprits toutes ces qualitez. Pour mieux comprendre cela, il faut faire cōparaison de l'impression des especes en l'imaginatiue, aux figures que l'on imprime sur de la cire molle; & celles de la memoire à ce qui est graué sur du plomb: attendu qu'il est plus vray semblable qu'elles sont ainsi figurées en la partie par le mouuement des esprits, qui seruent de burin, sous la conduite de l'ame, plustost que tirées comme les plattes peintures. L'imaginatiue donc demande vn temperament plus humide que sec, & la memoire au contraire: à raison dequoy elle semble bien placée dans l'arriere cerueau, qui est la partie de tout le cerueau la plus seche de temperament, & où les esprits

sont plus purs & plus deliez.

Il est tres-certain que la quantité d'esprits subtils & bien purifiez dans les cauitez & autres destours, voire dans toute la substance du cerueau fait beaucoup plus pour auoir bon esprit, que le temperament. Nous auons pour preuve de cela, ce que rapporte Pline de Zoroaste grand & celebre personnage, que le cerueau dès son enfance luy battoit de telle sorte, qu'il repoussoit la main que l'on apposoit dessus pour presage certain d'une grande science. *Cerebrum*

*Plinius*  
cap. 16. lib.  
7. nat. hist.

*ita palpitasse, vt impositam repelleret manum, futura presagio scientiae.* Cela se faisoit par la force du cerueau, & par l'abondance des esprits, non en vertu du temperament chaud & sec de l'imaginatiue: car on ne pourroit iamais paruenir à vn tel battement, sans auoir le temperament de la folie. Mais de plus il y a de certains ressorts qui nous sont incognus, & lesquels nous voudrions en vain rapporter au temperament ou aux esprits.

Quelques-vns pour auoir esté blesez en la teste, ont perdu la memoire des lettres seulement. Quelques autres n'ont rien oublié du tout, si non leurs pa-

rés & leurs domestiques. Henry Estienne tesmoigne de luy mesme, qu'apres vne fièvre quarte il entra en vne telle haine des letres & de l'estude, que le seul souuenir de ses liures luy bleffoit l'esprit. A quels temperamens voudrions nous rapporter ces diuers effects? L'Auth eur de l'Examen donc se mesconte, quand il presume par le seul temperament monst rer la difference des esprits, & enseigner les moyens d'engendrer des enfans de bon esprit.

Encore s'il se fust contenté d'un degré de chaleur pour l'imaginatiue, on luy eust trouué des excuses; mais d'auoir passé iusques au troisi esme, c'est vne ignorancetrop hardie. Les plus celebres Medecins tiennēt que pour estre sain il suffit d'un seul degré de chaleur, & que le second à peine peut estre sans maladie, comme l'experience en est frequente apres l'usage des alimens & des remedes chauds au second degré. Cela estant ainsi recognu, il faut estre malade pour auoir bonne imaginatiue, selon les maximes de l'Examen. Quand ceste question est mise en auant, si l'Opium est un plus grand venin quel'Euphorbe:

l'on repond que l'Opium est beaucoup pire, à raison que le temperament de la santé estant vn degré, ou pour le plus deux degrez de chaleur; l'Opium qui est froid au quatriesme est plus esloigné de nostre temperament, que l'Euphorbe, qui a quatre degrez de chaleur.

Platon & Aristote enseignent, que ceux qui ont bonne imaginative, & le cerueau humide ont bon esprit; & que l'on recognoist cela par la mollesse & delicateste de la chair & de la peau, *τη μαλακότητι αὐτῆς*. Ceste faculté d'imaginer donc consiste plus en humidité qu'en tout autre temperament; ven mesme qu'elle est blessée de trop de chaleur, comme nous voyons souuent que les malades de fièvre s'ont troublez en leurs imaginations. C'est que l'excez est contraire à toutes les facultez: car comme la memoire qui demande plus le sec que l'humide, faict mal sa fonction en vne teste trop seche de temperament, parce qu'il est difficile d'y bien grauer les figures: & qu'elle perd beaucoup de son pouuoir en vn cerueau trop humide, à raison que les especes y sont incōtinent effacées, selon le Prouerbe, *In aqua scri-*

*bere.* De mesmetrop de chaleur & d'humidité blesse l'imaginatiue.

Pour toutes les actions de l'ame, le iuste temperament semble le plus vtile: & combien que la diuerse preparation des esprits ayt plus de force pour la difference des esprits que toute autre chose; & qu'il soit necessaire qu'ils ayent plus de pureté & de subtilité en certains lieux, comme au quatriesme ventricule, ils doiuent neantmoins pour le mieux estre temperez en leurs qualitez & en leurs mouuemens. Il seroit plus à propos pour les actions de l'ame, comme j'ay dit ailleurs, que leurs organes n'eussent aucune des quatre qualitez elementaires: mais puis qu'il est impossible, estant composez des elements, qu'ils ne retiennent rien de leurs qualitez, il faut pour le mieux qu'elles soyent reduites à vne iuste symmetrie, qui est à peu près vne mesme chose. C'est ce que dit Hippocrate, qu'il ne se trouue rien de tel pour la prudence que d'auoir vn temperament egal de feu & d'eau, de sorte que l'eau ait emprunté du feu ce qu'il a de sec, & le feu de l'eau ce qu'elle a d'humidité.



τὸ τῶς πρὸς τὸ ἔνρον. Comme Aristote *Lib. 1. de*  
 dit que le cerueau a vne nature commu- *diata.*  
 ne d'eau & de terre. *1. φύσιν κοινὴν ὕδατος*  
*ἔχ. γῆς. 102310 102310 102310 102310 102310*  
 Il dit<sup>2</sup> que le temperament froid  
 n'est propre à aucune differēce d'esprit;  
 c'est contre sa doctrine, comme ie luy  
 feray voir par les textes mesmes de son  
 Examen. Il croit après Aristote, qu'en-  
 tre les bestes celles-là ont plus de pru-  
 dence, qui en leur temperament ont  
 plus de froideur & de secheresse; com-  
 me les fourmis & les abeilles, *4 que en su*  
*temperamento tienen más frialdad y sequedad;*  
*como son las hormigas, y auejas.* Et ailleurs  
 il louë comme cause de la science, & de  
 la prudence du fourmy, ce tempera-  
 ment de son cerueau, *la temperatura que*  
*la hormiga tienen en su cerebro.* En ce peu  
 de paroles il commet deux grandes fau-  
 tes; l'une en ce qu'il se contrarie tou-  
 chant le temperament froid: l'autre en  
 ce qu'il fait mētion du cerueau du four-  
 my, lequel neantmoins n'a point de  
 cerueau: car ces deux effects d'estre froid  
 de temperament & de n'auoir point de  
 cerueau dependent en ce petit animal  
 d'une mesme cause, qui est le manque-

Lib. 1. de  
diata.

1.  
Cap. 7. lib.

2. de par-  
tib. anio-  
mal.

2.  
Exam. ch.

5.

3.  
Esp. 68. b.  
chap. 5.

Ex. chap.

4. Espag.  
47. b. fr.  
24. a.

1. *Apud Ari-  
stot. cap. 7.  
lib. 2. de  
partib. ani-  
mal.* ment de sang, *ἢ ἀραιμία*. S'il est vray  
que le temperament froid soit inutile  
aux actions de l'ame, pourquoy dit-il  
qu'un enfant incontinent apres estre né  
pourroit discourir & raisonner, s'il  
auoit esté par la nature formé de semen-  
ce froide & seche, *2 en naciendo supiera lue-  
go discurrir y raciocinar*. Pourquoy ensei-  
gne t'il que les enfans des vieillards peu-  
de iours apres qu'ils sont nés commen-  
cent à philosopher; à raison qu'ils sont  
de temperament froid, qui conuient  
mieux pour les operations de l'ame rai-  
sonnable? *Porque il temperamento 3 froyo y  
seco es muy apropiado para las obras del ani-  
ma racional*. Quelqu'un pourra respon-  
dre que l'Examen ne blasme pas la qua-  
lité du froid, sinon considérée simple-  
ment, & non quand elle est accōpagnée  
du sec; car alors il est d'accord qu'elle  
conuient fort pour la faculté de l'enten-  
dement; & que tous les lieux alleguez  
ey deuant ne sont point contraires,  
estant ainsi entendus. Mais ceste respon-  
se ne suffit pas: car il est certain que le  
froid mesmes ainsi considéré est vtile  
pour les actions de l'ame. *3*  
Puisque le cerveau est froid naturel-

lement, & selon Aristotele le plus froid  
de toutes les parties du corps, <sup>1.</sup> ψυχρό-  
 τατον τῶν ἐν τῷ σώματι μορίων. C'est vne

<sup>1.</sup>  
Cap. 7. lib.  
7. de par-  
tib. anim.

grande coniecture, que le temperament  
froid conuient aux facultez, que la na-  
ture a logées en ceste partie. Le mesme  
Philosophe dit que certains hommes  
sont veus auoir plus de prudence & de  
conduite, à raison qu'ils ont plus de  
sang froid, toutefois, dit-il, non tant à  
raison de leur froideur, que de la pureté  
& tenuité du sang, <sup>2.</sup> ὅτι πλεον ψυχρότητα  
τῷ αἵματι, ἀλλὰ ὅτι πλεον λεωρότητα  
μαλλον ἢ τὸ κατάρον. Ailleurs encore au  
rapport de l'Examen, il dit que les hom-  
mes qui habitent les pays chauds sont  
plus sages, à raisō qu'ils sont plus froids  
interieurement, <sup>3.</sup> ὅτι τὸ κατεψύχαι.  
Ceste qualité donc n'est pas inutile à l'a-  
me, selon Aristote, qui en ces lieux-là  
la cōsidere simple & non accompagnée  
d'autres: car il en eust fait mention,  
comme en ce qu'il a dit de la pureté &  
tenuité du sang.

Paulo an-  
te.

Le froid est vne qualité qui sert de  
bride à la promptitude des esprits, &  
qui les empesche d'estre precipitez en  
leurs actions; au moyen dequoy l'ame

s'arreste dauantage sur ce qu'elle cherche; de sorte qu'elle prend loisir de penetrer dans les difficultez, d'esclaircir ce qui est obscur, de demesler ce qui est confus, de trouuer ce qui est caché, & de mettre en lumiere plus de belles inuentions, que les esprits qui ont dauantage de chaleur. Ainsi au pays de Thrace, le froid, comme dit Pline, rend les terres plus fertiles, *Est fertilis Thracia frugum rigore*. Ainsi l'on fait estat communement d'un esprit froid, comme d'un esprit solide, meur, resolu, & qui n'auance rien temerairement.

1.  
Cap. 4. lib.  
17. nat. hist.

2.  
Charron  
en son li-  
ure de la  
sagesse.

Ce Sage, qui respond pour l'Examen, que dans les auteurs, quand on lit que le froid sert à l'entendement, & que les froids de cerueau les melancholiques & les Meridionaux sont prudets, sages & ingenieux; là le froid se prend pour vne grãde moderation de chaleur, merite d'estre suiuy en ceste explicatiõ: mais si le froid est la cause de ceste grãde moderation de chaleur, pourquoy veut on qu'il soit inutile, pour la difference des esprits? L'on pourra dire de mesme, puisque le cerueau, qui est le domicile des sciences, est froid de temperament,

que la chaleur qui luy est enuoyée des autres parties n'est que pour le moderer & le reduire à vne iuste proportion, Si l'on dit qu'il n'y a rié de froid actuellement dans le cerueau, l'on pourra repartir, qu'il n'y a rien de sec aussi actuellement; combien que ceste qualité serue à l'intellect, comme ce Sage croit, selon l'opinion de l'Examen, duquel il a tiré ce qu'il a peu pour son liure de la sagesse.

*Pour les actions propres de l'entendement il n'est besoin ny des parties du corps, ny des qualitez elementaires.*

# CHAP. XVII.



OMME il a obligé l'imaginatiue & la memoire, aux loix des qualitez elementaires; il poursuit de mesme pour ce qui est de l'entendement, & soustient que le temperament sec cōuient mieux pour ses op-

ration. Quant aux deux premières, il n'y a point de doute, puis qu'elles sont facultez materielles. C'est vne doctrine receüe de trop long temps pour estre contredite. Mais pour ce qui est de l'intellect, il commet tant d'absurditez, que j'apprehende d'en entreprendre la correction, *Mallem Augiæ stabulum.*

Depenser, dit-il, que l'ame raisonnable estant au corps puisse exercer son oeuvre, sans estre aydée de quelque instrument materiel; c'est contre toute la

1.  
*Exam. ch.*  
5. *Ess. pag.*  
66. a. *Frac.*  
35. a.

Philosophie naturelle. *1 Sin tener organo corporal que le aiude, es contra toda la philosophia natural.* Cas estrange, tous les meilleurs Philosophes qui ont esté depuis Aristote ont creu l'ame raisonnable immatérielle, tant pour le regard de son essence, que de son operation: & pour preuue de cela, Aristote, qui est le pere des sciences, apporte des raisons, auxquelles l'Examen mesme trouue de la force & de l'energie: & neantmoins il obstine que ceste opinion est contre toute la Philosophie naturelle. Il eust mieux fait d'accuser son ignorance, que de se preseter ainsi armé à la legere, pour prendre à partie cét auteur incomparable,

nable, qui a plus acquis de credit par les lettres, que son disciple Alexandre par les armes; & qui a tant d'autorité entre les doctes, que ses sentences ont force de loy, & passent pour arrests en matiere de doctrine. Toutefois parce qu'il estoit homme, c'est à dire, suiet à faillir comme les autres; & voyant le mespris que nostre auth eur Espagnol fait de ses maximes, pour donner cours à son Examen; i'ay resolu icy d'examiner sans passion & l'un & l'autre, pour recevoir la verité de quelque part qu'elle se presente. Puisque l'on tient que les fautes ne sont point tant perilleuses en tout autre suiet, ny les recherches plus penibles, ny les heureuses rencontres de plus de fruit, il est raisonnable de ne favoriser de particuliere affection ny l'un ny l'autre, & ne rechercher la verité que dans les voyes de la raison & du iugement.

Il produit donc deux raisons d'Aristote, auxquelles il respond, en intention de les rendre nulles. La premiere, qu'estant le propre de l'entendement de cognoistre toutes choses materielles; s'il faisoit son action par instrumens

*Deux raisons d'Aristote.  
I. Raison.*

corporels, cela l'empescheroit de les comprendre, comme nous voyons aux sens extérieurs: pour exemple si le goust est amer, & tout ce que la langue touche luy semble d'une mesme saveur. *Intus existens prohibet extraneam.* <sup>2.</sup> τὸ παρεμφαινόμενον κωλύει τὸ ἀλλότριον. L'Examen respond que ceste consequence est mal prise, & qu'elle ne vaut rien; d'autant que pour se servir d'instrumens materiels, il n'est pas exclus de pouuoir cognoistre les choses materielles: veu que la composition de l'organe n'altère point la faculté. Il apporte pour exemple l'organe du toucher, qui a les quatre qualitez, & neantmoins les perçoit, le dur aussi, le mol & la quantité, combien qu'il soit dur, ou mol, & grand ou petit. Ainsi l'œil, dit-il, n'est pas priué de cognoistre toutes les figures, & les quantitez des objets, combien qu'il ayt sa quantité & sa propre figure.

Pour vuider ce different, il n'y a autre affaire qu'à examiner la maxime *intus existens*, &c. & s'il est vray ce que dit Aristote, que le sens doit estre priué du sensible, pour estre capable d'en recevoir l'espece. Ce qui fait pour Aristote:

1.  
Todo  
quãro to-  
ca l'ẽgua,  
tiene el  
mẽsmo  
sabos. Ex.  
ch. 6. Esp.  
pag. 81. a.  
2.  
Arist. cap.  
4. lib. 3. de  
anima ex  
Platone in  
Timæo.  
pag. 535. a.



te est l'experience; car commeaux choses artificielles nous voyons que les parfumeurs, pour exemple, lors qu'il veulent composer quelque paste ou poudre de bonne odeur, prennent pour base quelque huile ou poudre qui n'a nulle odeur, afin que le musc, la ciuette, ou l'ambre gris, qui seroient meslez avec ce recipient ne soient point alterez par l'odeur qu'il pourroit auoir. Et comme la premiere matiere pour estre susceptible de toutes sortes de formes ne deuoit auoir aucune forme, *ἡ ἀμορφὸν εἶναι ἀπάντων τῶν εἰδῶν*. Ainsi voyōs nous que tous les sens, pour estre libres en leurs actiōs, doiuent estre priuez des qualitez, sur lesquelles est faicte leur actiō. L'œil qui est le sentiment des couleurs est veu n'auoir aucune couleur particuliere: parce que s'il en auoit quelqu'une, il seroit engagé à ceste-là seulement, & perdrait le pouuoir & la liberte de receuoir les autres couleurs. Cela se voit en la jaunisse, où les membranes de l'œil pour estre teintes d'humour jaune & bilieuse, sont cause que toutes sortes d'obiects semblent estre de ceste mesme couleur: de mesme en la meurtrisseure dite *Sagil-*

1.  
*Apud Platon. in Timæo.*

2.  
*Plato ib.*

latio, & ὁμοφάσμα, toutes choses paroissent rouges, à raison que le sang qui s'est coulé entre les tuniques de l'œil, faict que tous les objets paroissent de couleur de sang.

Voilà comme doit estre examinée ceste question des sens, les considerant selon leurs propres objets, & non selon les sensibles communs, comme l'auteur de l'Examen, qui dispute en cela de mauuaise foy cōtre Aristote. L'expliqueray cecy plus clairement, pour rendre le tout plus intelligible.

Les Philosophes appellent sensible propre l'obiet qui est dedié à vn sēs particulier, comme la couleur à la veüe: le sensible commun est ce qui est compris & perceu par plusieurs sens, comme la figure, le nombre, la quantité, le mouvement & autres qui n'appartiennent point à vn sens seul & particulier, mais à plusieurs; comme nous voyons que la figure & la quantité de quelques corps sont cognuës par la veüe & par le toucher. Quand donc l'Examen dit que la figure de l'œil, n'empesche point qu'il ne perçoiue les figures de toutes choses; il cache malicieusement la verité, &

connue avec la fausseté de son opinion. Car puisque la figure & la quantité, ne sont point les propres objets de la vue, il n'est pas nécessaire que l'œil soit privé de figure & de quantité, pour percevoir la figure & la quantité. La raison est, parce que le sensible propre, pour exemple, la couleur ne peut être perçue par l'œil coloré d'une autre couleur, à raison que l'espece de la couleur qui est portée à l'œil, n'a point assez de force pour alterer l'œil, au préjudice de cette couleur qu'il a, laquelle ayant préoccupé réellement la substance de l'œil, fait perdre coup à l'espece qui luy vient du dehors, & luy fait porter ses illusions. Mais le sensible commun qui ne produit point d'espece, pour être perçu par l'œil, ains se donne entrée seulement dans l'œil, en modifiant l'espece du sensible propre, qui est la couleur (attendu que l'œil ny les autres sens ne comprennent pas les formes simples des accidens, pour exemple, l'œil, les couleurs toutes nues, mais la chose colorée.) Cela est cause que l'œil, qui a figure n'est point empêché en la perception des autres figures. Il devoit donc

battre Aristote avec d'autres armes.

La chaleur, dit-il, qui est en la main n'empesche pas le sens du toucher, de cognoistre la chaleur qui est en la pierre. Je responds que le principal instrument du toucher, τὸ χριτήριον, est la peau celle principalement des bouts des doigts, notamment du second. Or parce qu'il est impossible que quelque substance icy bas, soit composée des quatre elemens, sans auoir part à leurs qualitez, nature a monstre en cela son industrie d'auoir donné à la peau, notamment de la main & des bouts des doigts vn temperament esgal, qui est en cela tout ce qui luy estoit possible. Car les qualitez cōtraires s'estans deprimées l'vne l'autre, & estans cessées toutes leurs inimitiez, elles se trouuēt par vne iuste proportiō en tel estat, que si elles estoient du tout éteintes & amorties. Ainsi l'eau tiede est tellement indifferente au toucher, que ceste tiedeur qui est vne participation de chaud & de froid en pareil degré, semble estre vne priuatiō de ces mesmes qualitez. Les bouts des doigts donc ainsi temperez n'ont rien qui leur empesche la perceptiō des pre-

*Leg. infr.*

467.

mieres & secondes qualitez; car comme ils sont temperez pour le fait des premieres, ils le sont aussi pour ce qui est des secondes, veu qu'ils sont composez de nerfs qui sont durs, & de chair molle & delicate, dont resulte vne moyenne substance pour estre capables de cognoistre le dur & mol.

Le iuste temperament donc sert de substitut à la priuation des qualitez, qui est impossible à la nature, & pour ceste raison l'homme a le sens du toucher tres exquis, d'autant qu'il est le plus tēperé entre les animaux. Par ce moyen les raisons de l'Examen semblēt foibles contre celles d'Aristote pour ce qui regarde le sens du toucher & de la veue. Car il ne dit riē des trois autres, ou pour briefueté, ou pour n'y auoir rien trouué qui peust auancer sa nouuelle doctrine.

L'oreille pour pouuoir receuoir toutes sortes de sons doit estre calme & destituée de tout bruit: attendu que si elle en auoit quelqu'un interieurement, comme des tintouins ou brouffemens, elle ne pourroit ouïr les sons du dehors en pareil degré. De mesme les organes

de l'odorat ne doiuent auoir aucune odeur, veu que l'experience ordinaire nous apprend que toutes choses semblent de mauuaife odeur à ceux qui ont au dedans du nés quelque vlcere putride, parce que le vice qui est en l'organe, touche & altere le sens, comme s'il estoit en l'obiet. *Nō refert si res ipsa male olet, aut ipsum sensorium.* Pour ce qui est du goust, chacū sçait que la lāgue & le palais, estāt abbruuez des qualitez de quelque mauuaife humeur ne sentent rien des autres faueurs, parce que la qualité qui est attachée à l'organe s'attribue à elle seule, l'application de la faculté. C'est ce que dit Galien, & qui peut estre confirmé par l'exemple de l'autheur de l'Examen, que les opinions fausses quelquefois prennent place tellemēt dans les esprits des hommes, qu'elles les rendent non seulement sourds, mais aussi auengles, mesmes en choses qui sont apparentes à vn chacun. *ἀλλὰ ὅτι πολλοὶ ἐργάζονται τὰς τῶν τοῖς ἄλλοις ἐναργῶς ὁρώμενων.*

Il faut donc pour l'operatiō des sens, qu'ils soyent priuez de leurs propres obiects, mais qu'ils les perçoient seulement par leurs especes. Tout ainsi qu'un

i.  
Galenus.

iuge qui porte quelque particuliere affection à l'une des parties, ne rend pas bien la iustice: De mesme quand l'œil est teint de quelque couleur, il n'est pas capable de bien percevoir les autres couleurs. Cela est veu encor aux bestes brutes: car pource qu'elles ont toutes vne inclination à quelque chose, qui leur est particuliere & naturelle elles sont incapables de toutes autres habiletés, à raison que toute leur industrie est employée & occupée à ceste premiere action; & en cela l'art differe de la nature: attendu, comme dit diuinement Aristote, que la nature faict tousiours vn pour vn, *ἢ φύσις ποιεῖ ἐν ᾧ ἓς ἐν*. Mais l'art vn pour plusieurs, *ἢ τέχνη ἐν ᾧ ἓς ποιεῖ*. C'est que volontiers chaque chose naturelle n'est gueres dediée qu'à vn certain office, mais l'homme, qui doit iouir de tous les thresors de la nature, qui a des ressorts incognus à la nature (veu qu'il a quelque chose de diuin à raison de son intellect) pour estre capable de tout, a esté mis au monde tout nud, destitué de tout instinct, de toute inclination, de toute propriété; & est pour ceste occasion la plus chetive

creature de toutes au premier point de sa vie. Pourquoy Aristote approuue ce que disoit Anaxagoras, que l'intellect est d'une nature simple, ὁ νοῦς ἀμικτός, & qu'il n'a rien de communication pour estre meslé avec les choses corporelles,

1.

*Leg. The-  
mist. cap.  
16. lib. 6. de  
anima.*

ἢ ὁ δὲ μεμιχθῆαι αὐτὸν τῷ σώματι. Mais ce que dit Empedocles, dont l'Examen veut faire icy son profit, n'est pas receuable, que toutes choses sont cognuës par leurs semblables, τὰ ἑμοία τῶν ὁμοίων εἶναι γνωστικά, & que l'ame pour cognoistre toutes choses doit estre constituée des principes de toutes choses.

Pour mettre fin à ceste dispute, l'auteur de l'Examen est en tort de s'estre opposé mal à propos à la doctrine d'Aristote, comme il est aisé de le conuaincre par ses paroles mesmes, tirées d'un autre lieu, ou le sujet ne requeroit point qu'il se passionnast, comme icy contre la verité. Les puissances, dit-il, qui gouvernent l'homme sont priuées des qualitez de leurs objets, afin qu'elles puissent connoistre & iuger de toutes leurs différences. 2. Les yeux ont cela, les-

2.

*Exam. eb.  
12. p. 212.  
b. 213. a.*

quels ayans à recevoir toutes les figures & toutes les couleurs, par conse-



quent sont priuez totalement d'icelles; car s'ils estoient palles comme en la iaunisse, tous objets leur sembleroient de mesme couleur. Par ce moyen il se condamne soy-mesme approuuant d'Aristote ce qu'il auoit reprouué & blasmé parauant, & fait voir qu'il n'y a que de la contrariété en ses conceptions & de l'incertitude en ses maximes.

L'autre raison d'Aristote, contre laquelle encore il dispute, est ceste-cy. Si l'entendement operoit par organes materiels, qu'il seroit susceptible de qualitez, & que cela repugne à la nature de l'ame, qui est vne substance sans matiere. Il respond que ceste raison a moins de force, & est plus legere que la premiere, & blasme la conclusion; parce que l'entendement, dit-il, qui n'est qu'un accident, ne peut pas estre suiet d'un autre accident, de sorte qu'il n'importe pas que l'entendement ayt le cerueau pour son organe, puis que le cerueau est le suiet de la chaleur, & non l'entendement. Pour ne cognoistre & n'entendre pas Aristote, il veut luy apprendre le moyen de disputer. Quand le Philosophe dit l'intellect, il entend l'ame intel-

Esto tienen los o-  
yos que auiedo de  
recebir en si to-  
das las fi-  
guras y colores,  
fue menester priuar  
los total-  
mente de las, &c.

*Exam. ch.*  
*12. pag.*

*Esp. 212.*

*Seconde*  
*raison d'A-*  
*ristote.*

ligente, *τὴν συντητικὴν ψυχὴν*, laquelle pour ses opérations propres n'employe ny le temperament, ny la matiere d'aucune des parties du corps, parce qu'elle seroit materielle & temperée. Si elle ne pouuoit entendre sans chaleur, son action seroit liée à ceste qualité; de sorte qu'elle seroit chaude & materielle necessairement. Nous ne cognoissons l'ame sensitive estre materielle, sinon parce que son operation est materielle: & si nous accordons que l'ame raisonnable à son action de mesme sorte, comme pretend l'Examen, sera t'elle point materielle & corruptible cōme la sensitive, quoy qu'elle soit plus esleuée d'un degré, comme la sensitive au dessus de la vegetative? Il replique encore que l'ame pour se servir d'organes materiels ne doit pas estre iugée corruptible, & qu'il y a d'autres raisons plus certaines pour prouuer qu'elle est immortelle, comme il promet d'en discourir au septiesme Chapitre; où toutefois il ne dit rien qui approche des moindres raisons d'Aristote.

○ Tout bien consideré donc, & curieusement examiné, nous deuons nous te-

nir dans la doctrine d'Aristote & de son  
 eschole. L'intellec̃t ne peut estre im-  
 mortel, s'il est meslé avec la matiere, ou  
 si en son action propre il opere materiel-  
 lement, c'est à dire, s'il vse d'organes ma-  
 teriels. Or il seroit meslé avec la matie-  
 re, si les formes qu'il reçoit estoient ma-  
 terielles, attendu que l'intellec̃t est fait  
 vn avec la chose intelligible. ἡ τὸ αὐτὸ  
 ὅτι τὸ νοεῖν ἔστι τὸ νοούμενον : de necessité donc  
 il seroit corruptible, ou au moins d'une  
 part materiel & corruptible, & d'autre  
 part immateriel & incorruptible ; con-  
 tradiction qui ne peut auoir lieu en la  
 nature. Il est certain que les especes, de  
 materielles qu'elles estoient en l'imagi-  
 natiue, deuiennent immaterielles en  
 l'intellec̃t, non qu'il conuertisse la ma-  
 tiere en non matiere, car cela est impos-  
 sible : mais parce que l'excellence de sa  
 nature oste aux especes materielles tou-  
 tes les conditions de la matiere : & ceste  
 puissance de l'ame raisonnable, dit Ari-  
 stote, 1. est comme la lumiere ; laquelle  
 fait que les couleurs qui n'estoiēt qu'en  
 puissance deuiennent couleurs actuelle-  
 ment, οἷον τὸ φῶς ὃ ποιεῖ τὰ δυνάμει ὄντα  
 χρώματα, ἐνεργεία χρώματα. C'est qu'e-

1.  
 Arist. cap.  
 4. lib. 3. de  
 anima.

2.  
 Cap. 5. lib.  
 3. de ani-  
 ma 59. gr.

4.

1.  
Cap 21. lib.  
3. de ani-  
ma. 87. b.

stant materielles en l'imaginatiue; elles ne sont intelligibles qu'en puissance; mais apres que la matiere en a esté separée, ἀποπεμονομένης τῆς ὕλης, dit The-  
mistius, elles sont faictes intelligibles actuellement, ἐνεργεία. Elles peuuent tousiours neantmoins estre dictes especes materielles, parce qu'elles sont representations de choses materielles; mais pourtant elles sont vrayement sans matiere, & l'intellect ne les pourroit pas comprendre telles, s'il estoit materiel. L'intellect donc est separable & sans matiere, χάριτος ἢ ἀμικῆς, pour le regard de son essence & des formes intelligibles: car soit qu'elles soiēt actuellement immaterielles, ou que l'intellect leur oste la matiere τῷ λόγῳ μόνῳ; *sola ratione*, comme la ligne est considérée aux Mathematiques; tousiours elles sont immaterielles en quelque maniere: & l'intellect sēble faire en cela quelque effort, afin qu'il surmonte & gaigne le dessus de la matiere, ἵνα κρατῇ ὁ νῦς, disoit tres doctement Anaxagoras, c'est à dire, ἵνα γνωρίζῃ, afin qu'il cognoisse & qu'il entende, comme l'interprete Aristote, à raison que par ce moyen, &

non autrement, les especes deuiennent intelligibles.

L'Examen dit que la composition de l'organe n'empesche point la faculté. Cela est faux, notamment estant appliqué à l'intellect : puisque l'intellect ne s'aide point d'especes materielles, comme i'ay demonstré nagueres, à quel propos se seruir d'instrumens materiels? s'il auoit en soy quelque matiere ou alliance avec quelque organe materiel; cela l'empescheroit de receuoir ce qui luy viendrait d'une autre nature. C'est à dire que s'il estoit materiel en quelque sorte, il ne pourroit comprendre ny considerer rien d'immatériel; & estant immateriel, il ne pourroit rien conceuoir materiellement; à raison que ce qui est de trop en la faculté ferme le passage à tout ce qui luy vient d'ailleurs, comme s'il estoit d'une autre nature, ἀντιφράττει τὸ ἐνυπάρχον τὰ ἄλλα ὡς ὅτι ἄλλοτρια, dit Themistius, qui est ce que dit Aristote en autres termes, τὸ παρεμφαινόμενον καλύπτει τὸ ἄλλοτερον.

Il est vray que l'imaginative qui est materielle, ne laisse pas de receuoir les especes materielles: mais il faut noter

que la nature en cela se conduit comme au sentiment du toucher, l'organe duquel, quoy qu'il ayt de la chaleur, est neantmoins susceptible de chaleur, par le moyen de la prudence, comme i'ay dit cy devant, car ne luy pouuant oster les qualitez, elle les a reduites à vne iuste proportion, & en tel estat, que si elles n'estoient point : comme elle a pratiqué cela mesme en l'œil, pour le sentiment de la veüe : car il a vne couleur quasi non couleur, de maniere qu'il n'est point empesché en la reception des autres couleurs. De mesme, parce qu'il n'estoit pas possible, que l'imaginatiue, qui est vne faculté materielle, n'eust point ses especes materielles, elle luy a donné des esprits pour organes, & des especes presque sans matiere, qui est tout ce qui luy estoit possible, & selon que ces deux ont moins de matiere, celle faculté est plus parfaite, & approche plus près de la faculté de l'intellect, lequel ne peut auoir aucun accord ou affinité avec la matiere, parce qu'il est immateriel, & qu'il doit comprendre toutes choses materielles ou immaterielles. Ce qu'il adioust 3. que *sensible*

*supra**de la nature*

1.  
*en ce mes-*  
*me Chap.*

2.  
*Sunt spi-*  
*ritus adco-*  
*tenues, dit*  
*Scaliger,*  
*Et penè pro*  
*immate-*  
*rialib. ha-*  
*beantur.*  
*Ex. 297.3.*  
*pag. 879.*

3.

*supra sensum positum non causat sensationem*, qui est ce que dit Aristote, ἡ ἐπιτίθεμενον ἐπὶ τὸ ἀσθητικόν οὐκ αἰσθάνεται, & apres luy Themistius, que les actions des sens ne se font pas par le toucher, mais par quelque corps moyen interposé, ἀλλὰ διὰ τινος μέσος τὰς ἀντιλήψεις ποιεῖ, est tellement hors de raison qu'il n'y auroit point de raison à vouloir le refuter. Mais passons à l'immaterialité de l'ame.

*Exam. ch  
6. fr. pag.  
48. b.*

*1.  
Cap. II. lib.  
2. de ani-  
ma.*

*Deffense d'Aristote contre l'Examen pour l'immaterialité de l'ame. Qu'elle ne peut estre incorruptible, si elle n'est immatérielle.*

## CHAP. XVIII.



**Q**VAND Aristote veut prouver l'immortalité de l'ame, il se sert principalement de ceste raison, qu'elle est immatérielle, & que pour les actions de l'intellect, elle ne se

fert point des instrumens materiels du corps, comme nous auons demonstré au Chapitre precedent. Et veritablement ceste doctrine d'Aristote estoit sur le train d'estre receuë du commun consentement de tous les Sages, n'eust esté vne disgrâce qui est suruenue à ce Philosophe, que son opiniõ n'a pas esté approuuée par l'autheur de l'Examen. Il croit que cet argumēt ne conclut point necessairement, & que l'immortalité del'ame peut estre prouuée par des de-

i.  
Que o-  
tros argu-  
mētos ay  
mas fir-  
mes con  
que ha-  
zerlo, de  
los quales  
tractare-  
mos en el  
capi que  
se signe.

*Espag.* 88.  
*b. fr.* 49. a.  
*chap.* 6.

monstrations plus certaines, desquel-  
les il promet traicter au Chapitre sui-  
uant. Examinons tout ce qu'il desploye  
de raisons en celieu là, afin que si elles  
sont trouuées de meilleur aloy, nous  
enuoyons Aristote apprendre à disputer  
en Espagne. L'autheur François qui a  
escrit de la Sageſſe, & duquel nous auõs  
parlé cy deuant, a non seulement suiuy  
les phantasies de l'Examen sur ce suiet,  
mais aussi <sup>transfert</sup> trauesoit de mot apres autre  
ce qu'il a iugé à propos d'estre inseré  
dans son liure. C'est aux beaux esprits  
de ne se laisser pas legerement emporter  
aux resveries plausibles de ces deux  
Sages.



Si Dieu, dit il, fait vn homme en lieux temperez, il le rend ingenieux & discret: mais si la region n'est point temperée, elle les engendre tous fols & ignorans. <sup>1.</sup> Si Dios haze vn hombre en lugares templados, le saca muy ingenioso y discreto; y si es la region destemplada, todos los engendra estultos y necios. Et neantmoins, dit-il, Dieu demeure eternal & incorruptible. L'ame donc peut de mesme se seruir du temperament avec autres instrumens materiels, & nonobstant demeurer incorruptible. C'est commencer à entrer en matiere d'une mauuaise sorte, que d'employer à la teste de ceste dispute vn argument si foible contre vn si puissant ennemy. Il auoit promis de donner des preuues de l'immortalité de l'ame plus certaines que celles d'Aristote, & le voicy, *armatus subulâ*, qui commence à nous desployer des bayes & des bagatelles.

Si Dieu ne pouuoit parfaire aucun ouurage sans l'aide du Ciel, ou des elements, ou d'autres causes secondes & materielles, nous aurions grâde raison de douter s'il seroit immateriel & eternal; mais cōme nous sçauons d'une verité in-

Raison 1.  
Ex.1.  
Chap. 8.  
Esp. 101.  
fr. 57. b.1. Respon-  
se.

faillible, que ceste premiere cause peut  
creer toute matiere sans se mesler à la  
matiere, & faire toutes choses sans autre  
ministere que de sa toute-puissance.  
Qu'il a créé tout le monde, sans aide  
que de sa bonté & sans autre matiere que  
lerien. C'est assez de suiet pour croire  
qu'il est d'une essence infinie, spirituel-  
le, eternelle & incorruptible. Il s'est ain-  
si conduit en ses premiers ourages,  
c'est à dire en la creation du monde: mais  
lors que toutes substances materielles  
ont esté en estre, & qu'elles ont receu de  
sa toute-bonté le moyen de se conser-  
ner ou en leur estre particulier, ou selon  
l'espece par la generation, laquelle se  
pratique diuersement, selon la diuersi-  
té des agens particuliers, sous la con-  
duite des causes generales & equivo-  
ques, qui sont le Ciel & le Soleil: c'est  
vn pouuoir qu'il leur a laissé, lequel  
communement est appellé nature, à la-  
quelle on doit attribuer tous les effectz  
des secondes causes. De sorte que quand  
bien il seroit vray, comme il dit, que la  
region froide de la Scythie ou Tartarie,  
ne peut produire que des esprits fols &  
ignorans, Dieu ne seroit pas la cause de

cela immediatement; mais la nature, parce que si Dieu vouloit faire cela de son chef, il n'auroit besoin ny du ciel, ny des elemens. Aussi quand nous recherchons les causes des effets d'icy bas nous essayons tousiours de les trouuer dans l'œconomie de la nature, plustost que dans les thresors de la diuinité qui nous sont cachez. A raison que ce seroit exterminer toute sorte de science, que d'auoir recours à la volonté de Dieu, & nō aux autres causes inferieures, en toutes difficultez. Tout ce qu'il dit donc de la Grece & de la Scythie doit estre rapporté à la nature, comme effects qui luy appartiennent, & non à Dieu sinon immediatement; car si Dieu faisoit tout cela immediatement, ce seroit, comme i'ay dit, sans communication avec la matiere: De maniere que sans ayde d'aucunes causes secondes il pourroit remplir toute la France, la Grece, l'Espagne, l'Italie, d'ignorance, & de stupidité, la Scythie & la Moscouie de doctrine & de sagesse.

Le mesme soustien doit estre fait de l'ame raisonnable, sous la puissance de laquelle en l'homme les facultez mate-

rielles fōt leurs operatiōs par le moyen du temperament & des parties instrumentaires du corps, quoy qu'elle soit immortelle, à raison que cela ne la prue point du pouuoir qu'elle a d'exercer les facultez qui sont de son propre, sans aucune aide materielle. Tout ainsi donc que Dieu ne seroit point immateriel & eternal, s'il ne pouuoit rien effectuer sans la matiere: De mesme l'ame raisonnable ne seroit ny spirituelle ny incorruptible, si elle ne pouuoit faire aucune action que par instrumens materiels. Si l'auteur del'Examen eust démontré par les forces de son bel esprit que l'intellect & la volonté operent par le temperament, librement i'eussies acquiescé à ceste dispute.

Tout ce que l'ame raisonnable peut auoir besoin des sens, qui sont facultez materielles du corps, est qu'ils luy soiēt fideles messagers, & qu'ils luy rapportēt naïuement & au vray les especes ou les images des choses externes; parce qu'estant associée avec le corps, elle luy est aucunement obligée, mais non iusques là qu'elle s'en doive seruir, sinon pour s'instruire de ce qui est du dehors par les

images. C'est comme au procès, où les rapporteurs fōt voir au iuge ce qui s'est passé entre les parties plaidantes : car sur la fidelité de leurs rapports le iuge peut sans mettre la main aux procedures, concevoir & se former en son esprit le iugement qu'il doit rendre, & qu'il prononce puis apres. Les sens sont les rapporteurs. L'intellect est le iuge qui entend & conçoit tout, & donne le iugement, sans toucher aux parchemins, qui sont les especes materielles. Puis il prononce la sentence luy mesme, qui est *Verbum mentis*, ou il la fait prononcer par vn cōmis, qui est la langue, outre qu'elle est inserée au greffe dans les registres du conseil, qui est la memoire sensitiue ou intellectuelle. Quand donc les facultez materielles rapportent à faux, comme en la phrensie, cela est comme vn nuage obscur qui cache le soleil, de sorte que l'homme alors est gouverné par les sens ainsi que les bestes, non que le soleil soit bleissé, c'est à dire, l'intellect, comme quelques-vns anciennement nommoient les eclipses les maladies des astres, *siderum labores*: mais parce qu'il y a de l'empeschement de la part des

sens, pourquoy les especes ne luy sont représentées que confusément & en mauuais ordre.

1.  
Raison 2.  
Exam. ch.  
7. pag. 58.  
b. 64. a.  
b.

Il adiousté, que les demons, pour operer se seruent de qualitez materielles, qu'ils sont offensez d'aucunes d'icelles, & d'autres ils reçoient du contentement & du plaisir: pour ceste occasion qu'ils fuyent ou appetent certaines demeures, sans estre pour tout cela suiets à corruption; & il prouue cét article par vn grand nombre d'exemples; tirez principalement de l'Escripture.

3. Respoñse.

Mais afin de couper cours à toutes ses raisons, ie luy accorde que les demons font des operations materielles, mais sans participer toutes-fois aux accidens & dispositions de la matiere: pour exemple, quand vne intelligence fait mouuoir son ciel, selon Aristote, de l'Orient en l'Occident; c'est vne action materielle, qui ne rend point l'intelligence materielle, à raison que pour ce mouuement elle ne touche le Ciel, que de sa vertu, per *contactum virtutis*. Mais cōme par ceste raison & autres semblables l'on ne peut pas conclure que l'ame ou l'intelligen-

ce soit materielle, aussi ne pouuons nous pas inferer qu'elle soit sans <sup>matiere</sup>merite, veu que l'ame sensitiue meut biẽ les esprits des nerfs pour le mouuement du corps *per contactum virtutis* seulement, combien qu'elle soit materielle & corruptible. Il faut donc auoir recours à autres raisons, & d'autres operatiõs pour prouuer l'immaterialité des ames & des intelligences. Or parce qu'il est impossible de mieux prouuer l'immaterialité de l'ame raisonnable, que par l'immaterialité de ses propres operations, il deuoit demonstrier suffisamment, que l'ame raisonnable, combien que ses operations soyent materielles ne laisse pas d'estre immaterielle & incorruptible; comme le contraire a esté disputé & prouué diuinement par Aristote.

Les puissances, dit-il, se cognoissent par les actions. Puis donc que le diable Raison 3.  
Exam. sentoit la racine que Salomon faisoit flairer aux demoniaques: puis qu'il entendoit la musique de Dauid: puis que les demons parlent dans les possédez: puis qu'ils appetent & abhorrent certaines choses, ce sont autant de preu-

*Reſponſe.*

ues certaines qu'ils cognoiſſent par eſ-  
 peces ſenſibles & materielles, comme  
 les ames raiſonnables, ſans eſtre corru-  
 ptibles. Il ſ'abuse en tout cela, & ſe tra-  
 uaille l'eſprit inutilemēt. Je ſçay que de  
 long temps on nous veut faire croire  
 mille ſottises des demons, comme aux  
 enfans, quād on les menace des eſprits:  
 mais les eſprits bien faits & qui ſçauent  
 ce que diſoit Epicharmus, que les nerfs  
 de la ſageſſe, *νευροι τῆς σοφίας*, conſi-  
 ſtent à ne croire pas temerairement: ſça-  
 uent bien diſtinguer le vray d'avec le  
 faux, & ne preſter pas l'oreille aux im-  
 poſtures. Ils diſent que les demons ſe  
 plaiſent aux lieux ſolitaires & abandon-  
 nez, qu'ils ayment le ſang & la farine,  
 au rapport de Iamblicus: qu'ils ſont  
 attirez par paroles & par caracteres,  
 ſous certaines conſtellations: qu'ils ont  
 en horreur l'herbe Millepertuis, nom-  
 mée pour ce ſuiet *fuga demonum*, chaffe-  
 diable: l'odeur des cornes brulées d'v-  
 ne Cheure, & des excremens humains.  
 Tout cela n'eſt qu'une pure reſuerie, ou  
 biens'il y a quelque verité cachée, il eſt  
 beſoin de remuer d'autres raiſons pour  
 la deſcouvrir & ne nous arreſter pas à ce



qu'en pensent le vulgaire & l'Authcur del'Examen, lequel a tort de blasmer les Philosophes vulgaires; veu que luy mesme est triuial en ses raisons, peu releué en ses discours, & plus impertinent que les esprits bas d'une populace.

Les demós qui n'ont point de corps ne peuuent receuoir aucune action ou impression du corps, & mesmes, comme dit doctement Valesius, quand ils seroient corporels, s'ils n'estoyent aussi corruptibles, ils ne pourroient pas estre susceptibles de plaisir & de douleur: parce que ces deux qualitez ne peuuent estre sans sentiment, ny le sentiment sans organes, qui ayent vne mesme nature que les choses sensibles. Il faut donc que les substances qui reçoioient naturellement les actions des choses corruptibles, soyent corruptibles aussi. l'ay dit naturellement, parce que Dieu, qui a vne vertu infinie, & qui n'est nullement obligé aux loix de la nature, c'est à dire, à l'ordre qu'il a estably dans le monde, peut donner la faculté aux corps d'alterer ce qui n'a point de corps, & aux substances immatérielles, de perceuoir

toutes sortes de sensibles. Mais tout cela, comme i'ay dit, par voyes surnaturelles & extraordinaires. Ainsi le demon de Saul fut chassé par la musique de Dauid, & celuy de Tobie par l'odeur du foye d'un certain poisson. Ainsi Salomon chassoit les demōs par l'odeur d'une racine. Ainsi quelques exorcistes vsēt de l'odeur de la Ruë & d'autres simples pour deliurer les possedez; non que ces remedes operent naturellement & en qualité de sensibles; mais ou par la vertu qui leur est donnée de Dieu, ou par l'illusion des demons, ou par la tromperie des Magiciens & des Sorciers. Ceux qui ont creu que les demons ont corps ou d'air ou de feu, ou de quelque autre substance subtile & deliée, ont eu opinion aussi que la solution de continuité leur est dommageable, qu'ils craignent le trenchant de l'espée, & qu'ils peuuent estre chassez par le mouuement des armes.

Ils fuyent, dit l'Examen, les lieux habitez, & se plaisent dans la solitude; iusque là qu'il les décrit quasi comme melancholiques de colere bruslée. Les lieux deserts & abandonnez peuuent

bien leur estre agreables, pour les assemblees secrettes de leurs associez; car de vray ilstienent le Sabath: puis comme les melancholiques desesperez & de veloux noir cherchēt l'ecart, il les trouuent à propos pour les seduire dans la solitude. Aristote dit fort bien à ce propos qu'un homme solitaire est ou Dieu ou beste, ἢ θεὸς ἢ bestia. C'est à dire, s'il n'a Dieu pour son obiet, qu'il meinne vne vie brutale, & que le demō alors essaye de le posseder. De sorte que l'homme ainsi retiré dans la solitude peut estre estimé semblable à Dieu, comme ces bons peres Hermites qui sōt tousiours assiste de la lumiere d'en haut & de la diuine presence: ou au diable, quand perdu de desespoir dans vne mauuaise vie, ou dans la folie d'une humeur noire il se laisse aller à la conduite & à l'abandon des mauuais esprits.

<sup>1.</sup>  
*Politic.*  
*cap. 2. lib. 1.*

Bref tout ce que comprennent les demons n'est point comme sensible, mais comme intelligible, c'est à dire, par le moyen des especes immaterielles & intelligibles, qui leur sont naturelles & non acquises; & combien qu'elles fussent acquises, tousiours seroient-elles

Circūstan-  
tia mase-  
ria Scali-  
gero Aris-  
toteli tu  
κικλαφ.

despouillées des conditions de la ma-  
tiere, comme dit doctement; 10. Duns. à  
raison desquelles conditions elles sont  
dites materielles.

Nous ne deuons pas legerement ad-  
iouster foy à tout ce que l'on dit des an-  
ges & des demons, si nous ne l'appre-  
nons des saintes lettres, à quoy encore  
il est besoin de conduite, de peur que  
nous ne prenions pas mal à propos ce  
qui nous est offert de bōne part. Si dans  
l'Escripture se trouuent quelques textes,  
qui fauorisent l'opinion de l'Examen,  
ils doiuent estre entendus selon ce que  
i'ay dit, ou metaphoriquement. Pour  
exemple, quand Dieu commande aux  
oblatiōs, qu'on ne luy presente ny miel  
ny leuain, ce n'est pas qu'il puisse estre  
offensé des qualitez de ces deux matie-  
res, mais il veut que nous entendions  
par le leuain, la corruption; & par le  
miel, les delices. Le sel & le vin luy sont  
agreables, pour autres considerations.  
Le sel, parce qu'il empesche la corru-  
ption des viandes, comme la vertu, la  
corruption des ames; & l'ame la corru-  
ption du corps. De sorte que le sel est le  
symbole de l'eternité: pourquoy Iesus;

Christ appelloit ses Apostres le sel de la terre. Homere dit *Sal diuinum*. Mais le texte de Platon semble conforme à la parole de Dieu, peut-estre, parce qu'il auoit leu les liures de Moÿse. Il dit que le corps du sel est à Dieu vne offrande tres-agreable, τῶν ἀλῶν σῶμα θεοφιλέστατον. Il est aussi le symbole de l'amitié, d'autant que le sel est vn corps ramassé de plusieurs eaux par la chaleur du feu ou du Soleil, comme les volontez des hommes remises dans le calme d'une bonne paix, par l'entremise de quelque homme sage, qui sçait appaiser le trouble de leurs differens. Le vin, à raison que le Sang du Fils de Dieu nostre Sauueur est adoré en la nouuelle loy, sous l'espece du vin, selon les figures de l'ancien Testament.

In *Timao*.  
las llamas

Comme l'ame du mauuais riche, dit-il, n'a sceu demeurer au corps, à raison  
 2. del'excessiue chaleur de la fièvre, il y a apparence de mesme qu'estant dans les flammes de l'enfer, elle reçoit des douleurs extremes & de grandes afflictions. Il me fasche de perdre le temps & le papier à refuter l'impertinence de ces paroles. La chaleur, de la fièvre ne touche

Raison 4.

Exam.

2.

Estando vnida con las llamas del fuego infernal.

110. A.

point l'ame raisonnable, mais les parties sensibles du corps; & combien que l'ame raisonnable abandonne le corps par la vehemence de la fièvre, ceste separation n'est pas de peur d'estre bruslée, comme Encas de peur du feu s'enfuit de la ville de Troye, mais à raison que l'excès de la chaleur ruine la belle disposition des parties, l'harmonie des humeurs, & le temperament des qualitez, toutes pieces qui seruent au sens, à la vie, & à la nourriture. Quand le lien est denoué de ceste œconomie, l'ame par mesme moyen se separe d'auec le corps; non qu'elle participe à la chaleur & au mal auec luy; mais d'autant qu'elle ne peut plus agir par le manquement des facultez qui sont ses seruantes. Quant à ce qu'il dit du feu destiné pour la punition des ames apres la mort, ce que j'ay dit cy deuant du sentiment des demons fuffit pour solution à ce bel argument. Comme Dieu a créé de rien l'ame raisonnable, il la rend sensible, quand il luy plaist estant separée contre les loix de la nature. Les ames & autres substances immateriales sont capables de ioye & de douleur: mais nous ne sçauons comment

comment, les Stoïciens qui n'ont peu digerer ceste doctrine, & penetrer dans ceste Philosophie Chreſtienne, ont creu que les ames des hommes vicieux, par la cōtagion de leurs pechez contractez dans le chatoüillement des sens, prenoient vne nature moyēne entre le corruptible & l'incorruptible, entre le materiel & l'immateriel; comme l'autheur de l'Examen seroit volontiers de ceste opiniō, veu qu'elle symbolise fort avec la ſienne. Mais en accordant ainsi la matiere aux ames raisonnables, il donneroit ſuiet & matiere de rire aux bons eſprits.

*Raiſon & Exam.*

Voicy encore vne de ſes raiſons. Quand Ariſtote dit que la plus grande propriētē de la ſubſtance eſt d'eſtre ſuiet des accidens, il n'exclud point la ſubſtance ſpirituelle; & pour ceste cauſe il a dit que les accidens du corps paſſent à la ſubſtance de l'ame raiſonnable, & ceux de l'ame au corps. Et ſur ce principe il s'eſt fōdē pour eſcrire tout ce qu'il a laiſſē de la Phyſiognomie. Ioint que les accidens qui changent & alterent les facultez ſont tous ſpirituels, ſans corps, ſans quantitē, ſans matiere, & ainſi ils

*Rep.*

„ se multiplient en vn momēt par vn mi-  
 „ lieu, & passent par vne verriere sans la  
 „ rompre, &c. Je responds que les acci-  
 dens peuent auoir lieu en l'ame raison-  
 nable, & autres substances spirituelles  
 mais non ceux-là qui sont contraires &  
 corruptibles, comme sont les qualitez  
 elementaires. Les especes intelligibles  
 sont accidens qui sont en l'ame, & pour  
 ce qui est du lieu allegué d'Aristote. c'est  
 assez qu'il soit vray que les accidens ne  
 peuent subsister en la nature, sinon par  
 le moyen de la substance: car Aristote  
 n'a iamais entendu que toute substance  
 fust capable de tous accidens. Tant s'en  
 faut, il tient que le ciel est exempt des  
 qualitez elementaires passiuement, *πα-  
 θητικῶς*, parce qu'il seroit suiet à muta-  
 tion, comme les corps inferieurs. Pour  
 ce qu'il dit des passions de l'ame cela  
 doit estre entendu principalement de la  
 sensitiue, laquelle estant materielle, est  
 tellement suiette aux qualitez, que plu-  
 sieurs ont douté si elle estoit autre cho-  
 se que le temperament. Il est vray que  
 l'ame raisonnable reçoit les impressiōs  
 de la sensitiue, & souuent se laisse em-  
 porter à la force & à l'impetuosité des



appetits, quoy qu'elle soit immaterielle & incorruptible : mais il ne faut pas croire avec l'Examen qu'elles passent iusques à elle avec les circonstances de la matiere. Tant qu'elle a la compagnie du corps elle reçoit les images & les impressions des facultez materielles des sens, par le ministère des esprits & des parties, sans auoir part & sans cōmuniquer à leurs qualitez. Elle suit seulement en son operation la disposition des facultez sensitiues, qui est cause qu'elle vacille souuent, qu'elle se trompe, qu'elle fait des fautes, quand elle a esté mal informée par les sens. Elle opere imparfaitement, quand les facultez qui sont ses seruantes luy ont manqué en la fidelité de leurs rapports. Ainsi les melancholiques ont peur, non que l'ame raisonnable soit offusquée des tenebres de l'humeur noire ; mais à raison que les esprits qui seruent à l'imaginatiue sont obscurcis d'humeur ou de vapeurs melancholiques, d'où l'impression, comme d'une nuit, qui fait chanceler l'ame raisonnable, comme l'imaginatiue : de sorte qu'elle a part à la peur, c'est à dire, qu'elle vacille en son action, comme

1.  
Aphor.  
lib. 2.

6 nous voyons les enfans auoir peur dans les tenebres de la nuit. Les malades de phrenesie ne sentent point la douleur presente, à raison, dit Hippocrate que l'ame est malade, *ἡ ψυχή μιν νοσέει*, c'est à dire, que le sens commun ne reçoit point l'impressiō de la qualité qui fait la douleur, ou parce qu'il est offusqué d'humours ou de vapeurs; ou d'autant que les esprits, qui sont comme vn cachet pour imprimer au sens commun & à l'imaginatiue toutes les especes, au lieu de courir au cerueau pour ce suiet, vont ailleurs pour secourir les autres parties malades.

L'ame raisonnable donc peut estre trompée par les especes: car comme elle reçoit le faux quelquefois sous espeece de vray, & quelquesfois efface le vray pour placer le faux en son lieu: ainsi elle peut loger le mal sous espeece du biē: parce qu'elle reçoit des sēs les premiers traicts de son operation, & qu'elle se comporte (notamment si elle est surprise ou mal instruite) selon les peintures qu'ils luy presentent. J'ay dit surprise ou mal instruite, parce que les imaginations promptes la touchent quelques-

fois si viuement, qu'elle n'a pas loisir de se recognoistre; c'est à dire, de faire reflexion, de cōsiderer la chose, & de bien mediter sur ses especes. Ce sont ces premiers mouuemens que l'on dit n'estre point en la puissance del'hōme. Quand aussi elle est mal instruite elle ne peut pas cognoistre & discerner les fautes des sens, parce que la science estant la main de l'entendement, *ἡ δὲ οὐρανοῦ ἔχει ὅτι* I. Problem.  
*ἐν αὐτῇ*, selon Aristote; quand l'homme sect 30.  
est ignorant, il ne sçait par quel moyen corriger ou amender les defauts. Mais quand l'ame est ornée de science, d'experience, de preceptes, elle peut suppléer au manquement des sens: pourueu que leur operatiō ne soit point corrompue ou deprauee, & corriger toutes les apparences fausses de l'imaginatiue. Vn baston qui sera de moitié dans l'eau paroistra rompu & sera iugé tel par vn ignorant; où vn autre recognoistra le contraire, & que faussement il semble tel, à raison que l'espece du baston est portée à l'œil *per duo diuersa media*, par deux diuers moyēs, qui sōt l'air & l'eau. En l'indisposition du vertige ou tournoyement de teste toutes choses sem-

blent estre meües en rōd; de sorte qu'un ignorant auroit peur d'une subuersion generale de tout le mōde: où celuy qui sçaura que la cause de cela est vn mouuement depraué de vapeurs ou d'esprits dans le cerueau, n'aura pas si mauuaise opinion de cēt accidēt. Si nous voulons croire nos sens, nous iugerons le soleil grand seulement de deux pieds, ou deux pieds & demy de diametre: mais l'intellect qui corrige ceste erreur par la science, cognoist certainement qu'il est plus grand que toute la terre.

Aux grandes émotions de fièvre ou de colere le sang & les esprits eschauffez troublēt les sens, & causent en l'ame des actions deregliées: parce que, comme l'intellect se tourne vers l'imaginatiue, qui ne luy presente que du desordre & de la confusion, il est contraint de broncher comme elle. C'est que l'ame est ofusquée, *ἁπλοῦνται οἱ ὄψεις*, dit Aristote, non qu'elle soit la cause du trouble, ou qu'elle ayt part à la chaleur de la fièvre, mais parceque les sens la trompent, ou par confusion de notions, ou, comme i'ay dit, par surprinse, quand ils ne luy donnent pas du temps assez pour

1.  
Cap 3. lib.  
3. de ani-  
ma.

luy opposer les armes de la raison. Et cela peut servir pour l'intelligence de ce que disent Platō & Aristote, que les perturbations sont en la partie raisonnable de l'ame, lors qu'elle n'a point de raison; ἐν τῷ ἀλόγῳ τῆς ψυχῆς λογικῆς. Ce n'est pas que l'ame raisonnable ne soit toujours munie de raison, puisque la raison est de son essence: mais elle peut estre surprise avant que de pouoir mediter & discourir sur ce qui luy vient de la part des sens, & cela peut estre dit λόγος ἀλογος, raison sans discours.

Pour confirmer encore son opinion, que l'ame raisonnable n'est point corruptible, quoy qu'elle se serve des qualitez elementaires, il se sert de la comparaison des cédres, lesquelles, dit-il, sont composées des quatre elements; & neantmoins il n'y a point d'agent au monde, qui les puisse corrompre. Ceste Philosophie esleuée de quelque degré au dessus des conceptions du vulgaire denroit estre reçue avec grād applaudissement, & le liure de l'Examen pour ce seul point meriteroit d'estre eternisé de l'eternité des cendres. Mais si ceste imagination est veritable, pourquoy ne voyōs

Raison 6.  
de l'Examen.

Las cenizas no ay agēte natural en el mūdo que las pueda corromper.

Ex. chap. 8.  
Esp. 110. a.  
fr 63 a.  
resp.

nous point la terre couuerte de cendres?  
 où sont les cendres de la ville de Troye,  
 de Rome, des cinq citez<sup>es</sup> de l'Eſcriture,  
 & de tant d'autres villes qui ont paſſé  
 par le feu? où ſont les cendres de toutes  
 les lexiques faiſtes à Paris depuis cinq  
 cens ans? où ſont les cendres de tant  
 d'Alchymiſtes, de tireurs de quinteſ-  
 ſence, de chercheurs de pierre philoſo-  
 phale, & d'autres qui ont ſoufflé tout  
 leur bien depuis Geber, Rogerius Bac-  
 cho, & Paracelſe? Si de tant de cendres  
 nous n'auons aucuns reſtes, ny aucunes  
 veſtiges apparentes, pourquoy voulons  
 nous croire qu'elles ſont incorrupti-  
 bles? S'il dit qu'elles ſont meſlées avec  
 la terre, pourquoy viſiblement ne pa-  
 roifſent elles d'une autre nature que la  
 terre, ſi elles retiennent toujours leur  
 nature de cendre? C'eſt vn abuſ de croi-  
 re ceste incorruptibilité des cendres, qui  
 ne ſont autre choſe que la partie plus ter-  
 reſtre des ſubſtances qui ont paſſé par le  
 feu, après le retour des autres parties,  
 chacune vers ſon element. Je veux bien  
 qu'elles retiennent encore quelque em-  
 pyreume, après eſtre conſommées les  
 plus ſubtiles parties: mais en fin il faut

qu'elles se conuertissent en terre, & au  
dernier periode qu'elles soyent reduites  
à leur principe, qui est la premiere ma-  
tiere.

altribitob

D'ailleurs ceste proposition pronon-  
cée ainsi generalement sera iugée fausse,  
veu que la chere cendre faicte de tartre  
ou de lie de vin peut estre conuertie en  
vne liqueur qu'ils nomment huile de  
tartre, cōme les cendres de l'herbe que  
nous appellons *Soude*, les Latins *Salicorn-  
iam*, les Arabes *Kali*, sont transmuées  
en verre par la violence du feu. Telles  
experiences sont plus certaines que les  
raisons de l'Examen. Il pouuoit se fer-  
uir encore d'autres exemples, comme  
de la chair de Paon qui n'est point sui-  
te à corruption, selon l'observation de  
S. Augustin; & des charbons que l'on  
dit ne point sentir l'iniure du temps,  
*annorum non sentire damna*. Si le diamant  
est ainsi nommé à raison qu'il ne peut  
estre dompté ny par le fer, ny par le feu.  
Si la Salamandre estant au milieu des  
flammes, a bien la vertu de reprimer  
la violence de leur action: L'auteur  
auoit assez d'exemples pour se iouer sur  
ceste matiere, sans se tenir dans les cen-

X

82

dres comme vn pauvre morfondu, durant les froidures de l'hyuer; mais en fin de compte il n'y a rien en tout cela que de ridicule.

L'or qui a cét auantage entre toutes les substances d'icy bas d'estre le moins suiet à corruption (combien qu'il ayt vn grand pouuoir de corrompre les hommes) est destruit neantmoins par le vif argent. L'or, dit Iul. Scaliger, est le Roy; mais le vif argēt est le tyrā des metaux.

i.  
Exercit.  
38.

*Aurum metallorum rex est, argentum viuum tyrannus.* L'Examen donc de ceste part ne trouuera rien qui le soustienne, à raison qu'il n'y a rien de materiel qui ne soit corruptible. L'or, les cendres, les charbons, le diamāt, il faut que tout prēne fin. Puisque toutes choses icy bas ont leur tēps, & qu'il faut finir au bout de la course, nos liures mesmes del vn & del'autre Examen periront, & peut-estre à cent ans d'icy, il ne restera aucun des hommes qui viuent à present, quoy que l'on die du Iuif errant. *mais 2. el 12*  
Il appert donc que l'auteur de l'Examen, qui auoit promis de donner des preuues necessaires de l'immortalité de l'ame dans la materialité de ses opera-



tions, contre l'opinion d'Aristore, a manqué du tout à sa promesse; & que son traité n'est pas cōme nous disions naguères de l'ame, quand elle est surprise par les sens, vne raison sans discours, mais vn discours sans raison bien souvent, & riche seulement de vaines conceptions.

---

*L'immortalité de l'ame prouuée par  
raisons vray-semblables.*

CHAP. XIX.



VX disputes qui sont d'importāce & de suiets, dont la preuue est difficile, il est plus expedient, comme au passage d'vne grande riuiera, de sonder le gay premierement par des raisons vray-semblables que de vouloir d'vn plain faut se porter à des demonstrations necessaires. Ceste question de l'immortalité de l'ame me semble épineuse, & pour ceste occasion j'entreprends de la prouuer icy, non par

des raisons de tout point certaines, mais par des apparéces & des cōiectures assez solubles, pour en imprimer l'opinion aux esprits de ceux qui volontairement se laissent aller à la raison.

Cōme Dieu qui cognoist tout nous est incognu, pour ce qui est de son essence, l'ame raisonnable ne peut pas estre clairement comprise par nos discours, à raison qu'elle porte la marque & le caractere, & qu'elle est vne parcelle, & comme vn dégout de la diuinité. Entre les Ordres des Anges & des intelligences, l'on tient que les supérieurs comprennent pleinement les inférieurs, comme entre les figures, la ronde qui est la plus parfaite & la plus capable, contient en puissance toutes les autres; & entre les ames, la raisonnable enclost dans l'estendue de son pouuoir la sensitiue & la vegetatiue; parce que c'est vne regle & vne loy establie dans le monde, que l'inférieur doit de tout point ceder & se soumettre au supérieur. Il semble donc que l'ame raisonnable, pour pouuoir estre bien cogneuë de nous, c'est à dire, par elle mesme, deuroit auoir quelque faculté supérieure

à elle mesme. Ce qu'estant impossible, nous ne pouuons la cognoistre que superficiallement, ny prouuer qu'elle est immortelle que par coniectures. Les ames materielles ne cognoissent point leurs actiōs à cause de la matiere de leurs organes, & qu'elles sōt trop basses pour s'esleuer iusques là; mais l'intellect qui n'est point obligé à la matiere, outre qu'il cognoist les actions des sens, peut encore par reflexiō cognoistre sō action propre, hors de pouuoir toutefois de comprendre bien sa nature, & de rendre raison de son eternité, de son essence, de son origine: dautant qu'il seroit besoin d'vne faculté plus releuée pour penetrer iusques au centre de ces difficultez. Il ne faut donc point se promettre de prouuer l'immortalité de l'ame, sinon par maniere d'exercice, probablement, & par argumens plausibles & raisonnables en apparence. Tousiours c'est vn grand poinct pour l'immortalité de l'ame, que dans le defaut de raisons, pour prouuer qu'elle soit immortelle, on ne peut pas demonstrier aussi qu'elle soit mortelle. Mais il est temps d'entrer en matiere.

I. Nous remarquons dans l'œconomie du monde, que l'ordre y est gardé & observé si estroitement, qu'il est impossible d'y rien trouver de manquement ou de défaut, & qu'il semble, si l'ame raisonnable estoit mortelle, que ceste belle disposition seroit destruite, comme si l'on admettoit le vuide en la nature. Dieu d'une part est auteur de tout bien, & la cause premiere tres parfaite, & tres accomplie de toutes choses: d'autre la matiere premiere est principe d'imperfection, & la derniere marche de la nature. Entre ces deux extremités ou principes de perfection & d'imperfection, se trouvent des substances purement spirituelles, comme les Anges; & celles-là proches de Dieu; & d'autres à l'opposite, corporelles du tout & proches de la premiere matiere, comme les elements, & autres corps inanimez, qui resultent de leur meslange, entre lesquels & les Anges, sont encore autres degrez qui se respondent, à sçavoir les plâtes & les animaux, qui ont ame pour principe interne de mouvement, mais perissable en particulier & d'ame & de corps pour estre trop attachées aux ini-

mitiez materielles des elemens; toute-  
fois par la generation aucunement in-  
corruptibles, selõ l'espece. Et pour con-  
tre pied, les cieux qui ont des principes  
externes de leurs mouuemens, à sçauoir  
des intelligences, selon Aristote, & sont  
conseruez en leur estre particulier, à rai-  
son qu'ils n'ont point de contraires qui  
les destruisent. Au milieu de tout cela,  
l'homme est placé comme vn point au  
milieu de son cercle; de sorte qu'ils le  
disent constitué à l'horison de l'eterni-  
té; c'est à dire, iustement au milieu des  
choses corruptibles & incorruptibles.  
Il n'est point du tout parfait comme  
Dieu, ny du tout imparfait comme la  
matiere premiere, qui est presque rien,  
*ex fus & deorsus*, Il n'est point du tout spi-  
rituel; incorruptible, & proche de la  
diuinité, comme les Anges, ny du tout  
suiet à mutation & corruptiõ, & proche  
de la premiere matiere, cõme les elemens;  
il n'est point conserué en son estre parti-  
culier par exẽption de contraires, com-  
me le ciel; ny conserué par la generation  
seulement, comme les bestes & les plan-  
tes. Mais pour auoir part à tout cela, il  
est corruptible, & incorruptible; par-

fait, & imparfait; materiel, & immaté-  
riel; composé de contraires, & exempt  
de contraires; & pour dire eu vn mot,  
le milieu de toute la nature. Or cela  
n'auroit point de lieu, & ceste belle or-  
donnance seroit destruite si l'ame rai-  
sonnable estoit corruptible. L'ordre de  
l'vniuers donc requiert qu'elle soit in-  
corruptible.

- II. Entre les choses matérielles celles-là  
ont vne action plus prompte, qui ont  
moins de matiere, ou sont moins liées  
à la matiere, cōme la lumiere & le feu.  
Entre les elemens le feu est tellement  
actif & subtil, que selon l'opinion d'A-  
ristote, son action seroit sans fin & point  
suiette à passiō, s'il n'auoit point de ma-  
tiere. La lumiere auroit son action en vn  
moment, n'estoit ceste mesme incom-  
modité: mais elle est aucunement  
alentie, & son mouuement est rendu  
successif & par degrez; à raison que c'est  
vn accident materiel, c'est à dire qui  
n'a estre qu'en la matiere, & qui s'estend  
selon la dispositiō de la matiere. Or l'a-  
me raisonnable qui se pourmeine en vn  
moment par tout le monde, quelque  
empeschement qui se presente: qui est  
portée

portée de contemplation, & de pensée en vn instant; depuis la derniere voute du premier ciel, iusques au centre de la terre: qui traaverse les elemens, & comme vn autre saint Pierre, porte les clefs, & ouure les portes du Ciel quand il luy plaist, *τὴν αἰθέρα χρίσας, τὰς κλῆϊς ἀνοίγει Πέτρος ὁν πεπλάσμενος.* Elle prend les mesures du Ciel & de la terre; elle donne raison des mouuemēs des astres; elle considere leurs differences, & discourt pertinemment de toute l'œconomie du monde. Son pouuoir seroit-il d'une telle estendue, si elle estoit materielle? & si elle est immaterielle, sera t'elle corruptible, veu que la corruption depend de la matiere?

*r.  
Georg.  
Pisides de  
mundi  
opif.*

Il me semble que ceux-la entre les anciens Philosophes qui ont desfiny l'ame raisonnable par le nōbre ont mieux compris que les autres ce qui est de sa nature: car comme le nombre croist sans fin par addition d'vnitez, mais ne descroist pas de mesme sans fin, parce qu'en ostant les vnitez l'une apres l'autre, l'on trouue en fin vne derniere vnitē, qui est le commencement du nombre: De mesme l'ame de l'homme tend à l'infiny,

III.

pour le regard de l'intellect qui est capable de tout , & qui voudroit sçauoir tout : mais si nous retournons en arriere , & nous considerons qu'il ne peut operer sans les images de la phantasie ; qu'il n'est pas possible que ceste forme de l'homme ayt esté deuant la matiere dont il est composé, & qu'il ne peut pas auoir esté la cause de s'õ estre : nous sommes contrainsts apres toutes sortes de raisons examinées & deduites l'vne apres l'autre, de nous arrester à l'vnité premiere , qui est le principe immobile qui donne mouuement à tout , qui a créé l'ame de rien , & qui la maintient par l'influence de ses graces dans l'infinité des siecles, comme les nombres sont infinis en puissance , par addition d'vnitez.

## IV.

Ce qui empesche l'ame raisonnable de se bien cognoistre, est la compagnie du corps: car cõme l'or le plus precieux & le plus noble de tous les metaux, quand bien il seroit animé, ne pourroit pas comprendre sa beauté, s'il n'estoit essuyé des ordures de la mine : ainsi l'ame raisonnable, qui est comme enseue-  
lie dans la matiere & comme offusquée



dans les meſlanges du corps, ne peut pas nettement comprendre ſes perfections. Elle eſt bien vne nature de ſoytres-accomplie, & pleine de merueilles; mais le corps eſt vn nuage qui ternit ſa beauté; de ſorte qu'elle ne peut pas aſſez eſtendre ſa clairté ſur elle meſme. Tout ainſi que la peur nous retire quãd nous ſommes ſur le bord d'un precipice; lors que nous voulons contempler les beautez & les grandes richesses de noſtre ame, le corps nous en deſtourne, nous empêche de paſſer outre, tant cela eſt d'une profonde meditation; ὅπως ἑαδὴν ἔχει λόγον, diſoit Heraclite. Auſſi ſainct Auguſtin apres auoir hardiment aduancé quelques propositions de l'ame, s'eſt retracté, contraint de confeſſer qu'il ignoroit entierement ſon origine. C'eſt que l'ame empêchée au gouuernement du corps, & qui communique avec les ſens; ne peut pas bien vacquer à ce qui eſt de ſon propre: comme vn homme d'eſtat, qui eſt tellement employé au gouuernement d'une police; qu'il perd la liberté de donner ordre à ſes affaires propres & particulieres. Pour plus grande preuue de cela, nous

voyons que ceux qui ont le corps faible, & moins chargé d'embon-point, ont volontiers les esprits plus subtils & l'entendement plus esueillé. Les autres au contraire qui sont pleins de bonne chere, de gresse, de crapule, sont plus stupides, & ont plus de corps que d'esprit, parce qu'ils ont l'ame dans le ventre, s'il faut ainsi parler, & comme perduë dans les ordures de la chair. Mais quand elle sera separée du corps, qui est sa prison, elle ioüyra de soy-mesme, dit Plotin, & pourra contempler à nud ses facultez, qui sont les images de sa beauté. Et Aristote dit cela mesme, que la condition de l'intellect seroit meilleure, s'il n'estoit point lié & associé avec le corps. ἡ βέλτιον τῷ νῶ μὴ μετὰ σῶματι

I.  
Cap. 3. lib.  
3. de ani-  
ma

τος εἶναι.

V.

Ce que nous voyons encore, que tous les hommes ont naturellement en l'ame, quelque opiniõ imprimée del'immortalité, est vn grand tesmoignage qu'elle n'aura point de fin. Ceste impressiõ semble tellemēt née avec nous, qu'il n'y a homme de quelque condition qu'il soit, qui n'ayt soin, comme d'instinct naturel, de laisser quelque

memoire de soy apres sa mort. Tous sont portez à cela, iusques là que quelques-vns, au lieu des'y conduire par les voyes de la vertu, se sont efforcez par vne meschanceté insigne, de se rendre memorables à la posterité; comme celui qui brusta le temple d'Ephese. D'ailleurs aussi, quand il s'agit de vouloir croire que l'ame est corruptible; Nous ne pouuons pas entrer en ceste opinion sans contrainte, & sans faire vne grande force à nos esprits: mais l'experience nous apprend que telles violences ne sont point de durée, attendu qu'il ne faut que le moindre suiet pour nous ébranler, & nous leuer ceste folle phantasie de l'esprit. Vne petite affliction, vn accès de fièvre, vn coup de tonnerre, nous fait rentrer incontinent en nostre premiere croyance. Il est fort aisé à vn libertin de dire que l'ame est mortelle; mais il est difficile d'auoir ceste opinion fermement grauée en l'esprit, sans quelque résistance de la part de l'ame. De tout temps, les plus barbares nations ont tenu l'immortalité de l'ame pour vn point de religion. Les Chaldeens, les Mages, les Brachmanes, les Druides, les

Sages de la Grece instruisoient les peuples à ceste verité ; & encore de ces derniers temps en la descouuerte des Indes del'Occident, l'on a trouué que les peuples de ces regions la separez & hors de tout commerce avec les autres nations de la terre , croyent fermement l'immortalité de l'ame. Il n'y a donc point de raison à se persuader le contraire. Le doute de cela que font quelques-vns, me semble vne grãde preuue qu'il n'y a point de doute. L'ame ne pourroit pas douter de son immortalité, si elle n'estoit point immortelle. L'homme seul entre toutes les creatures d'icy bas a la cognoissance d'un Dieu , & il n'y a que le poinct de la religion qui nous separe : à quel propos donc ceste cognoissance d'un Dieu , si apres la mort l'ame ne restoit pour pouoir iouir de sa presence?

Quãd Dieu qui cognoist nos actiõs, voit quelques-vns icy bas ne receuoir aucun salaire de leurs vertus, de leur pieté, de leur bonne vie: ce seroit quelque sorte d'iniustice s'ils n'en estoient pas recompensez apres la mort. Voicy donc commel'on poursuit ceste dispute: Si Dieu cognoist nos bien-faiçts, & il ne les

reconnoist point, c'est vne iniustice qui ne luy conuient nullement, veu que la iustice est de son essence: S'il ne les recompense point parce qu'il n'en a pas la cognoissance, il n'est pas tres sage & tres-sçauant: ce que l'on ne peut soustenir avec raisõ, puis que ces qualitez luy appartiennent de premier chef; il n'y a que Dieu au mōde vraiment sage, & vraiment sçauant: S'il les cognoist bien, mais il ne peut pas dōner le salaire, c'est vne impuissance de laquelle Dieu est infiniment esloigné, veu que toutes choses luy sont possibles. De dire aussi qu'il cognoist & peut bien, mais qu'il ne veut pas, ce seroit l'accuser ensemble d'iniustice & d'ingratitude. Il s'ensuit donc que le tēps designé pour telles recompenses est apres la mort; comme dans les familles bien souuent on paye les gages des bons seruiteurs, apres les termes expirez de leurs seruices.

Voila comme en passant ie me suis exercé sur ceste matiere; & me semble, comme ie suis encor dans la bonne opinion, dans l'émotion, & dans la chaleur de ceste dispute, qu'il ne seroit pas impossible de prouuer l'immortalite

344      *Examen de l'Examen*  
de l'ame par raisons certaines & necess-  
saires: quoy que cy deuant i'aye declaré  
cela aucunement impossible.

---

*Raisons necessaires pour prouuer  
l'immortalité de l'ame.*

CHAP. XX.



POUR bien prouuer l'im-  
mortalité de l'ame, ce de-  
uroit estre assez qu'Aristo-  
te grãd dictateur des scien-  
ces, & le plus solide iuge-  
ment qui fut iamais, a esté de cét aduis,  
comme ie mōstrerois par infinis textes,  
si ceux du party contraire vouloient le  
faire iuge en ceste cause, & le rendre  
croyable. Il enseigne en plusieurs lieux  
que l'ame raisonnable est separable,  
*χωριστὸς ὁ νοῦς*: Qu'elle ne tire point son  
origine de la puissance de la matiere,  
cōme les autres ames; mais qu'elle vient  
du dehors, *ἡ ἐκ τῆς φύσεως*: Qu'elle cognoist  
les substances spirituelles, & les especes  
& notions yniuerselles, iusques à com-

prendre son action mesme: qu'elle n'a point de certain obiet & déterminé: Que sa conditiō seroit meilleure, si elle n'estoit point liée avec le corps. Quelles raisons plus fortes voudroit-on pour prouuer ceste verité par les voyes de la science? Il est bien certain que nous n'auons rien de luy de propos deliberé sur ceste dispute; non, comme ie croy, qu'il n'en ayt rien escrit, mais parce que nous auons perdu par l'iniure du temps, ce qu'il en auoir laissé à la posterité. Saint Thomas dit auoir veu de luy vn traicté de l'ame separée. Mais tousiours ce qui nous est resté de sa doctrine suffit pour preuue certaine de ce qu'il en faut croire.

Cet admirable esprit qui a esté prôpt & subtil à reprendre les Philosophes de son temps, n'eust iamais pardonné à Platon, qui a tenu ceste opinion de l'immortalité de l'ame, s'il eust iugé qu'elle eust esté fausse. Toutefois mon intention n'est point de me seruir icy de son autorité, & si i'employe quelques raisons qui soyent de luy, ce n'est point pour les faire passer sous son nom, mais pour estre d'elles mesmes assez solu-

bles. Je me propose encore moins de me servir des textes de l'Ecriture; d'autant que les Athées & les Libertins, qui sont comme le Hybou, ont les esprits trop foibles pour porter l'esclat d'une si vive lumiere. Puis qu'ils se moquent de ce que l'õ dit de l'estat des ames apres la mort, cõme de contes inuentez par plaisir & par reigle de police, pour tenir en bride & dans le deuoir les ames craintiues d'une populace. Je ne leur produiray que des raisons assez fortes, s'ils ont de la raison, pour vaincre leur opiniastrété desreiglée, & contre nature.

1. Toute substance spirituelle, & qui n'a point de corps, est immortelle. L'ame raisonnable est une substance spirituelle, & qui n'a point de corps: L'ame raisonnable donc est immortelle. Que la premiere propositiõ soit veritable, il appert, parce que la matiere est la seule cause de la corruptiõ, à raison des qualitez contraires qu'elle loge chez elle; & les intelligences de mesme sont incorruptibles, parce qu'elles n'ont point de matiere. Il n'y auroit point d'apparence que la forme qui donne l'estre à la cho-



se, deust estre cause de la corruption, veu que la matiere mesme, entant que matiere, n'en est pas la cause, mais entant qu'elle est le suiet où logent les qualitez elementaires, d'où sourdent les inimizies & la corruption; comme les diuisions & seditions causent la ruine des Estats. Pour ceste mesme raison le Ciel est en quelque maniere incorruptible, à raison qu'il est vn cinquiesme element, exempt de toutes qualitez contraires. La seconde proposition, quel'ame raisonnable est spirituelle & sans matiere, peut-estre ainsi demonstrée, & en ce point gist le fort de la dispute: car estant immaterielle, il s'ensuit qu'elle est separable, qu'elle est principe de mouuement, & qu'elle subsiste d'elle mesme. *ἡγεῖσθαι, αὐτοκίνητος, αὐθωρόστατος.* L'amerasonnable comprend en quelque sorte les substances spirituelles, comme Dieu & les Anges; elle est donc spirituelle: car si elle estoit materielle, comme la sensitiue, elle ne pourroit pas s'éleuer au dessus de la matiere, pour entrer en la moindre coniecture qu'il y ait rien de spirituel au monde. Elle comprend aussi les substances corporelles, ce

qu'elle ne pourroit pas, si elle estoit corporelle, selon ceste maxime, que la faculté doit estre nuë de ce qu'elle a pour obiet, comme l'œil pour recevoir les especes des couleurs, doit estre priué de toute couleur. Si quelqu'un dit que la phantasie, qui est vne puissance organique & materielle, comprend bien les obiets materiels par leurs especes; Je responds qu'elle ne comprend que les accidens corporels dits pour ceste raison, *sensibilia per accidens*; mais qu'il n'appartient qu'à l'intellect, de comprendre les substances, & de les cognoistre, & d'en discourir. Davantage, si l'intellect & la volonté estoient puissances materielles, au lieu d'avoir la liberté de leurs actions, elles seroient forcées, comme les bestes à suivre les sens & les appetits: or nous voyons que ces deux facultez ont leurs actions libres, & bien souvent, qu'elles sont contraires aux sens & aux appetits, veu que l'intellect corrige les fautes des facultez sensitives, & peut sur vn mesme sujet se proposer diuers aduis & prédre tel party qu'il luy plaist, l'affirmative ou la negative, sans s'obliger à ce qui luy est.

rapporté par les sens ; & que la volouté de mesme est tellement libre quelques-fois, qu'elle abhorre les voluptez & résiste aux appetits, pour suivre les mouu-  
mēs de la raison. Quelquefois vne bon-  
ne ame au lieu de se laisser emporter  
brutalement au chatoüillement des  
sens, ayme mieux supporter le ieusne,  
le cilice, la discipline, & endurer le mar-  
tyre. Ces deux puissances ne pourroient  
pas se pointer ainsi contre les inclina-  
tions des sens, des appetits, & de la ma-  
tiere, si elles estoient materielles. Il est  
impossible de rendre raison, pourquoy  
l'ame raisonnable a ceste liberté plu-  
tost que la sensitiue, sinon parce qu'elle  
est spirituelle. Ses mouuemens sont li-  
bres, parce qu'elle n'a point de matiere  
qui luy borne son action; ou luy oste la  
liberté de se resoudre à ce qu'elle iuge  
plus raisonnable. Tant qu'elle a la com-  
pagnie du corps, à la verité son action  
est moins parfaicte & plus tardiue: mais  
pourtant elle n'est point materielle, ny  
en son operation, ny en son essence.  
Quand elle sera separée, elle iouïra d'v-  
ne pleine liberté, & sera tellement mai-  
stresse de ses mouuemens, qu'elle pour-

ra, si l'opinion d'Avicenne a lieu, mou-  
voir les elemens & avoir commande-  
ment sur toutes substances materielles.

Ce qui confirme encore ceste doctri-  
ne de l'immaterialité de l'ame raisonna-  
ble, est la raison d'Aristote, qui est plus  
forte que toutes les contremines de l'E-

<sup>1.</sup>  
*Cap. 4 lib.*  
*3. de ani-*  
*ma.*

xamen. Il dit <sup>1</sup> que tous les sens perdent  
leur action par la vehemence de leurs  
sensibles; comme l'oüye, par un bruit  
trop violent, la veüe & l'odorat par des  
couleurs & des lumieres trop viues, &  
des odeurs trop fortes; ou sont impuis-  
sans apres de percevoir des objets plus  
remis & plus debiles: à raison que l'or-  
gane de la faculté ayant esté battu d'un  
plus grande force, la marque du coup  
en demeure imprimée au sens, *ἐμμένει τὸ*  
*ἵχνος τῆς βίαιωτέρας πληγῆς*, dit Themis-  
tius: de sorte que puis apres l'entrée est  
refusée aux especes des objets plus de-  
biles, & qui ont moins de coup. Et tout

<sup>2</sup> *ὅτι τὸ αἰ-*  
*σθητικὸν ἔκ*  
*ἀνευ σώμα-*  
*τος. Arist.*  
*ibid.*

cela <sup>2</sup> parce que les sens se servent des  
parties organiques du corps, qui se de-  
bilitent à l'usage, comme les outils des  
artisans. Mais l'intellect, tant s'en faut  
qu'il se lasse en son action, qu'apres avoir  
peiné sur quelque point de violence

meditation ; il en deuient plus fort & plus capable de comprendre ce qui est de plus facile intelligence : à raison que son action est separée de la matiere. Cét argument conclud necessairement, sans auoir esgard à l'autorité du Philosophe : mais si l'auteur de l'Examenn'a point sceu ceste demonstration d'Aristote , pourquoy le querelle t'il auant que de le cognoistre ? s'il l'a bien sceuë, il est en tort de l'auoir dissimulée.

C'est vn arrest tenu pour constant entre les doctes que toutes choses operent selon le degré de leur perfection ; c'est à dire selon ce qu'elles sont ; à raison que la maniere d'operer suit la maniere d'estre. Or l'ame raisonnable a sō action immaterielle, & opere sans organes materiels , elle est donc immaterielle. Si pour operer elle se seruoit d'organes materiels , elle ne pourroit pas cognoistre son action ; parce que l'organe qui auroit part à l'action , l'empescheroit de s'esleuer iusques là : mais l'intellect comprend son action , *scit enim se intelligere*. L'ame raisonnable donc est immaterielle, & en suite immortelle & incorruptible.

II.

L'amen n'est point corruptible, puis  
 qu'elle est de soy principe interne de  
 mouuement. Je dis principe interne,  
 pour la distinguer des autres principes  
 externes, qui ne sont ny ames ny ani-  
 mez; comme l'aymant est principe ex-  
 terne de mouuement au fer qui en est  
 frotté, & lequel après a son mouuement  
 vers le pole. Tout ce qui est principe in-  
 terne est vne source inépuisable de cela  
 dont il est principe, comme le Soleil est  
 principe interne de lumiere, & le feu  
 principe externe de chaleur: aussi ie croi-  
 rois l'incorruptibilité de ces deux prin-  
 cipes, n'estoit que leurs formes ne sont  
 pas seules les causes de ces deux effects,  
 qui sont la chaleur & la lumiere: mais  
 que leurs matieres aydent & y entrent  
 d'une partie. La forme du feu n'est pas  
 seule la cause de la chaleur du feu, mais  
 le supposé. Or puisque l'ame raisonna-  
 ble est seule & de soy la cause & le prin-  
 cipe de son mouuement, parce que cela  
 est de l'ordonnance de la premiere cau-  
 se, qui a voulu qu'elle soit ainsi prin-  
 cipe de son action, du merite de sa nature;  
 il n'y a point d'apparence que jamais  
elle doiue manquer à elle mesme, puis  
 qu'elle

qu'elle est acte d'une nature simple & spirituelle, sur quoy pourroit prendre pied ce changemēt d'estre en non estre ? il est bien possible que l'ame raisonnable, ou une intelligence ayant la liberté de son action soit mue d'une meditation en un autre contraire ; attendu que cela n'est qu'un changement qui ne consiste qu'en la façon d'opérer, pourquoy il n'altère point la substance : Mais de se détruire soy-mesme, il est impossible, estant une nature simple & spirituelle. Le feu, comme j'ay dit, auroit une action sans fin, s'il n'auoit point de matiere, ou s'il n'auoit point son action commune à sa forme & à sa matiere : mais l'intellect à son action propre, qui n'est nullement materielle. Il faut croire dōc qu'il est de soy principe de mouvement & incorruptible. Aussi quand Aristote examine la première proposition, que tout ce qui est de soy principe interne de mouvement est incorruptible, qui est de Platon ; il ne la contredit pas, mais il la laisse comme veritable, pour passer à la seconde, qui est ( que l'ame se meut d'elle mesme, & est principe interne de mouvement ) contre

laquelle il dispute par des raisons toutes fois qui me semblent trop foibles, pour deuoir emporter l'honneur de la dispute. Si l'ame se mouuoit d'elle mesme, dit Aristote, elle seroit le suiet de s<sup>a</sup> action, c'est à dire, qu'elle agiroit & n'agiroit point tout ensemble; qui seroit vne contradiction insupportable. Les manes de ce Philosophe incomparable me permettront de luy opposer icy que ceste raison ne peut auoir lieu pour le regard des substances immaterielles, qui se mouuent bien de lieu en autre: mais d'autant que ceste raison n'a point de force contre ceux qui opiniaستrent que l'ame raisonnable est corruptible, i'en produiray d'autres pour prouuer qu'elle est principe de mouuement contre Aristote.

Nous remarquons en l'ame de l'homme deux sortes d'actions, dont l'vne regarde le corps, quand en qualité de forme elle s'employe à le gouverner; le mouuoir, l'entretenir; & ceste là luy est commune avec le corps, parce qu'elle n'est point seule le principe de ces mouuemens. L'autre est la contemplation, lors qu'elle remuë ses notions,



qu'elle medite, qu'elle se porte elle mesme à considerer sur vn doute, & à faire iugement de quelque chose: & ceste seconde action luy est propre, à raison qu'elle en est le principe toute seule. Puis donc que de soy elle est la cause & le principe interne de ce mouuement, sans rien emprûter des parties du corps, il appert qu'elle est αὐτοκίνητος, selon Aristote mesme, qui confesse que son operation n'est point materielle. Si l'on repart pour Aristote que c'est vn mouuement metaphorique. Cela ne fait rien contre nous; car il suffit que ce soit vne action. Il vaut autant icy dire principe d'action que principe de mouuement: & semble que le different qui est pour ce suiet entre Platon & Aristote, n'est que sur le mot: car ce qui est dit par Platon κίνησις, mouuemens de l'ame, est nommé par Aristote ἐνεργίαι, actions de l'ame, lequel semble se condamner luy mesme quand il dit que le mouuement de l'intellect est son action d'entendre, ἡ δὲ ψὴ γὰρ κίνησις νόησις: d'où sont venus ces mots (discourir & discours) dont semble auoir vsé Hippocrate, qui dit que la meditation est la

Cap. 3. lib.  
1. de anima.  
24

sect. 5. lib.  
6. Epidem.

pourmenade de l'ame, *ψυχῆς περίεργος*  
*φύσις*. Ce n'est donc pas sans raison,  
que les Platoniciens prouuoient l'im-  
mortalité de l'ame, par ceste puissance  
qu'elle a, d'estre de soy principe de  
mouuement, *τῇ αὐτοκινήσει*. Puis qu'elle  
a ceste propriété de son essence, &  
qu'elle est vne nature simple, il n'y a  
rien en elle qui peust estre cause de la per-  
te de ce principe. C'est ce que dit Plo-  
tin qu'elle a vie d'elle mesme, laquelle  
elle ne perdra iamais. *ζωὴν ἔχει παρ' ἐαυ-  
τῆς ἢν ὁποτε ἀπόλλυται*. Les anciens Phi-  
losophes pour exprimer qu'elle n'a  
point de fin, la décriuoient de figure  
ronde, comme le ciel, *σφαίρειον*, & la  
disoient composée d'atomes ronds.

III.

Tout ce qui subsiste de soy-mesme  
est exempt de corruption: l'ame raison-  
nable subsiste d'elle mesme: L'ame rai-  
sonnable donc est exempte de corrup-  
tion. La premiere proposition est tel-  
lement veritable, qu'elle n'a point be-  
soin de preuue. Que l'ame raisonnable  
subsiste d'elle mesme, il appert aussi,  
puis qu'elle est vne substance simple, &  
qu'elle ne depend en son estre d'aucune  
composition. Elle a bien en soy le prin-

cipe d'estre : mais nulle cause , nul suiet ou principe de non estre. Lors qu'elle a la compagnie du corps, elle a bien quelque cause de separation & de divorce, en qualité de forme, à raisõ que le corps est trop dans la pluralité, dans la contrariété, dans la diuision, pour pouuoir estre d'une amitié indissoluble. Mais en qualité de substance intellectuelle, qui a son action propre d'entendre, indépendante du corps & de la matiere, comme i'ay prouué cy deuant, elle subsiste d'elle mesme , & est separable, pour demeurer en estre eternellement. & tout cela du bien-fait de la premiere cause. C'est vn tres-grand tesmoignage qu'elle ne depend nullement du corps en ses propres actions, que dans le cerueau de l'homme toutes les parties sont veuës tellement semblables à celles des bestes, que la difference n'est point plus grande entre les parties du cerueau d'un chien ou d'un cheual, & d'un homme, que celle que l'on trouue quelquefois entre les hommes, lesquelles en certaines parcelles ne sont pas tousiours semblables. Or puisque la raison esleue l'homme d'un degré au dessus des be-

tes, & qu'elle le constituë d'une diuerse espeece: puis qu'il y a diuersité d'ames & diuersité des operations; il semble que l'ame raisonnable, pour operer selon son espeece ( si en son action propre, elle dependoit du corps ) deuroit auoir dans le cerueau, des parties differentes de celles des bestes, cōme nous voyons que nature les a façonnées diuersement, selon la varieté des facultez materielles du sentiment, du mouuement, de la vie, & de la nourriture.

Pour clorre & mettre fin à ce discours, il ne sera point hors de propos de fortifier ceste doctrine de l'histoire notable d'une Damoiselle, laquelle i'ay pensée malade de suffocations hysteriques. Dans ses accèz, qui duroient d'ordinaire plus de vingt-quatre heures sans apparence aucune de sentiment ny de mouuement, sinon de la langue & autres parties qui seruent à la parole, elle discouroit avec tant de raison, de iugement & de gentillesse d'esprit, qu'il sembloit que sa maladie luy donnast de l'entendement, & luy fust beaucoup plus liberale que la santé; pour ce qui est des fonctions de raisonner & de discou-

rir. C'est que le corps estant cōme mort lors de ceste violēce de mal, l'ame se retireroit chez elle & quasi commençoit à jouïr de ses priuileges. Puis qu'elle subsiste d'elle mesme, & que sa condition seroit meilleure, selon Aristote, si elle estoit deliée de la compagnie du corps, qui est, comme disent quelques-vns, la paralysie de l'ame; ses conceptions doivent estre plus nettes, plus subtiles & plus releuées, plus elle est esloignée des empeschemens du corps & de la matiere.

Pour mesme raison nous voyons quelquefois des malades proches de la mort & aux derniers periodes de la vie prophetiser & dire des merueilles; parce que l'ame alors quasi du tout separée & libre du gouvernement du corps, commence à auoir ses coudées franches, & jouïr plainement de la clairté de ses facultez. L'ame donc subsiste d'elle mesme, & est immortelle.

*De l'imaginatiue & des sciences qui  
luy appartiennent. Si l'imaginati-  
ue est contraire à l'entendement &  
à la memoire. De la grande scien-  
ce d'Homere, de l'eloquence d'Hip-  
pocrate, de Platon, d'Aristote, de  
Virgile, de Ciceron.*

CHAP. XXI.



I l'auteur iusques icy  
s'est mal conduit, il se  
monstre encore plus des-  
reiglé en tout ce qui re-  
ste de son Examen; de  
sorte que ien'espere pas me trouuer plu-  
stost à la fin des fautes, qu'à la fin  
du liure. Apres auoir discoursu aux cha-  
pitres precedens, contre Aristote & con-  
tre toute la Philosophie, que la diuersi-  
té des esprits depēd des temperamens:  
que chaque esprit est nay à vne certaine  
science; & que l'operation de chacune  
faculté de l'ame est totalement fondée  
sur le temperament: voicy où il com-

mence à distribuer à chaque faculté les sciences qui luy appartiennent & les loger, comme par fourrier, chacune en son quartier, à raison, dit-il, qu'estant incompatibles, elles ne peuvent pas demeurer en mesmes cellules. Ainsi les Dieux estoient diuisez durant le siege des Grecs deuant la ville de Troye. Ainsi les Platoniciens donnoient à chaque homme son propre genie. Ainsi les Alchymistes distribuent comme il leur plaist, les esprits des planetes aux esprits des mineraux.

De premier abord i'auois opinion qu'il croyoit toutes les sciences n'auoir lieu qu'en l'entendement; mais à raison que quelques-vnes reçoient plus d'aide de la phantaisie, quelques autres de l'entendement on de la memoire, pour ceste seule consideration qu'il les distribuoit ainsi diuersement. Toutefois, comme i'ay examiné de plus prés la suite de ses maximes, i'ay reconnu que son dessein est de prouuer, contre l'opinion commune, que ces trois facultez comme soeurs, ont partagé par ensemble tout le butin, & que l'entendement, auquel de droit le tout appar-

tient, ne jouït que de sa part comme les deux autres.

Ainsi donc il pourmène les arts & les sciences dans le champ du temperament, il les loge & les separe à sa volonté, & les fait battre avec tant d'inimitié, qu'elles ne se trouueroient iamais ensemble en degré eminent, n'estoit qu'il leur a permis pour gratifier son pays, de se loger ainsi en Espagne, parce qu'il iuge que ceste region porte des esprits si bien temperez, que d'auoir ensemble & bonne imaginatiue, & grand entendement, & heureuse memoire. Il n'est pas impossible, dit-il, de trouuer ce bon temperament hors la Grece, principalement en Espagne, *ny penser que es cosa impossible hallar la fuera de Grecia, maiormente en Espanna.* Il croit que l'imaginatiue & la memoire sont contraires à l'entendement & contraires encor l'une à l'autre. Apres tant de mauuais ménage, il sera besoin de faire voir que ceste nouvelle inuention fait eau de tous costez, & qu'elle merite d'estre effacée des registres de la Republique des lettres, & de la creance commune, comme estant vrayement vne paille en l'œil de Minerve.

Y.  
Chap. 14.  
260. b. Esp.  
153. b. fr.



Il dit qu'un homme d'entendement  
 ne peut estre Poëte, à raison qu'il a bon-  
 ne imagination, à laquelle appartient  
 l'art de composer. Que la Poësie est tel-  
 lement contraire à l'entendement, que  
 par le mesme moyen que quelqu'un se-  
 rendra excellent en la Poësie, il peut  
 donner congé à toutes les sciences qui  
 appartiennent à l'entendement, & mes-  
 me à la langue Latine, *2. y tambien de la*  
*lengua Latina*, pour la contrariété qui  
 est entre la bone imaginatiue & la bon-  
 ne memoire. C'est vn fait estrange, qu'il  
 faille que la Poësie soit seule en son em-  
 pire, cōme vne grande Roync, ou com-  
 me vn cheual vicieux en vne escurie à  
 part. Plinc donc a esté mal instruit &  
 mal aduisé d'auoir loüé Homere, com-  
 me la source des bons esprits, & le pre-  
 mier pere des sciences & de l'antiquité,  
*ingeniorum fontem, primūque doctinarum*  
*& antiquitatis parentem.* Alcibiades donc  
 cut tort quand il donna sur la jouë à vn  
 maistre d'eschole qui negligeoit de por-  
 ter vn Homere; & le Peintre estoit à  
 blasmer qui representa en vn tableau ce  
 Prince des Poëtes, comme deschargeāt  
 son estomach, & autour de luy grand

1.  
 Ex chap. 8.  
 Ess. 119. b.  
 fr. 69. b.

2.  
 Ex. chap. 8.  
 Ess. 118. b.  
 fr. 68. b.

nombre de Poëtes & de Philosophes, qui leschoient son vomissement, pour monstrier que tous les bons auteurs d'apres luy ont tiré de ses œuvres tout ce qu'ils ont sceu & laissé de notable à la posterité. Tant s'en faut que ceste phantasie de l'Examen soit veritable, qu'il n'y a eu vn seul Poete en toute l'antiquité, qui n'ayt esté Philosophes, ny vn seul Philosophes qui n'ayt esté Poete, sinon Socrate, peut-estre, lequel ne s'est point addonné à la Poésie, plustost par opinion que faute d'imaginatiue. Linus l'un des plus anciens & des plus renommez Poetes de la Grece, a descrit en vers la generation du monde, le cours du Soleil & de la Lune, la production des fruits & des animaux, Parmenides, Xenophanes, Lucrece ont traicté de la nature. Aratus & Manilius de l'Astrologie. Nicander de la Medecine. Hesiod & Virgile de l'Oeconomie. Tyrtaris de la Politique, & tant d'autres bons Poetes qui ont escrit doctement de l'Agriculture, & donné des preceptes de la vie rustique. Empedocles a enseigné en vers la Philosophie si doctement, qu'Aristote n'a pas voulu luy donner le nom

de Poëte. Je ne sçay si l'autheur a fait profession de Poësie ou de quelque autre science de l'imaginatiue, mais il sembleroit icy manquer fort d'entendement & de bon esprit.

Aristote qui a excellé en toutes sortes de sciences, & pour ceste raison qui a esté appellé par S. Hierosme le miracle de la nature, a esté bon Poëte, comme fait foy ce qui nous est resté de sa Poësie. Nous auons de luy les Epitaphes des Princes Grecs, dont il est fait mention en Homere : l'hymne de la santé, & l'hymne en l'honneur d'Hermias, qui ne doiuent rien aux meilleures Poësies de Pindare, selon le iugement des plus doctes ; & neantmoins sans luy la Philosophie estoit auégle ; comme l'on disoit que la Grece fust demeurée borgne, si l'on eust demoly la ville d'Athènes. C'est donc vn songe & vn mensonge de dire que la Poësie ne peut permettre avec soy aucune autre science. Je ne doute pas que la bonté de l'imaginatiue ne soit plus necessaire à certaines sciences qu'aux autres, comme aux Mathematiques, à la Poësie & à la peinture, d'autant que pour tout cela il est be-

soin que l'esprit fournisse promptement, nettement, & avec quelque vivacité les images de la phantasie, afin que l'entendement s'en serve plus habilement, selon les preceptes. Mais que les Mathématiques, la Poësie, & l'art de la peinture soyent habitudes de l'imaginatiue, c'est vne fausseté insupportable, comme ie feray voir cy après.

C'est vne maniere de larcin de donner à ceste faculté ce qui n'appartient qu'à l'entendement; comme les oeuvres admirables de certains Poëtes, pour exemple, l'Enéide de Virgile, qui est vn oeuvre incomparable, le chef d'oeuvre de la Poësie, & de dernier effort des Muses. Ce diuin ouurage entre autres, a esté conduit avec tant d'industrie, de science, de prudence, & de iugement, qu'il n'y a homme sage & de bon esprit, qui ne blasme ce dessein de le vouloir rapporter à l'imaginatiue. Ceux qui connoissent Homere & Virgile, scauent combien ils ont excellé en l'Astrologie, en la Poësie, & en l'Eloquence, & en toutes les parties de la Philosophie, que l'on peut dire d'eux iustement, qu'ils ont esté scauans en toutes sortes de sciences, quoy que l'Examen les declare in-

capables de tout. Si l'on veut exactement considerer en Homere la description des blessures d'Hector & du Cyclope, l'on iugera qu'il estoit sçauant en l'anatomie. L'on disoit d'Empedocles qu'il estoit excellent Orateur, Poëte, Medecin & Philosophe. Eudoxus eut l'honneur en son temps d'auoir esté extrêmement sçauant aux Mathematiques, en Philosophie sous Platon, docte Medecin, & tres-sage Legislateur. Epaminondas, au rapport de Plutarque, estoit tres-sçauant, tres-vaillant, tres-accort, & tres-homme de bien. Pline tesmoigne de Caton, qu'il estoit *optimus Orator, optimus Imperator, optimus Senator*. Et nostre Examen qui veut que nos esprits soyent liez à certaines sciences, publie hautement, comme s'il disoit vray, que les sciences & les professions sont incompatibles, & que le Poëte doit estre nud de toute autre habileté, comme vn soldat habillé à la legere, avec l'espée & la cape.

Encore pour auoir dit que la Theologie & la Philosophie sont incompatibles avec la Poësie; c'est vne faute qui n'est pas si grande, qu'elle ne puisse estre

parée de quelque excuse; car il a pour  
 pleige le Philosophe Zenon, l'autorité  
 duquel le met aucunement à couuert  
 de ce costé là: Ce sage dit, qu'il n'y a rien  
 qui empesche tant de comprendre les  
 autres sciences que la Poësie, *μηδὲν εἶναι  
 τῆς ποιήσεως ἀλλοτρίωτερον τοῦς καὶ εἰς  
 τὰς τῶν ὁπσιμῶν;* encore que cela doive  
 estre pris d'un autre sens. Mais quand il  
 adioust que pour apprendre la Poësie,  
 il faut dire adieu à l'Eloquence, & de  
 cela il ne donne autre raison que l'ini-  
 mitié qui est entre la phantasie & la me-  
 moire, il se trompe, & abuse de la bon-  
 té de son iugement. Macrobe dit de  
 Virgile qu'il n'estoit pas moins Orateur  
 que Poëte, & qu'il estoit à preferer à  
 Cicéron, lequel mesme l'auoit en ad-  
 miration, à raison de son erudition, &  
 de son elegance. L'on tient qu'il sca-  
 uoit imiter tous les styles des meilleurs  
 Orateurs de la Grèce & de l'Italie.  
 L'Empereur Auguste trouua tât de gra-  
 ce & tant d'ornement en son eloquen-  
 ce, que pour vingt & vn vers qui luy fu-  
 rent prononcez, il luy fit vn don de  
 vingt cinq mille escus. Je croy si l'elo-  
 quence de ce Poëte estoit desployée en  
 prose,

prose, & desliée des loix & des mesures de la Poësie; qu'elle paroistroit plus pleine, plus floride, & plus relenée que celle de Cicéron. Aussi Quintilien est tesmoin que de son temps la gloire de Cicéron estoit moins en credit que de Virgile. *Plures hodie reperiés, dit-il, qui Ciceronis gloriam quam Virgilij detrectent.* Mais outre tout cela, quelle raison à ce qu'il dit, que l'imaginatiue & la memoire sont contraires, veu que la memoire depend de l'imaginatiue & qu'elles ne different quasi que de plus & de moins. Tontefois nous vüderons ceste dispute cy apres.

10 Tout ainsi qu'il refuse l'eloquence à la Poësie, il la dénie encore à la Medecine, à la Philosophie & à la Theologie scholastique. Il blasme le style d'Hypocrate, & tient qu'il estoit ignorant de la propriété des dictions; qu'il ordonne mal ses sentées, & que ses raisons n'ont point de raison, & prouue cela par vne epistre de luy à Damagete, touchât Artaxerxes Roy des Perses. C'est traicter trop indignemēt cet oracle, qui a tousiours esté en tres-grand credit entre les habiles hommes de toutes sortes de

1.  
Lib. de Oratorij.

2.  
Chap. 8.  
9. pag. 74.  
75. 76. 77.

professions. Eratosthenes au contraire de ce hergneux examinateur, dit d'Hippocrate qu'il imitoit Homere en sa façon d'escrire, & qu'il estoit prompt & heureux à former & trouver des mots propres pour exprimer ce qu'il auoit en l'esprit, ἀνὰ ἀπαντὰς τὰς φράσις ἡ ὀνομαστοποιήσιν ἐνδεής. Il est vray qu'il est brief & concis & obscur aussi pour ceste occasion, mais d'ailleurs il a tant d'emphase & de maicsté en ses escrits, que non seulement les dictions, comme remarque Galien, mais les syllabes portent quelque signification. Puis qu'il s'estoit proposé d'establir les principes de la Medecine, il eust mal fait de n'estaler que des paroles. En sa maniere d'escrire graue & pressée il a tellement mis tout à profit, qu'il n'y a rien d'inutile, autant de dictions, autant de conceptions, τὰ πάντα ταῖς νόμῳ ταῖς. Cornelius Celsus que l'on nomme l'Hippocrate Latin, parce qu'il estoit fort versé en la diction d'Hippocrate, rend tesmoignage de luy, qu'il estoit remarquable, tant à raison de son art que de son eloquence, *vir & arte & facundia insignis*. Puisque tant de personnages celebres sont pieges solua-



bles de l'eloquẽce de ce venerable vieillard, delions nous leur manquer de party, pour suture cẽ Examinateur nouveau, qui n'a rien oubliẽ à examiner que ses folles conceptions, & l'insuffisance de ses maximes? Quitter le party, dis-je, de graues auteurs, deux desquels estoient Grecs de nation, & partant capables de bien inger de l'eloquence d'Hippocrate, pour adiouster foy à cẽ homme, qui s'excuse d'auoir escript son liure en l'ague Espagnole, parce qu'il la scait mieux que toute autre. *Por saber mejor esta lengua que otra ninguna?* Cẽ qu'il dit de l'ẽpistre à Damagete, montre bien le peu de cognoissance qu'il a des liures legitimes d'Hippocrate, vẽu que toutes les ẽpistres qui ont cours sous son nom sont supposẽes. Les plus iudicieux Medecins & autres, qui ont faict mention de cela tiennent qu'elles furent publiẽes avec autres ẽcrits, sous le nom d'Hippocrate, pour en tirer plus grade somme d'argent, lors que Ptolomẽe faisoit recherche des meilleurs liures pour sa bibliotheque d'Alexandrie. L'on peut bien cognoistre le stile d'Hippocrate aucunement sec &

1.  
Lib de elo-  
cutione.

aride, qui est vn vice en la composition, quand les sentences sont trop souuent entrecouppees, dit Demetrius, ὅταν πικρὰ ᾖ τοὶ λόγισματα. Car il apporte là pour exemple le premier Aphorisme d'Hippocrate, ὁ βίος βραχύς, &c. *vita brevis, ars longa*. Mais il est excusable pour plusieurs raisons, comme pour auoir voulu comprendre beaucoup en peu de paroles, afin d'establir les principes de son art. Ceste briefueté a rendu son style plus rude, & entrecoupé, que s'il l'eust estendu dauantage, comme a fait Galien depuis luy, ou s'il eust voulu y mesler des paroles inutiles pour donner plus de liaison à ses periodes. D'ailleurs ses Aphorismes sont comme des loix & des Edits, qui ne pouuoient pas estre escrits de meilleure ancre. Et ceste façon d'escrire estoit pour lors en credit, nommément entre les sages de certaines prouinces de la Grece, ou ils auoient de coustume d'enseigner la Philosophie, non avec de longs destours de paroles hors de propos, & de peu de fruit; mais par vne briefueté de sentences.

2.  
In Protagora.

πλὴν σοφίας τότε, dit Platon, ἔμαχρον ἔστι διαζωδικαῖς λόγοις ἀλλὰ βραχέσι

μαλλον ἢ συντόμοις ἐπιφωνήμασιν διδά-  
σκειν. Hippocrate donc a choisy ceste

maniere d'escrire, comme la meilleure,  
& Galien dit qu'il s'est rendu obscur à  
cause de ceste briefueté, Ἀγ' ἴτω βεβί-  
χυλογία, appetée & prisee encor de pre-  
sent entre les plus iudicieux Eseruiains.

On se mocque de ceux-là qui espandent  
des paroles inutilement : mais de vou-  
loir persuader que pour estre bref & cō-  
cis l'eloquence se perde, & que le bien  
dire ne consiste qu'à faire du bruit, avec  
beaucoup de discours & peu de suier,  
comme il semble que ce soit l'aduis de  
l'Examen, lors qu'il compare impru-  
demment Hippocrate à Erasme. C'est  
se tromper de tout le Ciel, & s'exposer  
à la risée des hommes de iugement. L'elo-  
quēce en prose pour lors entre les Grecs  
estoit encore en son enfance, veu que  
Pherecides precepteur de Pythagoras,  
peu de temps avant Hippocrate, auoit  
donné commencement à ceste maniere  
d'escrire.

Pour prouuer donc que l'eloquence  
ne s'allie jamais avec la Medecine, ce  
n'est pas assez de mettre en ieux le style  
d'Hippocrate ; il falloit de plus faire

1.  
Cap. 9. lib.  
9. method.  
med.

voir par viues raisons, que Sporanus, Ruffus Medecia d'Ephese, Arctæus, Galien, Oribase & autres lumieres de la Medecine en la Grece, n'ont rien cognu en ceste profession de l'eloquence. Il s'est contenté d'un seul exemple, comme l'on trompe souuent par un peu de poussiere que l'on iette aux yeux, *pulueris exigui iactu*. Il auoit veu, peut-estre, que ce manquemet est ordinaire en son pays, où raremēt les hommes sont veus en credit pour l'eloquence Latine; car il confesse luy-mesme qu'elle est contraire aux Espagnols, *La lingua Latina repugnante al ingenno de los Espagnoles*. Lipse escriuant à un sien amy fait mention d'un Medecin Espagnol prisonnier à la Haye, homme sçauant qui parloit bien Latin (chose rare & notable en un Espagnol, dit-il) & non ignorāt de la Poësie. *Captiuum Haic Hispanum Doctorem Medicum esse, virum literatum, mirare in Hispano Latine disertum, carminis etiam pangendi non ignarum*. Mais c'est vne impertinence de vouloir mesurer tout le reste du monde au pied de l'Espagne. S'il eust cognu en nostre Frâce, & il eust esté capable de comprendre en quel degré plu-

I.  
Ex. chap. 8.  
Esp. 125. a.  
fr. 2. b.

Epistola  
62. cent. 1.

ficurs ont esté tres-doctes & tres-eloquës Medecins, ie croy que le desir de desauouer son liure eust esté plus fort que l'ambition qu'il a eüe de le mettre au iour. Iules Scaliger, Fernel, Duret, Riolan, Dulaurës, & autres ont esté des plus sçauans Medecins de nostre siecle, fort eloquens neantmoins en la langue Latine, & tres sçauans en la Grecque.

Pour passer à la Philosophie apres la Medecine, & monstrier aussi qu'elle ne peut s'accorder avec l'eloquence, il dit que Platon a vn mauuais style, brief, rude, obscur, & mal ordonné : De sorte qu'il ne faut plus trouuer tant estrange, s'il a blasmé celuy d'Hippocrate. Tous ceux qui ont esté contraires à Platon, ou qui n'ont point approuué sa maniere de philosopher ont esté cōtraints de louer son eloquence, & cestui-cy qui le loue par tout ailleurs, declame cōtre son style, & blasme sa façon d'escrire, parcequ'il a iugé estre necessaire de contrepointer par tout la verité, pour establir la fausseté de son opinion. Quand il veut oster l'eloquence à ce Philosophe, ie me represente vn Pigmée, qui presume de combattre Hercules, & de

force luy arracher sa massüe. C'est accuser l'eloquence de barbarie. Quand Socrate, auant que Platon eust entré en son eschole, pour estre de ses disciples, eut en songe qu'un petit Cigne estoit venu se ietter entre ses bras, & apres s'estre là enrichy d'ailes & de plumes, qu'il prit son vol vers le Ciel, où il rendit vne tres-douce melodie. Quand Epicharmus predict que Platon apres luy apporteroit un grand lustre à sa Philosophie, n'estoient-ce point des tesmoignages exprés de son eloquence? Son style, dit l'Examen, estoit rude; & neantmoins lors qu'il estoit encore enfant, un essain de mouches à miel vint s'asseoir sur ses lèvres, pour presage de la grande douceur qui deuoit estre en ses paroles, & de la grace que nous voyons en ses escrits. On ne voit riē tant rebatu dans les bons auteurs, que le propos de la douceur, des graces, du nectar, des fleurs, & des peintures de Platon: de sorte que l'on a dit iusques là, que si Iupiter, ou les Muses, ou la Nature vouloient parler Gree, qu'elles parleroient comme Platon. Cicéron entre autres est de cēt aduis, comme tesmoigne mesme l'Examen; mais

*Sedere in  
ore infan-  
tis tū etiā  
Platonis,  
suauitatē  
illam per-  
dulcis elo-  
qui por-  
tendentes.  
Plin. cap.  
22. lib. 11.  
natur. hist.*

ce qu'il cite de luy n'est employé qu'à la marge, pour monstrier seulement qu'il fait gloire de se contredire. Dauantage il blasme sans raison la briefueté de son style: car au contraire il s'estend & se dilate en ses discours, comme requiert la nature du dialogue: de maniere que Quintilian grand-maistre en ceste science, pour louer le bien-dire de Cicéron, dit qu'il a imité la vehemēce de Demosthene, l'abondance de Platon, & la douceur d'Isocrate. Au lieu donc de suiure l'Examen, croyons avec les Sages, que Platon a esté vn Philosophe tres-eloquent, & disons avec Theodoret qu'il estoit le plus disert de tous les Grecs, & qu'il a obscurcy la gloire de tous les Philosophes ses deuanciers, par la douceur de son eloquence, τῇ εὐστομίᾳ, τῇ εὐεπείᾳ, τῇ εὐσλωπείᾳ.

Il accuse encore Aristote de ce mesme defect, pour auoir veu, comme ie croy, que le style dont il vse, est vn style d'eschole & didactique, & autre que celui de Demosthene en ses harangues. C'est abuser du bon temperament d'Espagne. Il estoit impossible de mieux dire, en traittāt les questions épineuses de

la Philosophie. Demosthene se fust  
monstré plus rude, s'il eut entrepris ce  
mesme suiet; & Aristote, peut-estre,  
plus eloquent que Demosthene, s'il se  
fust addonné à l'eloquence du bar-  
reau. Ciceron disoit que le style d'A-  
ristote estoit vn fleuve d'or coulant;  
& Antipater qu'entre les graces qui  
estoient en ce Philosophe, ceste-là luy  
estoit souveraine de persuader ce qu'il  
vouloit, pour monstrier la force & la  
douceur de son bien-dire: l'on cognoi-  
stra tout cela à la lecture de ses œuvres,  
& en abrégé en l'Epistre qu'il escri-  
uit à Alexandre, sur le suiet de la publi-  
cation de ses liures, ou en peu de lignes,  
comme dit Aulugelle, il monstre le fil  
tres delié d'une briefueté tres-elegante,  
*brevitatis elegantissima filum tenuissimum.*  
Si l'auteur de l'Examen eust bien exa-  
miné les œuvres des Philosophes Grecs  
il eust trouvé, que non seulement Hip-  
pocrate, Platon, & Aristote ont esté  
tres-eloquens en leurs escrits, mais aussi  
Xenophon, Theophraste, Theopom-  
pus, Themistius, & tous generalement  
louïables en l'une & en l'autre profession.  
Pourquoy il me semble, comme ie voy,

i.  
*Apud Plu-  
tarchum  
in Vita  
Ciceronis.*

*Cap. 4. lib.  
20. not.  
Atticar.*



l'auteur de l'Examen prandre ainsi toutes choses au rebours & à contre-poil, & en discourir contre la verité receüe de tous temps & contre le témoignage des Sages, qu'il faut de necessité qu'il ayt eu l'esprit aux talons, *vous en tais & repais*, contrel'ordinaite des autres hommes; ou qu'il n'ait iamais leu les auteurs Grecs en leur langue.

---

*Pourquoy les Theologiens Scholastiques & les Philosophes ne se monstrent point eloquens en leurs escrits.*

CHAP. XXII.

**L'**AVTHEVR de l'Examen eust eu plus de raison, s'il se fust contenté de l'exemple des Theologiens & des Philosophes de cec temps; comme d'Albert le grand, de saint Thomas, d'Antonin, de Scor, de Durand, de Caietan, & d'autres celebres Docteurs, qui ont, dit-il, esté sub-

tils, mais escrit leurs œuvres en gros Latin, à raison de leur pauvre mémoire: car comme il a voulu mettre en bute les anciens Grecs, il s'est trôpé du tout, où icy il ne s'abuse que de moitié. Il est certain que leurs escrits sont couchez d'un style assez rude; mais quand il attribue ce défaut au manquement de leur mémoire, il se montre luy mesme defectueux, en ce qu'il manque de raison & de iugement.

Il n'est pas croyable que ces grands hommes, pour exemple, saint Thomas, ayt peu mettre en lumière tant de volumes, proposé & vuidé tant de questions, décidé tant de matieres difficiles, donné tant de distinctions, de solutions, de responses, allegué tant de textes en ses escrits & en ses disputes ordinaires; & qu'il n'ayt pas eu assez de mémoire pour arranger des dictiōs, & donner quelque ornement à ses escrits, s'il eust voulu en prendre la peine. Il n'y a point tant de difficulté à parler Latin, c'est à dire, à tenir vn style mediocre ou vn peu releué, que ce saint homme n'y fust parvenu, s'il eust iugé cela necessaire. Mais l'eloquence perd son lustre, &

n'est point eloquēce, si elle ne conuient  
& aux suiets que l'on entreprend, & aux  
personnes. Quand il s'agit des sainctes  
lettres & de la religion, on ne regarde  
pastant à l'ornement, qu'à l'vtilité des  
escrits ou des paroles. Tous ces Do-  
cteurs de l'Eglise de propos deliberé  
ont vsé d'un style bas & vulgaire, quoy  
qu'ils ayent peu se seruir d'une maniere  
d'escrire plus riche & plus polie. C'est  
ce que dit Arnobius contre les Gentils,  
qui reprochoiēt cela mesme aux Chre-  
stiens anciennement. *Nunquam, dit-il,  
veritas sectata est fucum. Scimus quosdam  
sapientia deditos non tantum abiecisse sermo-  
nis cultum, verum etiam cum possent orna-  
tius & vberius eloqui, triuiale studio hu-  
militatem sequutos.* Ils negligent le beau  
langage comme superflu & nullement  
nécessaire, pour les matieres qu'ils trai-  
ctent. Il n'est pas tant besoin de s'estu-  
dier aux paroles, quand on ne fait pro-  
fessiō que d'enseigner ce qui est de Dieu  
& de la verité, la simplicité de laquelle  
toute nuë sert de Rhetorique. Volon-  
tiers vn mauuais dessein est caché sous  
belles paroles; pourquoy il est mieux de  
repræsenter simplement la verité, & sans

affeterie, comme Asclepiodorus anciennemēt peignoit sans varieté de couleurs. Les discours de la pieté & de la vertu n'ont que faire des ornemens, de l'éloquence; & tous ceux qui font plus d'estat du fruit que des fleurs, qui ayment mieux porter les Muses dedans l'ame que sur les lèvres seulemēt, & qui ont l'esprit à bien faire plus qu'à bien dire, ne mettent pas toute leur affection aux belles paroles. Les saints personnages ne se soucient gueres, s'ils ont faute d'éloquence, pourueu que la vertu, la science, la prudēce ne leur manquent point. Car comme les fards, les parfums, les vestemēs superflus sont mieux seants à vne Courtisane, qu'à vne honneste Mere de famille; de mesme l'éloquence convient mieux à vn Orateur pour desguiser vne mauuaise cause, qu'à vn Philosophie ou à vn Docteur Religieux qui ne plaide que par raisons & argumens necessaires. Ces dictions choisies, ces peintures de Rethorique, ces periodes, & ces cadences mesurées luy desplaisent, qui sont comme le vermillon, le sublimé, & la ceruse, dōt on se sert pour cresser le visage d'vne desbauchée.

Demetrius dit vne histoire notable à ce propos de certains Escriuains, selon que Theopompus luy en auoit fait le recit. Ils estoient deuenus, dit il, comme hors du sens, pour auoir commencé à traduire quelques textes Hebraïques de l'Eseriture sainte avec les ornemens de la langue Grecque : & apres auoir prié Dieu d'affection de leur reueler la cause de cét accident, ils furent aduertis en songe, que ce mal leur estoit suruenu, pour auoir souillé ce qui estoit diuin par vn desguisement de paroles. Socrate n'approuua point l'oraison que prononça Lyfias pour sa deffence, quoy qu'il la iugeast bien faicte, d'autât qu'elle tenoit plus de l'air & de l'exercice du Barreau, qu'il n'estoit bien-seant pour le soustien d'un Philosophe. Lyfias luy demanda pourquoy elle n'estoit pas à son gré, puis qu'il la trouuoit bien faicte. C'est, dit Socrate, comme vn habillement lequel vous sembleroit bien fait & de bonne grace, & neantmoins ne meseroit pas propre. καλὸς ὁ λόγος, ὡς ἄνθρωπος, ὁ μὲν ἀρμότων ἐμοί.

Si donc les Theologiens & les Philosophes sont veus mal polis & rudes en

1.  
Apud Eu-  
sebiū lib.  
8. prepar.  
Euangel.

2.  
Apud La-  
ertium in  
Socrate.

leurs escrits, cela n'est pas, comme croit l'Examen, faute d'imaginatiue ou de memoire, mais faute de volonté: car comme ils se sont veus en possession de la science de bien viure, qui est la Royne & la Maistresse des autres, ils ont mesprisés les seruantes, au contraire des amoureux de Penelope. Puis il est besoin bien'souuent, quand il est question de rendre raison des causes & des effects de la nature; ou d'expliquer des textes difficiles, ou de faire entendre les mysteres de la religion; qu'il s'y coule des mots plus vtiles & necessaires, que de bonne odeur au nez d'un scrupuleux Grammairien: pour exemple, ces termes de l'eschole, *entitas, realitas, indiuiduatio, formalitas, essentia, transsubstantiatio, combinatio, cocomitantia*, & autres semblables, auxquels on a donné le droit de bourgeoisie, parce qu'ils sont vtiles pour la science.

Ce n'est pas qu'il faille approuuer un style maussade, & tellement barbare, que les lecteurs puissent en estre degoustez: car comme il est meslant à vne Dame quand elle se neglige, & le mespris qu'elle faict d'elle mesme apporte  
du

du dechet à sa beauté; de mesme il y a peu de plaisir à voir vn Philosophe mal propre en ses escrits & tout descousu. Puisque l'on blasme & l'affeterie, & la rudesse maussade des paroles, il faut tenir le milieu entre ces deux, & faire estat sur tout de la pureté, del'honnesteté & de la simplicité du langage. *Oratio non lecta sit, sed nec neglecta.*

---

*Des langues en general. Si elles sont de l'institution de la nature. De la langue Latine. Si l'on peut parler Latin sans l'auoir appris.*

CHAP. XXIII.

**E**T Autheur ressemble à certains criminels, lesquels interrogez en iustice, vacillent, sont trouuez variables en leurs parolès, & en fin s'accusent eux-mesmes, à raison qu'ils sont coupables, & que la verité est plus forte que le mensonge. Qu'il soit coupable, il ap-

pert par la lecture de son liure: mais lorsqu'il veut se defendre de cela, dont on le peut accuser, il a tant de peine à trouver des refuites, & il s'envelope de tant de contradictions, qu'il ne peut en fin euiter la condamnation. Cela est apparent, lors principalement qu'il discourt des langues, nommément de la Latine, où il remet ceste vieille dispute sur le bureau, si les langues sont de l'invention des hommes, ou de l'institution de la nature: car il monstre là tant d'inconstance en ses propos, qu'il est impossible d'asseoir aucun iugement en tout ce qu'il dit.

Au Chapitre huitiesme de son Exa-

men<sup>1.</sup> il tient que les lāgues sont de l'in-  
*Essagn. pag. 113. b.* uention des hommes, sans autres prin-  
 cipales naturels, & en ce mesme lieu,  
*Sin auer en ello* qu'elles dependent du plaisir & de la vo-  
*mas my-* lonté de ceux qui les ont inuentées, sans  
*sterio ny principio* aucun fondement en la nature, *Sin te-*  
*naturales.* *ner fundamento en natura-lexa.* Et neant-  
<sup>2.</sup> moins ne se souuenant plus de ceste pre-  
*Ibid. pag. 125. b. Esp.* miere opiniō, qui est d'Aristote; il croit  
*72. b. Frac.* ailleurs que celle de Platon est plus ve-  
 ritable, & qu'il y a des noms propres,  
 qui signifient les choses naturellement,



*Que naturellement signifiquent les cosas.* Et <sup>1.</sup>  
 au quatriesme Chapitre, qu'il y a vn <sup>ibid. ch. 8.</sup>  
 esprit propre & particulier pour in- <sup>pag. 128. b.</sup>  
 uenter les langues, & qu'il se trouue <sup>Esp. 74. b.</sup>  
 vne grãde consonance entre l'ame rai- <sup>75. a. ff.</sup>  
 sonnable & la langue Latine; De sorte  
 que l'ame se rencontrant avec le tem-  
 perament necessaire pour inuēter vne  
 langue fort elegante, elle trouue in-  
 continēt la Latine, avec laquelle elle  
 se plaist. Pour ceste raison, que quel-  
 ques <sup>philosophes</sup> Philosophes ont parlé Latin,  
 sans l'auoir appris, *Sin auerlo en sani-*  
*dad apprendido.* Il adioust encore que <sup>2.</sup>  
 deux inuenteurs de langues peūent <sup>Exa. Esp.</sup>  
 se rencontrer en mesmes vocables ou <sup>36. a. fr. 29.</sup>  
 nōs d'une mesme chose, si tous deux  
 ont vne mesme habileté, & vn mesme  
 esprit; c'est à dire, selon les preceptes  
 de la cabale, vn mesme degré de tem-  
 peramēt. Si Dieu, dit-il, au commen-  
 cement du monde eust créé encore vn  
 autre homme avec Adam, ils eussent  
 donné vn mesme nom à chaque cho-  
 se lors de l'imposition des noms.

Tout cela n'est-ce pas tenir ouuerte-  
 temēt le party de ceux qui opiniaſtrent  
 que les langues sont naturelles? si la lan-

i.  
*Exam. Esp.*  
 36. a.

gue Latine suit, comme il dit, le temperament sans instruction, *1 Sin auerlo apprendido*; est-elle point du tout de l'institution de la nature, laquelle, selon luy-mesme, n'est autre chose que le temperament? Platon & les Stoïciens donnoient cela à la nature: Aristote au contraire à l'institution des hommes: mais nostre Examinatent, pour ne blesser ny l'un ny l'autre, & n'estre contraire qu'à luy-mesme, a mieux aimé tenir l'un & l'autre party. C'est neantmoins vne inconstance & vne legereté indigne de son bel esprit.

L'opinion de Platon, que les noms sont naturels, peut estre fortifiée de raisons & de tesmoignages. Nous lisons dans la Genese, qu'Adam appella tous les animaux par leurs propres noms, ils auoient dōc leurs noms naturellement. Plusieurs phrenetiques, dit l'Examen, ont parlé Latin sans l'auoir appris, & les histoires font foy que quelques enfans ont parlé, non dans le ventre de la mere, comme croit nostre auteur; *1 estando en el vientre de su madre*; mais incontinent apres estre nez, comme le fils de Croesus, & vn autre fils de Roy, duquel fait

i.  
*Exam. ch.*  
 4. *Esp. pag.*  
 58. a. fr. 30.  
 b.

mention<sup>1.</sup> Aben Ragel, lequel parla dès les premiers iours de son age, & predict le malheur qui arriva depuis à son pere, & la ruine de son Estat. Platon neant-moins n'entēd pas que tous noms soyēt propres, ny que toutes langues soyent naturelles, mais celle-là que parlent les Dieux. Les autres disent l'Hebraïque, qui est la premiere lāgue. De sorte qu'ils ont eu opinion, si vn enfant estoit nourry hors de toute communication de parole, qu'il se formeroit naturellement à la langue Hebraïque. Aucuns ont dit la Phrygienne, & qu'un enfant, qui fust longtemps ainsi entretenu, prononça de son propre instinct ceste diction, *beecos*, qui signifie pain en langue Phrygienne.

<sup>1.</sup> Il estoit âgé de sept mois. *Aug. lugelle dit Adolefcens. faut lire Hero-dote. liv. 1.*

<sup>2.</sup> *Lib. de iur. dic. Astro-nomica.*

Il me semble neantmoins, que tout cela ne prouve rien necessairement. Quand le premier homme nomma les animaux par leurs propres noms, c'est à dire, selon leurs proprietéz, il falloit que les noms des proprietéz fussent primitifs, c'est à dire, donnez de Dieu premierement, ou du premier homme; comme nous voyons que cela a lieu encores en toutes sortes de langues, qui

ont certains noms primitifs dont l'origine nous est incognüe; & d'autres deriuez, qui sont comme extraicts tirez de ces premieres fouches. Pour exemple, supposé que ceste dictiō Grecque  $\varphi\omega\upsilon\eta$ , qui signifie voix, ayt esté deriuée & composée de ces deux autres primitiues,  $\varphi\omega\varsigma$  &  $\nu\omicron\varsigma$ , parce que la voix est comme la lumiere & le truchemēt de l'ame, selon Aristote mesme, qui dit que les affections de la voix sont marques des affections de l'ame,  $\tau\alpha\ \epsilon\upsilon\ \tau\eta\ \varphi\omega\upsilon\eta\ \tau\omega\upsilon\epsilon\upsilon\ \tau\eta\ \psi\upsilon\chi\eta\ \pi\alpha\theta\eta\mu\acute{\alpha}\tau\omega\upsilon\ \sigma\upsilon\mu\beta\omicron\lambda\alpha$ . Les deux noms primitifs peuuent auoir esté inuentez à plaisir, &  $\varphi\omega\upsilon\eta$  le nom deriué avec dessein, eu esgard à la propriété de la voix. Les Latins nomment le pain, *Panis*, qui peut estre deriué de cēt autre *Panus*, qui signifie vne plote, à raison que la paste est diuisée en morceaux pour en faire le pain. *Panus* peut estre la diction primitive imposée sans rapport à aucune propriété. Les François appellent Pilote vn Maistre de Nauire, de ce vicil mot, Pile, qui signifie vn Nauire, & n'est plus en vsage, sinon entre les enfans, qui ioüent à croix & à pile, avec vn getton<sup>1</sup> marqué d'vne croix d'vn co-

1.  
*Plato in  
 Cratyllo.*

2.  
*Lib. de in-  
 terpresen-  
 tione.*

été & d'un nauiue de l'autre. Pile donc  
 peut estre le mot originaire, inuenté  
 sans aucune consideration.

*Lors d'un  
 Paganisme la mar-  
 que estoit  
 d'un costé  
 d'un ianus,  
 & de l'autre  
 d'un nauiue.*

Quât à ce qu'il dit, que quelques phrenetiques ont parlé Latin sans l'auoir appris, à raison du temperament: c'est encore vne proposition qui ay de à la perte de sa cause. Car si la cognoissance des langues, comme il dit, appartient à la memoire, & ceste faculté, selon ses maximes aussi, depend du temperament humide, comment sera t'il possible que les phrenetiques, qui ont le cerueau malade d'intēperie chaude & seiché soyent habiles à parler Latin, & en la cognoissance des langues, sans apprentissage? il n'est point au pouuoir de la nature, qu'un phrenetique parle Latin, ny aucune autre langue, s'il n'en a eu auparauant quelque sorte de cognoissance: car ce que l'on dit des enfans qui ont parlé, est du tout faux, ou il en faut referer la cause à Dieu, ou à la collusion des demons. Nous ne pouuons dire que ce que nous auôs en l'ame: les enfans nouveau nez donc, qui n'ont encore ny l'usage de la raison, ny cognoissance, ny experience, ne peuuent pas prononcer

aucune parole; tât s'en faut qu'ils soyent capables de continuer vne suite de discours bien lié & significatif.

L'esprit de l'homme au commencement de la vie est cōme vne carte blanche, ou vne table d'attente nuë de toutes peintures; mais disposée à recevoir toutes sortes de peintures; & en quelque âge que nous soyons, si nous n'avons conuersé avec les autres hommes, pour auoir esté enfermez en lieu hors de toute communicatiō de parole, selon l'hypothese d'Arnobius, nous serons, sans doute en fin de remps muets, comme poissons, & plus stupides qu'un rocher, *omni pecore, ligno, saxo hebetiores*, & sans cognoissance d'aucune langue, Phrygienne ou autre, quelques fables que l'on ait apporté au contraire.

Si quelque langue estoit naturelle, comme il semble que ce soit la Latine, selon l'Examen; la langue des Dieux, selon Platon; celle des Hebreux, selon les Cabalistes; ou le bas Allemand, selon Goropius; nous scaurions ceste-là naturellement, & la parlerions sans l'auoir apprise, ce qui n'est point toutes-fois; il faut donc reietter ceste opinion

comme nulle. La nature a mieux faict de nous auoir priué de toutes, sans inclination particuliere à aucune, afin que nous fussions plus capables de les appréhendre & de les parler toutes. Pour pouoir parler, deux parties du corps nous sont nécessaires, l'oreille pour l'apprentissage, qui doit preceder; & la langue pour la prolation. L'oreille, car puisque les noms des choses ne sont point imprimez naturellement en nos esprits, *φύσει τῶν ὀνομάτων ἔδειχ' ἔστι*, dit Aristote, il faut que nous les apprenions, & qu'ils nous entrent en l'ame par les sens de l'ouïe: pourquoy le Philosophe disoit fort bien encore, & selon l'expérience ordinaire, que ceux qui sont sourds naturellement, sont muets aussi de nécessité. La langue, parce qu'elle est l'archet de la parole. Les enfans ne parlent point, à raison qu'ils sont encore impuissans de la langue, *ὅτι ἐγκρατὴ τῆς γλώττης*, & qu'ils n'ont point encore en l'ame la parole interieure. Les paroles ne peuvent estre en la langue, qu'elles n'ayent esté en l'ame; ny en l'ame, que premierement elles n'y soyent entrées par les oreilles.

1.  
*Cap. 2. lib. de interpretatione*

2.  
*Cap. 9. lib. 4. histor. animal. ὅσοι χρονοὶ ἐκ γένους πάντες ἐννοεῖται*  
104.

Il n'est donc pas possible, qu'un enfant incontinent apres estre né ayt l'usage de la parole: pourquoy nous deuons tenir pour prodiges toutes ces histoires d'enfans qui ont parlé auant le temps, & de certaines bestes aussi qui ont faict le semblable: mais ce que l'on dit, qu'elles ont entre elles quelque sorte de langage entendu anciennement, par Apollonius Thyaneus & par les Arabes, apres auoir mangé le cœur ou le foye d'un dragon. C'est vne resuerie qui n'est bonne que pour entretenir des esprits debiles. Apollonius a esté vn imposteur, & imposteurs ceux-là qui ont escrit son histoire.

L'Examen porte que l'ame raisonnable a vne grande conuenance avec la langue Latine, & que l'ame trouuât vn corps bien temperé, la langue Latine luy vient aussi tost à la rencontre. Qui a dit tout cela à nostre Examineur? en quelle eschole peut-il auoir appris vne ignorance si hardie? Si l'ame raisonnable est immatérielle, comme i'ay prouué cy-deuant, elle n'a que faire du temperament: mais sans auoir esgard à cela, par quel moyen le temperament peut



il mesnager ceste alliance entre l'ame & la langue Latine? ie ne puis comprendre pourquoy ceste langue plustost qu'une autre s'accômoderoit plustost à vn certain temperamēt; veu que nous voyons des hommes de toutes sortes de temperamens, de toutes tailles, de toutes habitudes bien parler Latin; mais iamais sans l'auoir appris que par vne longue estude. Je croy qu'il n'y a rien qui l'ayt poussé à publier ceste vaine imagination, que le parler Latin des phrenetiques sans instruction: mais, comme i'ay dit, outre que cela ne peut estre faict naturellement, on ne trouuera point que les phrenetiques parlent plustost Latin qu'Italian, ou vne autre langue. Anciennement au Temple de Delphes, la Prestresse en son enthousiasme ne rendoit point ses responcees en Latin, mais tousiours en Grec. *Nunquam*, dit Ciceron, *Apollo Latinè locutus est.* Ils disēt qu'un fol de la ville de Spolete parloit fort bien Allemand, sans l'auoir appris. Fernel fait mētion d'un autre qui parloit Grec, Vne fille de la Toscane en Italie, simple & qui n'auoit iamais vsé d'autre maniere de parler que de son pays, estant de-

x.  
*Erasme.*

uenüe possédée, se disoit auoir l'esprit de Virgile, & s'efforçoit à tous propos de parler le Mantoüan. C'est donc vn abus de mettre en auant ceste affinité de l'ame & de la langue Latine.

Il dit que la langue Latine a vne grace en la prolotion, que n'ont point toutes les autres langues, parce que leurs inuenteurs ont esté barbares. Voila vne gentillesse d'esprit qui n'auoit point encore esté inuentée. Les Grecs qui appelloient barbares toutes les autres nations ont vne langue defagreable, selon l'Examen, à raison qu'ils sont barbares. Platon pour faire distinction des Grecs d'auec les autres nations, n'vse que de ces noms, Ἕλληνες & Βαρβάρους, les Grecs & les barbares. Ils appelloient mesmes les Romains barbares, selon le tesmoignage de Caton, qui disoit d'eux au rapport de Pline, *Nos quoque dictitant barbaros*. Plaute & Terèce, pour dire tourner en Latin, escriuent *vertere barbarè*. Iuuenal reprend les Dames Romaines de son temps, qui affectoient de parler Grec, pour estre estimées plus gentilles & de meilleure grace, *Se non putat vlla formosam, nisi quæ à Tusca Gracula facta*.

1.  
In Thea-  
gene.

2.  
Cap. 3. lib  
9. nat. hist.

est; & neantmoins l'Examen veut que toutes autres langues soyent barbares en comparaison de la Latine.

Si la belle prolation doit estre cause de ceste alliance, la Grecque, qui est à preferer à la Latine, & *Venere*, & *Verborum suauitate*, & *copiâ*, deuoit auoir trouué party avec l'ame, plustost que la Latine, qui n'est qu'une petite escholier de la Grecque. C'est l'opinion de Quintilian, tesmoin non recusable en ceste cause, puis qu'il estoit Latin. Cicéron sur le suiet de l'eloquence de Demosthene monstre clairement que les Latins n'auoient rien qui approchast de l'industrie de ce grād Orateur des Atheniens. *Vides, inquit, illum multa perficere, nos conari; illum posse, nos velle.* Comme si la langue Latine, voire dans la ville de Rome, faisoithommage aux pieds de la Grecque, en despit de ce qui seroit vn jour publié par l'Examen. Toutefois il faut pardonner à l'auteur: car son esprit qui ploye à tous vêts, ailleurs reconnoist sa faute & se condamne luy-mesme. Les Grecs, dit-il, <sup>1.</sup> appellent barbares toutes les autres nations, voyant leur inhabileté & peu de sçauoir. Y aussi

1.  
Exam chap.  
14. Essag.  
259. a b.

*Franc. 152.* Demos que quantos nascen y estudian fuera  
*b.* de Grecia , si son Philosophos ninguno llega a Platone y Aristotele : si Medicos a Hippocrate y Galeno : si Oradores , a Demosthene : si Poëtas a Homero. Y assi en las demas scientias y artes , si empre los Griegos han tenido la primaria , sin ningun contradiction.

---

*Continuation de discours.* Le temperament ne peut rien pour l'invention des noms. On ne peut sçavoir ny parler une langue , sans l'avoir apprise.

#### CHAP. XXIV.



LES inventeurs des noms & des langues ont nommé les choses , sans consideration ou avec cōsideration , comme ils ont voulu : car selon que l'esprit est riche en conceptions , il peut donner à chacune chose autant de noms qu'en auoit la Parque , cui nomina

centum  
mille

, mille nocendi artes. Je demande donc icy à l'Examen, si en chacune chose particuliere il n'y a qu'un temperament à considerer, comment il est possible que tât de noms puissent estre donnez naturellement à vne mesme chose; & veu qu'une mesme chose a plusieurs proprietéz, comment plusieurs hommes d'un mesme temperament se pourront tousiours rencôtrer, comme il dit, à luy donner un mesme nom.

Si des parties plus esloignées de la terre, quelque sorte de beste ou de plante, non encore veüe en l'Europe, nous estoit apportée en France, & pour luy estre donné un nom, elle estoit présentée separement à tous les Sages: ie ne croy pas que deux d'entre eux se rencontrassent à la nommer d'une mesme sorte, quelque affinité qu'ils eussent de temperament. Ma raison est, que sur ceste nouveauté, l'un d'eux se fondera pour l'imposition du nō, ou sur le pays, dont elle seroit venue, ou sur la couleur. Un autre, sur le mouuement de quelque vne des parties, ou de tout le corps. Quelqu'un encore sur la voix ou sur un rien du tout; comme l'esprit est tellement

second qu'il se peut former mille notions, & s'entretenir long temps sur la pointe d'une aiguille. Chacun sçait l'histoire de la main de Pasquier. Il y a donc bien peu d'apparence que les qualitez des elements, qui n'ont rien de proportion ou d'affinité avec tout cela, ayent quelque pouuoir en une telle variété. Le Philosophe Demetrius anciennement prenoit les aduerbes Grecs & les prepositions pour seruir de noms à ses seruiteurs, comme si au lieu de Sofia, Persa, Parmeno, il eust dit, *πρῶτος*, & *δευτῆρος*, & *τρίτος*, ou en Latin, *cras*, *quando*, *pridie*. Il n'est pas possible de rapporter cela au temperament ou à la nature; si par la permission de Cienard ou de Despaute-re nostre Examineur, ne donnoit à chaque partie d'oraison son temperament, comme il a fait ceste mesme distribution aux sciences & aux facultez de l'ame.

Quand les arquebuses furent premierement inuentées, ce nom leur fut donné, composé de deux dictiones Italiennes, *arco* *bouzo*, c'est à dire, arc creux; parce qu'ils n'vsoient que d'arcs auparavant qui n'estoient point creux. Quel-  
qu'un

qu'un donc s'aduisa de les nommer ainsi par vne petite boutade d'esprit assez gentille, ou la nature & le temperament qui ne peuuent auoir aucune affinité avec le langage Italien, n'ont de rien seruy. La bouffole, qui est le quadran des Mariniers ayant esté inuétée à Melphés ville d'Italie, il est à croire que plusieurs au point de ceste nouueauté furent curieux de luy trouuer vn nom, ou à raison de l'aiguille, ou eu égard à l'aimant, qui est l'ame de ce petit ouurage, ou en consideration de l'estoile du Nort, & & toutefois le nom luy est demeuré, tiré de la matiere de la boëte ou de l'estuy, qui estoit de buis; bouxole à *buxo*, quasi *buxecolum*. Le Maroquin a esté ainsi dit de Maroq, ville d'Afrique, dont il nous a esté apporté premieremēt, comme le Cordouen de Cordouë en Espagne. Barbare est vn mot tiré de *bar*, c'est à dire desert, ou de *barbar*, qui signifie *murmur* en langue Arabique, à raison du bruit de leur langage rude & mal poly. Il n'y a point de temperament qui puisse enseigner cela aux hommes, & pour telles inuentions, il me semble que ny le temperament, ny la bonté de la ma-

memoire, ne sont point tant necessaires. Le plus iuste & le meilleur temperament du monde ne pourroit pas mettre en l'esprit d'un enfant nouveau né l'origine de ces deux mots, babil, & parole, dont l'un est tiré de l'Hebreu, *Babel*, & l'autre du Grec *παρολαλη*. Baudaut est venu de *Bataunus*. Nous appelions un Hareng sor, qui a esté rouilly à la fumée, du nom Gothique *Sor*, qui signifie roux. Un phrenetique pourroit-il trouver ce mot dans les fumées de sa fièvre. Il me semble qu'il n'y a gueres de proportion entre un malade de fièvre chaude, & ceste diction qui nous a esté apportée des pays glacez du Septentrion. Il seroit besoin d'un temperament miraculeux, pour rencontrer si heureusement, que de donner le nom Eschalotte à la plante qui a esté ainsi nommée pour nous auoir esté apportée premierement d'une ville de la Iudée, dite *Ascalonia*, *Ascalonites bulbus*; comme l'oignon du mot Latin *Vnio*, parce que chaque plante n'a qu'une teste pour racine.

20 D'ailleurs, veu que depuis la premiere imposition des noms, ou il y a eu changement de suiet, ou la corruption



s'y est coulée avec le temps ; par quel moyen le temperament pourroit-il apprendre à vn Espagnol le langage qui est de present en vſage en Frâce ? Les pommes que nous appellons maintenant, de Paradis, estoient anciennement pommes de parade. Glaner estoit cueillir le reste du gland, maintenant c'est amasser dâs les champs ce qui reste des espics apres la moisson. Anciennement pour attacher les vestemēs on se seruoit d'espines au lieu d'agaphes, comme nous lisons dans Tacite, *sagum fibulâ, aut si desir, spinula confertum* ; Auioird'huy elles sont d'une autre estoffe, mais le nom est demeuré, esplingues, *spinula*. Les enfans mis sous la conduite d'un maistre pour les lettres estoient dits, *pedagogij pueri*, pages. Auioird'huy on nomme ainsi les enfans de la noblesse, qui sont pour la profession des armes. Les cuiraces estoient de cuir aux premier temps ; & de present le nom nous est demeuré pour gage, quoy qu'elles soyent de fer ou d'acier. Au vieil langage François, on disoit anuiēt, au lieu du mot de present auioird'huy, parce que les vieux Gaulois, cōme dit Tacite, comptoient

les temps par les nuits, & non par les jours, *tempora per noctes computabant*: le mot nous est demeuré entre le vulgaire pour marque de la vieille coustume du pays. Le nom de l'oiseau appelé Faucon a donné l'estre à cet autre fauconerie, & toutesfois les Latins ont mieux aymé nommer la chasse de la vollerie du nom de l'Espreuier, *ab accipitre accipitrariam*. Vn seul temperament seroit-il suffisant pour l'inuention de ces deux termes, ou bien si pour le mot Latin *accipitraria*, il seroit besoin d'un temperament plus exquis, que pour le François, fauconnerie.

Il n'y a gueres d'apparence que l'imposition des noms soit de l'ordonnance de la nature: car encore qu'un homme sage par un nom qu'il aura trouué à quelque chose, tiré du nom de sa propriété, ou de quelque autre consideration; le mot inuenté ne laisse pas d'estre volontaire, attendu que l'inuëteur en est tousiours l'origine; où le nom de la propriété n'est que le sujet. Vne peinture ne laisse pas d'estre artificielle, quoy qu'elle soit d'après, & qu'elle represëte quelque chose naturellement. Mais tant s'en

faut que tous les noms ayent esté tirez des proprietez des choses, que nous ignorons la nature & les proprietez, presque de tout ce qui est au monde. Tous les Sages ensemble, dit Scaliger, ne scauroient auoir dit qu'elle est la forme d'une pierre, à raisõ que toute nostre science n'est qu'une ignorance. Pourquoy il me semble que plusieurs noms ont esté donnez aux choses sans consideration, c'est à dire, fortuitement, ou par plaisir, comme le Traquitantos de l'Examen. Si l'usage auoit permis que *canis* signifiait vn luth, quoy que ce nom eust esté donné sans aucune consideration, nous en approuuerions l'usage comme de l'autre, & volontiers en rendant raison telle quelle de son origine, nous l'osterions à l'inventeur pour le donner à la nature.

Il est certain que plusieurs noms notamment de choses artificielles, ont esté sagement inuentez, & avec consideration, mais comme l'imposition en a esté volontaire, & les noms trouuez par les discours, ils ne peuuent pas estre sceus apres s'ils ne sont appris, parce qu'ils ne dependent point de la nature. Pour exemple, *fusil*, est vn nom qui re-

presente naïuement la chose qu'il signifie, *quia ex eo fusilis ignis*. Ce nom donc a esté inuenté par vn gentil esprit, non à raison du temperament de l'inventeur, car vn autre ne l'eust iamais trouué, de quelque cōplexion qu'il eust peu estre, mais d'un mouuement d'esprit, duquel comme d'autres inuentions on ne peut pas tousiours rendre raison.

Sur ce propos du fusil ie prendray sujet de mettre fin à ce discours; car comme la main l'acier & la pierre sont les causes des estincelles qui sortent du fusil, l'intellect qui est la main de l'ame & qui sert de pierre & d'acier, est la cause des conceptions, qui sont comme les estincelles de l'esprit, les conceptions (ie puis dire cela de l'intellect, puis qu'Aristote dit bien qu'il est la prunelle & la lumiere, *ἡ ἀρχὴ τῶν φῶς*,) les conceptions vont à la memoire, qui est comme la meche, & de là à la langue, qui sert d'alumettes & de flambeau pour faire jour après, c'est à dire pour esprendre plus loing & declarer par la parole exterieure, les conceptions & les paroles interieures de l'intellect & de la memoire. L'origine donc des conceptions est

le mouuement de l'intelleêt, comme des estincelles du fusil, le batement de l'acier: pourquoy il n'est pas croyable que l'on puisse sçauoir ou proferer les noms des choses, & parler les langues sans les auoir apprises.

Le temperament est vne cause, *sine qua non*, & vne disposition qui ayde à rendre les organes plus souples, pour les fonctions des sens: mais tousiours il est besoin de discipline. La meche doit estre bien seche pour estre bonne, mais il est besoin du battement de la pierre, Le sens de l'ouïye, en vain seroit accomply de tout poinct, comme vn enfant muny de liures, d'encre, de plume, & de papier, sans l'instruction du maistre. Il est impossible que l'enfant sçache ou escrire ou parler, si le maistre n'a parlé à luy premierement. Pour les langues vulgaires nous les apprenons avec l'age, & nous nous y rendons maistres avec le temps, par conuersation, par exercice; & par vn long vsage. Mais celles que nous nommons Grammaticques, il n'est pas possible de les apprendre, que par le moyen des maistres, & par vne longue estude. Pour les bien parler, c'est

perdre le temps de s'y employer, si l'on n'est aidé de quelqu'un qui y soit bien entendu & expérimenté & qui les sçache parler sans hesiter, comme si elles luy estoient naturelles; qui puisse estre entendu estant ouïy, & imité estant entendu. Pour exemple, si quelqu'un desire apprendre l'Hebreu, il n'est gueres possible qu'il y parviene, s'il ne se range sous la discipline d'un Juif. Il n'est point pour cela de meilleur temperament.

*Que les facultez de l'ame ne sont point  
contraires, ny les sciences incom-  
patibles.*

CHAP. XXV.



OMBIEN que i'aye au-  
cunement cy-deuant de-  
struit les principes de l'E-  
xamen touchant l'inimitié  
des facultez de l'ame, ie  
suis obligé d'en traicter icy encor, com-  
me en passant, & de plus faire voir à  
l'autheur que l'incōpatibilité des scien-  
ces qu'il pretend aussi mettre en credit,  
est contre raison & sans apparēce de ve-  
rité; non que la bonté de l'imaginati-  
ue, comme i'ay dit cy-deuant, ne soit  
plus vtile à certaines sciēces que la me-  
moire, & la memoire de mesme: mais  
ie veux luy faire voir que ces deux puis-  
sances sōt inferieures à l'intellect; qu'el-  
les n'ont point part avec luy à la posses-  
sion des sciences; mais qu'il se sert seu-  
lement de leur ministere. Mesmes qu'el-

lès n'ont point entre elles de contrariété, veu que les especes cessent d'estre contraires dans l'intellect.

L'imaginatiue, dit-il, & l'entendement sont contraires, & à raison de leur inimitié fôdée sur leurs temperamens, les sciences qui appartiennent à ces deux facultez ne se rencontrent iamais en vn mesme esprit en degré eminent. Il me sêble qu'il n'y a point d'esprit en toute ceste Philosophie des esprits. Puisque le chaud & le sec sont deux qualitez qui symbolisent ensemble, pourquoy veut-il que le chaud de l'imaginatiue soit contraire au sec de l'entendement, & en suite que leurs sciences soyent incompatibles; veu que le chaud & le sec logent bien dans l'element du feu, & plusieurs mixtes sont veus de temperamēt chaud & sec; il n'y a point de raison à vouloir fonder l'incompatibilité des sciences sur l'inimitié de ces deux qualitez, qui ne sont point contraires. Je soustiens le mesme pour ce qui est de la phantasie & de la memoire: car si le temperament chaud conuient à la phantasie, & l'humide à la memoire, c'est encore sans iugement qu'il veut ascoir l'incompati-



bilité des sciences de ces deux facultez, sur la contrariété de ces deux temperamens; veu que l'air & le sâg sont chauds & humides ensemble, & que les animaux ont ces deux qualitez pour fondement de la vie?

• Tout enseignement & tout precepte pour estre biē reccu doit estre vray, vtile & biē de suite avec les autres preceptes.

ἀληθὲς, ἡ γένησιμον ἔ ἀκόλouthον. Or tout cela manque icy à nostre Examen. Premièrement que les sciences soyent incompatibles, à raison des temperamens contraires de leurs facultez. C'est vne proposition qui n'est point vraye, comme i'ay commencé à en faire la preuue, & comme ie poursuiuray la démonstration cy-apres. Secondement, que ceste doctrine soit vtile, il n'y a point d'apparence, puis qu'elle n'est point veritable, ny en la science, ny en la nature. Encore si elle estoit vraye seulement en la science, l'autheur seroit aucunement excusable: car, comme i'ay dit ailleurs, nous aurions au moins le biē de recognoistre à quelle sciēce chacun esprit seroit porté naturellement. Mais puis qu'elle est faulse de tout point elle merite d'estre

I.  
Galenus  
com. 2. in  
lib. Hippoc.  
de data in  
acut. &  
introd. ad  
artes.

2.  
an cha. 20.

1.  
Sueton. in  
Augusto.  
cap. 85.

traictée comme l'Aiax d'Auguste, qui passa par l'esponge, *non succedente stylo.* Tiercement, elle pêche contre la suite de ses maximes. Il a dit deuant que toutes les trois facultez de l'ame, l'entendement, l'imaginatiue & la memoire sont logées ensemble dans chacune des cellules du cerueau; il n'y a donc point entre elles de contrariété. Puis qu'il falloit les declarer contraires, il ne deuoit pas les loger en mesmes cellules. Il y a plus de cōtrariété en ses maximes, qu'il n'en trouuerra entre les facultez de l'ame.

Il dit apres que les sciences peuuent bien se rencontter en vn mesme esprit, mais non en degré eminent; dautant que en mesme temps que quelqu'un aura bōne imaginatiue, à cause de la grande chaleur du cerueau, il māquera d'entendement & de memoire, comme de mesme, s'il a grand entendement à cause de la grande secheresse, il ne pourra pas apprendre les sciēces qui appartiennent à l'imaginatiue & à la memoire.

1.  
Exam. ch.  
14. Eff. 257  
a. fr. 151. b.

*Non puede aprender las sciencias, que pertenescen à la imaginatiua y memoria.* Mais tout cela est proposé avec si peu de fer-

mesuré, quel'on ne peut asseoir iugement  
 sur aucun de ses preceptes. En vn lieu il  
 dit que la bonne imaginatiue demande  
 trois degrez de chaleur, en autre lieu  
 que le iuste temperament des quatre  
 qualitez est le meilleur pour toutes les  
 facultez de l'ame. Ailleurs encore que  
 le cerueau garde tousiours son tempera-  
 ment froid & humide, dont il ne sort ia-  
 mais iusques à estre dominé & surmon-  
 té des autres qualitez. *1. Iamas sale de froy*  
*y humido a predominio.* Il n'y a que de l'in-  
 certitude en ses paroles, de laquelle il  
 pouuoit plus aisément se tirer, s'il eust  
 soustenu l'opinion commune des facul-  
 tez logées en diuers ventricules, laquel-  
 le il approuue luy-mesme sur la fin du  
 quatorzième chapitre de son Examen.  
 comme si la chaleur de son imaginatiue  
 luy auoit humé la memoire de ce qu'il a  
 publié contre cela presque dans toutes  
 les pages de son liure. Si le temperament  
 esgal est le plus requis, cōme il dit, pour  
 la souueraine perfection de toutes les  
 trois facultez ensemble, il est à presu-  
 mer que les qualitez en degré eminent,  
 les blessent à mesure qu'elles s'esleuent  
 au dessus du temperament esgal.

*Exam. ch.*  
*14. Esp.*  
*264. Frac.*  
*155. b.*

Les plus renommez Philosophes ont  
 tousiours esté d'aduis que la bonté de  
 l'entendement depend en partie de la  
 bonté de l'imaginatiue & de la memoire,  
 & qu'il ne s'esgare point en s<sup>on</sup> action,  
 sinon quand ces deux facultez luy repre-  
 sentent les images des choses obscures,  
 ou confuses debilement & en mauuais  
 ordre, ἀσαφὴς καὶ ἀμυδρά τὰ ἐκμαύρια,  
 dit Platon<sup>1</sup>, & cela est vn grand preiu-  
 gé contre l'Examen, qu'elles sont bien  
 d'accord, & qu'il n'y a point entre elles  
 d'inimitié, puisque leurs actions sont  
 communes, qu'elles s'entraident, &  
 qu'elles tendent à mesme fin. L'intellect  
 qui est le iuge opere ou bien ou mal, se-  
 lô les pieces de ses rapporteurs, qui sont  
 les facultez des sens <sup>extérieurs</sup>: il ne faut  
 pas croire donc qu'il y ait de la contra-  
 rieté entre ces puissances de l'ame. Les  
 melancholiques de mauuaise sorte, c'est  
 à dire, qui ont le cerueau touché des  
 mauuaises qualitez de l'humour noir  
 ou de la colere bruslée, sont veus auoir  
 l'imaginatiue trop prompte, à raison  
 qu'elle represente à l'intellect trop d'i-  
 mages confusément & mal à propos;  
 pourquoy ils sont dits *imaginosi*, πολυ-

<sup>1.</sup>  
*In Theotē.*  
 10.

φανταστικῶν, phantasiques. Mais aux melancoliques de la meilleure marque, comme de cela i'ay discoursu ailleurs, l'imaginatiue est bonne, prompte modere-ment & arrestée tout ensemble, pour représenter à l'intellect nettement & par ordre les especes & les notiōs, pourquoy ils sōt plus habiles que les autres à comprendre les sciences au rapport mesme de l'Examen. Il y a donc de l'affinité & vne grande correspondance entre l'entendement & l'imaginatiue.

Reste maintenant à examiner s'il y auroit de la contrariété entre l'entendement & la memoire, & de l'incompatibilité entre leurs sciences; veu ce que l'on dit communement, que ceux qui ont bonne memoire māquent de iugement, & au contraire que la bonté de l'intellect & du iugement, est volontiers suiuiue de quelque defaut de memoire. Pour soudre ceste difficulté nous ne deuons pas nous seruir des raisons de l'Examen fōdées sur la contrariété imaginaire des temperamens, car elle doit estre reiettee comme fausse: mais auoir recours à d'autres meilleures & plus plausibles, comme celles que ie dedui-

tay icy en peu de paroles:

L'imaginatiue, qui est la plus noble faculté des sens interieurs, semble auoir plusieurs fōctiōs diuerſes, qui luy donnent vne cognoiſſance des choſes particulieres en l'homme principalement, où elle eſt eſclairée de la preſence de l'ameraiſonnable. Le deuoir de ceſte faculté eſt, apres auoir receu les eſpeces du ſens commun, de ſe porter à les cognoiſtre, à les diſtinguer, à comprendre par elles les conuenances & les differences des choſes: elle joint ce qui eſt ſeparé, elle ſepare ce qui eſt vny, elle meſle les images, de maniere qu'elle peut ſe former des monſtres & des Centaures; elle cherche ce qu'elle a perdu, en réueil-  
lant les figures à demy effacées: bref elle fait des merueilles pour la cognoiſſance des choſes particulieres. Mais ſes deux plus notables vertus ſont de faire toutes ces operatiōs là purement par la pureté des eſprits, & de grauer ſes phan-  
taſies nettemēt en la memoire. Ses premiers mouuemēs pour tout cela ſe font dans le <sup>moi en</sup> premier ventricule du cerueau: car c'eſt là qu'elle iette ſes premiers traits, comme vn peintre qui couche  
ſes

ses premieres couleurs, mais l'accomplissement de son action se fait en deux autres lieux, où les esprits s'ont tellement affinez & purifiez, qu'ils n'ont quasi point de matiere. Ces deux endroits sont le *Camarium*, & le ventricule de la partie de derriere du cerueau dicté *Cerebellum*; nous l'appellons communement le quatriesme vetricule. Dans ceste derniere cellule l'imaginatiue porte les especes & les imprime en l'ame & en la partie, comme des actes, dans vne archiue; & la reserve d'icelle, est ce que nous appellons memoire, car cela est vne action del'imaginatiue, *sic ex hac illa*, dit Scaliger; & *imaginationis seruatrix est memoria*. Pour ceste occasion le Philosophe loge ces deux facultez en mesme lieu, quand il dit, que nous imaginons & nous nous souuenons en vne mesme partie; & Themistius apres luy que l'imaginatiue & la memoire de suiet ne sont qu'une mesme chose; τὸ ὑποκειμένῳ αὐτῷ & que la memoire doit estre placée en mesme partie del'ame que la phantasie. L'imaginatiue graue ou imprime l'espece, & la memoire en est la garde, τῆς φαντασίας μὴν ἔστωρνηα:

I.  
Cap. 10. lib  
de memot.  
Et rem.

Leg. sup.  
chap. 13.

Plotin dit le mesme que la memoire appartient à la partie qui imagine, τῷ φανταστικῷ ἢ μνήμῃ. En l'autre lieu qui est le *Camarium*, où les esprits s'ont tres-subtils & aussi à raison qu'il est sans membranes, & qu'il n'a pour parois que la fermeté de sa substance, & nuls conduits apparens pour l'apport & pour l'entrée des esprits, sinon les pores du moyen ventricule, des productions des nerfs optiques & de la substance du cerueau) l'imaginatiue fait ses plus belles fonctions. C'est là qu'elle approche plus près de l'intellect, & qu'elle semble receuoir quelques rayons de sa vertu, κατ' ἐκλαμψιν, comme s'il luy dōnoit quelque trait de son pouuoir & de sa beauté, afin que les especes qu'elle luy presente, soyēt plus capables de luy seruir, quand il les despoüille des conditions de la matiere.

Ceste pratique est generally observée par toute la nature, de ne point donner la perfection aux choses en vn moment & tout à la fois; attendu que la preparation des matieres demande du temps, pourquoy on ne peut paruenir à la fin que par degrez: comme la fleur ne



vient qu'apres le bourgeon, & le fruit  
 apres la fleur, ἡ ὁπερ ἀνθος ἀνθοποιόν ἐστι  
 τὸ καίρω. Nous voyons ainsi dans les  
 venes du mesentere proches du foye vn  
 commencement de preparation de  
 sang aux vaisseaux seminaires, nō loing  
 des testicules, vn commencement de  
 pteparation de semence: au ventricule  
 dextre du cœur vn commencement  
 de preparation des esprits de la vie.  
 De mesme l'imaginatiue parfait dens  
 le *Camarium* ce qu'elle a commencé  
 dans le troisieme ventricule. C'est  
 en ceste partie que sont figurées clai-  
 rement, comme dans vn miroir, les  
 especes de toutes sortes d'objets, par-  
 ce qu'elles sont sur les limites des sens &  
 del'intellect. C'est là qu'elles sont pour  
 la derniere main, comme la matiere des  
 choses intelligibles, capables d'estre fai-  
 ctes tout comme l'intellect est capa-  
 ble de faire tout, c'est à dire, raisonner &  
 discourir de tout ce qui est au monde.  
 C'est en ce *Camarium* que l'imaginatiue  
 est nommée *intellectus patiens*, παθητικός  
 ὧς, intellect patient & materiel, en sui-  
 te duquel l'intellect, qui agit sur les ima-  
 ges de ceste faculté & sur leur modele

1.  
 Themist.  
 cap. 35. lib.  
 3. de ani-  
 ma.

s'en forme de semblables, qui ne sont point materielles, & est appelé intellect agēt, *νοῦς ὁ ἀκίνητος*, lequel merite vrayement le nom d'intellect. Voicy douc comme ie poursuis ce propos.

Pour ces deux actions de l'imaginatiue, asçauoir pour fournir d'especes & de notions à l'intellect dans le *Camarium*, & à la memoire dans la derniere & quatriesme cellule, il est besoin de deux mouuemens diuers d'esprit & de faculté. Quand donc elle se porte plus vers le *Camarium*, la memoire n'est pas si bonne. Quand au contraire elle a plus son mouuement vers le quatriesme ventricule, l'intellect, dont depend le iugement, ne reçoit pas pleinement toutes sortes de faueurs de l'imaginatiue: & cela est la cause, pourquoy ceux qui ont bonne memoire, n'ont pas le iugement si net & si accompli. Nous voyons l'un de ces deux plus foible ordinairement, parceque l'imaginatiue & les esprits dont elle se sert ne peuent pas bien fournir à l'un & à l'autre, si le cerueau en toutes ses parties n'est bien formé, & d'une forte nature.

Si l'on oppose que ce propos des

mouuemens alleguez de l'imaginatiue vers le *Camarium* & le quatriesme ventricule est contraire à ce que i'ay dit ailleurs du siege de ces deux facultez ensemble dans le *Camarium*, lorsque i'ay fait mention de l'histoire du Cellier. Je responds, que ce que i'ay dit icy est suiuant l'opinion commune: & neantmoins supposé que l'autre deust auoir lieu, qu'il y a des raisons encore de ce defect reciproque du iugement & de la memoire, sans auoir esgard au temperament. Cela peut estre attribué aux esprits selon qu'ils sont d'un mouuement prompt ou tardif. Pour la bõté de l'entendement & du iugement, il est besoin d'esprits purs & subtils, afin que les especes & les notions de l'imaginatiue soyent representées nettement, subtilement, & par ordre à l'intellect; & lors la memoire n'a pas tant de vertu, parce que les esprits brillants & subtils se dilatent dauantage, & n'impriment pas si bien les especes en l'ame & en la partie. La memoire demande des esprits plus retenus à raison de certaine humidité, qui est necessaire pour donner plus de fermeté à l'impression des especes;

pourquoy Aristote dit que ceux qui sont d'une nature tardive ont meilleure mémoire, *μνημονικότεροι μὲν οἱ βραδέεις.* Et cela peut diminuer la bonté du jugement en son action.

Je n'ignore point que ce que j'ay avancé icy de l'intellect patient ne soit contre la doctrine commune: mais aussi parce que ce seroit temerité de vouloir publier quelque nouveauté en matiere de sciences, si elle n'est fondée sur bonnes raisons, ie remets à en traicter plus particulièrement au Chapitre suvant.

*Des sens extérieurs & intérieurs. De l'intellect patient, & de l'intellect agent. Que l'imaginative est l'intellect patient, selon Aristote.*

## CHAP. XXVI.



LES sens extérieurs qui sont les premiers messagers de l'ame, reçoivent les especes des objets, l'œil pour exemple, les especes des couleurs & ainsi des autres. Ces especes puis après par le moyen des esprits sont portées au sens commun, qui est comme le centre, & comme vn premier iuge qui cognoist de tout ce qui luy est rapporté par les cinq sens. C'est luy qui distingue les objets des sens extérieurs, & qui nous donne le sentiment & la cognoissance de leurs actions, <sup>ἡ</sup> ταύτη ἡ τῶν ἐνοργείων αὐτῶν αἰσθανόμεθα. L'œil ne cognoist ny son action ny les sensibles des autres sens, car cōme il ne sçait que

*Themist.  
cap. 1. lib. 3.  
de anima*

c'est que l'odeur, mais comprennent seulement les couleurs, & neantmoins nous cognoissons que la couleur & l'odeur d'une pome, la douceur & la blancheur du lait sont diuerses qualitez; ceste cognoissance appartient à une autre faculté que nous appellons sens commun, lequel s'exerce dans les deux premieres cellules du cerueau, & ne fait point son action, sinon en presence des objets, parce qu'il n'opere qu'auec les sens extérieurs.

Du sens commun les especes sont portées à l'imaginatiue dans le ventricule du milieu, & le deuoir de ceste faculté est de s'occuper sur icelles especes, & se former mille sortes d'images, de notions, de conceptions. Le sens commun luy liure les especes encore grossieres & aucunement simples: mais elle a le pouuoir de les meslanger; comme quand nous nous representons en l'esprit des chimeres, des centaures, & autres grotesques qui n'ont point d'estre en la nature, & parce que ceste faculté d'imaginer imprime mieux les especes, à raison qu'elle se sert d'esprits plus subtils, elle peut faire sa fonction en l'absence des

obiects, comme il appert par les songes, la raison desquels est en l'imaginatiue, comme du dormir au sens commun. Or d'autant que les esprits deuiennent plus subtils, plus ils font de chemin dans les voyes du cerueau, ils acqueriēt par mesme moyen vne vertu de penetrer dauantage dans la substance des parties, & d'imprimer en l'ame plus viuement les especes. Et cela est cause que le *Camarium* ou le quatriesme ventricule situé au derriere de la teste, est le domicile de la memoire, qui est differente de la phantasie, en ce qu'elle garde plus long temps les especes, & qu'elle les represente comme passées, combien que le temps luy soit incognu, la cognoissance duquel n'appartient qu'à l'intellect. Voila comme l'on discourt communement des sens interieurs & exterieurs.

Reste que nous passions à l'intellect, lequel, pour mieux exprimer ses vertus, ie compareray icy au sens commun, attendu qu'ils se rapportent en plusieurs poincts de leur œconomie. Ce premier sens interieur que nous nommons sens commun, est le iuge des actions des sens exterieurs & de la difference de leurs sen-

sibles. L'intellect de mesme est celuy qui preside sur les interieurs, qui connoist leurs actions, & qui a leurs images pour objets, comme les especes des sens extérieurs sont les objets du sens commun : de sorte que les sens extérieurs sont au sens commun, ce que l'imaginative & la memoire sont à l'intellect, veu mesme que l'intellect n'opere qu'avec l'imaginative, ὅθεν οὐτε νοεῖ νεν φαντάσματος ἢ ψυχῇ, cōme le sens commun ne fait son action qu'avec les sens extérieurs. Il y a neantmoins cela de difference entre l'intellect, le sens commun & tous les autres sens tant intérieurs qu'extérieurs : que l'intellect connoist non seulement leurs actions, mais aussi la sienne propre, quoy que ce soit par reflexion, νοθεῶ λογισμῶ, & non directement ; ce qui est impossible aux autres sens. Le sens commun, l'imaginative, la memoire ne comprennent que ce qui est singulier, mais l'intellect toutes choses singulieres & vniuerselles. Les facultez des sens sont materielles : l'intellect nullement obligé à la matiere, ny en son operation, ny pour le regard de son essence. Puis il a le dis-



cours & le iugement, qui sont deux des premieres pieces du thresor de l'ame, que ne peuuent auoir les autres puissances. De deux choses comparées l'une à l'autre il tire vne conclusion necessaire; au moyē de quoy il cognoist le mouuement & le temps, accidens que ne peuuent cōprendre les bestes, à raison qu'il est besoin de discours pour l'un & pour l'autre. Au mouuement il faut considerer le temps: pour comprendre le temps il faut auoir l'œil au mouuement.

La plus grande difficulté est pour le regard des especes intelligibles, pourquoy elles ne sont point materielles, comme celles de l'imaginatiue, & comment elles sont produites telles en l'intellect. Puisque l'intellect a son operation separée de la matiere, il n'y a que douter que les especes dont il se sert ne soyent exemptes aussi & despoüillées des conditions de la matiere: mais il n'est pas aisé de declarer nettement, comment elles deuiennent immaterielles de materielles qu'elles estoient en l'imaginatiue, veu qu'elles sont figures & images de mesmes obiects. Aristote dit que c'est l'intellect agent qui fait ceste

besoigne, où l'on trouue encore de grandes difficultez & diuersité d'opinions entre ses interpretes.

Aucuns disent que l'intellect agent despoüille de toute matiere, les especes de la phantasie, & par ce moyen les rend comme luy spirituelles. Opinion absurde: car comme *ex corpore nil fit nisi corpus*, il est impossible de rendre immateriel ce qui est materiel. Quelques autres tiennēt que l'intellect agent donne vne certaine lumiere aux especes de l'imaginatiue, qui les rend intelligibles, & fondēt leur opinion sur vn texte d'Aristote où l'intellect est comparé à la lumiere, parce que cōme la lumiere rend les couleurs actuellement visibles, qui n'estoient telles qu'en puissance auparavant; ainsi la lumiere de l'intellect agent esclaire les figures de l'imaginatiue, & les rend actuellement intelligibles. Ceste opinion est specieuse, mais à raison que ceste lumiere est imaginaire & metaphorique, le doute ne me semble pas vuidé par ce moyen, si le tout n'est plus clairement expliqué. S'ils entendent donc par ceste lumiere la presence de l'intellect, lequel par sa vertu jointe avec

le dernier effort de l'imaginatiue, sur le modele des images tres-epurées qu'elle luy presente, se façonne des especes semblables à luy, c'est à dire immaterielles, & sans autre lumiere que de sa vertu: il y a quelque couleur en ceste opinion, & quelque apparence de raison, veu que l'intellest seul est la cause efficiente de ceste action, & que l'imaginatiue n'y contribuë riē que l'espece pour luy seruir d'obiet & non de matiere, ou comme l'on dit doctement en termes d'eschole, *Concurrit phantasia obiectiue, non materialiter.*

Aristote a esté le premier qui a estably ceste doctrine de l'intellest agent, & de l'intellest patient; mais pour n'auoir pas esté bien entendu, les Philosophes touchant cela sont entrez depuis en de grandes disputes. Alexandre croit que cet intellest agent est Dieu. Auicenne & Auenipace, que c'est vn Ange inferieur à Dieu, Aneurois que c'est vn Ange qui gouuerne le mouuemēt du dernier ciel. Themistius, vne certaine substance, qui assiste tous les hommes en general. Scaliger croit que l'intellest agent n'est point necessaire. Plusieurs autres Philo-

sophes de ce temps estiment que l'Aristote a entendu par l'intellect agent ceste faculté qui rend les especes immaterielles & intelligibles ; & par l'intellect patient, celui qui les reçoit de l'agent, & sur icelles forme son action, qui est iuger, entendre, discourir. Cardan faict trois sortes d'intellect, vn agēt qui contient toute sa substance, vn autre materiel, qui est cōme la lumiere de l'agent, & vn intellect patient qui reçoit les especes, *qui simulachra rerum recipit*. Mais, comme dit Scaliger, *quot verba, tot penè flagitia*: autant de fautes presque que de paroles.

Pour leuer les difficultez qui se trouuent sur ceste doctrine d'Aristote, il me semble qu'il faut auoir l'œil & s'arrester principalement sur vn texte des liures *de anima*, où il dit que l'intellect agent est immortel, & l'intellect patient au contraire suiet à corruption ; ἰὸ δὲ πᾶντι-  
 nos vs φθαρτός. Car si l'intellect patient, comme ils disent, est celui qui reçoit les formes intelligibles de l'intellect agent, qui discourt, qui consulte, qui delibere, & qui est le but & la fin de l'intellect agent ; il est plus noble & plus

excellent que l'intellect agent; & cela estant, il n'y auroit point d'excuse pour Aristote d'auoir dit que l'intellect patient est corruptible, & l'intellect agent incorruptible. Cela m'a donné suiet de croire que le Philosophe a entendu par l'intellect patient, la faculté d'imaginer, & que ce qui a rendu ses textes de difficile intelligence sur ce suiet a esté l'ambiguité de ces dictions, *νῆς*, *μενς*, *νοῦς* & *λογιστικόν*, *intelligere* & *rationari*; car combien qu'elles ne conuiennent proprement qu'à l'intellect, il est certain neantmoins qu'il s'en est seruy improprement pour signifier l'imaginatiue, notamment ce qui est de plus noble & de plus exquis en ceste faculté, qui est ce que saint Thomas appelle cogitatiue, laquelle, dit-il, raisonne des choses singulieres, comme l'intellect des vniuerselles. Mais sans nous arrester à ceste opinion de S. Thomas, poursuivons nostre propos.

Aristote au chapitre quatriesme du premier liure de *anima*, dit que raisonner ou discourir *λογιστικόν*, aimer ou hayr, ne sont point affections de l'ame, mais de ce qui a ame. *λογιστικόν* en ce

lieu là ne signifie pas discourir, mais penser ou s'imaginer quelque chose, comme il appert par ce qu'il dit apres, où il substituë au lieu de ἀπονοεῖται, μνημονεύειν, se souuenir. Au troisiésme Chapitre du mesme liure, il semble sous le nom d'intellect entendre l'imaginatiue; lors qu'il constituë comme deux parties de l'intellect, l'imaginatiue & l'opinion, τὸ νοεῖν τὸ μὲν φαντασία δεκτικὸν εἶναι τὸ δὲ ὑποληψίς. Là mesme apres auoir recognu qu'il s'estoit seruy de ce mot νοεῖν, pour signifier l'imaginatiue; afin de leuer l'ambiguité, il s'explique, & dit que par ce mot νοεῖν, mens, il entend la faculté de l'ame qui pense & opine. λέγω δὲ νοεῖν ὃ ἀπονοεῖται καὶ ὑπολαμβάνει ἡ ψυχή. Plus clairement au dixiesme Chapitre de ce mesme liure. Deux causes, dit-il, sont veuës mouuoir les animaux, l'appetit ou l'intellect: Si quelqu'un, dit-il, veut prendre l'imaginatiue pour vne sorte d'intellect ou d'intelligence, εἰ τις τὴν φαντασίαν τιθῇ ὡς νόσιν τινα. Car Aristote en ce lieu là semble entendre par l'appetit l'imaginatiue des bestes, laquelle seule gouuerne leurs appetits; & par l'intellect l'imaginatiue de

del'homme, laquelle est regie & esclai-  
rée de l'entendement.

Cela ainsi estably, il sera aisé de com-  
prendre ce que veut enseigner Aristote  
lors qu'il constitue deux sortes d'intel-  
lect: vn lequel en son operation ne pa-  
tit point, parce qu'il est separé de la ma-  
tiere & incorruptible, *χωριστὸς τῆς ἀφθαρ-  
τοῦ*. Il le nomme intellect agent, *ἐν νῦν  
νοῦν ποιητικόν*: en vn autre l'action duquel est  
corporelle & du supposé, & qui sert de  
preparatif à l'intellect agent, à raison  
qu'il luy fournit les obiects pourquoy  
il est dit materiel, dautant qu'il sert de  
matiere à l'autre, comme la voix à la pa-  
role, luy representant les images de  
toutes choses, afin qu'il façonne sur ces  
premiers modeles toutes sortes d'espe-  
ces & de notions intelligibles: il nom-  
me ceste sorte d'intellect, *ἐν νῦν παθητικόν*,  
intellect patient, & cestui-cy, dit-il, est  
corruptible. Mais il vaut mieux rappor-  
ter icy fidelement & plus au long ce qui  
est de ce suiet dans le texte d'Aristote, &  
de l'expliquer après, pour faire voir que  
ce que j'ay dit, est la pure & vraye intel-  
ligence de ses paroles.

Il y a, dit-il, vn intellect capable d'e-

*Cap. 5. lib. 3  
de Anima  
Aristotelis.*

estre fait toutes choses, & vn autre ca-  
pable de faire toutes choses, lequel  
est comme vne certaine habitude, &  
tout ainsi qu'une lumiere : car la lu-  
miere aussi fait en quelque maniere,  
que les couleurs qui n'estoient visi-  
bles qu'en puissance sont visibles ac-  
tuellement : & cét intellect est separé  
& non meslé avec la matiere, ny su-  
iet à passion, parce qu'il est acte de son  
essence, *ὅτι αὐτὸ ἐστὶν ἐνέργεια* : veu que ce  
qui agit est tousiours plus noble que  
ce qui patit, & le principe que la ma-  
tiere : or la science qui est actuelle-  
ment, est vn avec la chose ; mais la  
science en puissance est premiere se-  
lon le temps, en vn particulier ; mais  
considerée absolument & en general,  
ny mesme selon le temps ; car on ne  
peut pas dire que l'on entend en quel-  
que temps & en quelque temps non.  
Et cét intellect seul qui subsiste de  
soy mesme est separé de la matiere, &  
seul immortel & perpetuel. Mais ce  
qui est cause que nous perdons le sou-  
venir apres la mort, est que cét intel-  
lect est bien exempt de toute passion,  
mais l'intellect patient prend fin, sans



lequel l'intelleſt agēt ne peut rien entendre. Examinons & expoſons clairement ces paroles, qui ont tant donné d'affaires à tous les interpretes d'Aristote.

Il y a, dit-il, vn intelleſt capable d'eſtre fait toutes choſes; il entend l'imaginatiue, quelquefois ainſi appellée par luy meſme, comme i'ay demonſtré nagueres; & vn autre intelleſt capable de faire tout; c'eſt ceſte autre faculté de l'ameraiſonnable, nommée proprement intelleſt, qui eſt comme vne habitude, *ὡς ἐξ ἡμῶν*, c'eſt à dire, vne propriété permanente en l'ame, & comme vne lumiere, ou vne vertu qui rend les eſpeces de la phantaſie, qui n'eſtoient intelligibles qu'en attente, c'eſt à dire, en puissance, *δυνάμει*; intelligibles actuellement *ἐνεργεία*: & ceſte faculté de l'ame raiſonnable eſt l'intelleſt agent, lequel eſt ſeparable d'auec le corps, & non meſlé avec la matiere; attendu qu'il ne ſe ſert point des parties instrumentaires du corps pour faire ſon action, parce qu'il eſt acte, c'eſt à dire, principe d'action du merite de ſa nature & de ſon eſſence, *τῇ ὁσίᾳ αὐτῇ ἐνεργεία*; à raiſon

*Malè in  
Græco co-  
dice orige-  
nis inter-  
riso casu,  
cum in  
primo orige-  
nis me-  
lino.*

dequoy aussi il est exempt de toute pas-  
sion; c'est à dire, que de son chef il n'est  
sujet à aucun changement: car ce qui  
agit est plus excellent que ce qui patit,  
& le principe que la matiere, c'est à dire,  
l'intellect agent, qui est le vray intellect,  
que l'intellect patient, qui est l'imagi-  
natiue. Comme la cause efficiente est  
plus digne que la matiere sur laquelle  
elle fait son actiō, ainsi l'intellect agent  
excelle par dessus l'imaginatiue, qui luy  
fournit les obiects, c'est à dire, les es-  
ces sensibles, sur lesquelles il s'exerce,  
attendu que sur icelles il forme les es-  
ces intelligibles, c'est à dire, comme luy  
immaterielles. Il poursuit après que la  
science qui est actuellement, entendant  
l'intellect agent, est vn avec la chose  
scuë, το αὐτὸ δὲ ὅτι καὶ ἐπεὶ οὐκ  
ἐστὶν ἡ αὐτὴ τῷ ἀποφύματι, d'identité ac-  
cidentalre, à raison que l'intellect se  
conuertit quasi en la chose entendue,  
d'autant qu'il la rend siēe & de sa natu-  
re, c'est à dire immaterielle. Mais l'in-  
tellect patient, qu'il appelle la science  
en puissance, est premier selon le temps  
en vn particulier, ἐν τῷ ἐν, Themistius  
dit ἐν τῷ ἀνθρώπῳ, en vn homme par-

ticulier, c'est à dire, si nous considerons vn homme particulier, comme Dion ou Socrates : car la phantasie ou l'imaginatiue en son operation precede l'operation de l'intellect, veu qu'il n'y a rien en l'intellect qui n'ayt passé auparauât par l'imaginatiue : mais considéré generallyment *ὁλως*, l'un n'est point premier que l'autre, veu que de tout temps entre les hommes, l'un & l'autre intellect ont esté en exercice, car Aristote croyoit l'éternité du monde. Si ce point icy semble mal expliqué, l'on peut dire que l'imaginatiue est en vne maniere deuant l'intellect, parce que son operation precede l'operation de l'intellect, mais non considerant, l'un & l'autre absolument, veu que ces deux facultez commencent à estre en l'homme à mesme temps. Pour dire cela plus clairement, la science actuelle & l'intellect agent actuel, & l'espece actuellement intelligible, ne sont qu'une identité accidentaire & en mesme temps : mais l'intellect patient, qui est l'imaginatiue est en l'homme particulier auant tout cela, quant à l'operation, non absolument, c'est à dire, quant à l'estre des deux facultez, & cet intellect

lequel est *ὁ αὐτὸς*, c'est à dire, qui subsiste de luy mesme, est seul separé de la matiere, & par consequent immortel & perpetuel : mais l'imaginatiue qu'il nomme intellect patient, combien que sans elle l'intellect agent ne fait point son action, est perissable, parce que c'est vne faculté materielle, qui est cause que nous perdons apres la mort le souuenir de ce qui depend de ceste faculté.

Quand saint Thomas interprete ce passage du Philosophe ( la science qui est actuellement est vne avec la chose entendue ) il croit que cela ne doit point estre entendu de l'intellect agent, mais de l'intellect *in actu*, qui est vne des conditions de l'intellect possible, duquel il constitue trois differences, *in potentia*, *in habitu*, *in actu*. Quand l'ame raisonnable, dit-il, n'est encore instruite d aucune science, elle est dite sçauante, *in potentia*, en attente ou en puissance : quand elle a la science, mais elle ne l'exerce point, c'est *intellectus*, ou *scientia in habitu* : lors qu'elle l'exerce, c'est à dire lors qu'elle s'occupe à iuger, à contempler, à discourir ; c'est *scientia*, ou *intellectus in actu*, qui est vn avec la chose sçue d'i-

dentité accidentaire; parce qu'ils se rapportent en ce que comme la science ou l'intellect est dit alors estre *actū*, l'obiet aussi est dit intelligible *actū*. Mais cela n'est pas soudre nostre difficulté, qui est de l'intellect patient, lequel est appellé aussi passible & possible, quoy que saint Thomas entéde icy par l'intellect passible celuy qui reçoit les especes intelligibles de l'intellect agent, lequel toutefois n'est point nécessaire. Puis Aristote ne parle en ce lieu là que de l'intellect agent, auquel peut estre attribué tout ce que saint Thomas dit icy de l'intellect passible.

J'ay insisté sur ce suiet plus, peut-estre, qu'il n'estoit besoin, mais il falloit esclaircir ceste doctrine d'Aristote, qui a esté rendue obscure & espineuse par ses interpretes.

**Ec. iiii.**

Des sciences de l'imaginatiue & des  
autres facultez selon l'Examen.  
Toutes les sciences sont en l'intel-  
lect. Des Mathematiques.

# CHAP. XXVII.



L dit que les sciences de l'imaginatiue sont incompatibles avec celle de la memoire & de l'entendement, comme celles de l'entendement avec les autres de la memoire & de l'imaginatiue. Puis il fait cōme vn denombrement de toutes, & les enrole chacune sous son enseigne, comme en vne bataille rangée. Les sciences de l'imaginatiue, dit-il, sont celles-cy, la Poësie, l'Eloquence, la Musique, sçauoir prescher, la pratique de la Medecine, les Mathematiques, l'Astrologie, l'art militaire, le gouuernement d'vne Republique, la Peinture. Les sciences de la memoire sont la Grammaire, la Theorique de la Iurisprudēce, la Theo-

logie positifue, la cognoissance de l'Aritmetique. Celles qui appartiennent à l'entendement, sont la Theologie scholastique, la Theorie de la Medecine, la Dialectique, la Philosophie naturelle & la morale, l'Aduocacerie.

Il seroit aisé de destruire toute ceste Philosophie avec vne seule periode, attendu que contre toute verité il constitue des sciences en la memoire & en l'imaginatiue, qui sont facultez de l'ame sensitifue, incapables de science. Si l'habileté de prescher & l'art de la peinture sont en l'imaginatiue sous la conduite du temperament, pourquoy vn Perroquet qui a le bec & la lāgue, ne pouuoit il monter en chaire, & prescher à Charanton, pour persuader aux freres de se quottiser lors des affaires de la Rochelle? Pourquoy les singes qui ont aucunement l'vsage des mains & l'imaginatiue bonne, n'ont il pris le pinceau pour presenter en vn tableau la contenance du Comte Palatin, lors de la perte du Palatinat? Tous les arts & toutes les sciences sont en l'intellect; & ce que l'auteur enseigne contre cela est vne fausseté impuignée dans toutes les Es-

choles du mode. Par plaisir neantmoins nous nous exercerons icy sur les gentillessees imaginaires de son Examen.

Il donne les Mathematiques à l'imaginatiue, & l'Arithmetique à la memoire, comme si l'Arithmetique n'estoit pas vne partie des Mathematiques. Ce qui conuient au genre doit conuenir aussi à ses especes. Il s'est trompé en son calcul, pour s'estre mis en la mauuaise grace de la sciëce des nombres. La Musique, dit-il, appartient à l'imaginatiue, & non à l'entendement, & elle est incompatible avec la Philosophie, qui luy a dit cela? n'est-il point entré en ceste opinion pour auoir veu les oyseaux, comme le Rossignol bien chanter, & neantmoins ignorans des idées de Platon. Tous les plus signalez Philosophes anciennemēt estoient sçauans aux Mathematiques. Pythagoras enseignoit la Philosophie par les nombres. Platon & Xenocrates, comme i'ay dit ailleurs, reiettoient de leurs escholes, ceux qui ignoroient les Mathematiques, qu'ils disoient estre les anes de la Philosophie: de maniere qu'en la ville d'Athenes, au rapport de Simplicius, les en-



fans desl'âge de douzeans auoient vne grande entrée dans telles sciences. Epicure disoit qu'il n'appartenoit qu'aux Sages à parler de la musique. Quel moyen d'accorder cela avec l'Examen, puisque nous sçauons par l'experience ordinaire que les Mathematiques sont comme vn chemin pour paruenir plus tost aux autres sciences, il ne faut pas croire qu'elles soyent incomparables avec la Philosophie. Si la Musique appartient a l'imaginatiue, & la viellesse, comme il dit ailleurs, est mal propre pour les sciences de ceste faculté, comment Socrate a t'il peu apprendre la Musique en son dernier <sup>1</sup> age? l'art de nombrer qui est vne <sup>2</sup> diuine science, est vn instrumēt de l'intelleēt, par lequel il comprend vne infinité de belles choses. Il discourt sur les nōbres, par additiōs, par multiplications, diuisions, soustractions, proportions, & comparaisons des vns aux autres: il n'y a point de moyen que l'imaginatiue peüst mesnager tant de sortes d'affaires. Seroit-il bien au pouuoir de ceste faculté de sçauoir quelle proportion il y a entre six & neuf, entre six & huit, entre quatre &

1.  
Il mourut  
agé de 70.  
ans.

2.  
*Ars nume-  
randi di-  
uina sciē-  
tia. 10. Pi-  
cus Apolog  
120.*

trois : combien que cela soit aisé à l'entendement, il n'y a point d'imaginatiue qui se puisse esleuer iusques là, parce qu'il est besoin de discours & de iugement qui n'appartiennent qu'à l'intellect. Nous ne pourrions iamais, par le seul moyen de l'imaginatiue, fust-elle du meilleur temperament du monde, distribuer douze liures à trois personnes, dont l'une deuroit auoir la moitié, la seconde, le tiers : & la troisieme, le quart : veu que six, quatre, & trois font treize, nombre qui excède ce qui seroit à distribuer. C'est donc à l'intellect de faire cela, puis qu'il n'appartient qu'à luy de raisonner & de discourir. L'imaginatiue ne pourroit iamais se demesler de ces Enigmes des Mathematiques. Si le tout est au tout, ce que l'osté est à l'osté, le reste sera au reste, ce que le tout est au tout. Si quatre nombres se rapportent de proportion; comme quatre, huit, seize, trente-deux; le nombre qui sera produit des deux extremes sera egal au produit des deux du milieu.

En la musique, l'imaginatiue pourroit-elle trouuer que le diatessaron est vn accord qui contient quatre voix &

trois interualles, & qu'il consiste en deux tons & vn demy ton? que le diapenté est de cinq voix, quatre interualles, trois tons & vn demy ton, & que le diapason comprend le diapenté & le diatessaron, c'est à dire, que la quarte & la quinte s'ont contenues dans l'octaue.

En la Geometrie il n'appartient qu'à l'entendement de sçauoir que les deux angles droicts d'une ligne tirée d'une autre perpendiculairement sont esgaux aux trois d'un triangle; que de toutes les figures que l'on nomme Isoperimetres de droicte ligne, c'est à dire, esgales d'estendue extérieure, celles là qui ont plus d'angles sont les plus capables: que les parallelogrammes, qui sont sur mesme baze, & sur mesmes paralleles sont esgaux entre eux. Qu'il y a proportion d'un cercle à son diametre, comme de vingt-deux à sept. Si plusieurs difficultez se trouuent en ceste science impossibles mesmes à l'intellect, qui est vne diuine faculté. L'auteur de l'Examen voudroit il point qu'elles peussent estre digerées dans le ventricule de l'imaginatiue? comme de trouuer la proportion qui est entre la diagonale & les la-

terales du quarré? de doubler le cube & la quadrature du cercle? En ceste science de la Geometrie autant de propositions, autant d'arrests demonstrez veritables par des consequences necessaires; & le tout par l'operatiō seule de l'intellect: ou si l'imaginatiue y contribue quelque chose, ce n'est rien de la science, mais des especes, des imaginations, ou des notiōs particulieres, qui seruent seulement comme de matiere, surquoy l'intellect raisonne apres, examine, iuge, resout, & tire ses consequences generales ou particulieres, qui sont entierement hors du pouuoir de l'imaginatiue.

Il en va de mesme pour ce qui est de l'Astronomie & del' Astrologie, car les petits doutes qui s'y font, & les moindres difficultez ne pourroyent pas seulement estre <sup>clairces</sup> esleuées par l'imaginatiue, qui est pour ce regard vne faculté aveugle; tant s'en faut qu'elle peust penetrer dās les mysteres cachez de ces deux sciences. Les sens interieurs tous ensemble pourroient-ils mesurer tout le monde, par l'inuention de quelque instrument tel que le baston de Iacob? avec deux

gonometres, rēdre raison de la grandeur de tout le ciel & des astres, & de leurs distances? trouuer que le pole d'aymāt est distant des poles du monde; & demonstrier que l'estoile du Nort, qui est au iourd'huy eloignée de quatre degrez ou enuiron des poles du monde, l'estoit de dixsept à peu près du temps de Iesus-Christ? que le cētre du Soleil qui estoit distant du centre de la terre de vingt-quatre diametres du tēps de Ptolomée, n'en est esloigné auourd'huy que de dix-huit ou de peu plus: que les poles du Zodiaque sont differens des poles du monde, sçauoir les mouuemens diuers des cieux, le cours du Soleil, les eccentriques, les concentriques, la raison des Eclipses, des Solstices des Equinoxes? Tant s'en faut que ie voulusses donner l'honneur de toutes ces cognoissances à l'imaginatiue, que ie ne croy pas qu'elles eussent esté possibles à l'entēdement de l'homme, si elles ne nous auoyent esté enseignées successiuement & de main en main, depuis le premier homme sur ce que Dieu luy en auoit reuelé gratuitement.

Pour ce qui est de l'art de la nauiga-

tion, il y auroit plus de suiet, de le donner à l'imaginatiue, veu qu'elle sèble estre exercee ordinairement par des esprits grossiers, & personnes mechaniques; & neantmoins il est tres-certain qu'il ne s'y procure rien que par la force de l'entendement. Les maistres conducteurs des Nauires ne s'ont pas ceux-là qui sont employez aux voiles, aux rames & aux cordages. De l'elevation du pole ou de l'Equateur, iuger en quel degré de latitude l'on est sur mer. Par la declinaison de l'aymant colliger les longitudes du monde. Par l'Astrolabe marin cognoistre la latitude des lieux, & la longitude par l'estime. Et outre cela vouloir trouuer vne estime pour les longitudes, par le pole de l'aimant plus certaine que l'estime ordinaire qu'il se faict par addition Arithmetique. Du mouuement de la Lune conclure de l'estat de la mer. En lieu fort esloigné, en pleine nuit, & en pleine mer, trouuer le chemin qu'il faut tenir par le moyen d'une feuille de papier marquée de plusieurs lignes. Ce ne sont point viandes pour l'imaginatiue ou pour la memoire.

Si quelqu'un pour excuser nostre Examineur

minateur vouloit rebattre encore, qu'il accorde bien que l'entendement est le maistre & la principale faculté, qui conduit tout en l'homme : mais qu'en certaines sciences la phâtasie peut presque tout, comme aux autres la memoire ou l'entendement. Cela ne seroit que perdre le temps, s'abuser, & se trauailler l'esprit mal à propos. L'auteur de l'Examen croit qu'il y a des sciences en l'imaginatiue & en la memoire actuelle, & que l'intellect n'a de pouuoir pour celles-là, nō plus que pour l'ouïe, le sentimēt de la veüe. Il vse de ces mesmes paroles : s'il auoit eu ceste opinion pourquoy à cor & à cry soustiēdroit-il que la contrarietē des temperamens les rend incōpatibles. Ce poinct est le fondemēt principal de son liurē, lequel encore peut estre destruit par vne simple raison, & par obseruations. Puis que les sciences sont de preceptes, de regles, de maximes vniuerselles, elles ne peuuent pas estre logēes dās les facultez des sens, qui ne sont que des cognoissances singulieres. Nous ne voyōs gueres de bons Philosophes, qui ne soyent habiles aussi aux Mathematiques ; & si quelques

uns ont plus excellé en l'une ou en l'autre profession, la cause de cela a esté plustost le choix qu'ils en ont fait, & le plaisir qu'ils y ont pris, que l'habileté de leurs temperamens,

Si nous voulõs rechercher les inventaires des liures des anciẽs Philosophes, nous trouuerõs qu'ils ont presque tous escrit des Poëmes, de l'Eloquence, des Mathematiques, de la Physique, de la Politique. Democrite estoit en reputation d'estre esgalement sçauant en toutes sortes de sciences, nommément aux Mathematiques & en la Physique, pourquoy il estoit dit, *πένταγλος & παντοδαής*. Ce qui est encore digne de remarque pour ce suiet, & qu'outre les sciences, ils auoiẽt presque tous vn mestier, pour l'employ du corps, apres les exercices de l'ame. Socrates estoit Sculpteur. Diogenes batteur ou changeur de monnoyes. Pyrrhon & Platon estoient Peintres, pour monstrier que l'ame raisonnable est capable de tout, moyennant que nous y soyons portez de volonté, & que les biens, les bons maistres & les autres aydes ne nous manquent point. Les sciences donc ne sont point incompati-



des Esprits. Chap. XXVIII. 451  
bles; ny placées ailleurs qu'en l'entendement.

---

De la Theologie Scholastique &  
de la Positive.

CHAP. XXVIII.

**L**A Theologie Scholastique, dit-il, qui est en l'entendement, & qui depend du temperament sec, ne peut compatir avec la positive, qui est en la memoire, à raison del'humidité, ny avec la faculté de prescher, qui consiste en l'imaginatiue, à cause de la chaleur. Voila beaucoup de remuement en peu de lignes. J'ay toujours creu que les sciences sont comme infinies, notamment la Theologie, laquelle avec raison est estimée plus digne & de plus grande estendue que les autres, dautant qu'elle a pour suier, Dieu, qui est infiny, à raison dequoy il n'y en a vne seule qui ne demande son homme tout entier pour pouuoir estre

*Exam. ch.  
10 fr. 80 h.*

acquise comme il est requis. Et à ceste occasion qu'il vaut mieux n'en embrasser qu'une, afin de la mieux sçauoir, que d'en entreprendre plusieurs pour ne les gouter qu'en la superficie, *Nihil cogitat qui cogitat omnia*. Non toutesfois qu'un particulier ne puisse les apprendre toutes passablement : car Aristote n'a rien, ou peu ignoré, de ce qui peut entrer en la cognoissance des hommes : mais d'autant que nostre vie est trop briefue, pour vn voyage de si longue haleine. On ne trouue plus d'esprits faits comme celuy d'Aristote.

Selon l'Examen, les sciences de l'entendement sont la Theologie Scholastique, la Theorie de la Medecine, la Dialectique, la Philosophie naturelle, la Philosophie morale, & l'Aduocacerie. Or toutes ces sciences là, puis qu'elles sont enrolées sous vne mesme faculté, elles ne sont ny contraires l'une à l'autre, ny incompatibles : De maniere que quelqu'un qui aura le temperament de l'intellect, pourra estre bon Theologien Scholastique, sçauant en la Theorie de la Medecine, bon Philosophe, & bon Aduocat, voire quasi sans instr-

ation selon ses maximes. S'il auoit bien examiné son Examen sur les regles de la verité, il auroit trouué qu'il y a beaucoup plus de conuenance & d'affinité entre la Poësie & la langue Latine, qu'il dit estre ennemies comme le feu & l'eau qu'il n'y en a entre la Physique & l'Ad-uocacerie.

La Theologie Scholaistique, qu'il dit estre ennemie de la positifue, n'est pas vne science separée, mais vne avec la positifue. Seulement on leur a donné diuers noms, patce qu'elles sont traictées ou apprises diuersement. Nous appellons Theologie Scholaistique celle qui enseigne à vuidier les differens & soudre par la dispute toutes sortes de questios, pour le suiet de la Religion. C'est vne Theologie complete & parfaicte, qui a son employ dans les cōtrouerses, & son principal exercice dans les poudres de l'eschole, pourquoy elle est dictée scholaistique. *In acie, non in vmbra versatur.* La positifue s'occupe aussi sur vn mesme suiet, mais plus posement, & sans approfondir ou enfoncer tant les matieres. Elle ne consiste pas à former ou trouuer des raisons pour la dispute, parce qu'elle

le se contente de la contemplation, & de mediter sur les resolutiōs de la Scholastique. Elle ne se munit point d'argumens & de responses, pour venir aux mains, comme la Scholastique : mais elle s'addonne à l'intelligēce des textes, & à l'explication de ce qui s'y trouue d'obscur & de difficile. L'autheur de l'Examen donc se mesconte, quand il faict ces deux Theologies contraires & incompatibles, & il les croit comme deux parties differentes, qui constituent la Theologie en son tout, comme les deux jambes du compas font le compas.

Pour estre bon Scholastique il faut scauoir necessairement la positine, & estre versé en toutes les parties de la Theologie, entendre les textes de la Bible, estre scauant en la lecture des Peres, scauoir parfaitement les decisions des Conciles, & l'histoire Ecclesiastique : de sorte qu'il est impossible d'auoir la scholastique sās la positine, parce qu'elle la contient ; comme le triangle est compris dans le quadrangle : *Qui potest maius potest minus, non contrā.*

Mais n'est-il pas plaisant, quand il

dit que l'art de prescher est la pratique de la Theologie, comme si tout le reste ne consistoit qu'en speculation. Toute la pratique en matiere de choses diuines regarde ou la science & la foy, ou la religion. La pratique de la science est la profession d'enseigner, & cela se fait aux escholes, comme en la Sorbone de Paris, où les Docteurs enseignent à leurs disciples ce qui est de la science & de la foy ou de la religion : ou dans les temples & ailleurs quand les Predicateurs montent en chaire pour inciter les peuples à la pieté, à la deuotion, aux bonnes mœurs, à la bonne vie : ou aux conferences, quand il est question par la dispute de conuaincre l'opiniastreté des Heretiques, & de condamner les heresies. La pratique en fait de religion consiste aux ceremonies, au diuin seruice, à administrer les Sacremens, aux benedictions, aux exorcismes. A quel propos donc restreindre toute la pratique de la Theologie dans les chaires des Predicateurs & dans la profession seule de prescher ? L'on pourroit dire de mesme que toute la pratique de la Medecine consiste à discourir deuant les malades de la

regle qu'ils doiuent garder en leur maniere de viure.

21 Finalement la Theologie scholastique n'est point contraire à la positive, puisque les deux ne sont qu'une mesme science considerée diuersement. Elles sont l'une & l'autre logées en l'intellect, comme toutes les autres sciences. La Predication, pour ce qui est des belles paroles & de la bonne grace, depend de la Rhetorique, qui est encore en l'entendement comme les autres arts. Mais la matiere & le principal suiet de la predication est de la Theologie, qui ne peut estre aussi qu'en l'intellect.

Ce qui nous fait voir plus clairement en cecy l'impertinence de l'Examen, est que nous auons eu tousiours dans l'Eglise grand nombre d'habiles hommes, qui ont excellé tous, non seulement en toutes les parties de la Theologie, mais aussi en l'Eloquence, & quelques-vns encore en la Poësie. Si leurs oeures sont fideles tesmoins de leurs suffisance, ils ont esté & grands Philosophes, & sçauans Theologiens, & eloquens Predicateurs. Il est sorty de l'Vniuersité & de la Sorbone de Paris plus d'habiles hom-

mes, chacun en toutes sortes de professions, que n'en a esleué anciennement la ville d'Athenes. I'en ferois icy vne liste, s'il en estoit besoin: mais i'ayme micux espargner le temps, que d'espandre des paroles sans necessité. Il suffira de faire mention seulement de deux admirables esprits de ces derniers temps, pour ruiner l'opinion de l'incompatibilité des deux Theologies, positive & scholastique.

Nous auons en nagueres l'Illustrissime Cardinal du Perron, auquel Dieu, la nature, & l'estude auoient donné vn esprit tellement releué, riche & subtil en toutes sortes de sciences, qu'il seroit difficile de dire au vray en laquelle il a plus monstré son excellence. Toutes les parties de la Philosophie & des Mathematiques luy estoient esgalement familières. Il s'estoit acquis vne cognoissance si ample de la Theologie scholastique & positive, qu'il a par ce moyen triomphé des Heretiques à Fontaine-bleau, en la plus celebre Conference qui ayt iamais esté ouuerte en l'Eglise. Les Heretiques depuis ont tousiours crainct de venir aux mains, & n'ont osé entrer en dispute

avec luy. Apres son deceds vn Ministre de Sedan, *vt mortuo leoni barbam* Velleret, a bien osé publier vne responce à son liure contre le Roy d'Angleterte: mais il eust moins perdu de s<sup>on</sup> credit, si au lieu d'escrire, *operam suam in pistrino locauisset*. Son œuvre ne peut estre vtile qu'à ietter de la poudre aux yeux des plus ignoras, de s<sup>on</sup> party. Cét illustre Cardinal a donné tant de preuue de sa suffisance en tous sorts d'habitudes, de son eloquence, de sa prudence, iusques dans les pays estrangers, que l'auteur de l'Examen se seroit retracté de son opinion s'il l'auoit cognu. Il auoit la cognoissance des Langues Hebraïque, Grecque, & Latine, avec vne si heureuse memoire, qu'en ses disputes ordinaires il citoit les textes des Philosophes anciens en leur langue, & des Peres de l'Eglise, & des Prophetes sans manquer d'vne syllabe. Il apprit par cœur en quatre iours tout le texte Hebreu de l'Ecclesiaste. Il a laissé des Poësies de sa Minerue avec vne traduction de quelque partie de l'Enuide de Virgile, avec tant d'inuention & d'industrie, que l'on doute iustement si la Grece pourroit se vanter d'auoir rien



de meilleur. Je rends ce tesmoignage de luy pour l'honneur que i'ay eu de l'auoir cognu & ftequenté familièrement. Et comme ie suis tesmoin de l'excellence de ce grand homme, il est luy-mesme fidele rapporteur des louanges de Iean Pic Comte de la Mirade qui fut en credit en Italie, il y a cent cinquante ans, par sō bel esprit. Je le produis icy pour second exemple contre l'Examen. Cēt excellent & incomparable personnage, le Phenix de son siecle, âgé seulement de vingt quatre ans, pour monstrier & exercer la bonté & subtilité de son esprit, vint à Rome, où il proposa & afficha neuf cens Theses prises des matieres tant supernaturelles que naturelles, & puisées non seulement des doctrines des Latins & des Grecs, mais aussi des mysteres cachez des Hebreux, Chaldeens, & Arabes, & des secrets de la Cabale, & de la Magie naturelle. Il auoit vne grande cognoissance des langues Latine, Grecque, Hebraïque, Chaldecenne, Arabique, & surpassoit en cela l'ordinaire des hommes. Il estoit excellent Poëte & Orateur. Il auoit dès son enfance vne memoire admirable; de sorte que si l'on

*Au liure  
2. de l'Eu-  
charistie.  
pag. 1010r.*

profcroit des vers ou autres textes en sa presence, il les recitoit sur le champ, & aux rebours, si l'on vouloit, le premier mot le dernier. Vn grand hōme de son temps parlāt de ce bel esprit, disoit que l'on voyoit reuiure en luy S. Hierosme, & S. Augustin ensēble. L'on tient communement, tant il estoit consōmé en la Philosophie, qu'il eust accordé Aristote & Platon, si auant le temps il n'eust point esté preuenu de son dernier iour.

Si quelqu'un respond pour l'Examen, que rarement l'on trouue des esprits vniuersellement accomplis, comme ces deux icy, & qu'un ou deux exemples ne suffisēt pas pour rōpre le coup d'une regle ou d'une doctrine generale. Je soustiendray au contraire que ceste response ne merite point de replique. Car outre ces deux exemples, nous voyōs d'ordinaire tant d'hommes sçauans, chacun aux sciences qui sont incompatibles, selon l'Examen, que volontiers ie le ferois iuge luy-mesme de ceste dispute, s'il estoit encore viuant. Dans les familles de saint Dominique, de saint François, des Iesuites, se trouue grand nombre d'habiles hommes en toutes les par-

ties de la Theologie & de la Philosophie, & grāds Predicateurs. Nous auons eu en ces derniers temps plusieurs celebres Medecins tous sçauans en la Theorie & en la pratique de la Medecine, en Philosophie, aux Mathematiques, en l'Eloquence, comme Fernel, Ferrier, Langius, Fracastor, Scaliger, Duret, & quelques-vns d'eux encore en la Poësie, comme Fracastor & Scaliger. De mesme en trouuerions nous dans toutes les autres professions: mais nous n'aurions jamais faict.

---

---

*De la Theorique & de la Pratique  
de la Iurisprudence.*

C H A P. X X I X.



EXAMEN apres tout Exam. ch  
8. & 10. cela passe à la Iurisprudence, & parce que ceste science consiste en Theorique & en Pratique, il donne la Theorique à la memoire, & la Pratique à l'entendement. De maniere que, selon les regles de la cabale, il n'est gueres possible d'estre ensemble bon Legiste, bon

Iuge, & bon Aduocat, ou bon Orateur; à raison que ces trois professions appartiennent à trois facultez contraires, qui sont la memoire, l'entendement, & l'imaginatiue. Ceste Philosophie, cōme vn malade tout perdu d'vlcères incurables est plus digne de pitié que capable de remedes. Je mōstreray dōc les fautes; mais ie ne promets pas de les guerir.

Premierement, il me semble qu'il commet vne grande iniustice, quand il ostel l'eloquence aux Iuges & aux Aduocats, veu que l'art de biē dire ne se plaist point tant ailleurs, & n'a point tant de cours dans toutes les autres professions. Les plus eloquens hommes qui ont iamais esté entre les Grecs & les Latins ont esté Aduocats, comme Demosthene, Æscynes, Lysias, Isocrate, Ciceron, Hortensius: & de present l'eloquence est logée dans les Palais; & dans les barreaux des Aduocats elle faict sa demeure plus ordinaire. Je ne poursuiuray pas dauantage la fausseté de sa doctrine, puis qu'elle est visible à vn chacun, & qu'elle ne trouuera iamais d'Aduocats qui la defendent. Tous nos Parlemens sont remplis d'hommes illustres, seauans en

toutes les parties de la Jurisprudence,  
cloquens & entēdus aux affaires d'Estat.

Pour ce qu'il est de la Theorie & de la pratique du droit : Que les Legistes qui n'ont que la Theorique, ont besoin de memoire, parce que la speculative de la Jurisprudence appartient à la memoire, & non à l'entendement, ny à l'imaginatiue : mais que les Iuges & les Aduocats qui s'occupent à la Pratique doiuent auoir bon entendement, dautant que leurs professions n'appartiennent ny à l'imaginatiue, ny à la memoire. Toutes ces propositions sont suspectes & prononcées sans raison, parce qu'il a eū plus l'esprit à les rendre conformes à son intention, qu'à bien examiner si elles estoient veritables.

Toute la science du droit est pratique & elle ne peut appartenir à autre faculté de l'ame qu'à l'entendement, hors lequel il n'y a ny habitudes, ny sciences, ny arts, ny préceptes vniuersels, ny conclusions, ny maximes generales, ny autres choses semblables. Pour bien entendre cela, il faut sçauoir que tout ce qui est au monde peut estre cognu par

l'ame, ou d'une cognoissance simple, comme le Ciel & les Elemens: ou connu pour faire, comme bastir une maison, ou faire le payement d'une debte. Selon ceste diuision des choses nous auons deux sortes d'intellect, dont l'un est pour cognoistre simplement, & l'autre pour cognoistre en intention de faire: d'où naist encore la distinction qui est entre la science & l'art. La science n'a pour but que la contemplation & la verité. L'art outre la cognoissance a pour dessein quelque action ou operation en dehors; & selon la diuersité des actions ou des ouurages nous auons la diuersité des arts. Le propre de l'intellect qui est pour cognoistre, lequel nous appellons proprement Theoretique, speculatif, ou contemplatif, est de se former un instrument, qui est la science, pour cognoistre le vray & le distinguer d'avec le faux. Car tout ainsi que l'intellect est l'instrument naturel de l'ame, la science est un instrument acquis de l'intellect contemplatif; mais l'intellect practiq est celuy qui sçait pour faire, ἡνὰ παράδειγμα, dit Aristote, & le but duquel n'est pas la cognoissance, mais l'action, ἔν τῷ τέλος ἔργῳ.

Cap. 1. lib. 1.  
Metaphys.  
Cap. 1. lib.  
1. Ethic.

γνώσις

γνώσις ἀλλὰ πράξις; & il se sert des arts, *L'on peut*  
 comme le contemplatif, des sciences. *adjoûter*  
 Or entre les arts, les vns ont l'actiō pour *ce qui est*  
 dernier but, comme declamer ou pro- *de rendre*  
 noncer vne oraison en intention de per- *la justice,*  
 suader: les autres, outre l'action laissent *qui est l'a-*  
 quelque ouvrage materiel, comme la *ction du*  
 peinture. C'est ce que dit Aristote, que *ingé.*  
 le principe de la science est en la chose,  
 comme de la Physique aux choses natu-  
 relles, attendu que l'intellect contem-  
 platif se contente de les cognoistre: mais  
 que le principe de l'art est *in artifice*, en  
 l'artisan, comme le principe de la san-  
 té est au Medecin. Voyons donc main-  
 tenant si la Jurisprudence est ou science  
 ou art, ou quelque autre habitude; & si  
 elle doit estre logée en diuerses facultez  
 de l'ame, selon la diuersité de ses par-  
 ties.

Si nous voulons prendre le mot de  
 science en sa grande estenduë pour tou-  
 te sorte de cognoissance; sans doute la  
 Jurisprudence peut estre appellée scien-  
 ce: mais si elle est considerée en sa pro-  
 pre significatiō, ceste habitude du droit  
 doit estre dictée art, plustost que science;  
 attendu que l'intellect en ceste profes-

sion ne s'arreste pas à cognoistre simplement, les loix & les maximes du droit, mais avec intention de rendre la iustice en iugement, ou en plaidant faire entendre ce qui est de l'equité. Aussi est elle definie par les Legistes, *Ars equi & boni*. C'est à dire vne habitude acquise, par laquelle nous sçauons rendre la iustice, & faire voir ce qui est de bon & de iuste en vne cause. Cela donc depend de l'intellect & non de la memoire, puis que toute habitude est en l'intellect, cōme nous auons demōstré cy deuant.

L'intellect qui peut estre trompé en plusieurs manieres, quoy qu'il soit vne faculté diuine, se forme des habitudes, qui sont les arts & les sciences, afin de ne point faillir, quand il est question de faire ou de sçauoir. Et la Iurisprudence a esté ainsi instituée, pour faire cognoistre ce qui est de bien ou de mal, aux affaires des parties plaidantes, & rendre la iustice à vn chacun, selon les loix, & regles generales ou particulieres, qui sont en la memoire intellectuelle du Legiste, laquelle ne depēd en rien du temperament; mais qui est vne d'essence avec l'intellect, & partant qui peut,



comme l'intellect, donner lieu aux contradictions, parce que les especes sont d'une autre nature que les choses. Et cela soit dit en passant afin de biffer ceste opinion de l'Examen, que l'éloquence, la pratique & la Theorique de la Jurisprudence sont incompatibles en un mesme esprit.

*Exa. ch. ix.  
fr. 9<sup>8</sup>.*

Il dit que chacune loy, en la science du droit contiét seulement vn cas particulier, & qu'elle n'a pas ses definitions & ses principes vniuersels, sous lesquels soyent contenus les cas particuliers, comme les autres sciences. Il se trompe. La Jurisprudence a ses regles generales, ses axiomes, & ses principes vniuersels, fondez principalement sur les loix des douze tables données anciennement à Rome par les Decemvirs, & autres loix postérieures; sur les statuts & decretz, arrests & ordonnances du Senat, sur les constitutions des Empereurs, sur les Edits des Preteurs & d'autres Magistrats, le tout en forme de regles vniuerselles. Il est vray que chaque loy volontiers ne touche qu'une seule matiere, comme vne iussion ou vne deffence particuliere, mais elle ne laisse pas d'e-

estre generale: Pour exemple, la loy Cincia defendoit anciennement aux Aduocats de prendre argent ou present pour plaider vne cause: *Ne quis ob causam orandā, pecuniam, donum. Ve accipiat.* N'estoit-ce pas vne loy qui regardoit tous les Aduocats en general? En la Medecine, combien que l'on ne traite en vn Chapitre que de la fièvre tierce, la doctrine ne laisse pas d'estre generale pour toutes les fièvres de ceste espeece: aussi auons nous ceste definition de la loy dōnée par At-

*Apud A. Gell. cap. 20. lib. 19. noc. Att.* teius Capito, *Lex est generale iussum populi rogante Magistratu.* La loy est vne iustion generale du peuple à la requeste du Magistrat. Et en cela la loy differe du priuilege, qui n'est qu'une permission particuliere, ou vn droit accordé à quelqu'un particulierement. Tous les escrits d'Ulpian, de Paul, de Caius, de Modestinus, ne sont pour la pluspart qu'interpretations des axiomes ou regles vniuerselles du droit. Mais les responses de Scevola, d'Alphenus, d'Africanus, de Iulian & de quelques autres Iurifconsultes, ne sont que decisions données sur certains cas entre particuliers, pour faciliter la pratique, qui con-

siste en faits particuliers. L'art tousiours est de maximes generales, mais l'artisan fondé là dessus ne regarde que le particulier pour ce qui est de l'exercice. Ce n'est pas la Jurisprudence qui donne le jugement, en la cause de Mævius & de Titius, mais le Juge qui preside. Ce n'est pas l'Architecture qui bastit le Palais, mais l'Architecte, selõ les preceptes de l'art, qui est en son entendement. Et en cela l'auteur de l'Examen s'est abusé; car pour avoir veu que le particulier est le commencement & la fin de la science du droict, il a creu que ceste profession ne consiste qu'en choses particulieres. L'entendement se conduit en la Jurisprudence comme aux autres arts; car tousiours les particuliers sont le commencement de la cognoissance, pour retourner apres aux particuliers, qui est vne action circulaire de l'ame. Mais l'auteur n'a pas amplement consideré tout cela.

Pour la constitution des arts, & pour la pratique, il est besoin de trois ou quatre choses de suite; premierement de la memoire, puis de l'experience, apres laquelle l'art se forme en l'entendement,

selon lequel on se cōduit apres à la pra-  
 tique. Je demonstrey celà clairement  
 par vn exemple de la Medecine. Si quel-  
 qu'un void que le Rhubarbe donné en  
 substance purge la bile plus fort qu'en  
 infusion, & il retient celà particuliere-  
 ment, c'est vn acte de memoire, & com-  
 me vne premiere marche pour passer  
 outre: mais si apres ceste premiere co-  
 gnoissance, il rencontre encor plusieurs  
 fois à faire le mesme, c'est vne autre sor-  
 te de cognoissance quel'on nomme ex-  
 perience, laquelle differe d'auec la me-  
 moire, en ce que par vne memoire, nous  
 ne cognoissons qu'une premiere & par-  
 ticuliere action, où par l'experience  
 nous comprenons plusieurs actions d'une  
 mesme chose & plusieurs memoires,  
 αἱ πολλὰὶ μνήμαι τῷ αὐτῷ πράγματι,  
 dit Aristote, μάς ἐμπειρίας διώκουν ἀ-  
 ποτελῶσιν. Mais quand l'entendement,  
 sur plusieurs experiences, se forme vne  
 notion ou vne proposition vniuerselle,  
 comme celle-cy. Tout Rhubarbe don-  
 né en substance purge la bile plus fort  
 qu'en infusion; celà s'appelle art & non  
 experience: De sorte que comme l'ex-  
 perience est produite de la memoire,

l'art est produit de l'experience. Apres ceste cognoissance l'on vient à l'exercice sur le particulier: De maniere que le Medecin consulté par vn malade d'abondance de bile dedans ou proche de l'estomach, hardiment il ordonne le Rhubarbe en substance: Ce n'est donc pas la memoire qui opere en cela, mais l'intellest par le moyen de l'art, dont il se sert comme d'un instrument.

De mesme en la Iurisprudence il y a des maximes generales tirées del'experience, sur lesquelles on se regle pour faire droict & rendre la Iustice à vn chacun. Pour exemple, apres auoir remarqué que plusieurs Iuges se sont rencontrez à donner vn mesme jugement sur certain cas proposé, comme de n'estimer ou mettre à prix ce qui est sacré, cela est vne experience d'equité sur vn mesme faict, d'où s'est ensuiui ceste loy, cōme vne maxime generale, que ce qui est sacré ne reçoit point d'estimation. *Res sacra non recipit estimationem*: selon laquelle puis apres, si en vn partage de meubles entre coheritiers, se trouuoit vn Calice sacré quel'on vouldust mettre à plus haut prix pour ceste considera-

*En mesme opinion.*

tion, le Juge par sa prudence fondée sur ceste ancienne loy, ordonnera que le Calice ne sera estimé que pour le regard de la façon & de la matiere. D'ailleurs vne loy peut estre donnée sur les aduis de plusieurs hommes celebres & iudicieux assemblez pour cét effect, & lors qu'elle sera publiée & prononcée, voire quād ce seroit sur l'occasion d'un particulier, elle portera coup & passera pour loy generale sur toutes occurren- ces particulieres en pareil cas. Mais cela ne regarde que l'establissement. Considérons apres les loix establies, en quoy consiste le deuoir de celuy qui les enseigne, ou les interprete, & les met en pratique.

La memo-  
ria y no al  
entidimie-  
to ny ima-  
ginatiua.  
Exa. cb. II.  
67. fr. 98.

Il dit que la Theorie de la Jurisprudence consiste à auoir bonne memoire, & neantmoins il ne declare pas bien ce qu'il entend par ceste Theorie. En vn lieu il semble la donner aux Aduocats consultants. Quand il dit qu'ils ont l'entendement tellement addonné à la volonté du Legislatteur, que lors qu'ils sont consultez il leur est permis de dire, sur ceste affaire, ie consulteray mes li- ures, *yo mirare sobre este caso mis libros.*

En autre lieu neantmoins il semble estre d'aduis que ceste Theorie du droit consiste à enseigner les loix, & que celuy qui a bonne memoire peut deuenir fameux lecteur. Il se trompe par tout. En la consultation & en la lecture dans les escholes du droit il n'est pas moins besoin d'entendement, de iugement, de resolution qu'en l'Aduocacerie du Barreau, & en l'exercice des Iuges. Il faut que le Docteur traueille pour donner son aduis sur chaque loy, pour l'explication des textes & l'intention du Legislateur: qu'il accorde les antinomies: qu'il vuide les difficultez qui se presentent sur la diuersité des loix, pour la difference des temps, des lieux, & pour autres circonstances.

Aux loix des douze tables, la regle generale estoit, que les heritiers d'un defunct ne fussent obligez enuers les creanciers de la succession, que pour leurs parts & portions seulement, & non insolidement; & neantmoins Paul en la loy 2. *de verbor. obligationib.* dit, que *in obligatione alterutrius*, comme *in stipulatione sychi aut Pamphili*, plusieurs heritiers d'un defunct sont obligez vn seul pour

le tout. Et Vlpian *in lege* II. §. fin. *de lege tertia*, dit que si le defunct a laissé vne somme d'argent au profit de la République, en intention de quelque edifice public, les heritiers y sont insolidement obligez, sauf le retour sur leurs coheritiers. En vne telle contrariété d'aduis, si le Legiste n'est aydé que de sa memoire, il ne pourra pas foudre ceste difficulté: mais par la bonté de son iugement, & par son bel esprit, il apprendra à ses auditeurs, que l'obligation aux deux derniers cas, est insolide, *ex natura rei in obligationem deducta*, de laquelle le payement ne peut estre fait vtilement, *pro parte* au creditur, *qui non tenetur solutionem recipere ex qua damnum fit passurus*. Si le Docteur ou le Legiste deuoit estre totalement attaché à la lettre, & comme dit l'Examen, auoir plus besoin de memoire que d'entendement. il suffiroit d'apprendre par cœur les loix du Code & du Digeste, & ne seroit pas tant besoin de bōs maistres, pour en apprendre l'explication.

Les Iuriscōsultes sont hōteux, quand la loy leur manque *quia vetitum sine lege laqui*, comme il est meschant à vn Medo-



cin d'ordonner, sans pouuoir dire sur  
quelles indications. Mais tousiours la  
raison est l'ame, & l'entendement le  
cōducteur de la loy. Les Aduocats con-  
sultans doiuent aussi, avec vn grand  
iugement, resoudre ceux qui deman-  
dent leurs aduis, estre tousiours fondez  
sur l'equite de la loy, ou del'ordonnan-  
ce, ou de la coustume si bien entendues,  
que leur conseil soit comme la responce  
d'un Oracle: Ce qu'ils ne pourroient  
faire, si entierement ils s'obligeoient à  
la lettre, & s'ils n'auoient que leur me-  
moire pour principale conduite. L'un  
& l'autre donc doiuent auoir leur em-  
ploy & leur exercice à l'explication des  
loix, & à proposer des cas semblables  
sur le suiet de chaque loy, iusques à sup-  
poser des exemples, pour serendre plus  
intelligibles, & declarer plus nettement  
ce qu'il faut tenir du poinct de l'affaire  
dont il est question. Tout cela est œu-  
re de l'intellect, & pour dire en vn  
mot, ceste partie de la Iurisprudence à  
proprement parler ne doit estre dictée  
Theorique ou speculatiue. Pour juger si vn art ou yne science  
doit estre dictée Theorique ou pratique

il faut considerer à quoy tend l'intellec-  
 en telles habitudes: car l'intellec-  
 latif ne differe de l'intellec-  
 que de la fin τῷ τέλει. L'intellec-  
 Theoretique, comme i'ay dit, quand le  
 but de son action n'est point au dehors,  
 comme quād il raisonne & discourt en  
 luy-mesme, en intention seulement de  
 trouuer la verité; & la science dont il se  
 sert pour cét effect, ou qu'il acquiert par  
 ce moyē est dite aussi speculatiue. Nous  
 en auons de diuerses sortes selon la di-  
 uersité des obiects. L'intellec-  
 est, quand outre son action simple d'en-  
 tendre, il est meu encore à vouloir agir,  
 & faire en dehors quelque action ou  
 quelque ouurage, comme à prononcer  
 vne harangue en public, donner la santé  
 à vn malade, rendre la iustice à des par-  
 ties plaidantes, ou bastir vne maison.  
 Si l'intellec- n'estoit point suiet à se  
 tromper, ayant son habileté d'instinct  
 de nature, comme les bestes, il n'auroit  
 besoin ny d'art ny de preceptes pour  
 operer, mais comme toute habitude  
 luy a esté deniée, si elle n'est acquise, il  
 se faiēt des regles, selon lesquelles il peut  
 sans faillir faire son action, & venir à

bout de ce qu'il pretend. De maniere que tout art est pratique, d'autant que tous les preceptes de l'art tendent à bien regler l'artisan pour paruenir à son dessein.

Puis donc que tous les preceptes de la Iurisprudence ne sont que pour seruir de regles aux occasions qui se presentent de rendre la Iustice, qui est vne action exterieure, sans doute ceste prudence doit estre dicté pratique, voire quand quelqu'un ne l'apprendroit que par plaisir, & avec dessein de n'en faire iamais aucun exercice. L'art, comme i'ay dit, ne fait pas, mais il enseigne le moyen de faire: & partant il est deuant l'artisan, & deuant l'action. *Ars præcedit praxim & artificem.* Il n'est donc pas pratique, à raison de l'artisan qui l'exerce, mais parce que c'est vne cognoissance, pour faire, quoy que l'artisan ayt en la volonté de ne faire pas.

La Iurisprudence est vn art d'n tout pratique, & ne peut estre dite speculative, sinon improprement. Mais en quelque maniere qu'elle puisse estre considerée, elle n'appartient qu'à l'entendement. Il dit que l'Aduocacerie depend de l'en-

tendement & la profession du Legiste, de la memoire. Cela n'est point. En l'une & en l'autre vacation il est grand besoin de l'une & de l'autre faculté. Pour estre bon Aduocat, il faut auoir non seulement l'entendement bon, mais aussi bon iugement & bõne memoire. Il faut que l'Aduocat en vn plaidoyé comprenne & declare nettement toutes les circonstances d'un faict; qu'il fortifie le droit de son client par viues raisons; qu'il responde aux allegations, qu'il se souuienne des loix, des formules, des iugemens, des ordonnances, qui font pour le merite de la cause; qu'il rapporte le tout par ordre & en bons termes, & quelquefois qu'il recite vn grand nombre de diuers dates, & vne longue suite de genealogies, avec les nōs & surnoms des descendans d'une vieille souche. Pour tout cela ces trois facultez de l'ame sont entierement necessaires, lesquelles (tant s'en faut qu'elles soyent contraires) ne sont entre elles qu'une mesme chose considerée diuersement, comme les Philosophes tiennent que ces trois, *unum, bonum, verum, sunt vna res, atque eadem cum ipso ente.*

Pour faire fin , la Jurisprudence est vn art, puis qu'elle consiste en principes vniuersels, pour faire. Elle appartient à l'intellec[t], & non à l'imaginatiue, qui ne cognoist que ce qui est particulier. Si la science du droit, comme porte l'Examen, n'estoit que des loix particulieres, contre raison elle seroit nommée art ou science. Il est certain que les loix des Romains par vn long temps ont esté sans ordre , & comme vn ramas d'ordonnances. Mais la confusion n'empeschoit pas qu'elles ne fussent autant de constitutions generales, comme depuis lors qu'elles ont esté reduites sous certains Chapitres. Iules Cæsar fut le premier à Rome qui eut dessein de les reduire, *sed talia agentem atque meditantem mors præuenit.* & croit-on que Cicéron s'y est estudié, veu que l'on fait mention d'un liure de luy , *de iure civili in artem redigendo.* Iustinian depuis entreprit cela sous la conduite de Theophile & de Trebonian, qui ont redigé toutes les loix sous certains titres, & le desordre en a esté leué par ce moyen : mais plusieurs y ont tant glosé depuis, contre la deffence de l'Empereur, qu'ils ont

augmenté & faict reuiure le desordre,  
obscurcy l'intelligence, & fomenté la  
chicanerie, nommément en France, où  
le procès est plus en credit qu'au reste  
du monde.

---

*De la Medecine. Si elle est vne science  
douteuse, incertaine & fondée  
seulement sur coniectures.*

## CHAP. XXX.



L tient que la Medecine est  
des plus incertaines sciences  
que nous ayons. Que la  
Theorique d'icelle, pour le  
regard del' Anatomie & de  
la cognoissance des simples, appartient  
à la memoire, comme à l'entendement  
l'autre partie qui consiste à la dispute, à  
rendre raison des effects & à la cognois-  
sance des causes; & la pratique à l'ima-  
ginatiue. C'est de la besongne mal tail-  
lée, qui a grand besoin d'une bonne re-  
forme, apres auoir esté examinée tout  
de nouveau.

L'opinion

L'opinion trop commune de l'incertitude de la Medecine est prouuenue de deux sortes d'ignorants, à sçauoir des mauuais Medecins, qui ont donné suiet au vulgaire de blasmer ceste science par leurs maluersations, & d'autres qui ont faiet ce jugement à la volée, sans raison, & mal à propos. De maniere que l'incertitude de la Medecine est presque tournée en Prouerbe : comme si entre les arts, cestui-cy, qui est neantmoins des plus vtils, estoit le moins asséuré en ses preceptes. C'est ce que dit Pline, *Nul- lam artium inconstantior esse, cum sit fructuosior nulla.* C'est mal faiet d'attribuer la faute de l'ouurier à la science, comme si vn client blasmoit la Iurisprudence, apres sa cause perduë, par l'ignorance, ou la negligence de son Aduocat.

Ceux-là semblent auoir plus de raison; qui disent la Medecine incertaine, parce qu'elle consiste en coniectures, & qu'elle est mise au nōbre des arts nommez cōiecturaux par Platon; pourquoy elle est dictée aussi par Galien *2. ars coniecturalis*, , *σοφιστικὸς τεχνή*. Car puisque la coniecture n'est autre chose, selon Ga-  
lien mesme, qu'une cognoissance im-

*2.  
Cap. 1. lib.  
29. natur.  
hist.*

*2.  
Lib. de cu-  
ratione per  
Vena secti.  
pag. 22. 42.  
gr.*

parfaicte, & moyenne entre ſçauoir & ignorer; Il ſemble que c'eſt aſſez de ſuier pour croire qu'elle eſt incertaine: mais la reſponſe à tout cela n'eſt pas difficile.

Il n'y a point de doute que tous les preceptes & toutes les maximes de la Medecine ne ſoyent veritables, & qu'elle ne ſoit vn art tres-certain en toutes ſes regles: mais lors qu'il eſt queſtion de mettre la main à l'œuure, & ſe ſeruir des regles pour la guerison des malades qui ſe preſentent: c'eſt là que le Medecin ſe trouue empeſché de doutes & de coniectures; à raiſon que l'art ne dit pas tout, & que le Medecin ne ſçait pas tout, veu que l'Idioſyncraſie, c'eſt à dire la nature particuliere d'vn chacun entre autres choſes luy eſt inconuë. τὸ τῆς ἐκείνου φύσεως ἴδιον ἀρρήτον ὅτι, ἔτι πρὸς τὴν ἀκριβείαν τῶν ὁπιοῦν ἀποκρίσεων.

*Galenus*  
*cap. 7. lib. 3.*  
*Metb.*  
*Med. gr.*  
*pag 67. 20.*

Il eſt beſoin pour guerir vn malade, pour exemple, Dion ou Socrates, de bien cognoiſtre la cauſe du mal, la maladie, la partie malade, le remede, & l'occaſion du remede. En tout cela, le ſage Medecin, qui a ſur chaque point toutes ſortes de doutes à combattre, ſ'eſcrime de l'eſprit, rumine, diſpute, ſe



tourne de toutes parts, pour trouuer ce qu'il cherche, & tousiours se voyt empesché, nommément si la maladie est nouuelle ou cachée, ou accompagnée de symptomes, dont la recherche est pe- nible, & la cognoissance difficile. Pour trouuer le genre du remede, il faut sça- uoir la cause du mal: pour l'ordonner en la forme qui est requise, il est besoin de cognoistre la partie malade: pour re- foudre de la quantité du remede & de la nourriture, il conuient estre certain des forces du patient. Le bon Medecin par les signes tire de tout cela vne coniectu- re certaine; attendu qu'il cognoist la grâdeur des maladies par la vehemence des symptomes; & la force de la nature par la force des facultez. Les causes sont aux humeurs, les symptomes aux fon- ctions, les maladies aux parties du corps.

Galien dit que la Medecine est con- iecturale, il est vray: mais il entend cela diuerfement. Au liure du moyen de guerir par la saignée, il fonde ceste con- iecture sur le doute de la quantité des remedes, *ἢ τῷ πῶς ἐκείνου τῶν Συν- ἡμαρτων*. Comme de vray il n'y a rien en toute ceste science plus difficile, & qui

Cap. II. pag.  
22. lin. 429

doive estre ordonné avec plus de iugement. Mais à raison que ceste difficulté de la quantité des remedes & des alimens, prouient de l'incertitude de la quantité du mal, & des forces du malade; il dit au 2. liure des medicamēs *κτ' τὸ α*, I. que la quantité du remede de soy est bien certaine, mais que la quantité de la maladie ne peut estre cognuë que par coniecture; mais aussi lors qu'elle est cōprise par le Medecin, elle montre par certitude de science, & non par coniecture, le moyen de guerir, *πῶς θεραπεύειν ὁ τοιαυτῶς ἀλλ' ὁπτισημονικῶς ἐνδείκνυται*. Il veut dire que les medicamens & alimens, qui ne sont que la matiere desaydes de la medecine, *ὅλη τῶν βοηθημάτων*, pour ce qui est de la quantité, ne sont pas tant difficiles à comprendre; mais que la cognoissance du mal, qui est comme la forme du remede & le remede, ne peut estre acquise que par coniecture, c'est ce que dit Hippocrate, que les cognoissances sont les remedes, *τὰ γνωρίσματα βοηθήματα*; selon le propos commun, que la maladie qui est bien cognuë est à demy guerie. Pour ceste mesme raison Galien encore rappor-

Y.  
Cod. Gr. p.  
1, 8. lin. 55.

te vne partie de la coniecture de la Medecine à l'occasion, qui est vne commodité du temps briefue & precipitée, laquelle doit estre prise aux cheueux, à raison du mouuemēt prompt de la cause, & des changemens qui peuuent en vn instant suruenir aux maladies, & aux malades. De sorte que la cognoissance du point de l'occasion est comme l'ame de la Medecine, laquelle pour ce sujet a esté definie par Aristote, *ἡ κατὰ χρόνον* *ἐν καιρῷ*, vne science qui consiste à prendre l'occasiō à propos & à point nommé. Pour trouuer ce moment de l'occasion, le Medecin doit bander les forces de son esprit, & auoir l'œil à tout. Il peut comprendre tout, & trouuer tout par les coniectures de la science.

C'est pourquoy on ne doit pas trouuer estrange si les bons Medecins sont tristes ou pensifs quelquefois, voire en presence de leurs malades; c'est que leur esprit est en affaires, & que pour le suiet du malade ils trouuēt plus à penser qu'à dire. Les ignorans au contraire vont gayement en besongne, n'ont soin que de dire le mot, & de rire au nés du malade; à raison qu'ils ne doutent de rien.

parce qu'ils ne sçauent rien. Ils ne craignent rien parce qu'ils ignorent le peril. Il n'est rien de hardy comme l'ignorance. Ils se contentent d'une premiere imagination, & ordonnent à la volée, à raison qu'ils n'ont point de regle. Ils veulent faire croire en ne pensant à rien, qu'ils ne doutent de rien. A vn mauuais ouurier il ne faut ny plomb ny équerre. Ils ne preuoient point le danger d'une maladie. Ils sont aucugles à toutes occasions. Telles personnes sont plus à craindre que les indispositions des malades. Aussi dit-on communement, il y a long temps, qu'un Medecin qui parle trop est vn autre maladie. *Medicus loquax alter morbus.* vers de Pub. Mimus tiré du Grec de Menander, *ιατρος ἀδόλεχος πάλιν νόσος.* Ceste vne folie que ne gueriroit pas Esculapc.

Galien donc ne met la cōiecture de la Medecine qu'en la pratique actuelle, c'est à dire, lors que l'on applique les remedes, par l'application des preceptes. Car ailleurs il declare assez son intention, par paroles expressees, qui peuuent seruir de decision, & mettre fin à ceste dispute. Ceux-là donc se trompent, dit-

il , qui croient que la Medecine est vn art douteux , & fondé sur coniectures , à raisõ del'incertitude de ses Theoremes: Elle n'est pas telle à cause de l'instabilité de ses preceptes; car ils sont tousiours certains; mais eu égard à la pratique , & à l'action du Medecin , dont l'euene-  
 ment est incertain , ὅ γὰρ ἀπὸ τῆς θεωρημάτων τοχαστικῇ λέγεται. ἔσκηκε γὰρ ταῦτα, ἀλλ' ἀπὸ τῆς πράξεως, ὥς τῆς τῆς ἰατρικῆς τῶν ἐργείας. Le Medecin ne peut pas mettre en pratique les preceptes de la science, & accommoder le general au particulier , sans grandes difficultez , à bien comprendre quelle est la cause du mal, la partie malade, l'occasion , & la quantité du remede. Il faut pour tout cela de la doctrine, du jugement, de la prudẽce, & de l'experiẽce: Desorte que c'est bon-heur à vn malade de rencontrer vn bon , sage , & habile Medecin , comme vn grand malheur au contraire, de se voir reduit sous la misericorde d'vn ignorant; & vne extreme pitié, de ne se contenter pas encore , de hasarder sa vie entre les mains d'vn Medecin inhabile: mais de se fier du tout aux Apoticairez , aux Barbiers , & aux Charla-

rans, qui sont par delà l'ignorance.

Les mieux aduisez sont trôpez souuent au choix qu'ils font de leurs Medecins, parce qu'il n'y a point de marques, pour les cognoistre. Il suffit pour estre estimé de se monstrier d'une belle apparence, d'auoir le discours en main, & l'esprit plus à bouffonner qu'à la guérison du malade; plus de soin de cueillir des herbes pour vn potage, & faire le bon valet, que d'ordonner en temps les remedes necessaires pour guerir. Il est bien louable à vn Medecin de donner bonne opinion à son malade, du courage, de l'esperance, & le consoler d'un bon visage: mais le meilleur office qu'il luy peut rendre, est d'aduiser, comme il est requis, au recouurement de sa santé, La vanité des paroles monstre la vanité del'esprit, dont bien souuent le malade est incommodé.

Pour rentrer en nostre propos, la Medecine promet de guerir, comme le docte & sage Medecin gueriroit tousiours les maladies qui ne sont point incurables: mais il est preuenu souuent de grandes difficultez, & de mauuais accidens qui trompent ses pretensions, vn

changement de saison, vne triste nouvelle apportée au malade, vne mauuaise conduite de ceux qui l'assistent, peuvent rendre vaine sa prudence, & eluder son prognostique. Ainsi voyons nous que la nature mesme ne succede pas tousiours heureusement en ses desseins, comme lors de la generation, il ne faut qu'une violente phantasie de la mere, pour luy faire perdre coup, luy desrober son dessein, & luy supposer vn monstre au lieu d'un enfant. Les maladies & les parties malades sont difficiles à cognoistre: mais le prudent Medecin peut leuer ceste difficulté, par la subtilité de ses coniectures, qui doiuent estre nommées non coniectures simplement, *σοχασμοί*; mais coniectures artificielles, *τεχνικὶ σοχασμοί*, ou pour mieux dire *τεκμαύσεις*; c'est à dire. collection de sciences, par signes certains, plustost que coniectures douteuses, faute de doctrine & de methode.

Sil'on oppose ce que dit Hippocrate, que les predictions aux maladies agues ne sont pas du tout certaines, *πάντων ἀσφάλεις αἱ περὶ ἀγρύνουσας*, pour monstrer que les euénemens en sont

1.  
*Leg. Galen. 3. de loc. aff. 255. 42. gr.*

2.  
*Aphor. 19. sect. 2.*

douteux; mesmes aux plus exercez & experimentez Medecins. Je responds qu'Hippocrate en ce lieu là veut enseigner que les prognostiques, ne doiuent point estre faiçts temerairement; & combien que les crises que procure la nature par la cuisson & par le mouuement des humeurs, doiuent auparauant donner des signes certains quād elles viendront, & de quelle sorte, c'est à dire *ad tempus* & *ad speciem*; qu'il y a neantmoins de l'incertitude, parce que les causes des maladies suiettes à changement peuuent prendre vn autre train, & renuerser le jugement du Medecin, & le dessein de la nature. Pour exemple, s'il arriue que quelqu'vn icune d'âge, & chaud de temperament, soit malade de fièvre continuë, au temps de la Canicule. L'ardeur de la saison qui a de coustume d'engendrer quantité de bile, rendra la maladie plus chaude & plus furieuse, les mouuemens de laquelle neantmoins seront facilement compris par le bon Medecin, parce qu'il ne verra rien de desreiglé, & contre le cours ordinaire de telles maladies. Mais sur le temps proche de la crise, si vne constitution de l'air suruient



Australe & pluuiicuse, qui augmente la corruption de l'humeur, & en empeschel'euacuation: Cét accident nouveau affligera le malade, donnera à penser au Medecin, & trauersera son esprit de coniectures. Il pourra bien auoir cognu les intentions de la nature, par le poulx, par les vrines, & autres indices; & preueu le temps & l'espece de la crise: mais ce changement qui est hors de nostre pouuoir, & hors du compris de la science: mais du nombre des choses entendues par Hippocrate sous ces mots, *τα ἐξωθεν*, aura peu rendre vain le prognostique du Medecin, & renuerser le dessein de la nature. C'est qu'en faisant la Medecine, il arriue des accidens qui ne peuvent estre preueus, dōt s'ensuit que l'on meurt quelquefois de petites maladies, comme de bleissures legeres, & dont on faisoit peu d'estat, au commencement. Ainsi en l'art militaire qui est fondé aussi sur l'occasion, il ne faut qu'un peu de poudre poussée par le vent aux yeux des soldats, pour faire perdre la victoire contre toute raison au plus habile Capitaine du monde.


Quelquefois il en aduient au con-

trair<sup>n</sup>, car nous voyons des maladies perilleuses d'entrée & de mauuais prognostique se chāger en micux, & se temperer sur la fin, en partie à raison des remedes & du regime bien ordonnez, en partie à cause de l'air & de la constitution du temps qui se sont monstrez plus gracieux & plus fauorables. Pourquoy il est aisé à iuger que l'air avec raison a esté appellé grand maistre, μέγιστος δυνάστης, par Hippocrate, puis qu'il a le pouuoir de changer les mouuemens de la nature, & de rendre incertaine la certitude de la Medecine.

Pour faire fin; comme la nature fait tous ces ouurages sans deliberer, l'art aussi, c'est à dire, celuy qui est habile & qui exerce selon les preceptes de l'art, sçait ce qu'il faut faire de premiere veuë, s'il n'y a rien de particulier caché au dedans, ou s'il ne suruiuent aucun accident du dehors, capable d'empescher, ou de retarder l'effect de son industrie.

De la Theorie & de la Pratique  
de la Medecine.

CHAP. XXXI.

 VANT à ce qu'il discours de  
la Theorie & de la pratique  
de la Medecine qu'elles de-  
pendent en partie de l'i-  
maginative, en partie de l'entende-  
ment & de la memoire : Que le Me-  
decin qui sçaura beaucoup de la  
Theorie, pource qu'il aura grand en-  
tendement ou grande memoire, sera  
indubitablement mauuais praticien,  
à raison qu'il aura faute d'imaginati-  
ue : & au cōtraire celuy qui sera grand  
praticien par consequent sera mal ha-  
bile à la Theorie, parce que la bonne  
imaginative ne peut pas compatir  
avec beaucoup d'entendement. *Por-*  
*que la mucha imaginatiua, no se puede iun-*  
*tar con mucho entendimiento, Il commet vne*  
*Iliade d'erreurs & vn monde d'absurdi-*  
*tez. Il me fasche de voir l'esprit man-*

*Exam. ch.  
12. Esp. 193  
fr. 113. 4.*

quer à vn bon esprit, pour vouloir discourir d'une profession à laquelle il ne cognoist rien.

Le sage & sçauant Medecin est tel qu'il peut estre mis à la balance contre plusieurs autres hommes, *πολῶν ἀνθρώπων ἄλλων*, dit Homere : d'autant que l'art dont il faiet profession est grandement vtile, necessaire, penible, difficile, & de longue haleine. Mais pour mériter ceste qualité il faut estre habile en toutes les parties de la science, & ne l'auoir pas apprise superficiairement, & par couplets. Pour estre bon Medecin, il faut estre tout; & sçauoir tout ce qui depend de sa profession : cognoistre par les signes les maladies & leurs causes, les parties malades, les symptomes, le prognostique, les remedes & le regime : & tout cela par la bonté de l'entendement, auquel seul appartient toute ceste oeconomie. Aristote compare ceste faculté de l'ame, à l'œil, & à la lumiere : Puis donc que l'entendement est l'œil de l'ame, en matiere d'arts & de sciences, sans luy l'imaginatiue ne voit goutte, & il n'y a en tout le reste que de l'aveuglement.

Il dit : que la pratique depend de „  
 l'imaginatiue, & pour bien pratiquer „ *Exam. ch.*  
 la Medecine, qu'il faut ignorer la „ *12. pa. 193.*  
 Theorie, parce que ces deux sont in- „ *Esp. 113. n.*  
 compatibles. Philosophie estrange !  
 l'art est vn recueil de preceptes que faiët  
 l'entendement, afin de pratiquer sans  
 faillir; & neantmoins, selon l'Examen,  
 il ne faut point d'entendement pour  
 bien pratiquer : comme si l'on disoit,  
 que le Peintre, pour bien exercer son art  
 doit auoir bonne veüe, & neantmoins  
 qu'il faut estre auetgle pour estre bon  
 Peintre. C'est visiblement se moquer  
 de la patience du lecteur.

Les preceptes de la Medecine, com-  
 me des autres arts, ne sont qu'en l'en-  
 tendement; & pour sçauoir bien prati-  
 quer il n'est besoin que de la cognois-  
 sance des regles & des preceptes, de l'ex-  
 perience, & de l'exercice. Tout ce que  
 peut en cela l'imaginatiue est, qu'estant  
 prompt par la subtilité des esprits, elle  
 esueille aucunement l'intellect, *sicut*  
*ignis excitatur flabello*. Pour auoir bonne  
 imaginatiue, il faut que les esprits soyēt  
 tellement purifiez, qu'ils approchent de  
 l'immatériel, & quasi qu'ils n'ayent

point de corps : mais la pureté d'esprits en vn tel degré ne peut estre qu'en l'homme, à raison que son imaginative doit seruir à l'intellect, qui rejalt sur elle quelque rayon de sa lumiere, dont elle est renduë plus actiue, & ses organes plus habiles: mais pourtant de vouloir croire que la pratique de la Medecine appartienne à l'imaginatiue, c'est vne opinion intolerable, & vne imagination indigne d'un esprit bien fait.

Quand Galien dit que pour biẽ exercer la Medecine deux choses sont necessaires, la raison, & l'experience, comme les deux jambes à l'homme, pour cheminer, & qu'elles sont l'vne & l'autre vtilles esgalement, ὁπῶσαν δυνάμιν ἐς τὸ βαδίζειν ἐκάτερον τῶν σκελῶν εἰσφέρειται, τοιαύτην ἐν ἰατρικῇ τὴν ἐμπειρίαν ἔχει τὸν λόγον ἔχει : il monstre clairement qu'il faut s'aider de l'vne & de l'autre, à sçauoir de la raison aux choses generales, μεθόδῳ ἐν τοῖς καθόλου, & de l'exercice en ce qui est de particulier, ἀσκήσει ἐν τοῖς κατὰ μέρος. Autrement, il est impossible de rien faire de bien, sinon par hasard; comme Polus<sup>1</sup> disoit que l'experience fait l'art, & le manquement d'ex-

perience, la fortune, ἡ ἐμπειρία τεχνικὴ cap. 1. lib. 1  
 ποιῆ, ἡ δ' ἀπειρία τεχνικὴ. La raison ou Metaph.  
 la methode estant seule, est imparfaicte,  
 parce qu'elle cloche faute d'exercice;  
 comme la pratique seule est aveugle, à  
 raison qu'elle n'a point la conduite des  
 reigles & des preceptes. Et toutesfois  
 nostre Examineur, qui veut tout re-  
 former au moule de sa phantasie, croyt  
 que ces deux iambes de la Medecine  
 sont incompatibles. C'est vne opinion  
 qu'il a eüe incompatible avec la mien-  
 ne; pourquoy il faut que i'entre encore  
 en duel avec luy pour luy faire voir, ou  
 à ceux de son party, combien il est cloi-  
 gné de la raison & de la verité.

Il croit que la pratique de la Medecine ne depend que de l'imaginatiue, parce que la cure actuelle des maladies ne consiste qu'en choses particulieres, qui ne sont point, dit-il, de la iurediction de l'entendement. De sorte que si nous voulons nous ranger à ceste tradition il ne sera plus besoin de preceptes, & suffira à l'aduenir, sous le bon plaisir de l'autheur de l'Examen, pour guerir toutes sortes de maladies; de se conduire simplement sous les loix de la

nature, de la fortune, & de ie ne ſçay  
 quelle experience beſtiale. Les aucugles  
 par meſme moyen chemineront ſans  
 baſton, & les ſages à l'aduenir ſuiuront  
 les charlatans, qui ne trompent à pre-  
 ſent que les plus fols de la populace.  
 Armer ainſi l'ignorance, eſt vne marque  
 & vn grand preiugé d'une monſtruenſe  
 ignorance. Il eſt ſemblable à ces Sophi-  
 ſtes dont parle Galien, leſquels non ſeu-  
 lement ne s'eſtudioyent pas à inuenter  
 quelque choſe d'vtile; mais s'effor-  
 coient de corrompre ce qui auoit eſté  
 habilement inuenté par le paſſé, τοῖς  
 πολλοῖς εὐφημέοις λυμάρειν. J.

Tout ce qu'il dit de l'imaginatiue eſt  
 faux. La pratique de la Medecine ne luy  
 appartient point, ny la ſcience des cho-  
 ſes particulieres, ny la cognoiſſance de  
 l'occaſion, ny la Dialectique des dernie-  
 res propoſitions du ſyllogiſme en *Da-  
 rij*, qu'il fait voir comme vne picce ad-  
 mirable au huietiſme Chapitre de ſon  
 Examen: mais ie reſerue à traiter de ce-  
 la en autre lieu, & plus à propos cy après.  
 Pratiquer la Medecine eſt oeuvre de l'in-  
 tellect, parce qu'il eſt impoſſible de gué-  
 rir vn mal que l'on ne cognoiſt point.



Or il n'appartient qu'à l'intellect de cognoistre le mal, & d'ordonner la quantité du remede, à proportion de la quantité du mal; attendu qu'il est besoin de discours en tout cela, & que l'imaginatiue est trop basse pour y atteindre. Si elle auoit autant de pouuoir comme il dit, les bestes pourroient faire la Medecine.

Les causes sont dictes *αἰτίαι*, *ad aliquid*, à raison du rapport qu'elles ont avec leurs effets: elles ne peuvent donc estre cogneuës que par la raison qui appartient à l'entendement. P enser vn malade n'est autre chose qu'ordonner l'application des remedes contraires à la maladie, & à ses symptomes, sous la conduite des indications, & en tout cela l'imaginatiue ne voit goutte, comme les sens extérieurs s'ont auégles aux actions de l'imaginatiue. Le Medecin guerit par le moyen de l'art qu'il a en son entendement; & s'il arriue qu'un ignorant donne vn remede qui guerisse le malade, c'est auoir l'art, sans opinion de l'auoir, comme Dieu fauorise quelquefois l'ignorance d'une bonne fortune. C'est

*Galien.*

sance. ἀμύχανος σοφία. Les Empiriques qui n'ont rien quel'experience en font là logez. Mais nous auons deux sortes d'experience, vne qui est au eugle, & qui n'a autre conduite que de la fortune. Ceste sorte d'experience est dangereuse, πείρα σφαλερή, selon Hippocrate; comme fait foy la pratique ordinaire de nos charlatans, qui avec leurs baumes, leurs sels, leurs essences, leur Mithridat, & leur impudence, qui est la principale drogue du mestier, acquierent plus de credit en faisant mourir, dans le royaume de la folie, que les bons & aduisez Medecins en redonnant la santé à leurs malades. Ils trompent, parce qu'ils ne sçauent pas le temps des remedes. Ils purgent quand il ne faut pas, & ne purgent pas quand il est requis, à raison qu'ils ignorent les signes de la cuisson, & de la crudité des humeurs, & la science de l'occasion. Il n'y a rien plus dangereux aux maladies, dit Seneque, qu'une Medecine donnée hors de saison, & mal à propos. *Nihil periculosius in morbis, quam immatura Medicina.* Aux maladies aguës durant tout le temps de la crudité des humeurs il ne se faiçt point de crises, &

ne faut rien esperer de la nature, *ταῖς ἀπεψίαις ἀπολυσθῆσιν αἱ ἀκρίσιαι* : il faut *I. Galenus.* que l'art en cela imite la nature. Les Charlatans pour ne cognoistre pas les parties malades, quand en la voute du foye il y aura du mal, qui demande l'euacuation par les vrines, ils purgeront par le ventre; & au contraire par les vrines, les humeurs qui pecheront aux cauitez du foye, vers le mesentere & les intestins, à la ruine des pauvres malades. Aux coliques bilieuses ils ordonnent miserablement de l'eau de vie, de l'essence de gyrosles & de canelle; comme s'ils estoient causées de vents & de pituite, & rendent par ce moyen les maladies incurables. L'eau de vie doit estre dite eau de mort en telles affaires. Aux inflammations des reins & de la matrice, pour euacuer ils saigneront par le bras; en la pleuresie & en l'inflammation du poulmon ils ouuriront les saphenes; & tout cela, parce qu'ils ignorent les preceptes de la science, & ne sçauent pas que ce que nous appellons remede n'est que la matiere du remede, & que la cognoissance de la maladie en est la forme.

L'autre experience est celle, qui marche sous la baniere de la raison, & qui est jointe tousiours avec les preceptes de l'art & de la methode. L'art depend de l'experience, pour ce qui est de l'origine, mais pour la conduite, l'experience depend de l'art. Les preceptes de la Medecine sont inutiles sans l'usage qui ne s'apprend point, *ἡ ἀδιδασκαλία*, dit Hippocrate; comme l'usage & l'experience, sans les preceptes, qui peuvent estre appris, non en six mois, comme disoient anciennement les methodiques, mais en si long temps, que nostre vie dure trop peu, pour cét apprentissage, *vita brevis, ars longa*. Quand ces deux sont joints ensemble, de ce mariage naist vne si heureuse pratique, qu'elle fait souuent des cures, que l'on iugeoit impossibles. C'est ce que dit Auenzoar, qu'il se fait des miracles en la Medecine.

Le Medecin donc qui a l'experience & la methode, la Theorie & la pratique peut se rendre admirable, parce qu'il est capable de tout faire, pour ce qui est de son art. Il sçait qu'il faut saigner aux fieures agues dès le commen-

I.  
Lib. 2. de  
decenti  
ornatu.

*Thessalus*  
*apud Galen.*  
*cap. 1.*  
*li. 1. Meth.*

cement, ayant appris d'Hippocrate & de l'experience que le retardement ne vaut rien en telles maladies; & qu'il y auroit du peril à attendre la cuisson des humeurs, comme veut Auicenne, lequel doit estre suiuy pour la purgation, non pour la saignée. Quand il doute de la quantité, en matiere de purgation, il sçait qu'il vaut mieux faillir, en purgeant moins que trop, au contraire du regime de viure, auquel les fautes vers le trop peu, sont plus d'importance. *Si peccandum est peccare præstat in paulo pleniore victu.* En la pleurésie il n'ordonne pas tousiours l'orge mondé, parce qu'il est nuisible au commencement: ny l'h'ydromel, d'autant qu'il est contraire aux bilieux de complexion. Quand en dormant suruiennent de grandes sueurs aux malades, il sçait leur ordonner ou la purgation ou la diete *per ἀσπersion*, parce que la raison & l'experience luy ont appris que cela n'est causé que d'abondance d'humeurs, ou de trop de nourriture. Lors qu'un malade est veu se porter mieux sans raison, & sans apparence de signes pour cela auparauant, il cognoist que c'est un amendement

trompeur *ἄσπιος καφισμός*, auquel il ne se fie pas, attendu qu'il n'y a rien de bien fait en tel cas, si nature n'en a donné l'aduertissement par signes precedens: mais il ne s'estonne pas aussi, lors des accidens estranges, qui precedent le jugement de la maladie, à raison qu'il aura preueu par les signes l'intention de la nature, & pour le tēps & pour l'espece de la crise. Il sçait le point de l'occasion, pour les remedes; & qu'il y a du peril biē souvent à estre trop tardif ou precipité, & qu'un peu de retardemēt avec bō aduis, vaut tousiours mieux neātmoins qu'une action auancée temerairement: *Tutior vbiq̃ue consulta tarditas, celeritate temerariā.* & toutefois qu'il faut en certains suiets passer toutes sortes de considerations, comme aux maladies deplorées & auxquelles, apres toutes sortes d'aduis & de remedes il ne reste que du desespoir: car en tel cas il est permis, apres le prognostique de donner quelque chose au hazard. Lors que le danger est eminent, dit Celsus, l'on peut tenter ce qui ne seroit pas loisible vne autre fois. *Quos ratio non restituit, temeritas adiuvat.* Il trouuera neantmoins plus expedient

de laisser cela aux Charlatans, qui sur  
telles occasions font leurs experiences.  
Il faict profit des mouuemens de la na-  
ture & les imite: car en la surdité, aux  
inflammations des yeux, en l'hydropi-  
fie, en la migraine, & autres douleurs de  
tête, il purge hardiment, d'autant que  
l'on voit souuent cesser telles maladies,  
apres vn flux de ventre suruenu naturel-  
lement. Aux deuoyemens il ordonnera  
quelquefois le vomitoire, pour auoir  
veu ce symptome quelquefois guery  
naturellement par ce moyen. C'est l'art  
qui conduit tout cela, marié avec l'ex-  
perience: mais l'indication doit tou-  
iours faire le pas deuant, qui est vne co-  
gnoissance de ce qui profite, jointe avec  
la cognoissance de ce qui blesse: sans  
discours & sans obseruation. Et tout ce  
mesnage, des experiēces, des preceptes,  
de l'art, de la methode, & des indica-  
tions se faict en l'entendement: de ma-  
niere qu'il faut malgré l'Examen suiure  
la doctrine d'Hippocrate, qui dit que  
pour sçauoir, la nature doit estre jointe  
avec la sagesse, ἡ φύσις τῇ σοφίᾳ, c'est à  
dire l'exercice & l'experience, avec la  
methode: selon Galien ἀσκήσις τῇ μεθόδῳ.

1:  
ἀνευ της ἡ-  
σως καὶ λο-  
γισμῶ.  
Galenus.

δὲ μὴν, la Theorie avec la pratique. Iamais on n'a veu bon Medecin manquer de l'une ou de l'autre. Tant s'en faut qu'elles soyent incompatibles,

*De l'experience, des indications,  
& des jeunes Medecins.*

## CHAP. XXXII.



V. Chapitre douzieme de son Examen, il dit que l'experience depend d'avoir bonne memoire. Cela merite d'estre bien exprimé, & mieux entendu. Selon Aristote, plusieurs memoires d'une mesme chose, font vne experience, & S. Thomas pour l'intelligence de ce texte du Philosophie, dit que c'est vne conference de plusieurs choses particulieres comprises par le sens, & reseruees en la memoire. Il croit que ceste conference, qui est vne maniere de comparaison ne se fait pas par le moyen de l'intellect: mais de l'un des sens extérieurs, qu'il nomme co-



gitatiue, faculté qui raisonne des choses particulieres, comme l'intellect des vniuerselles: de sorte qu'il donne à la cogitatiue ce que l'Examen attribue à la memoire.

Ces deux opinions ne doiuent estre approuuées legeremēt mais examinées & considerées de près, pour deux raisons. La premiere est, que l'experience estant vne comparaison, semble estre deuë à l'intellect, attendu qu'il n'appartient qu'à ceste faculté de comparer vne chose à vne autre: à raison dequoy, tous animaux, excepté l'homme, sont priuez d'experience. Aristote dit bien, que les bestes en ont quelque peu. <sup>ἡ μὲν τῶν ζῴων</sup> *μὲν τῶν ζῴων*: mais ce n'est pas de ceste experience dont nous parlons icy. L'experience des bestes est vne memoire d'une mesme chose arriuée plusieurs fois fortuitement, comme quand vn chien ne retourne point en vn lieu ou souuēt il aura esté batu. Mais l'experience Medecinale n'est pas cela: car apres vne premiere memoire nous n'attendons pas tousiours le retour de plusieurs rencontres fortuites en choses pareilles: mais nous en faisons l'essay plusieurs fois;

7.  
Cap. 1. lib.  
1. Metaph.

puis nous colligeons toutes ces me-  
moires particulieres, & ceste collection  
resolutive est ce que nous appellons ex-  
periēce. Pour exemple quelqu'un apres  
auoir vsé de sang de bouc, ietta quanti-  
té de sable & de grauois par les vrines,  
& cét effet luy estât arriué deux ou trois  
fois ainsi fortuitement, non content de  
cela; de propos deliberé & de peur d'e-  
stre trompé voulut en faire l'essay. Tou-  
tes ces memoires ensemble luy ont esté  
vne experience, & comme vne resolu-  
tion en son entendement; que le sang  
de bouc rompt les grauois des reins; &  
les purge par les vrines.

Cét exemple me remet en memoire  
l'impertinence de l'un de nos Sages, le-  
quel en sō liure qu'il a intitulé les essais,  
blasme les Medecins; & se moque de  
ce qu'ils ordōnent le sang de bouc, pour  
guérir du calcul: parce, dit-il, que l'on  
a veu des boucs auoir des pierres dans  
les reins. Cét homme qui faisoit profes-  
sion de jugemēt & qui s'est décrit dans  
son liure, afin que sō exemple fust com-  
me vne regle pour les autres hommes,  
semble en cela auoir eu bien peu de ju-  
gement. Le bouc est sujet aux douleurs

de reins causées de grauois; *Ergo* le sang de bouc ne peut estre vn remede salutaire cōtre le grauois: c'est vne consequence qui ne vaut rien. Ce sage ne sçauoit pas quel'on ordonne mesme des pierres cōtre ce mal avec heureux succez, comme la pierre Iudaïque, les pierres d'escreuices, & les pierres mesmes des maladies renduës avec l'vrine. Le Lièvre est vn animal que l'on tient de sang grossier & melancolique, & neantmoins le cœur de Lièvre en poudre donné avec du vin blāc est vn singulier remede contre la fièvre quarte. Le Citrō pour estre vn fruit qui se pourrit & se corrompt aisement, ne laisse pas d'estre vn grand remede contre la pourriture des humeurs. Mais cela soit dit en passant. Reprenons le fil de nostre discours.

Ceste collection donc de plusieurs memoires est vne certaine cognoissance pour laquelle il est besoin de raison, de sorte que particuliere ou nō elle appartient à l'entendement, d'autant qu'il y a vne conference, ou vne comparaison de la cause avec l'effect, & comme vn commencement de consequence. La reserve de tout cela est biē en la memoire: mais

la collectiō des memoires & la cognoissance certaine & particuliere de l'effect, est de l'intellect.

La seconde raison est, que l'experience estant vne cognoissance, il faut qu'elle soit actuelle ou habituelle. J'appelle cognoissance actuelle ceste actiō par laquelle nous cognoissons quelque chose actuellement ; comme quand nous voyons actuellement quelque couleur, ou quand j'entends maintenant, que nous auōs le leuer de la canicule, qui est cause de grandes chaleurs. La cognoissance habituelle est celle qui est le principe de l'action de cognoistre, & ceste cy est ou naturelle, ou acquise ; Si elle est naturelle elle s'appelle faculté, asçauoir le sens & l'intellect : Si elle est acquise, elle est diēte habitude, qui est vne qualité en l'intellect, par le moyen de laquelle il exerce plur parfaitement son action. Or ceste qualité ne conuient nullement aux sens : attēdu que les sens qui ne peuvent errer en leurs propres obiects, de leur propre & naturelle vertu font parfaitement leurs fonctions : mais à l'intellect, parce qu'il est suiet à se tromper, pour n'estre pas vne faculté dediée & de

terminée à choses particulieres seulement, mais aussi aux vniuerselles: c'est de ceste cognoissance habituelle, que l'on entend parler quand on dit que quelqu'un est sçauant en Medecine, ou en quelque autre sorte d'art & de science, encor qu'il n'en face aucune profession. Puis donc que l'experience est vne cognoissance, il faut qu'elle soit actuelle ou habituelle; elle n'est pas actuelle seulement, car nous disons que le Medecin qui a guery plusieurs malades est fort expérimenté, voire lors qu'il ne pense ny à guérir, ny à traicter aucun malade: elle est donc habituelle, & par conséquent en l'intellect, & non en la mémoire.

Il ne faut point croire que la science de la Medecine en toutes ses parties appartienne à autre faculté de l'ame qu'à l'intellect, ny que la Theorie & la pratique soyent contraires & incompatibles. Et s'il arriue que quelqu'un qui sera sçauant en la Theorie soit peu expérimenté & mauuais praticien; la cause n'en doit estre rapportee ny aux temperamens, ny à la contrariété des facultez, ny à l'incompatibilité

de ces deux parties de la Medecine: mais parce qu'il est besoin de beaucoup de temps & d'estude pour bien vaquer ensemble & à l'une & à l'autre. Pour ceste mesme raison, il n'est pas aisé à vn mesme esprit, de sçauoir toutes les sciences qu'il dit appartenir à l'imaginatiue, à sçauoir la Poësie, l'Eloquence, la Musique, l'art de prescher, la pratique de la Medecine, la Mathematique, l'art militaire, le gouuernement d'une Republique, la Peinture, quoy qu'elles soyent compatibles selõ ses maximes. Ce qu'il dit donc du Medecin Arabe & d'Argenterius peut estre veritable: Qu'ils estoient sçauans en la Theorie de la Medecine, mais de peu d'experience, & malheureux en la pratique: d'autant, comme ie croy, qu'ils ont employé toute leur estude à ceste partie, & ne se sont addonnez à l'autre que legerement. Il appert qu'Argenterius s'y est ainsi comporté: car il a tant voulu subtiliser sur les preceptes de l'art & de la methode, que pour reprēdre ceux qui en auoyent traité mieux que luy, il a perdu ce qui estoit du deuoir principal, & s'est montré en fin plus subtil en la science, que bien

bien experimenté & heureux en la pratique. C'est le jugement que font les plus doctes de ce personnage.

I'accorde donc qu'un Medecin peut estre sçauant Theoricien, & defectueux en la pratique; mais qu'il puisse estre grandement experimenté, heureux & sçauant praticien, sans estre habile à la Theorie, il est impossible. Pour aller droit en ceste profession il faut cheminer des deux jambes, & ne clocher ny d'un costé ny d'autre: cōme nous voyons par les œuvres de tous les Medecins presque qui ont iamais escrit, Grecs, Latins, Arabes, François, Italiens, Espagnols, Allemans, qu'ils ont esté sçauans en l'une & en l'autre partie. En la question, si entre les especes de l'hydropisie, celle qui est d'abondance d'eaux dans la capacité de l'Abdomen est plus dangereuse que la tympanite qui est causée de vents: si nous voulons piquoter seulement à force de raisons, nous trouuerons avec Auerroës qu'il y a plus de peril à la Tympanite. Et neantmoins l'experience iointe à la raison nous apprend que l'autre est plus à craindre & de cure plus difficile. Les raisons sont plus for-

tes quand elles sont accompagnées de l'experience. Parce qu'il faut scauoir pour faire, l'experience est vne grande maistresse en la Medecine, & toutefois ellen'est rien sans la science: & tout cela art, science, experience, pratique, appartient à l'intellect. I'entends l'experience Medecinale, laquelle ne peut estre sans l'entremise de l'entendement & de la raison.

Si l'on oppose à cela ce que i'ay rapporté cy-deuant de Galien, qu'il faut pour estre bon Medecin, auoir l'experience & la raison, *ἐμπειρίαν ἢ λόγον*, & qu'il s'ensuit, puis qu'il parle de ces deux separément, comme de choses diuerfes: que l'experience n'est point raison, & en suite qu'elle n'appartient point à l'ame raisonnable. Ie responds que ceste consequence ne vaut rien: car combien que l'on traiete en Philosophie du jugement, de l'entendement, de la volonté, & de la raison separément, comme de choses differentes, on ne peut pas inferer de là, que les trois premieres facultez soyent excluses del'estenduë de l'ame; comme si la raison contenoit seule, tout le pouuoir de l'ame raisonnable, qui



n'est toute fois qu'une faculté, comme les autres; mais qui les doit accompagner toutes, comme l'expérience doit estre conduite par la raison. D'ailleurs Galien en ce lieu là, par la raison entend l'art, la methode & les preceptes, qui sont regles generales & vniuerselles: par l'expérience; tout ce qui depend de la raison acquise par exercice en choses particulieres. Cela se voit clairement par les diuers noms dont il use en traitant ceste matiere: car en vn lieu ce qu'il appelle experiēce & raison, en vn autre il le nomme exercice & methode, *ἀσκησιν ἢ μέθοδον*: afin de se rendre intelligible, & de s'interpreter luy mesme. Mais tousiours c'est ceste experience Medecinale qui depend de l'intellect, & qui est vne cognoissance des effects particuliers de la nature, & non des preceptes vniuersels de la Medecine, qu'il nomme raison & methode. L'intellect est en possession de ces deux cognoissances, comme ie prouueray cy apres.

Le mesme doute est en la Medecine pour le regard de indications: car veu qu'elles sont, selō Galien, cognoissances sans obseruation & sans discours, *ἀνευ*

τηρήσεως ἢ λογισμῶν, & qu'elles cōsistent en choses tellement certaines & apparentes, que sur icelles il n'est pas besoin de raisonner, il semble qu'elles ne sont point de l'entendement. Pour foudre ceste difficulté il faut entendre avec Galien que nous auons deux sortes de choses notoires, & certainemēt apparentes, sur lesquelles sont fōdées les indicatiōs. Les vnes sont notoires aux sens; & celles là sont le suiet des indicatiōs des bestes, lesquelles estat blessées ont en la phātasie, vne cognoissance naturelle & particuliere de guerison par le cōtraire. Si elles sōt malades de trauail, elles se portēt au repos. Si elles ont vne espine au pied comme le Lyon d'Androdus, elles cherchent le moyen de l'oster, & ceste indication appartient à l'imaginatiue. Les autres sont notoires à l'intellect, & tellement certaines, qu'elles n'ont besoin ny de discours, ny de demonstration. Elles sont dictes ἀξιώματα, notions vniuerselles, qui sont nées avec nous, & si apparentes à vn chacun qu'elles ne peuent estre mises en controuerse, comme celles cy. Que toutes maladies sont gueries par leurs contraires. Ces axiomes sont en l'intellect, & sur iceux sont

fondées les indications de la Medecine, qui sont cognoissances naturelles, & tres-faciles, veu que cela nous est naturel, de sçauoir qu'une intemperie chaude, doit estre guerrie par le froid; une repletion de sang, ou une abondance d'autres humeurs par euacuation. Que ce qui est superflu doit estre osté & remis ce qui est hors de son lieu. Et parce que tout cela est cognu, mesme des plus ignorans de tout le peuple, les indications, selon Galien, ne sont point partie de la Medecine: mais seulement elles sont un commencement d'acheminement à la methode, *ἀρχὴ τῆς θεραπευτικῆς μεθόδου*.  
Car il faut mettre en effect particulièrement ce qu'elle nous mōstre en general; Pour exemple, si quelqu'un est malade d'abondance de bile aux cauitez du foye, l'indication est de l'euacuer, comme superfluë: & sur ce premier aduertissement, c'est au sage & experimenté Medecin de cōsiderer si elle a besoin de preparation auparavant, de prédre le point de l'occasion, & d'ordonner la quantité du remede à proportion du mal, la forme, selon le lieu où est le mal, & l'espece, selon la qualité de l'humeur, & la com-

i.  
Cap. I. lib.  
3. methodi  
Med.

plexion du malade. A vn la casse sera plus vtile, à vn autre le Rhubarbe, la Manne, ou la Scammonée. Cestuy-là dit Galien, qui sçait bien parfaire ce qui est monstre par l'indication merite d'estre appellé vrayement Medecin, & τὸς ὅστις οὐ τῆς νοσημάτων ἡεραπειῆς. Il adiouste que pour paruenir à cela, la methode & l'experience ensemble sont necessaires, quoy que les Empiriques se contentent de l'experience. C'est pour reuenir au propos, qu'il est tres-necessaire à vn Medecin de sçauoir parfaitement la methode, & d'estre grandement exercé à la pratique,

Si donc le Charlatan se presente armé à la legere, & muny seulement de troison ou quatre regles, comme dit l'Examen, *con tres o quatro reglas de Medicina*, qu'il aura apprises en courant, pourra t'il cognoistre en quelle partie du corps est assise chaque maladie, pour y apporter le remede, comme il est requis? Sera t'il en son pouuoir de cognoistre, s'il y a plusieurs maux compliquez ensemble; pour les vaincre par vne prudente mixtion des remedes, qui les regardēt tous? Sera t'il capable avec sa pauvre & chetive

ue imaginatiue, de distinguer les maladies, qui ont quelque affinité & proximité de signes, & de symptomes? Les fièvres doubles tierces ou triples tierces d'auec les quotidiannes; Certaines suffocations de matrice d'auec l'apoplexie: la nefretique, d'auec la colique: les coliques bilieuses d'auec les coliques ordinaires: la Pleuresie, d'auec l'inflammation du foye, ou des muscles de l'*Abdomen*: les douleurs de la vessie causées du calcul, d'auec celles qui sont de phlegme pourry? en telles difficultez journellement ils commettent des fautes si lourdes, au preiudice des pauvres malades, que les maladies ne sont pas plus perilleuses.

Si l'auteur de l'Examen eust esté Medecin, il eust parlé de tout cela en autres termes: il eust appris en pratiquant, qu'il est besoin d'un jugement espuré, versé en la sciëce, & entierement brisé à la pratique. Autrement, qu'il n'y a que de la fortune, & des fautes de consequence; parce qu'il y va de la vie. Nous auons veu des Empiriques ignorâs donner des remedes repercutifs au commencement d'une squynancie, & suffoquer le mala-

de, par ce moyen vn Chirurgien esuenté  
& malhabile, en pensant de la main les  
eserouilles vlcérées d'un jeune homme.  
luy coupa le nerf recurrent, & par mes-  
me moyen le fil de la parole: Il en de-  
meura muet le reste de sa vie. Aux mala-  
des de peste ils donnent la Theriaque  
indifferemment, voire à ceux qui ont  
vn phlegmō en l'interieur. Le mal estoit  
assez perilleux, sans y adiouster le venim  
de leur ignorance: mais le mot de peste  
est yne excuse qui couure toutes sortes  
de fautes. Langius sage & sçauant Me-  
decin se plaint d'un ignorant, lequel en  
la cure des fièvres ardentes employoit  
toute son estude à oster la noirceur  
de la langue à force de laucmens de  
bouche; comme si cet accident eust  
esté la cause du mal. Telles folies se-  
royent dignes de risée, si elles n'e-  
stoyent point de consequence, pour  
les malades. Il n'y a point de raison, au  
lieu d'esteindre le feu, de s'arrester à blā-  
chir la cheminée avec de la craye ou de  
la ceruse. Ce sont des effects de la prati-  
que solitaire, & qui s'emancipe de la  
conduite des preceptes & de la metho-  
de. Pourquoi ie m'estonne de ce que

nous voyons des hommes d'esprit, porter ces abuseurs, & soustenir avec eux, que le hazard peut suppleer au defaut de la doctrine: comme cestuy là anciennement qui aymoit mieux vne goutte de bonne fortune, qu'une mer de bon esprit, *τυχῆς θαλασσὸν ἢ φρενῶν πείραν*: parce, disent ils, que l'on voit des Empiriques, qui ne sçauent rien que le courant, rencôtrer plus heureusement, que certains Medecins consommez de long tēps à la Theorie de la Medecine. Tout cela est de l'artifice des Charlatans & des meneurs d'ours pour donner du credit à leur mithridat.

Les Medecins sçauans qui n'ont que peu ou point d'experience & de pratique, ne guerissent point: les Charlatans qui n'entendent que la drogue & la pistole, sont tous trompeurs: mais les doctes & experimētez Medecins ont tousjours l'heur d'un bon succez, s'il est possible: parce qu'ils n'ont point de fortune que leur science. Leur prudence les rend heureux en leurs cures; quand mesmes le ciel & les estoiles seroyent contraires, il font ce qu'il faut, & ne manquent iamais de conduite. Les Charla-

tans qui vendent leurs drogues sur le Theatre & autres tels imposteurs n'ont qu'une experience folle, *cuius finis certamors*. Galien les compare, τῶν κύνων πρὸς τὰ ζῷα, parce qu'ils jouient comme à trois dez la santé de ceux qui se fient à leur bezoard & à leur or potable. Il vaut mieux fuiure l'experience des sages Medecins, dicte par Hippocrate, πῦργος πείραξις, c'est à dire experience acquise par vn long exercice, & sous les ailes de la prudence, qui est sa plus fidele compagne; car, comme i'ay dit cy-deuant, separément elles sont sans fruit & inutiles l'une & l'autre, ἡ ἀπὸ τῶν ἀλόγων ἀράξις, ἡ ἀπὸ τῶν ἀπειράτων. Saluste parlât du conseil & de la force semble mettre fin à ceste dispute. *Vtrumque per se indigens*, dit-il, *alterum alterius auxilio indiget*. C'est dōc vn abus de croire que ces deux sont incompatibles, & qu'il faut estre mauvais Theoricien, pour estre habile en la pratique de la Medecine.

i.  
Gregor.  
Nazianz.

Des ieunes  
Medecins.

Sur ce mesme sujet se presente encore vne difficulté: si vn jeune Medecin doit estre plus certain en ses cures, ayant beaucoup de science, & peu d'experience, qu'un vieillard qui sera peu sçauant,



mais de long temps vſité à la pratique. Il y a de grandes raiſons pour le ſouſtien del'vn & de l'autre party, & le iugement en eſt difficile. Car ſi nous ſuppoſons, qu'ils ſoyent egaux, tant pour ce qui eſt de la bôté de l'eſprit, que pour le regard des habitudes acquiſes; faiſant compariſon de la ſcience du ieune avec l'experience du vieil, & de la ſcience du vieil avec l'experience du ieune, il y a de l'apparence qu'ils doiuent eſtre eſgalement heureux en leurs pratiques.

Le ieune Medecin eſtant ſçauant, prudent & iudicieux, pour auoir vne grande conduite à raiſon des preceptes & de la methode, laquelle meſme luy apprend les experiēces du paſſé; de maniere qu'il ne peut auoir ſi peu d'vſage avec cela, qu'il ne face des merucilles, ſelon meſme l'opinion d'Auicenne. En certaines occasions, à force d'eſprit, & par coniectures artiſcielles, il peut inuenter des moyens de guerir, où l'experience ne peut rien; comme Galien eſt reſmoin d'auoir luy meſme en des maladies peu frequētes trouué des remedes contre l'experience, laquelle en cela il dit eſtre inferieure à l'inuention des reme-

*Cap. 5. lib. 3. de locis aff. 7.*

des, qui se faiſt par vne vraye demõſtration. Ciceron dit de Lucullus, qu'il n'auoit nulle experiẽce de la guerre quand il partit de Rome, eſleu Capitaine general de l'armẽe contre Mithridates: mais qu'il fit vne ſi grande diligence de lire les Hiſtoriens, & d'interroger les vieux Capitaines ſur chaque doute, que lors qu'il fut beſoin de mettre la main à l'œuure, il fut trouuẽ vn tres-vaillant & tres-ſuffiſant Capitaine.

D'ailleurs auſſi le vieil Medecin, qui ſera de long temps experimentẽ & brisẽ au gouuernemẽt des malades, peut avec le peu de ſcience qu'il aura, s'eſtre formẽ des regles en l'eſprit, & quelque maniere d'habitudes ſur ſes obſeruations, & ſes propres experiences; de maniere que cela pourra ſuppleer au deſaut d'une plus curieuſe methode. L'art de la Medecine eſt de choſes vniuerſelles: mais les cures & les guerifons ſe font particulierement ſur les malades; de ſorte que l'exercice apprend beaucoup de particularitez, que l'art & l'eſchole n'enſeignent point: au moyen dequoy, ceux qui ont l'experiance ſont veus plus heureux, & mieux rencontrer en leurs cures

que ceux qui ont la sciēce sans experien-

ce; ce sont les paroles d'Aristote, ' μαλ-  
λον' ἐπιτυχάνοντας ὁρῶμεν τὸς ἐμπείρους,  
καὶ ἀνευ τῆς ἐμπειρίας λόγον ἔχόντων. i.  
Cap. 1. lib. 1.  
Metaph.  
leg. Galen.  
lib. de fa-  
cult. medi-  
cam. purg.

Puis la bonne opinion que l'on a des barbes grises est cause que les vieux Medecins sōt plus capables de guerir, apres auoir veu tant de malades : d'où vient ce que l'on dit communement, que le Medecin redonne la santé à plusieurs, auquel plusieurs se confient. *Multos sanare Medicum cui multi confidunt.* Au contraire du ieune Medecin, duquel on se doute tousiours, par opinion de peu d'experience, de laquelle le commun peuple fait plus d'estat, que de la science & de la sagesse; comme fait foy la vieille routine de leurs prouerbes : mais cela est de la Philosophie du vulgaire, qui ne sçait pas mettre distinction, entre les ieunes Medecins sçauans & les ignorans, ny cognoistre les vieux Medecins doctes & sages d'auec ceux qui sont grossiers & de peu de iugement: qui n'ont rien de l'air de la Medecine, qu'une vieille cabale sans esprit, & qui ne vaut pas mieux qu'une ignorance planiere. Ceux-là meritent mieux d'estre appelez ieunes Medecins,

attendu que trois siècles ne suffiroient pas pour les rendre vieux en ceste science. Il n'importe pas, dit Aristote, si quel-  
 qu'un est ieune d'âge ou ieune de mœurs  
 i. νέος τιμὴ ἡλικίας ἢ τὸ ἦθος νεαρὸς. *Morum*  
*non barba veneranda est senectus.* Pour re-  
 solution donc de ceste dispute, le vieil  
 & le ieune Medecin habiles, cōme nous  
 les auons descrits, demeurent egaux à la  
 balance, pour ce qui est de l'heur de la  
 Medecine.

i.  
 Cap. 5. lib.  
 i. *Ethic.*

Toufiours nous deuons venir à ce  
 poinct, que la Theorie & la pratique de  
 la Medecine, sont en l'entendement,  
 qu'elles ne sont point incompatibles; &  
 pour pratiquer heureusement que l'une  
 & l'autre sont necessaires. Quād vn Me-  
 decin auroit exercé cēt art toute sa vie,  
 s'il n'a la science, il ne peut verser sur  
 ses malades que de la fortune ou del'in-  
 certitude: car, comme dit Hippocrate,  
 le moyen qu'un ignorant peust rencon-  
 trer heureusement en ses pratiques?  
 ἀμαθὴς εὖ πῶς δ' ἔπιτύχει. L'ignorance  
 seule donne entrée au malheur & à la  
 fortune, dans la Medecine, parce que le  
 Medecin qui sçait peu, doute & a touf-  
 iours peur, à raison qu'il a le pied sur

une boule, comme la fortune, & non sur vn cube, comme Mercure, qui est l'emblemé du conseil, des arts, & de la prudence. I'ay dit le Medecin qui sçait peu, car commel'art ne delibere point, ἡ τέχνη ὁ βυλεύεται. L'ignorance parfaite aussi ne doute de rien. Vn Charlatan pour de l'argent promettra de resusciter. L'excés de son ignorance luy rend toutes choses possibles en phantasie.

---

*Si l'intellect comprend les choses singulieres. Del'Occasion.*

CHAP. XXXIII.



L'AUTHEVR de l'Examen adiousté, & veut faire croire que le sens, selon Aristoté, est de choses singulieres, & l'intellect de choses vniuerselles, & conclut: Puisque la pratique de la Medecine cōsiste en choses particulieres, qu'elle appartient à l'imaginatiue, & non à l'entendement.

Mais il semble que iustement au poinct & lors qu'il veut manquer à l'entendement, que l'entendement luy manque aussi respectiuement. Pour faire voir cela, il faut examiner sa premiere proposition, qui n'est vraye que d'une moitié.

*Exa. ch. 12.  
fr. 112. a. 62*

Le sens, dit-il, est des singuliers. *Il sentido es de los singulares.* C'est vne moitié qui est veritable, & qui ne veut point de dispute. Mais quand il passe outre, & il soustient que l'intellect n'est que d'universels, *el entendimiento de los vniuersales;* c'est vne piece d'une autre couleur, à laquelle toutes sortes de raisons manquent de garantie. La verité de ce qu'il met en auant consiste en l'intelligence des paroles d'Aristote, sous le mantcau duquel il veut mettre à couuert ceste partie de son Examen, & loger en l'imaginatiue la pratique de la Medecine.

L'intention du Philosophe en celieu là est d'enseigner que le sens & l'entendement sont differens, en ce que le sens est de choses singulieres, & l'entendement de choses vniuerselles. Il ne dit pas que l'entendement ne comprend que les vniuersels, car il cognoist aussi les singuliers: mais il a teu cela, selon sa coustume,

coustume, qui est de ne dire iamais rien de superflu, ny hors de propos. Puis que l'intelle& a cela de cōmuni avec le sens, qu'il comprend aussi les singuliers; il n'estoit pas besoin de l'exprimer, en parlant de leur difference. On ne trouuera point dans Aristote, que l'entendement soit priué de la cognoissance des choses singulieres.

Si l'entendement ne pouuoit comprendre ce qui est singulier, ce seroit ou à cause de la matiere, comme croit S. Thomas, ou de la particularité, comme veut Auerroes. Or cét empeschement ne peut estre de la part de la matiere, veu que l'entendement comprend bien les vniuersels, qui sont materiels. Ny de la particularité, car les Anges cognoissent les choses particulieres, & les intelligences aussi qui mouuent les cieux. Si pout donner vn mouuement réglé à quelque chose il la faut cognoistre; ie ne croy pas qu'il fust possible, que l'intelligence qui conduit le ciel de la Lune ( ie parle icy <sup>selon</sup> de la doctrine d'Aristote ) n'eust pas la cognoissance de ce globe, & qu'elle fust, comme l'asne auceugle qui conduit le moulin, sans cognoistre toute fois ny

*Part. 1. q.  
89. art. 2*

le moulin, ny le mouuement. Quand nous faisons <sup>cette</sup> proposition, *Socrates est homo*, l'Autheur de l'Examen ne peut nier, qu'elle ne soit de bonne Dialectique: & s'il est vray que toutes propositions soyent formées en l'intellect, les termes des propositions y doiuent estre aussi, ou bien si *Socrates*, qui est vn terme particulier, est en l'imaginatiue, comme veut l'Examen, & *homo*, qui est vn terme general, est en l'intellect: la proposition sera de deux couleurs, & faicte d'une moitié par l'imaginatiue, ou par la cogitatiue, & d'autre moitié par l'entendement. *Ex semisse à cogitativa*, dit Scaliger, *ex altero semisse ab intellectu*. Toutes negations, affirmations, definitions, comparaisons vniuerselles ou particulieres, appartiennent à l'intellect, & quand l'imaginatiue pourroit former vne proposition, ce ne pourroit estre ceste-cy, *Socrates est homo*, où l'un des termes est vniuersel. Il faut donc qu'elle soit de l'intellect, & qu'il ayt le pouuoir de comprendre les choses indiuiduës & singulieres, autant bien que les vniuerselles. Il n'est pas possible de s'imaginer comment l'intellect & l'imaginatiue,

Exerc. 107.

16.



se seroyent accordez ensemble, contre les regles de l'Examen pour former ceste proposition de deux termes, comme de deux pieces de marqueterie, l'un desquels seroit cognu à l'intellect, & incognu à la phantasie, & l'autre cognu à la phantasie, & incognu à l'intellect. Aussi tost vn François & vn Espagnol qui ignoreroient entieremēt la langue l'un de l'autre, pourroyent s'accorder ensemble à discourir sur quelque suiet, sans fouruoyement en leur conference. La raison & l'Aristote nous enseignent, que lors qu'une faculté met distinction entre deux choses, il faut qu'elles les cognoisse. Quand donc nous disons, que *Plato non est lapis*, il faut que la faculté cognoisse ces deux termes, l'un desquels est genre, à sçavoir *lapis*, & l'autre individu, qui est *Plato*. Puis donc que la cognoissance des deux termes appartient à vne mesme faculté, & que l'intellect est seul entre les facultez de l'ame, qui peut comprendre les choses vniuerselles, & les distinguer d'avec les singulieres; il s'ensuit qu'il n'appartient qu'à l'intellect, de cognoistre ensemble, & les vniuersels, & les singuliers. Le Soleil,

qui est vne substance singuliere, selon le sens de la veüe, paroist grand seulement de deux pieds, ou de deux pieds & demy, de diametre, & neantmoins par la force de l'entendement, nous sçauons qu'il est plus grand que toute la terre. Il ne pourroit faire ce jugement du Solcil, s'il ne le cognoissoit point. Pour faire fin, comme quand quelqu'un dit de soy, qu'il n'a point de jugement, c'est vne proposition negatiue, qui equipolle vne affirmatiue; parce qu'il ne pourroit pas dire qu'il n'a point de jugement, s'il n'en auoit point. De mesme, quand l'Examen soustient que la cognoissance des singuliers n'appartient point à l'entendement, c'est vne negatiue qui vaut vne affirmatiue, à raison qu'elle ne peut estre formée que par l'action de l'entendement.

Il faut tenir pour constant, que l'intellect peut cognoistre toutes choses singulieres & vniuerselles; & partât que ceste base de l'Examen estant ruinée, sur laquelle il auoit basti sa conclusion, que la pratique de tous les arts & de toutes les sciences, appartient à l'imaginatiue; ceste derniere resolution est

comme vn bouleuersement de tout son liure.

Il dit que l'imaginatiue est la faculté, qui trouue l'occasion des remedes, en la Medecine, & que c'est vne doctrine certaine, que la cognoissance du temps, du lieu, de l'occasion, luy appartient. Et tout cela pour fortifier son opinion, que ceste faculté est le siege de la pratique de la Medecine. Il est vray que la cognoissance de l'occasion est tres-necessaire en ceste science, & que celuy qui ne sçait point prendre à propos l'occasion de bien ordonner des remedes, & du regime des malades, ne peut rien faire qui vaille. Mais pour la bien cognoistre, & comme l'on dit, sçauoir la prendre aux cheueux, il est besoin d'un grand jugement, d'une science solide, & d'une profonde consideration. C'est vne maxime en matiere de pratique de medecine, qu'il faut purger au commencement des maladies aguës, si les humeurs sont émeuës en rut, & comme en orgueil, *αὐτὸ ὄργα*, dit Hippocrate. Pour sçauoir prendre ceste occasion, il faut cognoistre le suiet du mal, l'humour qui en est la cause, & les signes certains de ce mou-

*De l'occasion.*

*1.*

*pag. 115. a.*

*chap. 12.*

*Aphor. 21.*

*lib. 1. c. 5*

*Aph. 10.*

*lib. 3.*

uement impetueux de l'humeur; parce que, cōme elle n'a point encore de lieu arresté, si elle n'est purgée, elle pourra se ietter sur quelqu'une des parties nobles où elle causera des symptomes pires que les premiers, & donnera-davantage d'exercice & au malade & au Medecin, pour auoir perdu l'occasion. Il est donc besoin d'un grand iugement, pour cognoistre ce point de l'occasion, & faire ce qu'elle commande. L'imaginatiue n'y peut rien, qu'en qualité de seruante: mais ce n'est pas comme l'entend l'Examen; veu ce qu'il dit au contraire, que l'entendement n'y peut rien, à raison que l'occasion est des choses singulieres, cōme aussi toute la pratique de la Medecine. Iesçay que l'occasiō a tousiours pour but quelque suiet particulier, & que l'imaginatiue fournit à l'entendement du Medecin les images de ce qui se passe en la maladie. Mais quand il faut considerer par les signes l'estat du mal, la complexion du malade, le mouuement des humeurs, & discourir sur l'occasion des remedes, laquelle se pert incontinent, à raison du flux perpetuel de la matiere, ἡ δὲ τὸ πρῶτον τῆς ὑλῆς. C'est

à l'entendement de faire tout cela : car de la part de l'imaginatiue, il n'y a que de l'aucuglement; comme de la part de l'Examen, vne ignorance toute noire.

*Gale. com.  
in Aphor. 1.  
lib. 1. Hip-  
pocratis.*

Tout ce qu'il attribué à l'imaginatiue, comme la cognoissance du temps, du lieu, & de l'occasion est deu à l'intellect.

Tous preceptes, toutes obseruations, toutes experiences, toutes actions qui se font par conduite de raison & de discours, sont des apennages de ceste mesme faculté. Ceste raisõ de choses singulieres qu'ils logent en la cogitatiue, est vn abus. Comme l'estimatiue des bestes est incapable de toute raison : l'ame raisonnable est le seul principe de toute raison en l'hõme. & n'est point besoin de cogitatiue: elle seroit superfluë, puisqu'il intellect a la cognoissance des choses, tant vniuerselles que singulieres.

*Qui potest maius, potest minus.* Aristote definit la Medecine vne science de l'occasion aux maláadies, ὁππότε μὲν καὶ ὅτε ἐν νόσῳ. Puis donc que la science, selon luy-mesme, est vn instrument de l'intellect, il s'ensuit que c'est à ceste faculté de l'ame de trouuer l'occasion du remede pour guerir le malade. Hippocrate

semble nous enseigner cela mesme en son I. Aphorisme, par l'arangement de ces quatre dictions, *ars, experientia, occasio, iudicium*; comme s'il vouloit dire que c'est l'art qui trouue l'occasion du remede, par l'experience & par le jugement, C'est donc l'intellect qui fait tout cela, *intellectus practicus*. L'occasio & le temps se couplent comme l'art & l'experience, selon Hippocrate, qui dit que l'occasion est au temps, & qu'il y a peu de temps en l'occasion. ἡ ἡρόνος ἐστὶν ἐν ᾧ χαίρος, καὶ χαίρος ἐν ᾧ ἡρόνος ὁ πολὺς. Et cela, dit-il, ne peut estre compris pour la cure des maladies que par la raison & l'usage, ou l'experience, qui ont ensemble vn mesme rapport; car comme la raison commence par l'experience, & finit en l'experience, ainsi l'experience commence par la raison, & finit en la raison. Themistius dit doctement, que le sens & l'imaginatiue sont totalement priuez de la cognoissance du temps: ἡ αἰσθησις ὅτι ἡ φαντασία ἀναντιλήπτου παντάπασιν ἡρόνος. Puis donc que l'occasion est dans la consideration du temps, selon Hippocrate, & qu'elle est comme vne commodité de peu de

durée ; pour faire quelque chose à propos & à point nommé : il est tres-certain que la cognoissance de l'occasion du temps n'appartient qu'à l'entendement. Nous prouverons encore cela par exemple. Si le Medecin est appellé pour vn malade d'apoplexie, il faut qu'il recognoisse incontinent par les signes l'espece, le dāger, & la violence du mal, & que ce symptome causé d'obstruction de cerueau en peu de tēps suffoqueroit le malade, si l'on perdoit l'occasion de le secourir. Promptement donc il fera tout deuoir de s'opposer au mal, par cli-steres, saignées, ventouses scarifiées, purgations, gargarismes, sternutatoires, frictions, ligatures, & autres aydes de la Medecine. Les preceptes qu'il a en l'entendement luy esclairent en tout cela ; de sorte que par ce moyen il sçait prendre l'occasion des remedes , nommément de la saignée, voire quand le mal seroit causé de pituite, à raison de la cause antecedente. *Apoplecticum si venesectione non iuuat, nihil iuuat.*

*Des Medecins Iuifs, & des  
Charlatans.*

CHAP. XXXIV.



L me desplaist fort de cou-  
dre icy & de ramasser tant  
de pieces, de diuerses cou-  
leurs; mais ie suis cōtraine  
de suiure la route de no-  
stre Examen. Il dit, que l'imaginatione  
aux grandes intēperatures chaudes du  
cerueau, trouue ce que l'homme ne peut  
pas estant en santé; & lors qu'elle se ren-  
contre au temperament qui luy con-  
uient mieux, elle fait dire, ce que l'on  
n'a iamais appris. Il prouue cela par vne  
histoire du Roy François, lequel estant  
entré en vn certain degré de chaleur, qui  
luy causa vne maladie lente, fut poussé  
à deuiner qu'il ne pouuoit estre guery  
que par vn Medecin Iuif: où il faict vn  
long discours du bel esprit & de l'habi-  
leté des Iuifs, dont il attribuë la cause  
au terroir d'Egypte, où ils ont demeuré

I.  
Exam. I.  
chap. 12.



430. ans au travail qu'ils ont souffert en leur voyage, dās les deserts d'Egypte: à la manne qu'ils ont māgée, aux bonnes eaux, & au bon air du pays. Mais en tout cela, cōme l'on dit, il compte sans son hoste: & comme on le voit passionné pour ce party, volontiers on le douteroit d'auoir eu en l'ame quelque pointe du Iudaïsme, veu encore ce qu'il dit du temperament de Iesus-Christ, dont nous parlerons cy apres.

On luy opposera qu'il deuoit prouuer premierement, que les Iuifs, apres leur retour d'Egypte en la terre de promission, ont eu meilleur esprit que deuant leur partement. Car s'il est vray qu'ils ayent eu meilleur esprit auparavant, voire deuant que Ioseph entraist en Egypte, à quel propos chercher dans les deserts les causes d'une chose qui n'est point? Quand ie luy aurois accordé tout ce qu'il dit de leur bon esprit, ie ne croy pas que la cause en deust estre rapportée au bon temperament d'Egypte, veu que la Iudée est encore en vn meilleur climat, pour les bons esprits, selon les regles del'Examen; attendu qu'elle est en mesme parallele que l'Espagne,

qu'il loüe, comme la source, la quintessence, & le temperament des lettres & des bons esprits.

Je doute fort si les Iuifs anciennement ont eu meilleur esprit que les Grecs, mais ie ne croiray iamais que ceux de presēt qui sont comme la lie du monde, ayēt rien qui doiuë estre mis en comparaison, pour ce qui est de l'esprit, avec les bons esprits de la France & de l'Italie. Non pour māquer de bon temperament, mais faute de bonne instruction; à raison qu'ils sont comme esclaves, bannis de la conuersation des autres hōmes. Si les anciens Iuifs auoyent eu les esprits si releuez au retour de l'Egypte, ils deuoyent en auoir monstré quelque eschantillon au faiēt des lettres & de la pieté. Pour le regard des lettres, nous n'auons rien d'eux, qui approche de ce qui nous est resté de l'excellence des Grecs. Car ie ne comprends point icy ce que les Prophetes nous ont laissé, qui sont œuures du ciel & de reuelation, plustost que d'estude & de bon esprit. Deux ou trois exceptez, qui ont escrit du temps du Sauueur, comme Philon Iuif & Iosephe, quels autres Iuifs auons.

nous qui ayent fait monstre d'une doctrine signalée? Pour ce qui regarde la Religion & les saintes lettres, toute l'Ecriture sainte fait elle pas foy de la durté de leur esprit? Ils sont appelez *σκληροί χερες* & *σκληροτερά χηλοι*, testes dures, *populus dura cernicis*, à raison de leur enragée opiniastrété. Si l'obstination est un signe d'ignorance, en quelle estime les devons nous avoir, puis qu'ils n'ont adiousté foy, ny aux Prophetes, ny à la parole de Dieu, ny aux Apostres? Hieremie leur crioit; *Ambulate in via bona*, & dixerunt, *non ambulabimus. Audite vocem tubæ*, & dixerunt, *non audiemus*. De sorte que le bruit de leur opiniastrété estant venu iusques aux oreilles des Payens, Plin a tesmoigné d'eux que la terre ne porte point de nation plus obstinemēt attachée aux superstitions de la Magie, & *Nulla gens Magiæ superstitionibus obstinatio*. Theodoret dit que la stupidité grossiere de leur esprit, *ἐχάρη ἀμαθία*, est digne de commiseration, veu ce que recite d'eux Esaye, qu'ils ignorent la verité de la parole de Dieu; combien qu'ils ayent esté instruits aux saints & sacrez misteres, depuis le com-

1.  
Lib. 13. var  
hist. cap. 3.

mencemēt de leur vie, iusqu'à leur dernière vieillesse. Puis qu'il y auoit suiet de douter de la suffisāce des Iuifs, pourquoy tient il cela comme resolu? puis-que les Iuifs ne sont point d'esprit plus relenē; mais seulement plus habiles à tromper, que le commun des autres nations; tout ce qu'il discourt icy des deserts, du bon air, & des bonnes eaux de l'Egypte, n'est qu'une maniere de declamation iettée au vent, comme engendrée du vent d'une folle phantasie. Si les Iuifs n'ont point de meilleur esprit que les autres nations, surquoy peut estre fondé tout ce qu'il narre icy du cerueau brulé & de la colere brulée des Iuifs & des Egyptiens?

I.  
pag. 118.  
b.

Mais ie n'ay peu m'empeschier de dire, quand i'ay leu ce qu'il discourt du Roy François; que son imaginatiue, à raison de la colere brulée de son cerueau, s'esleua de quelque point, & se rencontra avec l'imaginatiue des Iuifs: de maniere qu'il eut aussi tost en l'ame, & deuina que son mal ne pouuoit estre guery que par vn Medecin Iuif, & tenoit propos de cela, autant de fois qu'es- augmentoit la chaleur de sa fièvre, parce-

Todas la  
vezes que  
le crescia

que lors sa phâtasie entroit en tel degré de chaleur, que celuy de la phantasie des enfans d'Israël : il décrit donc ceste histoire, & faiët parler le Roy François comme il luy plaist, & croy qu'il eust adiousté encores à cela, s'il s'en fust aduisé, que ce Roy eust eu aussi l'opinion d'adorer le veau d'or, si la chaleur de ses accez fust montée seulement d'un petit point: *la Calentura. Ex.ch.12. Esp.198.*

Tout cela me remet en memoire, ce que dit Paracelse; que l'imaginatiue est semblable à la poix, laquelle a la propriété de s'attacher aisément à quelque chose, & d'estre autant facile à enflammer, que difficile à estre esteinte. Il donne tant de vertu à ceste faculté d'imaginer, qu'il dit que la peste en temps de contagion peut estre communiquée de l'un a l'autre, non par le moyen de l'air; mais de l'apprehension & de l'imaginatiue, qui est, dit-il, un poison en temps de peste. L'imaginatiue du Roy François, comme la poix de Paracelse, s'attachoit au Medecin Iuif, dont elle ne pouuoit estre separée, lors principalement de l'augmentation de sa fièvre, comme la poix deuient plus adherente,

plus on l'approche du feu. L'imaginatiue, selon ce Roy des soufleurs & des imposteurs, peut seule rendre vn homme pestiferé en vn pays sain & net de toute cōtagion. De mesme le Roy François, selon l'autheur de l'Examen, qui est vn alambiqueur de temperamens, par la seule chaleur de sa phantasie, est entré en opinion d'un Medecin Iuif, combien qu'il n'en cognust aucun, & qu'il n'eust aucun Iuif qui l'assistast.

Pour parler donc serieusement de ceste affaire; il est croyable que le Roy François lors de sa maladie a esté fondé en ceste opiniō, sur le bruit qui a cours, que dans ceste racaille de Iuifs vagabonds, quelques-vns ont acquis du credit en la Medecine; & sur l'occasion de sa fièvre qui estoit longue, & plus lente que violente, voyant que tout secours luy estoit inutile, à raison, peut-estre, en partie que la confiance qu'il deuoit auoir à ses Medecins s'estoit perduë par l'opinion qu'il eut d'un estranger, il fit venir le Medecin Iuif, qui le guerit, dit-il, avec du lait d'Asnesse: car de vouloit avec l'Examen, que l'imaginatiue rendue Iuifue, par la chaleur de la fièvre, l'ayt

L'ayt porté à desirer vn Medecin Iuif; ce seroit vne folie Espagnole, & vne imposture Iudaique, qui ne trouueroit iamais party deçà les monts. Quand ce Roy eust eu vne maladie froide, comme vne indisposition de cerueau causée de pituite, il n'eust pas laissé d'auoir ceste volonté, fondée plustost sur l'imaginatiue malade du vulgaire, que sur la sienne.

Cela donc soit noté dans nos histoires, qu'un Medecin Iuif, faist venir de Constantinople en France a guery le Roy François avec du lait d'Asnesse. Il falloit, pour ordonner ce remede, estre descendu d'Abraham, & auoir encore quelque reste de la bonne imaginatiue des enfans d'Israël, nourris de manne dans les deserts de l'Egypte. Les Medecins de France estoient trop Asnes pour ordonner du lait d'Asnesse à ce Roy malade. Au bout du compte neantmoins on ne trouue point au reste du mode, de meilleurs Medecins que ceux de la France; tant s'en faut que l'on doive leur preferer les Medecins Iuifs, lesquels sont plus riches de malediction, que d'industrie; & plus habiles à regra-

ter vn vieil habillement, qu'à repare  
vn corps attenué, & amender vne santé  
alterée. Je ne doute pas que quelques-  
vns d'entreux ne se soyent rendus bons  
Medecins comme les autres par le tra-  
uail de l'estude: mais quel'imaginatiue  
des enfãs d'Israël nourris de manne lors  
de leurs mansions, ayt esté transferée à  
ceux cy de main en main, & qu'ils en  
soyēt plus capables de pratiquer la Me-  
decine: c'est vne resuerie à laquelle ie  
trouueaussi peu de raison, qu'à souste-  
nir la couleur noire de la neige avec A-  
naxagoras, & l'immobilité du monde  
avec Zenon. Les anciens Iuifs n'ont  
point fait plus de miracles pour le faict  
des sciences que les autres nations: si  
Dieu ne leur a inspiré quelque grace  
particuliere; & quand ils auroyent eu  
autant d'esprit, & plus encore que ne  
porte l'Examen; on ne croira iamais,  
ceux cy en puissent rien retenir, veu le  
changement du temps, de mœurs, de  
conditions, de nature, de nourriture,  
de pays, comme les enfans bien souuent  
ne retiennent rien des vertus & de l'indu-  
strie de leurs parens; ceux cy de mesme  
peuuent n'auoir aucune venë, des testi-



cules de leurs grands peres. Le changement de temps & de lieux leur a faict perdre ceste imaginatiue pretenduë de l'Examen, comme la forme des longues testes des Scythes, en Hippocrate, fut perdue par la negligence des hommes;

Ἠὲ τὴν ἀμελείαν τῆς ἀνθρώπων. Il est  
vray qu'ils sont tousiours Iuifs descen-  
dus d'Abraham: mais comme au nauire  
de Theseus, en fin il n'y auoit plus  
laine du premier drap, il ne leur est resté  
que la malediction, & l'opiniaistreté,  
dont ils jouiront à iamais comme d'y-  
nerente fonciere qui leur a esté acquise,  
non par succession de temperamens,  
mais des deniers de la venditiō du Mes-  
sie, qu'ils attēdent encore. Il n'y a point  
d'apparence quel'imaginatiue de quel-  
qu'un des enfans d'Israel, pour exem-  
ple, de la lignée de Ruben, ayt laissé vne  
suite de Rubens si longue, qu'elle ayt  
peu continuer iusques au Medecin Iuif  
du Roy François, & autres Massorethes  
d'Espagne & de Portugal. Si l'Examen,  
par opiniaistreté Iudaïque veut conte-  
ster sur la possibilité de ceste succession,  
i'en attends la preuue, comme les Iuifs  
attendent le Messie.

i.  
Lib de aē-  
re, aq. 6  
loc.

Les Iuifs peuuent auoir de l'inclina-  
tion à la Medecine, parce qu'il est aisé  
de tromper sous le mâteau de ceste pro-  
fession, & que les esprits abuseurs de ce-  
ste nation sont fort propres pour sedui-  
re la simplicité folle d'une populace. Le  
vulgaire qui n'estime que ce qui est rare;  
ou vn peu esloigné de l'usage commun,  
court incontinent au bruit de ce nom  
de Iuif; de sorte que si à Paris arriuoit  
vn Charlatan ainsi qualifié, ie ne doute  
pas que l'on ne courust apres luy com-  
me apres le Iuif errant de Pierre Cayer.  
C'est vn grand auantage pour eux qu'il  
est aisé de tromper en l'art de la Medecine.  
*In nulla arte*, dit Plin, *mendacium*  
*maius*. Il suffit, pour deceuoir les plus  
habiles, d'auoir de l'effronterie & du  
babil, comme nous voyons que la lan-  
gue bien pendue d'un Charlatan, luy  
vaut mieux que son Mithridat. Puisque  
les fautes que l'on commet sous le nom  
de Medecin ne sont punies, ny de cha-  
stimens, ny d'amendes, ny de paroles;  
Dieu sçait s'ils ont leurs coudées fran-  
ches sur le theatre. Tous excex leur sont  
permis sous le voile de la Medecine: de  
sorte que cet art auourd'huy est vne

maladie incurable. Les sages Medecins qui fidelement en font profession, cognoissent assez la piperie, les tours & les destours des trompeurs, pour les declarer aux Magistrats : mais au lieu d'estre ouïs on les blasme d'enuie & de jalousie, comme s'ils estoient de mesme profession : De sorte qu'ils portent la punition du malfaiët, au lieu de ceux qui le commettent. En tout cela, si nous voulions prendre la peine de nous cognoistre, nous nous iugerions plus barbares que les Toupinambous.

Nous nous mocquons des peuples nouvellement descouverts de l'Amerique, de ce qu'ils baillent leur or, leurs perles, leur pierreries, en eschange de petites bagatelles de nulle valeur, qui leur sont portées de ces quarties de deça de l'Europe : & nous ne voyons pas, que nous nous laissons abuser plus brutalement, par des Charlatans Juifs ou autres, qui nous tirent des mains ce que nous avons de plus precieux, sous ombre d'une santé imaginaire qu'ils nous promettent. On ne prend point mieux les oiseaux à la glu, qu'un Charlatan sur le Theatre prédra des sots avec son bau-

me. Il ne faut que trois ou quatre mots nouveaux, comme d'elixir, d'extractum, d'essence, de magistere, pour couper la bourse aux Toupinambous de l'Europe. Le malheur est, que tousiours on se repent après: mais trop tard, & quand il n'y a plus de remede. Les aduertissemens que donnent contre cela les mieux aduisez, sont autāt de commandemens de les suiure. Ceste race de Iuifs (dit *Ioannes Langius*, celebre Medecin) qui par l'imposture de la Medecine, & par vsures espuisent les thresors des riches, & se vangent des Chrestiens, se declarent coupables de leur ignorance, quand estant malades eux-mesmes (ce que i'ay veu souuent, dit-il, à Bologne & à Venise) au lieu de se fier à leurs confreres, ils prennent aduis des Medecins Chrestiens. Ce docte Medecin ne doit pas estre suspect aux Charlatans Iuifs, pour enuie qu'il leur ayt portée: car dans le rang qu'il tenoit, toute la Charlatanerie du monde n'eust pas causé le moindre dechet, ou à son credit, ou à sa fortune.

Toutesfois si la brutalité de mœurs gagne encore cela sur le vulgaire, que de

mespriser la remōstrance de ce prudent Medecin ; au moins deuons nous ad-  
jouter foy aux saints decrets qui defen-  
dent expressement à tous Chrestiens de  
manger avec les Iuifs, de les frequenter,  
de se lauer avec eux en mesme bain, de  
se seruir d'eux en qualité de Medecins,  
& de prendre aucuns de leurs remedes,  
sur peine aux Clercs d'estre degradez, &  
d'excōmunication aux Laïques. Char-  
les le Chauue fut empoisonné à Man-  
touë par vn Medecin Iuif. Il sera donc  
toufiours plus à propos de se contenter  
des Medecins du pays, que de croire ce-  
ste Philosophie phantasque de l'Exa-  
men ; car si l'auteur ne resuoit point,  
quand il a escrit cela du Medecin Iuif,  
le Roy malade resuoit en le desirant.  
S'il arriuoit que les malades entraissent  
souuent en vn temperamēt esgaré com-  
me cestuy-là, & que de phantasie ils fus-  
sent portez, par rapport de tempera-  
mens, à desirer, les vns, des Medecins de  
la Chine, les autres, ceux del'Ethiopie,  
de la Barbarie ou de la Mexique ; telles  
opinions dōncroyent plus de peine aux  
assistās que les malades n'en receuroient  
del'incommodité de la fièvre. Mais ce-

*Decret. 2.  
par. cap. 28.  
q. 1. Can.  
Nullus  
eorum.*

la ne s'estant iamais veu, il'est à presumer que c'est vne fourbe de l'Examen, & que ce rapport de phantasies n'a point de fondement en la nature. I'en'ayme point les Charlatans, nommément les Iuifs, & parceque i'ay trouué dans ce traicté de l'Examen quantité de mauuaises drogues confites avec vn peu de Iudaïsme; ie me suis resolu d'escrire contre eux, de peur que les esprits faciles, faute d'aduertissement, ne se laissent prendre dans l'appast de son style & de sa doctrine. S'il m'estoit permis de souhaitter vn temperament, i'aymerois mieux pour ce regard tenir du naturel de Philippe le bel, qui chassa les Iuifs de la France, que de tomber en ceste mauuaise temperature du Roy François.

Ie sçay que l'on trouue des Empiriques, qui ont avec vn peu de doctrine de bons remedes & de grâdes experiences, capables de faire vn coup à la trauerse, en cas de maladies desesperées, (car les bons Medecins ne font iamais la cour à la fortune) mais ils ne montent pas sur le Theatre. Ie fais encore plus d'estat de ceux-là, que d'une legion de petits Medecins de village qui ne

sont habiles à rien qu'à prescher sur les vrines que leur portent les bonnes femmes. Il y a du plaisir à les voir en cet exercice : car les mines valēt mieux que le jeu. Leur ignorance & le desir de tirer la piece d'argent, leur font dire des merueilles. A vn de ceux-là se presenta vn iour vne bonne vieille, pour sçauoir des nouuelles de son procès : faictes pifer vostre procès, dit le Medecin, & m'apportez de son vrine. Cela montre bien que la Medecine, qui est vne sainte profession, cache sous son manteau beaucoup de piperie, & nourrit vn grand nombre de canaille qu'elle ne cognoist point. Pourquoy ceux-là sont à blâmer, comme Sauonarola, Gourdon, Arnault de Ville-neufue & autres, qui ont escrit des cautelles des Medecins, nommément sur le faict des vrines : ils deuoient dire des Charlatans, veu qu'en la Medecine il n'est point besoin de finesse. Ces alumettes de tromperie & d'ignorance, sont plus propres pour des coupeurs de bourse.

Si tous les imposteurs, qui vsurpent le nom de Medecin, & abusent de la profession, estoient marquez au front,


de quelque lettre, comme les esclaves  
 anciennement, *ut literati essent fronte,*  
*qui animo esse nolunt*, ou d'une croix,  
 comme les Iacobites en l'Orient; ou  
 de quelque autre marque, comme  
 Lucian souhaittoit que fussent notez  
 les faux Philosophes, sans doute nous  
 verriõs le nombre de ceux là beaucoup  
 plus grand que des autres, & que tel qui  
 a credit d'un Hippocrate, n'est qu'hy-  
 pocrite, & n'a rien en l'ame qu'une vicie-  
 le routine pleine d'ignorance, ou de  
 quelque portion de ceste nouvelle, &  
 quatriesme partie de la Medecine, que  
 l'on nomme Charlatanerie.

I.  
*Leg. Ioa-*  
*chimus*  
*Abbas in*  
*Append.*  
*nation.*  
*Christia-*  
*nar.*



*De l'art militaire, & de la dignité  
de Capitaine.*

CHAP. XXXV.

 L semble que l'auteur de l'Examen se soit proposé d'imiter la nature, laquelle se sert tousiours des principes contraires, en la generation de toutes choses : car outre ce qu'il soustiet l'incompatibilité des arts & des sciences, & qu'il constitué dans le cerueau les facultez contraires, à raison des diuers temperamens ; ses maximes pour l'establissement de son liure se font la guerre, nommément en ce Chapitre del'art militaire, & s'entrechoquent par tout, comme les atomes de Democrite.

L'art militaire, dit-il, depend de la chaleur del'imaginatiue, en certain degré ; & la prudence en cela est requise plus que la valeur & le courage ; & il entend par ceste prudence vne habileté, &

certaine subtilité d'esprit, pour tromper son ennemy. Il y a de la contrariété en ces paroles. Sa Philosophie porte, que pour estre prudent, il faut auoir le cerueau froid; la prudence donc ne peut pas estre logée en l'imaginatiue avec l'art militaire. S'il entend que la chaleur que requiert l'art militaire, doit estre en degré remis, & par ce moyen qu'il ne laisse pas de s'accommoder avec la prudence. Cela est quelque chose, mais tousiours ce sera du chaud & du froid ensemble. Il ne peut pas bien se courrir de ceste excuse, veu ce qu'il dit<sup>1</sup> peu auparauant, que l'art militaire demande vn degré de chaleur, plus que la pratique de la Medecine. Si donc pour pratiquer la Medecine, il est besoin d'un degré de chaleur, deux seront requis pour l'art militaire: qui est assez de chaleur pour rendre vn homme esloigné de ceste prudence, qu'il dit deuoir estre en vn Chef d'armée. Or pour estre vaillant & couragieux, si outre cela, vn troisieme degré de chaleur estoit encore nécessaire, vn Capitaine ne pourroit pas estre prudent, subtil & hardy, sans estre froid, fol, & enragé tout ensemble, se-

1.  
*Exa. chap.*  
*13. fr. 131.*  
a.

2.  
*Chap. 13. fr.*  
*129. b.*

lon la cabale de l'Examen.

En vn lieu, il i dit que les hommes <sup>1.</sup>  
 d'entendement, ne sont nullement pro- <sup>Ena. chap.</sup>  
 pres aux exercices de la guerre; & ail- <sup>13. a.</sup>  
 leurs<sup>2</sup> que l'imagination qui conuient <sup>2.</sup>  
 à l'art militaire, n'est gueres éloignée de <sup>pag. 135.</sup>  
 l'entendement, pour monstrier qu'il  
 souffle le chaud & le froid, comme il  
 luy plaist, & d'une mesme bouche. Au  
 huitiesme; & treiziesme Chapitres il <sup>3.</sup>  
 discourt que ce qui consiste en figure, <sup>fr. pag. 64.</sup>  
 correspondance, harmonie, prouient de <sup>a. 71. b.</sup>  
 la bõne imagination, comme estre pro- <sup>129. b.</sup>  
 pre en son vestemēt, & ne pouuoir souf-  
 frir vne ordure sur la cape: & en autre lieu  
 il employe entre les proprietiez du Ca-  
 pitaine, qui doit estre enrollé sous la  
 banniere de l'imaginatiue, selon ses  
 principes, d'estre mal propre & mal ve-  
 stu. 4. *Menospreciados de sy y de sus cosas:*  
 & confirme celap par les exemples de L. <sup>4.</sup>  
 Florus, de Iules Cesar, & de Hannibal. <sup>Chap. 8.</sup>  
 Il n'y a en tout ce propos que de la con- <sup>Esp. 116. a.</sup>  
 tradiction, qu'il tafche neantmoins de  
 faire couler sous diuerses sortes d'ima-  
 ginatiue, & diuers degrez de chaleur:  
 mais dans le desordre de tant de petites  
 pontilles, en voulant abuser le lecteur,  
 il s'abuse luy mesme.

Il est en tort d'auoir pris tant de peine à trouuer place pour les arts & les sciences dans les facultez de l'ame, & dans les cellules du cerueau, & nes'estre pas souuenu de donner à la raison, & à la verité quelque sorte de retraincte dans son Examen. L'ame de l'homme est dite raisonnable, dautant que par la raison elle differe des deux autres ames. Pour raisonner, elle a la faculté de l'entendement, dont elle jouit toute seule, & neantmoins, selon l'Examen, les facultez de la sensitiue ont aussi la raison, le discours, le iugement, la conduite, la cognoissance de l'occasion, & les inuentions de ce qui est plus exquis & plus notable dans les thresors de l'esprit de l'homme leur appartiennent. Il faut estre beste pour croire cela de ces facultez bestiales. Il dit, parlant de l'art militaire, que c'est l'imaginatiue, qui trouue par subtils moyens les machines pour s'emparer des forts des ennemys, que l'on croit inexpugnables, qui ordonne du champ de bataille, qui dispose les escadrons, qui cognoist le temps, & l'occasion du combat & de la retraincte, & qui fait les accords & les appointemēs avec

l'ennemy. Il se faut mocquer de ces paroles, comme d'une réſuerie de malade. Il n'y a rien en tout cela, qui n'appartienne à l'intellect, & nullement à l'imaginatiue, comme il est contraint de l'aduoüer luy meſme. Il dit que le temperament égal est vn instrument propre pour donner à l'homme vne parfaite memoire pour les choses passées; vne grande imaginatiue pour ce qui est à venir: & vn grand entendement pour distinguer, inferer, discourir, iuger, & élire. Puis que ces cinq sont actiōs de l'entendement, sans lesquelles l'homme ne peut rien faire de tout ce qu'il dit de l'art militaire, il ne deuoit pas en deferer l'honneur à l'imaginatiue. Il dit icy que la cognoiſſance du tēps & de l'occafion de donner la bataille, pourquoy il est besoin d'un grand & solide iugement, appartient à l'imaginatiue, & neantmoins il confesse, que iuger est vne action de l'entendement. C'est au lecteur de concilier telles contradictions, ou de iuger l'incapacité de l'Examen.

L'imaginatiue peut s'exercer sur les especes qu'elle reçoit du sens commun; les mêler, les separer, & sur icelles se for-

1.  
Y grande  
entendimē.  
to para  
distinguer,  
inferir, ratio-  
cinar, inf-  
gar y eli-  
gir.  
Exa. chap.  
14. Ess.  
Pag. 257.

mer mille sortes de conceptions: mais qu'elle puisse en roulant vne imagination, tirer vne consequence avec ingement, c'est vne action qui est hors de son pouuoir. Quand de loing nous voyons vn corps estre meu de soy-mesme, & de mouuemens diuers, nous iugons à l'instant qu'il est animé, sur la cognoissance que nous auons en l'entendement, que ce mouuement ne peut estre, sinon à cause de l'ame. Mais de vouloir qu'une telle consequence soit possible à l'imaginatiue, ou à quelque autre faculté de l'ame sensitive, il n'y a point de raison, parce que c'est vne faculté qui n'a point de raison. L'imaginatiue est vne puissance si basse au dessous de l'intellect, qu'elle ne peut rien s'imaginer de la nature de l'ame, ny douter, ny croire, ou descroire qu'il y ayt des ames en estre. Vn homme qui aura sans peine souleué vn globe d'airain, d'une notable grosseur iugera aussi tost par la raison qu'il doit estre creux nécessairement à cause de sa legereté: ce que ne pourroit pas faire l'imaginatiue: parce que ceste faculté a si peu de force d'inferer, & de raisonner, en quelque maniere que ce soit, qu'elle

qu'elle ne pourroit pas former vn mot de cinq ou six lettres, combien qu'elle cognuſt la valeur & le pouuoir de chacune. Pourquoy l'on dit meſme que la plus forte imaginative ne peut pas compter au deſſus de trois, tant s'en faut qu'elle peuſtauoir l'habileté de ranger & de diſpoſer en eſtat de combattre vne armée de cent mille hommes.

Sans raiſon donc il donne, à l'imaginatiue l'inuention des machines de la guerre : car en conſequence de cela, toutes autres inuentions mécaniques luy ſeroient deuës. Pour faire la guerre à preſent, il eſt beſoin d'armes, de mouſquets, de boulets, d'artillerie, de poudre à canon, & ſur tout de grand nombre de piſtoles. Si l'inuention de tout cela appartenoit à l'imaginatiue ſeule, l'entendement ſeroit inutile aux hommes. L'on doute ſi l'eſprit de l'homme a eſté aſſez fort pour auoir trouué l'vſage de ces tōnerres. De maniere que quelques-uns en ont donné l'inuention aux démons, & cét auteur eſt d'vn eſprit ſi bas & ſi brutal qu'il ay me mieus la rapporter à la faculté brutale de l'imaginatiue. Le l'appelle brutale, en comparai-

i.  
ERR. 119. b.

son de l'intelle&t; & dis qu'elle seroit en l'homme semblable à l'imaginatiue des bestes, n'estoit qu'elle est esclairée de la presence de l'intelle&t, qui luy donne quelque relief, sans toute fois luy rien accorder de ses priuileges. Melan&thon, de meilleure grace, enseigne que l'intelle&t agent est autheur de toutes inuentions, comme de l'orloge, de la nauigation, & d'autres sēblables; & neantmoins il a esté repris par Scaliger, à raison que l'intelle&t agent, dit-il, seroit par ce moyen le principe de tout discours & de toute ratiocination. Or si l'intelle&t agent est incapable de cela, selon Scaliger, quelle raison aurions nous d'en donner le pouuoir à l'imaginatiue, selon l'Examen. Je l'excuserois neantmoins, s'il n'auoit que cela d'extraua-gant: mais quand il adioust qu'il y a vne sorte d'imaginatiue, qui a le don de deuiner, *vna differencia de imaginatiua a diuinadora*, pour preuoir les embusches de l'ennemy; & que c'est à ceste mesme faculté, mais differente, de disposer l'armée, de donner le lieu aux escadrons, & de sçauoir quand il faut combattre: il semble meriter vne reprimande. Nous



examinerons tout cela , apres auoir dit quelque chose de la dignité del'intellect , & du rang qu'il tient en la nature , & au dessus de l'imaginatiue.

Dieu qui est la cause premiere , & le souuerain principe de toutes choses , a trois perfectionns que ne peut auoir aucune de ses creatures ; à sçauoir d'estre eternal , depouoir tout , & de sçauoir tout. Les Anges ont eu commencement d'estre & ne peuuent pas tout : car comme leur essence est finie , leur pouuoir aussi a esté limité dès le point de leur creation ; & combien que la science soit née avec eux ; pourquoy ils ont esté nommez Demons , c'est à dire sçauans : Dieu neantmoins a borné leur cognoissance , & l'a retenuë dās des termes qu'ils ne peuuent passer que quād il luy plaist. Ils ont les especes de toutes choses , non acquises mais naturelles , à raison desquelles rien ne leur est caché , de ce qui leur est inferieur , & sçauent toute l'œconomie du monde. Ils ignorent neantmoins ce qui est à venir , & le secret de nos pensées , puis que Dieu seul s'est reserué cela , lequel est dit pour ce suiet , *Scrutator cordium*, en l'Escriture. L'hom-

me qui tient le premier rang , apres cét ordre de la nature Angelique peut moins & sçait moins que ces substances purement spirituelles, à cause qu'il n'est pas simplement vne ame immaterielle : mais vne substance composée de corps & d'ame raisonnable. Dieu toutesfois, pour ne l'esloigner pas tant de la diuinité luy a donné l'usage des mains , pour pouuoir faire vne infinité de merueilles : & l'intellekt, qui est l'œil & la main de l'ame, pour sçauoir & comprendre par discours tout ce qui est dans le monde. Il penetre par tout, il discourt & fait jugement de tout , il inuente tout , & la main faiet tout : mais il ne peut pas deuiner le futur , sinon par coniecture artificielle, & par signes qui luy rendent ce qui est absent , comme present à son esprit : ainsi par les astres nous presageons aucunement la constitution des temps : Par certaines marques du corps, le temperament des enfans, & à quoy ils pourront estre portez de naturelle inclination : Par les signes qui paroissent aux malades, les Medecins predissent certainement le succez à bien ou à mal de la maladie. Les conducteurs d'armées pre-

oyent ce que veulent faire les enne mys  
& iugent de leurs intentions par la con-  
tenance des soldats, & par les mouue-  
ments de l'armée: de sorte que bien sou-  
uent ils vont au deuant, & rompent le  
coup de leur entreprise. Ceste cognois-  
sance donc de l'aduenir, est particuliere  
à l'homme, entre toutes les creatures  
d'icy bas: à raison qu'il est seul doüé  
d'ame raisonnable, & capable de tout,  
par le moyen de l'intellect, qui est vne  
diuine & admirable faculté, laquelle  
Dieu a voulu ainsi esleuer, afin que  
l'homme par la cognoissance de soy-  
mesme, & de son origine trouue les  
moyens des'esleuer à luy.

Les bestes qui ont vne ame grossiere,  
materielle & corruptible s'ont esloignées  
de tout cela, & cōme en vn autre climat  
de la nature. Elles n'ont rien de plus di-  
gne que la faculté d'imaginer, qui a seu-  
lemēt quelque ombre de cognoissance.  
Les Anges sçauent quasi tout, & l'ima-  
ginatiue ne sçait presque rien: & toute-  
fois elle faiēt aux bestes, cōme maistres-  
se, ce qu'elle fait en l'homme en qualité  
de seruante. Aussi elles n'ont point l'v-  
sage des mains, d'autant qu'elles leur se-

roiēt inutiles, puis qu'elles sont priuées de raison ; & qu'elles n'ont point ceste faculté de l'intellect, qui est seul inuenteur de toutes sortes d'ouurages. Sice que porte l'Examen estoit veritable, que l'inuention des machines de la guerre, la faculté de deuiner les desseins des ennemis, & autres habiletez du Capitaine sont de l'imaginatiue ; il seroit difficile de distinguer l'ame raisonnable, qui est toute diuine, d'auec la sensitue, qui ne regarde que la terre.

Le Chef d'armée ne peut auoir autre dessein en l'ame que de vaincre sō ennemy ou en bataille rāgée, ou par ruses & par surprises. Le plus expedient seroit tousiours de le seruir à plat couuert, *ex occulto*, & de le defaire, sans aucune perte des siēs, s'il estoit possible: mais par tout il est besoin d'un grād jugemēt, & la cognoissance de l'art militaire n'aide pas moins en l'une qu'en l'autre maniere.

*Ars belli non minus in aperto conflictu, quam in occultis fraudibus adiuvat eruditos.*

Il n'est pas aisé de vaincre par ruses, quād les Capitaines sont esgalement fins & cauteleux. Pour tromper son ennemy, il est besoin d'un esprit tellement rompu,

& conformé dās les détours & dans les finesses de la guerre, & tousiours tellement en action, qu'il n'y ait rien qui ne luy passe par la pensée, Il ne faut pas que la peur de combattre le porte à ce dessein : mais ou les forces plus grandes de son ennemy, ou l'opinion apparente d'estre vaincu, ou de ne pouuoir vaincre sinō avec vne telle perte des siens, & tant de sang espādu (comme il arriua à Pyrrhus) que la victoire ne seroit pas plus auātageuse que la perte. Le refus du combat peut augmenter le courage de l'ennemy, qui attribuera cela, ou au manquement de forces, ou à vn defaut de resolution & de vertu. Puis en dilayant, bien souuent l'occasion se pert de la victoire, comme nagueres l'Archiduc au siege d'Amiens perdit le temps de vaincre son ennemy, & de prendre la ville, pour ne s'estre pas aduancé chaudement au hazard d'une bataille. Si les Capitaines n'auoyent en tout cela autre conduite que de l'imaginatiue, ils ne se battoient qu'à la façon des bestes.

Pour vaincre l'ennemy ouuertement en champ de bataille, il faut sçauoir les preceptes de l'art militaire, & par vn

long exercice, auoir acquis vne grande experience en tel'es affaires. La cognoissance de ce qu'il faut faire rend les hommes hardis, plus prompts & plus assurez au cōbat. *Scientia rei bellicę dimicandi nutrit audaciā*: parce que nous ne craignons point de faillir, en faisant ce que nous sçauons bien. Vn petit nombre d'hommes aguerris court plustost à la victoire, & vne grande troupe de soldats qui ne sçauent rien, & qui n'ont rien veu, est tousiours exposée à la tuerie. L'industrie & la discipline font plus de vaillans hommes que la nature, *paucos viros fortes natura procreat, bona institutione plures reddit industria*. Contrel'Examen, qui tient pour estre bon Capitaine, qu'il ne faut point estre vaillant, à raison que la prudence qui luy est requise depend du temperamēt froid, & la valeur de la chaleur de l'imaginatiue. L'autheur s'est tellement hebeté l'esprit dans ceste folie des temperamens, qu'il ne sçait ce qu'il dit.

Platon enseigne que ceux qui sçauent sont plus hardis que ceux qui ne sçauent point, *2 οἱ ἐπισήμονες τῶς μὴ ἐπισταμένων θαρσελέωτεροι*, & que la hardiesse vient

1.  
*Vegetius.*

2.  
*In Prolegomena.*

aux hommes, de la cognoissance de l'att,  
comme nous voyons que ceux qui sca-  
uent l'art de nauiger, ont plus d'assu-  
rance sur mer, que ceux qui n'en ont ia-  
mais faict profession. Vn homme vail-  
lant naturellement qui n'aura rien ap-  
pris de l'escrime, sera tousiours moins  
hardy à entreprendre vn duel, qu'un au-  
tre qui sera timide naturellement & bon  
escrimeur; parce que son habileté, luy  
aura planté l'assurance dans le coura-  
ge. Pour ceste occasion Socrate disoit  
que la vaieur estoit vne sciēce, ἐπιτήμιον  
εἶναι τὴν ἀνδρείαν, à raison que pour estre  
vrayement vaillant & bon Capitaine, il  
faut auoir la cognoissance de l'art mili-  
taire. Si donc la science ou la prudence  
& la vaillance sont cōtraires, comment  
est-il possible qu'elles s'engendrent l'v-  
ne l'autre. Si elles depēdent d'une mes-  
me faulté, pourquoy incompatibles?

L'homme vaillant est cestuy-là, dit  
Aristote, qui ne craint point de mourir  
honorablement dans les occasions de  
la guerre, ὁ ἐν πολέμῳ πρὸς τὸν κα-  
λὸν θάνατον ἀδύς: & ceste vertu est vne  
habitude qui conuient aux soldats, &  
aux Capitaines: mais outre cela le Ca-

I.  
Cap. 6. lib.  
3. Ethicor.

pitaine est plus obligé de sçauoir les preceptes de l'art militaire, afin de commander ce qu'il fait à ses soldats, comme le Medecin pour la santé, ordonne hardiment ce qui est necessaire à ses malades, par la cognoissance qu'il a de la Medecine. Le deuoir du soldat & du Malade est seulement d'obeyr avec du courage; mais ce qui est du Capitaine & du Medecin, est de sçauoir commander & ordōner ce qui est de besoin, selon les occasions; attendu que l'art militaire & la Medecine consistent en l'occasion: mais pour paruenir à ceste cognoissāce, il est bon d'auoir esté soldat auparauant. Pour bien cōmander il faut auoir long temps obey, obserué & mis en memoire les preceptes, les reigles, les ruses, les stratagemes, que l'on aura veu pratiquer dans les exercices de la guerre, ou que l'on aura remarqué dās les histoires, & de telle sorte s'estre formé le jugement, que l'on puisse de soy-mesme, selon les rencontres, inuenter nouuelles ruses, *ἡ γὰρ μηχανήματα*, afin de défaire l'ennemy, ou luy faire perdre l'occasion de la victoire. Pour tout cela il est besoin d'un grand esprit, & d'un

I.

*Xenophon.*



bon & solide iugement.

Le Capitaine doit cognoistre ses forces, faire en sorte, s'il est plus foible en nombre de soldats, que l'industrie, l'experience & le courage le rendent maître, cacher ses desseins, auoir tousiours l'œil à tromper & surprendre son ennemy, & se garder d'estre surpris en toutes sortes d'entreprises, sçauoir prendre l'occasion & l'aduantage du lieu : car ces deux bien souuent aydent plus que la vaillance des soldats pour le gain de la victoire. *Occasio & locus*

<sup>I</sup>  
*Vegetius.*

*amplius solent iuuare quàm virtus.* Il faut estre habile à la conduite de l'armée, à tenir les soldats en discipline & dans les exercices, à empescher les seditions & les reuoltes. Vn Chef d'armée quelquesfois a plus de peine à tromper ses soldats que ses ennemys. Lors qu'il est contraint par occasion ou autrement de se disposer au combat, il doit donner du courage à ses troupes, & en leur remonstrant la foiblesse, le petit nombre & la mauuaise cause des ennemis, les porter à vne esperance certaine de la victoire, *mendacio etiam vti si opus est.* La guerre & la Medecine, *sunt artes in*

*fraudibus.* L'armée doit estre disposée en vn bel ordre, & les bataillons rendus plus forts de costé ou d'autre, selon l'estat des soldats, la condition du lieu, & la contenance de l'ennemy, & obseruer en cela toutes sortes de cautions. Quelquefois l'auantgarde doit estre plus forte ou plus foible, quelquesfois le corps de la bataille ou l'arrièregarde. Apres la victoire il faut poursuiure chaudement son ennemy, & neant moins avec prudence, de peur que le desordre & l'insolence des troupes victorieuses neluy donne suiet de se rallier, & de faire son profit d'vne mauuaise fortune. Tout cela depend de la prudence du Capitaine, laquelle consiste à bien ordonner, parceque le but de ceste vertu est ce qu'il faut, & ce qu'il ne faut pas faire. ἡ πρόνοια ἐστὶ τεκμηρίον, καὶ γὰρ δεῖ πρᾶττεν ἢ μὴ τὸ τέλος αὐτῆς, dit Aristote. Pour bien ordonner, il faut deliberer & prendre conseil des Sages: or consulter & raisonner sont vne mesme chose, καὶ τὸ βουλευεσθαι καὶ λογίζεσθαι ταῦτον: Puis donc que raisonner ne peut appartenir qu'à l'entendement, l'art militaire ne peut estre logé qu'en ceste diuine faculté de l'ame. Le

1.

Cap. 3. lib.  
7. *Ethicor.*

2.

*Aristoteles*  
cap. 2. lib. 6.  
*Ethicor.*

Capitaine en toutes actions de guerre, a besoin de discours, de prudence, de iugemēt, toutes pieces qui appartiennent à l'intellect: l'art de la guerre donc est en l'intellect. Car encore que ce qui est pratiqué en la guerre soit particulier, il ne s'esuit pas que l'art ne soit point de preceptes vniuersels, à raison que le principe des choses qui depēdent de l'art n'est pas *in rebus quæ fiunt*, comme en la nature, *sed in eo qui facit*, ἡ ἀρχὴ ἐν τῷ ποιεῖντι, ἀλλὰ μὴ ἐν τῷ ποιούμενῳ. De maniere que l'art peut estre definy, vn principe, & vn recueil de plusieurs preceptes vniuersels, qui tendēt à faire quelque chose de particulier: mais quand l'art seroit mesmes de choses particulieres, cela ne seroit pas vne raison suffisante pour l'oster à l'entendemēt, puis qu'il comprend aussi les choses singulieres, comme cela a esté demonstéré cy-deuant.

<sup>1.</sup>  
*Aristotel.*

S'il est vray que l'art militaire soit en l'imaginatiue, comme veut l'Examen, il faut croire par mesme moyē que toutes les sciences, les arts, & les habitudes luy appartiennent; que l'intellect est de ses dependances; & qu'elle est plus di-

gne & plus noble que les premières facultez de l'ame raisonnable; contre la verité & contre l'opinion d'Aristote, qui dit que l'intellect tient la principauté dans le Royaume de l'ame. La science de la guerre est vne partie de la politique, qui est, selon Democrite, la plus grande de toutes. Il y a donc plus de raison de la donner à l'intellect, qui est la plus noble & la plus riche de toutes les facultez de l'ame raisonnable, qu'à la phantasie, qui n'est qu'une faculté de la sensitiue.

pag. 130. a. Si les meilleurs Capitaines sont ceux-là qui ne veulent rien mettre au hasard, & qui sont vn peu craintifs, comme il dit de Fabius; que ne donne t'il cela à l'entendement, qui est vne puissance de l'ame tardiue en ses mouuemens, selon ses maximes, plustost qu'à l'imaginatiue, qui est plus prompte, & fait plus légèrement son action? il s'imagine qu'un homme d'entendement & iudicieux, est vne lime sourde, & vn esprit pesant, simplement addonné à l'estude, comme à la Theorie des Loix ou de la Medecine. De sorte qu'il le décrit comme vn Pedan, qui est plus habile à compter les

esleus d'un dernier Lendy, qu'aux affaires d'Estat: mais il se trôpe lourdement. Nous voyons dans le triëtrac du Palais plus d'hommes judicieux, que dans les Colleges, ou dans les meilleures Vniuersitez du monde. Les affaires de grande importance; & qui ne pourroyent estre terminées que par vne tres-sage conduite, les inuentions subtiles, mesmes les tromperies pleines d'artifice, ne partent que de grands entendemens; ce n'est point à des esprits bas de faire des actes signalez, ny mesmes vne faute notable, ou vne insigne meschanceté. *Magni errores nonnisi ex magnis ingeniis.* Un homme meschant ne peut commettre que des fautes lourdes, si son esprit est grossier & de peu d'esprit; ou ceux qui ont le iugemēt bon conduisent dextrement leur affaire, & avec artifice, ils sont dits propremēt *ingeniosè mali*. Ainsi disoit Tacite que le luxe de Petronius Arbitere estoit poly & sçauant, *eruditus luxus*, parce que pour le gouster avec plus de plaisir, il y apportoit ce qu'il pouuoit d'inuention & d'industrie.

Nostre Examineur, pour fortifier la suite de ses maximes, ou plustost

pour faire voir qu'une premiere fausseté tire apres soy une longue suite d'absurditez, met en avant l'exemple de Iules Cesar; & d'autant que ce grand guerrier a eu quelques notables particularitez, comme d'estre chauue, de porter sa robe mal ceinte, & autres semblables, il tire de là des maximes generales, & conclut que pour auoir l'imaginatiue bien faicte, & conuenable à l'art militaire, il faut de mesme estre chauue & mal propre en son habillemēt. Il commet deux fautes en ce peu de paroles, qu'il eust luy-mesme iugé ridicules, s'il les eust meurement examinées. La premiere est, en ce que d'une marque venue par accident à ce grand Capitaine, il veut obliger à cela mesme tout le general, & tirer tous les autres Chefs d'armée en consequence. L'autre, parce qu'il est faux que Iules Cesar ayt esté mal propre en son vestement. Suetone dit le contraire, qu'il estoit trop curieux de sa personne, & noté d'auoir eu trop de soin d'estre bien vestu. *1. Circa corporis curam moro-*

*1. In Iul. Caf. sior, & cultu notabilis. & en autre lieu,*  
*43. & 46. Munditiarum lautitiarumque studiosissimus.*  
 Comme encore tous les autres historiens

riens tesmoignent qu'il estoit magnifi-  
 que en ses liberalitez, & somptueux en  
 ses festins. De vray on luy reprochoit  
 ceste coustume qu'il auoit d'estre mal  
 ceint; mais il faisoit cela de propos de-  
 liberé, estant encore jeune, pour faire  
 croire qu'il estoit negligent & mol, &  
 qu'il n'auroit iamais le courage d'at-  
 tenter à choses hautes. L'on sçait bien  
 que pour estre bien vestu l'on n'en rem-  
 porte pas plustost la victoire, & pour  
 surmonter l'ennemy que la bonté des  
 armes est plus requise que la beauté des  
 habillemens, 2 *Victoria non ornamento-  
 rum decore, sed ferri virtute quaritur*: mais  
 aussi peut-on soustenir contre l'Examen  
 que le Capitaine & le soldat, pour estre  
 bien parez, ne doiuent pas estre estimez  
 de moindre courage. Au contraire, c'e-  
 stoit vne loüange anciennement au gen-  
 darme, quand il marchoit bien vestu, &  
 couuert d'armes luisantes, à force de ser-  
 uir. *Veste nitidus, armis munitus ac fulgens  
 exercitij vsu*. Le bel habillement, & les  
 belles armes du soldat luy donnent du  
 credit, & vn desir de se defendre pour ne  
 les perdre point. Quand il est braue, il

<sup>1.</sup>  
 Vnde Sul-  
 la dictum  
 monentis  
 vt malè  
 præcinctū  
 puerum  
 cauerent,  
 & illud  
 Ciceronis  
 præcin-  
 tura me  
 decepit.

<sup>2.</sup>  
*Iustinus.*

semble en aymer d'autant plus sa profes-  
sion. Mais principalement il doit estre  
curieux de belles armes; φιλόχραλος, dit  
Xenophon, ἰσχυρὸν τὰ ὄπλα.

1.

*Padiaslib.*

2.

*Yves de  
la Chapelle**de la Chapelle*

2.

*Ils disoyēt**à Rome**lors du**triomphe**de Iules**Cesar.**Romani**servate v-**xores,**machum**caluū ad-**ducimus.**de la Chapelle*

mais 2 Venus plustost en ayant esté la  
cause, & l'excez avec les femmes; il pour-  
roit conclure de mesme, qu'il faut  
estre grand rufian pour estre bon con-  
ducteur d'armée. L'excez avec les fem-  
mes peut dessécher le cerueau, dont la  
perte des cheveux, cōme nous voyons  
les chauues avoir le cerueau sec de tem-  
perament; & que ceux qui sont chastrez



au contraire sont veus peu suiets à ceste <sup>Leg. Hip-  
pocr. Aph.  
28. lib. 6.</sup> incōmodité, à raison qu'ils ont moins de chaleur, & ne perdēt point leur substance avec les femmes. Voicy donc sur ceste verité comme ie dispute contre l'Examen. Tout bon Capitaine doit estre chauue comme Iules Cesar, tout chauue a le cerueau de temperamēt sec: ie laisse le reste au iugement du lecteur. Car puisque le bon entēdement dépend du temperament sec, il s'ensuit que la prudence militaire appartient a l'entendement, & non a l'imaginatiue, qu'il dit ne demander qu'une chaleur modérée.

Finalemēt, ie me plains, que pour s'arrester à choses de peu d'estime, il a teu les vertus de Iules Cesar. Puis que ce grand guerrier estoit prudent, rusé, vaillant, & hardy également; veu que l'on doutoit s'il estoit plus prudent & aduisé que hardy, *cautior an audacior*: Que n'a t'il inferé de mesme qu'il faut que tout Capitaine soit également prudent & vaillant; ceste verité deuoit trouuer lieu en son liure, plustost qu'un ramas de sottes maximes mises en ieu, sous ombre d'une nouuelle in-

vention. Ce qui est dit icy donc de l'incompatibilité de la valeur & du courage avec la prudence doit estre rapporté plustost au cerueau mal fait de l'auteur , qu'au manquement des Capitaines.

L'on doit tenir pour constant , qu'il n'y a vacation au monde , qui requiere tant de iugement, que l'art de la guerre, & la raison est qu'il faut tousiours auoir l'esprit à preuoir les consequences des choses ; iuger sur les occurrences, disputer en soy-mesme sur la cōtenance de l'ennemy , éuiter ses desseins , & se donner garde de ses entreprises ; sçauoir à peu près, s'il est plus fort ou plus foible, ou égal à luy ; afin de ne venir pas au combat temerairement. Il est besoin que le conducteur d'armée ayt le cerueau de si bonne trempe, la teste si bien faicte, & l'entendement si bon , qu'il ne soit ny estonné, ny esgaré ny perdu dans la chaleur du combat. Ce n'est point vne vertu donnée à des ames basses, d'estre meslé en vn combat plein de sang & de furie, & neantmoins auoir l'œil sur tout ce qui se passe ; aduiser aux defauts, pour y donner ordre ; subuenir à vne ai-

le trop foible, secourir vn bataillon las, ou pressé, ou rompu: rallier les fuyards: & pour tout cela ne perdre rié de la conduite de l'armée; mais en mesme temps auoit l'œil & l'esprit sur ses troupes, sur l'ennemy & sur soy-mesme. Il est grand besoin en tout cela d'auoir vn bon sens, vne imaginatiue prompte, bõ discours, bon iugement, bon entendement, bonne inuention. Soit que le Capitaine surmonte son ennemy sans main mettre, ou en combattant; c'est tousiours par bõ esprit, par heureuse & prudente conduite, & par vn solide iugement. Le soldat mesme doit auoir vne habitude de vaillâce, sans laquelle il ne vaudroit rien aux surprises. Cestuy-là, dit Aristote, qui ne sçait combattre sinon aux rencontres qu'il a preueues, n'est pas tant loüable, parce qu'il n'a pas la science.

Les Romains, dit-il, delibereferent de trouuer vn Capitaine qui fust vn peu craintif. Il se trompe. Ce n'est point à vn Capitaine, d'auoir peur; mais vne sage & vertueuse resolution qui soit entre la temerité & la peur. Quintus Fabius n'estoit point craintif, mais bien aduisé, discret, & iudicieux. Il ne vouloit

pas se precipiter, & hasarder temerairement, iugeant bien que les petites fautes mesmesont de grande consequence en la guerre. Il tenoit pour vne honteuse excuse à vn Capitaine, de dire, Je n'y pensois pas. *Turpissimam, aiebat Fabius, Imperatori excusationem, non putabam.* Il a esté tousiours en reputation d'homme tres expert au fait de la guerre, & vaillant: mais les playes qui saignoient encore de la Republique le rendoyēt plus discret en ses desseins, & plus retenu en ses entreprises. Il auoit veu que la mauuaise conduite de ses concitoyens, pour s'estre precipitez à combattre contre les troupes d'Afrique, auoyent presque reduit l'estat de Rome à son periode, & que ceste perte ne pouuoit estre reparée que par prudence; de sorte qu'il se proposa de ne point combattre, s'il n'auoit en la main l'occasion de la victoire. Il aymoist mieux fuiure tousiours enqueuē son ennemy, & considerer ses actions, comme vn Pedagogue, pour le chastier, s'il commettoit quelque faute, que de hasarder mal à propos le reste de la fortune de la Republique. C'estoit vne vertueuse resolution de ce Capitaine, qui

ne prouenoit que d'un iugement bien fait, & d'une grande prudence. Il eust vaillamment combatu son ennemy, si l'occasion de la victoire se fust présentée: mais il cherchoit le moyen de le vaincre autrement, parce qu'il craignoit de remettre à la fortune ce qui restoit du bris de leurs dernieres pertes.

La vaillance du Capitaine ne consiste pas à combattre temerairement; mais en une ferme resolution de vaincre son ennemy, par ruses, & par surprises, s'il y a moyen; ou en bataille rangée, en cas de nécessité, & si l'occasion s'offre d'une victoire apparente. Il faut auoir de cela une telle habitude, que l'on ne puisse iamais estre surpris, c'est à dire, que l'ame aux surprises mesmes se trouue toute preste, & munie de prudence & de conseil, comme les bras de force, & le cœur de chaleur & de courage. Car il faut que tout cela s'entresuiue pour meriter le nom de vray Capitaine. Vlysses estoit un grand homme pour le cōseil, & Diomedé pour l'exécution: de maniere que joints ensemble en un corps d'armée ils estoient capables de grands exploits: mais separez pour commander à deux

diuerſes armées, il ſe trouuoit du man-  
quement de part & d'autre. *Vis conſilij  
expers mole ruit ſua.* Tous les grands Ca-  
pitaines qui ont eſté iamais ont eu les  
deux enſemble, & de neceſſité toutes les  
vertus que l'on nomme militaires doi-  
uent reluire en vn Chef d'armée. Il ne  
faut point que l'Authcur ſ'excuse ſur le  
degré eminent, car il faut que le Capi-  
taine ſoit eſgalement prudent & vail-  
lant. Bref toute ſorte de conduite &  
d'inuention qui ſe pratique en la guer-  
re, ne peut dependre que de l'entende-  
ment. Les facultez des ſens interieurs  
y ſont vtils auſſi, & plus ou moins ne-  
ceſſaires; mais en qualité de ſeruant.  
Car ie luy rebats encore icy, qu'il n'y a  
point d'arts ailleurs qu'en l'entende-  
ment.

## De la Prudence.

## CHAP. XXXVI.



E suis obligé, pour la suite de l'Examen, apres auoir discoursu de l'art militaire, de dire quelque chose de la Prudence, puis que l'Authéur tient que ceste vertu est vne des perfections du Capitaine, & qu'il l'attribuë encore à l'imaginatiue. Il appert par la lecture de son liure qu'il faict deux especes de ceste prudēce, dont l'une est vne ruse & vne industrie à mal faire, comme par ces termes nous la voyons exprimée en l'Ecriture, *Prudentia carnis scientia remota à iustitia*, & autres semblables. Et ceste premiere espece, dit-il, est logée en l'imaginatiue. L'autre prudence est vne maniere de sagesse tousiours accompagnée de droicteure & de simplicité, & par laquelle les hommes cognoissent le bien, & reprobent le mal. I'auois auçunement resolu

i.  
Con la-  
qual co-  
noscé los

hombres  
lo bueno  
y reponeu  
lo malo.

Chap. 6.

Est p. 97.

b fr. pag. 55.

a. 118. b.

119. a. 122.

a. b.

d'adiouster foy à tout cela, & de luy a-  
ioüier cét article, comme n'estant pas  
autrement de consequence: mais apres  
auoir consideré que les nerfs de la pru-  
dence, dont il est icy question, confi-  
stent à ne croire pas de leger, il m'a sem-  
blé à propos d'examiner ce poinct icy  
comme les autres.

L'aduouë librement qu'il y a de la  
raison à ceste diuision qu'il rapporte de  
la prudence: mais pour bien entendre le  
fond de ceste dispute, l'on peut noter  
que le mot de prudence en sa plus natu-  
relle signification, est vne dexterité d'es-  
prit, que doit auoir vn chacun, en la  
conduite des affaires du monde, de sa  
vie, de ses mœurs, de sa personne. Estre  
prudent n'est autre chose, sinon estre  
bien aduisé & prompt à preuoir les con-  
sequences des choses par vne longue ex-  
perience ou autrement, afin que lors de  
quelque affaire, l'on ait preueu tout ce  
qui peut y suruenir de bien ou de mal,  
pour éuiter le mal & suiure le bien, Ou  
s'il en arriue du mal, au moins qu'il ayt  
esté preueu. Il est mesicant à vn homme  
sage de receuoir d'autres accidens, que  
ceux qu'il aura preueus; comme hon-



teux à vn soldat d'estre blessé que par deuant. Or ceste vertu a cours dans tous les arts, & le mot de prudence s'applique à toutes sortes de professions, nommément à deux, qui sont l'art de la guerre & la science du droict, *iuris & rei militaris prudentia*, à raison que ces deux entre toutes requierent vn grand iugement, sans lequel il seroit impossible, de se conduire dans les affaires du monde, qui sōt, pour la meilleure partie, en la main de ces deux professions, sous le gouuernement de la prudence, cōme les choses diuines appartiennent à la Theologie, sous la cōduite de la Religion. C'est ce que disoit Platon, que nous deuōs avec des armes d'or combattre contre la fortune, c'est à dire, par la Prudence, par la Iustice, & par la Pieté, ou la Religion. Par la Prudence nous sçauons ce qui est du monde, & luy rendons ce qui luy est deu, par la iustice des armes & du Palais. Mais la religion nous apprend à honorer Dieu & luy rendre le seruice que nous luy deuons. A cela se rapporte tout ce que l'on dit de la Prudēce; qu'elle est vne habitude acquise par longue pratique: quel est le sel de la vie, l'ame

des affaires, la reigle de nos actions: que c'est elle qui nous apprend à commander reiglement & à obeyr; à n'estre point insolens dans les faueurs, ny perdus de courage dans les disgraces de la fortune. Ciceron disoit qu'elle est vne science pour cognoistre toutes choses, afin de les fuyr, ou de les desirer. *Rerum expetendarum fugiendarumque scientia*, & ailleurs, *Calliditas quædam*, vne certaine ruse de sçauoir choisir le biẽ d'auec le mal. Ou l'Examen s'abuse prenant le mot *Calliditas*, pour astuce ou cautele malicieuse, contrel'intelligence de Ciceron, qui entend par ce mot vne habileté ou dexterité d'esprit, acquise par vn long yfage. Ainsi nous disons stratagemes ou ruses de guerre. Quelques autres ont definy la prudence, vne vertu qui nous ameine à la cognoissance du bien, de la verité, des choses honnestes, & qui regle & modere les actions des autres vertus. Pourquoy Epicure disoit anciẽnement que la prudence estoit en dignité plus eleuée que la Philosophie; attendu que toutes les autres vertus sont comme ses filles, τῆς φιλοσοφίας τιμιώτερον, ὑπάρχει ἢ φρόνησις, ἐξ ἧς αἱ λοιπὰὶ πεφύχασιν ἀρε-

ταί. Mais comme l'on applique souuent les dictions à diuers vsages, souuent on se sert du mot de Prudence, pour signifier vne habileté de tromper, de sçauoir ruser contre vn ennemy, d'acquérir finement des moyens, & par toutes sortes de voyes. Bref pour estre auisé en quelque affaire telle qu'elle puisse estre. A ceste mesme intétion les Grecs vsoyent de ces mots, σοφία, σοφισμα, τεχνή, φρόνησις, pour dire subtilité & habileté, comme quand ils disoyent, θέσσαλον σοφισμα, ruse ou finesse de Thessalie, σοφιστήν ἐν ἀσπίδι, adroit à se seruir du bouclier. Ils appelloyent τεχνικὸς ceux qui auoyent de l'inuention & de l'artifice pour trôper, & qui trompoyēt habilement. Le mot de Prudence φρόνησις signifie cela mesme quelquesfois en l'Escriture, comme en ce lieu, *Prudentia carnis*, &c. & en cét autre, *Filij huius seculi*, *prudentiores*, &c. Pour ceste mesme raison les Egyptiens estoient reputéz plus sages que ceux des autres nations, à raison de leurs tromperies, Ἀγλαῖς μηχαναῖς φρονιμώτεροι : car μηχανή ou μηχανία signifie artifice ou industrie, d'ot le mot François, *mefchant*, a tiré son ori-

gine, *μῆχενος*, c'est à dire, artificieusement mauvais, *ingeniosè malus*. De ceste propriété des Egyptiëns est venu le Proverbe *ἀνυπνίαζειν*, c'est à dire, imiter ce peuple en leurs façons de tromper & de voler, comme fait encore de present ceste racaille de Bohemiens, qui se disent Egyptiens, & en ceste qualité ont permission de desrober.

Il est certain que les trompeurs sont plus subtils que ceux qui s'ont vraiment prudents, à raison que le mensonge, qui doit ouvrir la porte à la tromperie, a toujours plus de détours que la verité; qui n'a qu'un visage, & qu'il faut plus bander l'esprit à desguiser quelque chose, comme à sophistiquer ou falsifier une drogue, qu'à l'exposer simplement, comme nous l'avons du don de la nature. Pourquoi aussi les Sophistes qui desguisent la verité, volentiers sont plus subtils que les bons Philosophes, *In-*

*Plin. ad  
Traianum*

*geniosior est ad excogitandum simulatio veritate, servitus libertate, metus amore.* Mais en quelque sorte que nous voulions prendre le mot de prudence, elle appartient toujours à l'entendement; & me semble que l'Examen n'a rien de preuve

nécessaire, pour faire croire que la première espèce appartienne à l'imaginatiue & à la colere.

Sa plus grande raison est ce qu'il dit que les bestes ont de la prudēce, comme le fourmy & le serpēt; car il propose ces deux exēples, pour représenter les deux espèces de ceste vertu. Il dit dōc que le cerueau du fourmy est froid & sec de temperament & approprié au sçauoir, à raison dequoy il a la prudēce: & le serpent est prudent aussi, dit-il, mais d'astuce & de tromperie, à raison qu'il participe de colere brulée, & partāt qu'ayāt beaucoup de chaleur, il a l'imaginatiue plus prompte, & en suite la prudēce qui depend de ceste faculté. Il est temps d'examiner ceste belle Philosophie. Si la prudēce qui est en l'entendement depend, comme il dit, du temperament sec, pourquoy le fourmy n'a-t'il point aussi avec la prudēce, la science & l'entendement, selon ses maximes? Il fonde la prudēce du fourmy sur le temperament du cerueau de ce petit animal, & moy ie soustiens contre luy que le fourmy n'a ny prudēce, ny entendement, ny le cerueau sec, mais point de cerueau.

du tout, comme i'ay dit ailleurs apres Aristote.

Pour le serpent, qu'il dit estre cauteleux & plein de malice, a cause de la colere noire qui domine en cét animal, si cela estoit vray, ne pourrions nous pas soustenir de mesme, qu'il est de temperament froid & sec, puis que l'Ecriture luy attribue la vraye prudence, qui depend de l'entendement? au commencement du monde pour auoir seduit la premiere femme, il est dit, selon la premiere espeece, tres-prudent & tres-cauteleux, propriété qu'il auoit, non de sa nature, mais de la suggestion du mauuais Ange, comme vne langue est dictée meschante, quād elle est employée par vn trompeur à dire vne meschanceté. Mais quand Iesus-Christ recommande la prudence du serpent a ses Apostres, n'est-ce point leur commander d'auoir ceste prudence de la meilleure marque, qui est encore exprimée par plusieurs propriétés du serpent pour nostre instruction?

L'Autheur de l'Examen deuoit se souuenir, qu'une mesme chose bien souuent dans les Sainctes Lettres, est prise en la bonne & mauuaise partie, se-

lon ses diuerses proprietéz. Le mot de Ieuain en vn lieu signifie les bonnes œuvres, *fermentum veritatis*: ailleurs vn relan de pesché, ou le reste de quelque mauuaise opinion, *fermentum nequitie*. Ceste autre diction *leo* quelquesfois est le symbole de Iesus-Christ, *Vicit leo de tribu Iuda*. En autre endroit, le diable est comparé à cet animal, *Diabolus tanquam leo rugiens*. Ainsi la prudence du serpent se trouue diuersemēt interpretée, & prise bien souuent en la bonne part. Lors que quelqu'vn se tient long temps dans vne mauuaise opinion, on luy donne aduis de se chāger & despoüiller sa vieille peau, comme le serpent. Cēt animal a de coustume, lors qu'il se voit en danger d'estre frappé, pour sauuer sa teste, d'exposer tout le reste du corps: & les Peres de l'Eglise enseignent que nous deuons à l'imitation du serpent, nous exposer aux tourmens lors des persecutiōs, pour sauuer en nous nostre chef, qui est Iesus-Christ; c'est à dire, la foy en Iesus-Christ.

I'accorde donc à l'Examen, qu'il y a deux sortes de prudence. vne à bien, l'autre à mal faire, & qu'elles sont attri-

buées l'une & l'autre aux hommes & aux bestes : mais ie soustiendray tousiours, que ceste vertu appartiēt à l'homme seul, & hors l'homme; qu'il n'y a point de prudence. Contre ceste verité que l'on declame, que l'on s'ayde de toutes les ruses de la Dialectique, que l'on propose toutes les raisons de Theophraste, de Plutarque, de Porphyre, & d'autres qui ont écrit de la prudēce des bestes. Qu'ils alleguent Epicharmus, qui donnoit vn entendement naturel *ἄνθρωπος*, à toute substance qui a vie : qu'ils se fortifient de ce que dit Cicéron, que le petit fourmy n'a pas les sens seulement, mais aussi l'entendement & la memoire ; qu'ils dient par admiration avec Plaute, que la petite souris est douēe de prudence & de sagesse, *Pusillus mus, sapiens bestia*: Cēt Arrest neāt moins demeurera pour constant ; que l'homme seul est capable de prudence, & que tout le reste des animaux ne peut rien auoir de ceste vertu, sinon metaphoriquement :

L'homme qui est seul capable de raison, sçait le but de ses actiōs, preuoit les conséquences des choses, & par l'experience du passé, se forme le jugemēt, pour l'ad-



uenir; mais les bestes, riède tout cela parce qu'elles sont priuées du benefice de la raison. Il est vray que la nature, qui est merede tout ce qui est icy bas, a eu soin, voire des animaux les plus foibles, & les plus debiles, & pour supplier à leur imperfection, leur a dōné quelque instinct naturel, par lequel ils sont poussez à certaines choses pour leur conseruation; que nous jugeons actés de prudence ou de sagesse: mais cela estant consideré de prés, on trouuera tousiours que c'est vne prudence de la nature en general, & non de la nature des bestes en particulier. Quand le fourmy fait prouision de viures en Esté, il faut attribuer ceste preuoyance à la nature, & non à l'animal; lequel est auéuglé en son ouurage, attendu qu'il ne sçait pas, s'il est luy-mesme, si l'Hyuer sera, & s'il sera besoin de ce qu'il amasse pour sa nourriture. Il n'est pas possible qu'un si petit animal cognoisse le but d'une action de si longue haleine. Nous voyons cela en nous mesme, pour ce qui regarde les facultez naturelles: car quand le ventricule cuit plus de nourriture qu'il n'est besoin pour son entretien; il fait cela non en

intention que le reste soit distribué apres aux autres parties du corps ; mais parce qu'il a esté formé tel , par la preuoyance de la nature. Le fourmy fait amas de grains, pour sa nourriture, presente seulement , & d'instinct naturel il est porté à cét exercice qui luy est vtile par accidēt, non eu égard à la nature, à qui appartient la premiere conduite de ceste action. C'est donc vne prudence metaphorique, ou plustost vne ombre de prudence. Pour plus grande preuue de cela, nous voyons entre les bestes brutes, que celles-là qui ont perdu l'appetit de manger, par maladie, ne se forcent iamais à prendre de la nourriture, parce qu'elles manquent de raison, pour pouuoir iuger que cela est necessaire. Il est vray qu'elles prennent des remedes, car le Chien mange du Chiendent contre la colique: la Hupe de l'Adianthum; le Lyon, des Singes: mais cela leur vient de quelque goust de praué; qui donne cét appetit, selon l'inclination de leur nature, & non d'intention qu'elles ayent d'estre gueries, parce moyen, puis qu'elles ne cognoissent ny la maladie, ny le remede.

Nous remarquons bien , qu'il y a vne grande inegalité entre les bestes , & que toutes ne sont pas en pareil degré de perfection ; ven- que la faculté d'imaginer se monstre beaucoup plus prompte, & plus accomplie aux vnes qu'aux autres ; iusques là que nous y voyons des merueilles : mais sans apparence de raison, de discours, & de iugement, qui sont les bases de la prudence. Les mouches à miel bastissent toutes leurs petites loges à six angles, d'une structure admirable, comme si elles sçauoyent la Geometrie. L'Aragne sçait filer ses toiles, les tendre, & dresser ses panneaux, pour la chasse, avec autāt d'artifice qu'il est possible. L'Hyronnelle & l'Aleçon façonnent leurs nids d'une habileté qui estonne le vulgaire : mais les hommes de iugement n'y admirent rien, pour le regard de l'animal, attendu que tout cela se fait sans discours & sans raison de sa part, & du merite seul de la nature.

Ce que l'on dit d'ailleurs, que le Ton cognoist les Solstices & les Equinoxes : qu'un Elephant a escrit anciennement : que le Cerf de Ptolomée Philadelphie entendoit la Langue Grecque : qu'un

certain Singe en Portugal ſçauoit iouer aux Eſchets : & que le Perroquet d'un Cardinal à Rome recitoit entierement vn Pſeume de Dauid , ſont autant de comptes faiſts à plaſir , auſquels i'adjoſteray foy, quand les Ecreuiſſes courront la bague, & les Anguilles ſçauront jouer à trois dez. La prudence, la raiſon, le diſcours, la parole, qui ne peuvent eſtre conduites que par l'intelleſt, ſont perfeſtions qui n'appartiennent qu'à l'homme, parce qu'il eſt ſeul, comme i'ay dit, capable de raiſon.

L'Auth eur ſe ſert de l'authorité d'Hippocrate & de Galien, mais inutilement: car combien que leur doctrine ſemble donner quelque luſtre à la ſienne, l'on trouuera neantmoins qu'elle n'auance en rien ſon opinion, ſi elle eſt priſe d'une bonne main. Ils diſent que la bile eſt vne humeur, qui rend les hommes fols, coleres & inconſtans, il eſt vray. Il ne ſ'enſuit pas que la folie ſoit en la colere, mais que l'action de l'ame eſt deprauee par la colere, lors qu'elle fouille ſes inſtrumens. Puis, ceſte conſeſion ne vaut rien. La bile eſt cauſe de l'inconſtance, *ergo*, la prudence de la

premiere espece, qu'il dit despendre du temperament chaud & colerique, est en l'imaginatiue. L'on pourroit inferer de mesme que le siege de l'imaginatiue est aux cauitez du foye, dans la bourssette du fiel. Pour responce à tout cela, i'accorde, comme i'ay dit ailleurs, & tiens pour vray que les humeurs & les quatre premieres qualitez donnent de l'inclination à cecy ou à cela: & neātmoins que les habitudes des sciēces & des vertus sont en l'ame raisonnable. Ce qui trompe l'Autheur de l'Examen, est qu'il attribue des facultez à l'imaginatiue, qui ne luy appartiennent point, comme i'en feray presentement la demonstration d'une partie, pour mettre fin à ceste dispute.

L'ame raisonnable, combien qu'elle soit vne & simple, monstre toutesfois plusieurs & diuerses fonctions, entant qu'elle a plusieurs facultez qu'elle met en exercice, & qui ont chacune leur nom particulier, pour estre distinguées les vnes des autres. Quand donc elle comprend quelque chose de premier coup & par vne simple apprehension, cela s'appelle, Intelligence. Quand elle s'exerce

*Intentio.* fut vn suiet; en conséquence de passer  
 outte, pour faire ou pour cognoistre au-  
 tre chose; on nomme cela, *Intention*.  
 Quand elle persiste à la recherche de ce  
 qu'elle prétend, c'est ce que l'on appel-  
*Cogitatio.* le coustumièrement, *Pensée*. Quand  
 vne pensée est examinée sur certaines  
*Scientia & sapientia.* maximés & principes, cela est dit, *Scien-  
 ce* ou *Sagesse*, *Sapientia enim est indicare*.  
 Et lors qu'elle propose de déclarer à au-  
 truy ce qu'elle a vne fois resolu, cela est  
 ce que nous appellons, parole interieu-  
*Verbum mentis.* re, *Verbum mentis*, qui est comme la me-  
 re de la parole extérieure; & tout cela est  
 operation de l'intellect, selon saint  
 Thomas.

Quelques-uns déduisent ces fon-  
 ctions de l'ame vn peu autrement, en ce-  
 ste maniere. L'ame lors qu'elle entend,  
*Intellectus* est dicté, *Entendement*, *Intellectus*.  
 Quand elle discourt, c'est à dire, quand  
 elle court de suiets en autres, pour ap-  
 prendre, ou pour enseigner, cela s'appel-  
*Ratiocinatio.* le, *Raisonnement*, *Ratiocinatio*, & *Dis-  
 cours*. Quand elle considère v-  
 ne chose par vne autre, comme vn ef-  
 fect par sa cause, vne conclusion neces-  
 saire, par les principes, c'est ce qui est dit

185, mens. Quand elle se retire chez elle, *Mens*  
 pour consulter & prendre aduis d'elle  
 mesme, l'on nomme cela, Conseil, *cōsiliū*,  
*Consiliū*.

L'on traite encore cela diuersement  
 en ceste sorte. La faculté de l'ame qui  
 comprend & inuente les choses est dictée  
 proprement *Ingenium*, esprit : qui est au *Ingenium*  
 regard de l'intellect ce que le tréchant *acies in-*  
 est en comparaison du cousteau. *tellectus*.  
*Acies*  
*intellectus*. Ainsi nous disons, *acutam in-*  
*genium*, vn esprit agu, c'est à dire, qui a  
 vne pointe pour esuiller le iugement,  
 comme le vinaigre pour exciter l'appé-  
 tit. *Ad indicandum opus est acri ingenio*.  
 Quand l'intellect des principes intelli-  
 gibles estant esuillé par les especes des  
 sens, tire vne conséquence d'autre cho-  
 se, la promptitude, ou la duresté tardi-  
 ue de ceste faculté, est dictée *Ingenij faci-*  
*litas aut durities*, bon ou mauuais esprit.  
 Mais lors que l'intellect, comme l'œil,  
 s'employe à voir que tout soit par or-  
 dre, & qu'il n'y ait rien de confus, quand  
 il faut mediter ou parler, ou escrire;  
 cela est ceste belle partie de l'intellect, *Intellectus*  
 qui tient le premier rang au Royaume *iudicium*.  
 de l'ame, *re iudicium*. C'est ce iugement

qui par reflexion des rayons de l'intellect, examine ses notions, & rumine sur ses pensées, afin que le tout soit bien digéré pour la conduite de la langue & de la main; ou pour ne rien dire, ou escrire, ou faire mal à propos, & à la volée, Quand il s'occupe à bien former les mœurs & les actions de la vie, à se bien cognoistre, à considerer les euenemens des choses, pour la conduite des affaires; cela s'appelle Prudence.

*Prudētia.*

Quand donc l'Examen discours, que les bestes ont de la prudence, il est excusable, s'il entend vne prudence portée, ou donnée de la nature; c'est à dire cēt instinct qu'elles ont de se conduire, & ceste propriété naturelle qui depend de leur forme, sans raison toutefois, sans discours, & sans cognoissance du but & de la fin de leur action. Mais s'il entend vne vraye prudence, non naturelle, mais acquise & exercée par discours, il s'abuse du tout. L'Araigne ne s'est point acquis la prudence de filer sa toile, selon l'inclination & selon la capacité de sa forme, mais la nature luy a fait vn present de ceste habileté, attendu que ce petit animal estoit incapable d'appren-



dre cela, par reigles & par discipline: Mais l'homme qui n'a aucune prudence naturellement, *Prudentes enim nasci homines negat Philosophus*, l'homme, dis-je, qui entre au monde tout nud d'ame & de corps, au cōtraire des bestes, est douë d'une capacité de se former & se rendre habile à toutes sortes d'habiletez & de prudences. Il se donne luy mesme & acquiert la prudence, par son industrie. De maniere qu'il a la vraye prudence, & non vne prudence portée & metaphorique, comme les bestes brutes.

C'est vn abus de dire, que la prudence qui tourne à malice & à tromperie, soit en l'imaginatiue, veu que c'est vne mesme prudēce; mais conduite par l'inclination d'une mauuaise volonté: & tant s'en faut qu'elle soit en l'imaginatiue, que bien souuent elle requiert, comme i'ay dit cy-deuant, plus d'artifice, d'inuention & de jugement que la prudence de la seconde espee. Pour tromper, il faut disputer en soy mesme, cacher son ieu, mener finement & subtilement son affaire, auoir la langue bien pendue, bon pied, bon œil, & pour tout cela, il est besoin d'auoir l'esprit vif, l'i-

imaginatiue bonne, & le iugement meilleur que la volonté. Si ceste prudence cauteleuse demande dauantage d'inuention & d'artifice, & ces deux, selon l'Examen dependent de l'imaginatiue; pourquoy les peuples du Septentrion, comme ceux qui habitent les parties plus froides de l'Europe, ont ils moins de ruse & d'artifice que de courage & de colere, veu que telles regions sont le pays de l'imaginatiue, selon la mesme cabale? c'est vne obseruation d'Aristote, laquelle iournellement est trouuée veritable, par experience, que les hommes aux pays froids ont plus de courage que d'esprit. τὰ ἐν τοῖς ψυχροῖς τοῖς ἔσθ' , θυμὸς μὲν ὅτι πλεον , Διανοία δὲ ἐνδεύουσα ἐν τῷ ψυχρῷ.

Cap 7. lib.  
7. Politic.

Il ne faut point croire donc que les bestes puissent estre capables de prudence, puis qu'elles n'ont point de raison: car c'est vn Arrest donné de trop long temps au preiudice de telles opinions, que les arts & les vertus ne peuvent estre en autres facultez de l'ame qu'en l'entendement & la volonté; nullement en la phantasie. La Prudence est vne des vertus, qui ont leur demeure en

l'entendement, selon Aristote: Puis donc  
quel'Examen ne produit riẽ d'assez fort,  
pour destruire la verité de ceste doctri-  
ne, nous ferions mal de manquer de  
party à toute l'antiquité, pour suiure  
l'aduis de cẽt homme, qui a voulu don-  
ner cours à vne opinion, que plusieurs  
auoyent sondée auparauant luy, mais  
abandonnée à raisõ que pour la defendre  
il faut plus de hardiesse & de presom-  
ption, que de iugement & de doctrine.

Tant s'en faut que la prudence appar-  
tienne à l'imaginatiue, qu'elle est com-  
me la conduite des autres vertus, l'or-  
nement de l'ame, & l'une des plus belles  
pieces de l'entendement. Bion la disoit  
semblable à l'œil, parce que comme  
l'œil est le plus noble entre les sens, la  
prudence semble exceller entre les ver-  
tus. Aristote dit le mesme de l'intellect,  
qu'il est l'œil de l'ame: de sorte que nous  
pouuõs dire pour joindre ces deux opi-  
nions, que comme l'intellect est l'œil de  
l'ame, selon Aristote; La prudence, se-  
lon Bion, est l'œil & la prunelle de l'in-  
tellect, τὸ ὄμα ἀφ' ὧν ὁ νοῦς ὁρᾷ. Il n'y a point de  
raison de la donner à la phantasie, en  
quelque façon qu'elle soit prise.

i.  
leg. infr. c.  
37 sub fa-  
nem.

*Du temperament esgal. S'il est cause  
du bon esprit, de la santé, de la  
beauté; de la longue vie. Quel  
tempérament (et) quelle habileté  
conuient mieux pour la dignité de  
Roy.*

# CHAP. XXXVII.

*Exa. ch. 14.  
pag. 150. b.*

**S**ELON les maxims de l'Examen; i il seroit impossible qu'un esprit peust exceller en plusieurs sciences, en un mesme temps: car puisque nous ne pouons auoir qu'un temperament au cerueau, & que chaque temperament est dedié, comme il dit, à vne certaine faculté, & vne faculté à certaine science: de necessité plusieurs sciences ensemble, sont incompatibles. Et toutefois il dit icy que ceux qui ont rencontré vne esgale temperature; & le meslange des quatre qualitez, reduites à vne iuste proportion, sont les plus capables esprits, pour

comprendre toutes sortes de sciences, parce qu'ils ont vne parfaicte memoire, vne forte imaginatiue, & vn iugement, ou vn entendement admirable. Voila comme il s'exerce sur ce suiet, avec plus de verité qu'il ne s'est imaginé; & comme ie croy, contre l'intention de son Examen.

Puis qu'il opiniastre que les trois facultez de l'ame sont materielles, & diuersement obligées au temperament: il semble en suite qu'il deuoit soustenir aussi que leurs actions sont plus parfaites, plus leurs temperamens approchent du degré que requierent les sciences, qui leur appartiennent, sans passer toutefois iusques à l'excez. Pour exemple, si l'imaginatiue demande, comme il dit, trois degrez de chaleur, pour la perfection de la Poësie, & vn enfant est né avec vn tel temperament, il est certain qu'il sera meilleur Poëte, selon l'Examen, que s'il auoit le cerneau chaud seulement au second degré. Or les quatre qualitez premieres, dans le temperament esgal sont tellement reduites au petit pied, qu'il ne leur reste que peu ou point de leur vertu. De sorte que, si lors

de ceste esgalité, les facultez de l'ame font mieux leurs actions: c'est vn preiugé, ou que sa premiere opinion est faulse, des temperamens diuerfement distribuez aux trois facultez; ou que les qualitez elementaires leur sont inutiles. Dans ceste egalité de temperamens les quatre premieres qualitez sont comme amorties, & quasi reduites comme si elles n'estoyent point: & l'ame alors, selon l'Examen, en fait mieux son action: il est à croire<sup>donc</sup> comme i'ay dit ailleurs, qu'elle opereroit encore plus parfaictement, si du tout elle n'en auoit point. Nous pouuons iuger le mesme pour ce qui est des organes des mesmes facultez: Car si l'intellect opere mieux, plus les esprits sont subtils, dont il se sert mediatement, comme d'un instrument; & plus mal, plus ils sont grossiers & materiels, comme si l'empeschement luy venoit de la part de la matiere. Il appert puisquel'intellect est vne faculté immaterielle, que la matiere luy est aucunement à charge, & que son action sera tousiours moins parfaicte, tant que l'ame sera jointe avec le corps, à raison qu'elle a besoin lors d'autres facultez materielles,

*L'intellect  
se sert des  
esprits par  
le moye de  
facultez  
materielles.*

materielles, qui sont ses seruanes.

Il faut donc en cela vser de distinction, & auoir esgard à la difference des facultez de l'ame. Pour ce qui est de l'imaginatiue & de la memoire sensitiue, il est certain qu'elles sont materielles, qu'elles font leurs actions en partie par le moyen du temperament, & qu'un certain degré de chaleur est plus requis pour l'imaginatiue, comme pour la memoire vne certaine humidité, plus vtile que le temperament esgal: mais pour le regard de l'intellect, qui est vne faculté immaterielle, où & nō ailleurs, sont logées toutes les sciences; il n'est besoin ny d'organes, ny de temperament. Pourquoy il semble que l'Auteur de l'Examen a esté inspiré sans y penser, à dire ceste verité, que le temperament égal conuient pour le general des sciences en vn mesme esprit. Il donne moins d'empeschement à l'ame, parce qu'il approche plus de la nullité.

Il dit ensuite, que la grande sante, les bonnes moeurs, la longue vie, le bon esprit, la beauté du corps, & la prudence suivent ceste esgalité du temperament. Que les Roys doiuent auoir ce-

*Exa. ch. 14.*

ste difference d'esprit, laquelle toutefois il n'a peu encore trouver qu'en Espagne, combien qu'il l'ayt cherchée ailleurs avec beaucoup de soin & de diligence. C'est ce que nous auōs à examiner pour le present, avec de la diligēce aussi, pour essayer de faire ce qu'il n'a peu, & de trouver ce qu'il a cherché long temps inutilement.

Pour mieux prendre le point de ceste dispute, il faut noter que ce quel'on appelle temperament égal, n'est pas vn iuste mēlange des quatre qualitez elementaires en chacune partie du corps, comme il semble que ce soit l'aduis de l'Examen car comme l'experience nous apprend, il n'y a corps animé au monde, si temperé, qui n'ayt actuellement plus de chaleur & d'humidité que des deux autres qualitez, à raison que le mariage de ces deux est le temperamēt de la vie: & que la chaleur naturelle, & l'humour que nous appellons radicale iointes ensemble, ont quelque vertu qui respond de proportion à l'element des estolles. Il n'y a donc point d'egalité pour ce regard, & parce que la vie ne peut subsister sans ceste chaleur fondamentale, na-



turc'a ordonné le cœur, pour en estre le principe, & l'a tenu plus chaud que tout le reste du corps, pour en faire part à toutes les autres parties, par le moyen des arteres. Ainsi le foye est principe d'humidité, dit pour ceste occasion, *in parte* humide, par Hippocrate. De maniere que si ceste iuste proportion des quatre qualitez estoit esgalement en chacune partie, l'admirable œconomie du corps, au lieu d'estre conseruée, seroit incontinent destruite. Il faut entendre donc, que, comme en vne Republique, de plusieurs & diuerses conditions d'hommes resuite vn bel accord, pour l'entretien de l'Etat, de mesme au corps humain de plusieurs parties diuersement temperées peut reussir vn temperament esgal, par vn bon accord des parties chaudes avec les froides, & des seches avec les humides. De sorte que le tout bien balancé, l'on trouue vne égale proportion de ces quatre, qui est la meilleure harmonie, & le plus louable temperament pour les operations de l'ame. Cela ainsi supposé, voyons si l'homme qui est ainsi esgalement tēperé, doit estre plus accōply en toutes ses operations.

L'Examen, pour fortifier son aduis, se sert de l'autorité de Galien ; qui dit que la Grece, qui est la region de la terre la mieux temperée a produit les plus habiles hommes du monde : mais cela ne fait rien, ny pour luy, ny contre moy. Je tiens pour constant que le temperament esgal est bien le plus requis pour les sciences, & pour la prudence : mais non pour la longue vie, & pour toutes ces autres proprietéz qu'il allegue. Puis que la nature a dōné à l'homme vn temperament meilleur, qu'à plusieurs autres especes d'animaux, qui sont néanmoins de plus longue vie que l'homme, comme au Cerf, à l'Aigle, au Corbeau, nous pouuons inferer de là que la longue vie ne depend pas du tout de l'égalité du temperament. La meilleure temperature semble estre ceste-là qui conuient mieux pour les operatiōs de chaque espeece ; or le propre de l'homme estant d'estre sage, prudent, & sçauant, pourquoy le temperament egal est plus requis, comme i'ay dit cy-deuant: il appert que le temperament esgal a esté dōné à l'homme, non eu égard à la longue vie, mais en consideration de la science

& de la prudence. Si l'on oppose à cela ce que dit Galien, 1 que le corps qui est bien temperé est plus ferme, résiste mieux aux passions, & est moins sujet aux maladies; *ἐνκρατον σῶμα δυσάλωτον ὅτι δυσπαθές; ἡκιστα καμάρτοις ἀλίσκόμενον.* Je responds que ces paroles là de Galien sont comme vne premiere proposition, pour servir d'acheminement à vne vérité plus assurée: car apres auoir dit, que le meilleur temperament est celuy qui a toutes sortes de contrarietez reduites à vne iuste proportion, il adioust apres, qu'estant impossible de trouuer vn tel temperament, il faut croire, encore que ceste mediocrité fust plus souhaitable, qu'il vaut mieux pour la santé estre vn peu retiré de ceste égalité, de part ou d'autre. Et en ce mesme lieu. Le corps, dit-il, que nous appellons de moyenne constitution, ne nous semble pas du tout plus exempt que les autres des incommoditez des maladies, 2 *ὅτι πάντα πάντων ὅτι δυσπαθέστατον τὸ μέσον;* mais toutefois le plus souhaitable. Comme s'il disoit, que le corps esgalement temperé est aucunement inferieur aux autres, mais que ceste constitution neant-

1.

Lib. de corp.  
corp. const.

2.

Ibid. Grac.  
cod. tom. 1.  
pa. 248. j. 2.

moins est à preferer, d'autant qu'elle a plus de conditions louables, mais avec moins de force & de vigueur. Pour exemple, le cerueau esgalement temperé, est generally plus conuenable, pour toutes les fonctions du sens commun, de l'imaginatiue & de la memoire, mais avec moins de pouuoir & de vertu, que quand chaque faculté iouyt de son propre temperament. Ailleurs encore Galien dit, que ceux qui sont tres humides de temperament sont de plus longue vie, & se portent mieux que les autres, *ἡ πολυρροονία τοι πάντων οἱ υἱρότατοι, ἢ μέτροι ἢ ὑγαινόσιν.* Le temperament esgal n'est donc pas le meilleur pour la santé & pour la longue vie. A ce propos, Aristote demande en ses Problemes, pourquoy les corps temperer plus aisément deuiennent malades. *Ἐπεὶ τί τοι σύμμετρα τῶν σωματίων χείμειν ἐσθλόν.* La raison est, qu'ils ne sont pas robustes, parce que toutes les qualitez estant en vn degré bas & remis, la vigueur en est hors, & ceste pointe de chaleur qui donne la force & le courage. Hippocrate dit le mesme des peuples de l'Asie, qui habitent vne region tēperée

1.  
Lib. 6. de  
sanit. tu.

2.  
Problem.  
2. s. est. 5.

& moyenné entre le chaud & le froid, *ἡ μέσος τῶ θερμοῦ καὶ τῶ ψυχροῦ*, qu'ils ont de la beauté, mais que la patience & la valeur, *τὸ ἐμπόνην καὶ τὸ θυμοειδὲς*, ne logent point en ces pays là. Aux regions froides del'Europe, dit Aristote, les peuples ont de la chaleur, de la hardiesse, & du courage, mais moins d'esprit. En Asie au contraire, où le climat est temperé, ils sont spirituels, mais ils n'ont point de courage. En la Grece, où ils participent des deux, & sont comme moyens entre l'un & l'autre climat, se trouvent ensemble & la valeur & le bon esprit. *τὸ ἐνθυσμον ἔχει τὸ ἀγαρόν.*

C'est donc vn abus de vouloir persuader que le temperament esgal conuient à la dignité de Roy, qu'il ayde à la santé, & qu'il donne du courage: car outre ce que les temperamens donnent seulement de l'inclination, & n'operent point en nous necessairement, ny pour les mœurs, ny pour les sciences; tout ce qu'il dit du grand rapport qui est entre le bon temperament & la dignité de Roy, est vne Philosophie entierement ridicule, comme ie discourray de cela plus amplement cy après. Il dit que le

1.  
Lib. de aer.  
re, aq. 63  
los.

2.  
Aristoteles  
cap. 7. lib.  
7. Politic.

temperament esgal est le temperament de la longue vie & de la prudence. Cela est faux. Les peuples qui habitent les regions chaudes, viuent plus long temps, que ceux qui ont leur demeure en vn climat temperé. *μακρόβιοι μάλλον οἱ ἐν θερμοῖς τόποις*, dit Aristote, comme les Ethiopiens selon Philostrate, & comme dit Isocrate de ceux de l'Egypte. Ce n'est donc point le temperament esgal, qui est cause de la longue vie.

Nous voyons coustumierement que les plus sçauans hommes & du plus bel esprit, ont la chair delicate, sont gresles, foibles, & suiets à maladie, comme l'histoire nous apprend que tels ont esté anciennement, Aristote, Pyrrhon, Carneades, Chrysippus, Plotin, & autres doctes personnages. Et Platon qui estoit de forte complexion, se plaignoit que le lieu où il estoit demeurant en la ville d'Athenes estoit trop sain, & voulut se loger en l'Academie, où l'air estoit plus grossier, plus maladif, & plus propre pour Philosopher, côme si la grande santé du corps, nuisoit aux actions, & empeschoit la liberté de l'ame. Saint Basile iustement surnommé le grand,

estoit cōtinuellement malade. La mau-  
uaise temperature donc n'empesche  
point la bonté des actions, ny de l'ame,  
ny de l'esprit. Au contraire, Platon dit,  
que les Dieux lors de la generation de  
l'homme, mirent en deliberation, s'il  
estoit plus à propos, de le faire viure  
plus long temps, mais avec plus de mal;  
ou qu'il jouïst d'une vie plus brieue,  
mais plus douce & plus paisible; & qu'il  
fust resolu, que la vie courte & tranquil-  
le estoit à preferer à celle qui est longue,  
& plus trauersée de peines & de fatigue.  
Pour ce suiet, que la teste luy a esté for-  
mée plus debile que toute autre partie  
du corps, ἀσθενέστερα προσετέθη κεφαλῇ,  
afin qu'elle fust plus capable des sens &  
de la prudence, plus estimée de la na-  
ture, que la santé ou la longue vie. Nous  
disons donc, pour mettre fin à ceste dis-  
pute, que le plus expedient pour toutes  
les fonctions de l'ame, eu esgard aux  
sciences, est, que la teste soit bien for-  
mée en toutes ses parties, la substance  
du cerueau de louable constitution, les  
cellules & autres cautez bien ordon-  
nées & bien percées, & les esprits subtils  
& purs, afin qu'il n'y ayt rien de la part

I.  
Plato in  
Timæo.

274

de la sensitive, qui empesche que les es-  
peccs ne soyent portées nettement,  
promptement, & sans confusion à l'in-  
tellect, lequel de soy n'auroit besoin de  
rien de tout cela, pour faire son action,  
s'il estoit separé du corps; parce qu'il est  
immatériel.

Pour le regard des mœurs, si elles sui-  
uent le temperament, c'est vn point  
que nous auõs debatuy-deuant, pour-  
quoy il n'est pas besoin de le remettre  
icy sur le tapis. Ny mesme ce qu'il dit  
de la beauté, laquelle, comme i'ay de-  
monstré ailleurs, depend plustost de la  
belle proportion, de la force, de la fa-  
culté, & bien souuent de l'imagination,  
que des qualitez elementaires. Les hom-  
mes sçauans & de bon esprit volontiers  
sont mal faicts & mal composez par  
quelque defect en la constitution du  
corps, comme anciennement Esope,  
Agésilas, Hipponax, Socrates. Les  
beaux hommes, au contraire, souuent  
manquent d'esprit, ne sçauent rien, &  
ne valent rien. Platon donne aduis de  
ne cōmettre iamais des affaires de con-  
sequence à vn homme, pour estre beau,  
si ensemble il n'a de la vertu. La beauté



donc & la vertu ne sont pas fideles compagnes, & d'ordinaire elles manquent au bon temperament & l'une & l'autre. Martial desiroit que Catulla fust plus chaste, ou qu'elle ne fust pas si bello, & fait mention d'un jeune enfant, qui estoit beau & meschant esgalement, *Insignis formâ, requiritâque puer*. C'estoit dans un beau corps une ame meschante, & comme disoit Diogenes, un cousteau de plomb dans une guaine d'ivoire. La nature peut former un enfant beau comme le pere, qui sera neantmoins mal temperé, de mauuaises moeurs, mal sain, & d'esprit grossier; à raison que le temperament n'a pas la principale conduite de la belle constitution du corps; mais la faculté formatrice qui suit quelquefois les mouuemens de l'imaginatiue de la mere. Nireus le plus beau de tous les Grecs, au siege de Troye estoit mol de courage & nullement vaillant; peut-estre à cause de l'esgalité de son temperament, en laquelle il y a tousiours moins de chaleur qu'il n'est requis pour estre courageux. Tel monstre en l'exterieur de la beauté & de la vertu, qui n'a rien en dedans que du vice, & de la de-

formité : comme pour le regard de la santé, nous voyons des corps bien nets, & beaux en apparence, lesquels en dedans neantmoins ne sont pleins que de corruption. Le bon visage trompe souvent, & beaucoup de mauuais jeu peut estre caché sous vne bonne mine. *Vultu scpe l'editur pietas.* D'ailleurs aussi, combien voyons nous de personnes difformes & contrefaiçtes auoir bon esprit, & loger dans vn mauuais estuy beaucoup d'habileté & de prudence? Ainsi les Sylenes d'Alcibiades, qui estoient vne maniere de grotesque, cachoyent en dedans beaucoup de richesses, où les belles statuës & bien dorées, que d'on place en veuë pour l'ornement des Palais, ne sont pleines que de plastre & d'autres ordures.

Le Roy, dit-il, doit auoir bonne  
 „ imaginatiue, bonne memoire, & vn  
 „ grand iugement ensemble; & toutefois  
 „ il ne doit s'addonner à la langue Latine;  
 „ ny à la Dialectique, ny à la Philosophie,  
 „ ny à la Medecine, ou autres telles  
 „ professions; d'autant que nulle d'icelles  
 „ n'est capable de remplir la capacité de  
 „ son esprit. Il veut qu'il s'estudie seule-

ment à bien gouverner. Comme s'il di-  
soit, qu'il seroit bien à propos qu'un  
Roy sceust tout, puisque son tempera-  
ment le rend capable de tout, & neant-  
moins qu'il luy est mieux seant de ne  
rien sçauoir, parce que les sciences sont  
indignes de sa Majesté. Ainsi le Dicta-  
teur Sylla fut ennemy des sciences, vail-  
lant Capitaine toute fois, & grand hom-  
me d'estat. Ainsi l'Empereur Iustinian  
fut ignorant du tout de bonnes lettres.  
Agripine destourna Neron son fils de  
l'estude de la Philosophie, luy remon-  
strant qu'elle estoit contraire au Prince,  
qui pretend à l'Empire, & desire se faire  
obeyr. *Neronem à Philosophia mater auer-*  
*tit: monens Imperaturo contrariam.* Il ne  
pouuoit estre homme de bien que par  
miracle, puis qu'estant porté au vice na-  
turellement, sa niere encore le detour-  
noit du chemin de la vertu. C'estoit vne  
ordonnance entre les Gots de ne laisser  
s'addonner leurs Roys, à l'estude des let-  
tres, comme si les esprits en deuenoyent  
plus stupides aux affaires. Au contraire  
c'est vne barbarie de bānir les sciēces de  
la Royauté, nōmément celles-là qui ap-  
prennent à bien viure & à bien gouver-

*Suetonius*

ner, sans lesquelles bien souuēt les Roys  
se laissent aller à la tyrannie. Cyrus, A-  
lexandre, Epaminondas, Iules Cesar,  
ont esté Empereurs sages, sçauans, &  
vaillans, & le bon tempérament en cela  
leur eust esté inutile, sans l'instruction  
& la discipline. C'est ce que veut dire  
Hesiodé, que les Roys, combien qu'ils  
soyent sous la conduite de Iupiter, sont  
bien heureux d'estre aussi aux bonnes  
graces des Muses, ο δὲ δ' ἄλκιος ὅς τινα  
μετ' ἐμὴ φιλῶντα. La principale science,  
est la prudence, qui apprend aux Roys  
tout ce qui est requis pour la conduite  
de leurs personnes, l'administration de  
l'Estat, & le gouvernement de leurs su-  
jets, mais la cognoissance des bonnes  
lettres sert de sauce à tout cela, parce  
que la science & la vertu sont deux fide-  
les compagnes, qui n'ont pas tant de  
grace estant separées: & ces deux sont  
tousiours occupées à choses difficiles,  
& s'acquierent par l'estudeil, οὐδ' ἄρα  
λεπτοτέρου ἀεί, & πλεον' ἡμετέρας. C'est  
dit Aristoté, plus croyable que l'Exa-  
men, qui obstine qu'elles viennent na-  
turellement, selon que l'on est gratifié  
des qualitez elementaires. οὐδ' ἄρα

1.

*In Theog.*

2.

*Cap. 3. lib.**2. Ethicor.*

De verité, il seroit meffiant à vn Roy de s'occuper à certaines sciences inutiles, non qu'elles ne puissent remplir la capacité de son esprit, selon l'Examen: car comme dit Tacite, *Principis vnius mens, tanta molis non est capax*: mais à raison que sa grandeur & la grandeur des affaires ne demandent l'employ de son esprit, que pour choses grandement vtils & nécessaires.

En l'institution du Prince, il faut principalement auoir l'œil à luy, oster les mauuaises inclinations qu'il peut auoir au vice, & luy faire gouster la prudence, pour luy former les mœurs à la vertu, & l'esprit aux affaires, par preceptes, par exemple, par pratique. Il faut de bonne heure le dresser à l'eloquence, non pour harâguer en vn Parquet, comme vn Aduocat; ou en vn College, comme vn Regent, mais pour deliberer & resoudre d'affaires d'importance en vn Conseil d'Estat, pour declarer sa volonté aux assemblées du peuple, pour se faire entendre aux Ambassadeurs, & pour gagner les cœurs & les volontez des soldats dans les armées: & en tout cela yser de maniere de parler Royale & plei-

1. *Apud Aristot. lib. 1. Rhetor. ad Alex.* ne de Majesté, *ἡ δυνάμει λόγων ἐνδοξοτάτη*, naïue toute fois & sans fard, *sermonē militari*, comme l'on dit de lules Cæsar, 2 qu'il alloit du pair avec les premiers Orateurs de son temps. La cognoissance des Langues estrangeres luy est necessaire, non des vniuerselles, mais des Royaumes voisins, à raison des Ambassades: non qu'il faille leur respondre en la Langue de leur pays ( car il est plus certain tousiours & plus honorable de les entendre, & de leur respondre par truchement ) mais afin de mieux comprendre leur legation, & n'estre pas du tout à la mercy d'un Interprete. Quoy qu'il y ayt, vn Roy ne doit point s'adonner aux sciences, entant que sciences, c'est à dire, pour paroistre sçauant, & estre veu habile en quelque profession, comme Neron, que l'on blasmoit d'estre plustost vn ioueur de Harpe, que Roy ou Empereur, *κίθαρωδὸν μᾶλλον ἢ βασιλέα*. 3 Iuba Roy des Mores, pour auoir embrassé la profession des lettres avec plus d'ardeur que ce qui estoit de son Estat, a perdu de son credit entre les hommes de iugement. Caligula a escrit de la Rhetorique, il eust mieux fait
2. *Dictator Cesar summis oratoribus amulus. Tacitus.*
3. *Iuba Fludiorū clartate memorabilior quā regno. Plinius.*

fait de laisser cela, aux maistres d'eschole de son temps, pour prendre soin du gouvernement de l'Empire, dont dependoit toute sa gloire.

Entre les grands Princes de l'antiquité l'on a tousiours fait estime d'Alexandre, de Iules Cesar, d'Epaminondas; mais pour auoir esté grands Roys & grands Chefs d'armées, qu'ils ayent eu ce temperament esgal, dont parle l'Examen, & toutes ces proprieté imaginaires, qu'il met en ligne de compte, c'est vn abus intemperément desreiglé, dans les reigles du temperament. Iules Cesar estoit chauue, qui est vne marque d'intemperie seiche du cerueau. L'Examen dit qu'il estoit outre cela mal propre en son vestement, qui est signe, selon sa cabale, d'vne bonne imaginatiue. Il auoit donc bon entendement, puis qu'il estoit chauue; bonne imaginatiue, à raison de sa robe mal ceinte; & bonne memoire, veu ce que dit de luy Ciceron, qu'il n'oublioit rien que les iniures. Il est impossible, que l'égalité du temperament l'ayt gratifié de tout cela, attendu qu'il auoit le cerueau sec de temperament, & qu'il a remporté tant de victoi-

res, par la grande chaleur de son courage.

Ce qu'il dit d'ailleurs que la beauté est vne des marques du temperament esgal, pour l'election d'un Roy, est fort douteux: car veu que la beauté n'est pas iugée d'une meisme sorte; entre toutes fortes de nations, la cognoissance certaine de ce temperament sera difficile. Pour la beauté, l'on fait estat en l'Europe de la stature moyenne, dictée pour ce suiet, la riche taille: & neantmoins les Ethiopiens anciennement donnoient les souveraines charges de leur Republique, selon la grandeur du corps.

1.  
Cap. I. lib.  
4. Politic.  
leg. sext.  
Empiricus  
aduersus  
Mathem.

πέρυτος; au rapport d'Aristote. Les Medes adiugeoient ceste beauté au plus de voix. Les Mores, à la couleur plus noire du visage, & au nés le plus plat & le plus camus; au contraire des Perses, qui estimoyent celuy-là le plus beau, qui auoit le nez aquilin, & estoit plus blanc de visage. Si cela depend de l'opinion, comment pourrons nous iuger au certain du temperament, en l'election d'un Roy? Il est bien feant à l'homme de quelque conditiō qu'il soit, d'estre beau de corps & d'esprit, mais, principale-



ment aux Roys, & neantmoins, il faut  
touſiours preferer la beauté de l'esprit.  
Le ſimple peuple eſt touſiours plus por-  
té à élire vn Prince bien formé & beau  
en apparence, ſans auoir égard à la pru-  
dence & à la vertu, d'où depend la beau-  
té interieure: mais telles elections ſont  
barbares & impertinentes. La bonne  
conduite des peuples, & le gouverne-  
ment ſolidaire des Eſtats ne depend, ny  
du temperament, ny de la belle propor-  
tion ou diſproportion du corps, ny de  
beaux traits du viſage, mais de la beau-  
té des facultez de l'ame, & du bon ef-  
prit. C'eſt ceſte beauté qui eſt digne de  
la Royauté, ſelon Euripide, *Εἶδος ἀνδρῶν*

*ἡγεμνίδος, ὅς τις ἀνδρῶν ἰσχυρὸς ὁμοῦ*  
Pour le bon eſprit des Princes, il eſt  
beſoin dès l'enfance de bonne inſtru-  
ction, de maîtres, de liures, d'exemples,  
& par ce moyen leur donner entrée aux  
ſciences & à la vertu: car ſi on les aban-  
donne à la conduite ſeule du tempera-  
ment, il ne rendra autre ſeruice que de  
leur ouurir le chemin au mal & à l'igno-  
rance. Ciceron appelle la Philoſophie,  
la Medecine de l'ame: or les maladies  
de l'ame ſont de deux ſortes, car ou el-

les sont en l'intellect, à sçauoir les fausses opinions, ou en la volonté, qui sont les mauuaises mœurs. Pour guerir les opinions fausses, la Philosophie speculatiue a esté instituée: pour les mauuaises mœurs la Philosophie morale. C'est ce que nous enseigne Aristote en autres termes. Qu'il y a deux especes d'intellect, dont l'un est speculatif, & l'autre actif. L'intellect speculatif discerne le vray d'avec le faux. Le deuoir de l'intellect actif, est de iuger du bien & du mal. Le Prince doit estre instruit dès son ieune âge à ces deux sortes de Philosophie, non toutefois à autre intention, que d'acquérir la prudence, qui est la vertu & tout l'ornement du Prince. Il le faut nourrir à la Philosophie morale, & à la Politique, avec vne telle dextérité, que s'il est mal composé & de mauuais temperament, l'industrie des maistres supplée à ce defaut, & le rende sage en despit de la nature. La Philosophie speculatiue luy peut estre enseignée, comme en passant, & par maniere d'acquiesce: mais la science des mœurs luy doit estre apprise à bon escient, & en luy enseignant les preceptes, il faut luy en ap-

prendre la pratique. S'il commet quelque faute notable & digne de correction, le chastier personnellement, & non tousiours par Procureur, attendu que bien souuent ne sert de rien de battre le Chien deuant le Lyon. Les enfans des Roys, disoit Carneades, n'apprennent rien mieux qu'à piquer vn Cheual, <sup>I.</sup> *Apud Plutarchum.* d'autant que cét animal sans respect, met bas toutes sortes de personnes, qui n'ont pas la dexterité de le manier. Puis que le Pedagogue est ordonné pour instruire le Prince à la vertu, il faut qu'il ayt ceste prudence, qui est la Pedagogue des vertus, & la plus recommandable en vn Prince, de luy donner prudemment la correction, quand il est requis. Si la prudence est du propre de l'homme, à plus forte raison doit elle estre du domaine des Roys, ausquels appartient la conduite & le gouuernement des hommes. Quand vn jeune Roy sçait parler sagement à toutes occasions, quand il sçait cognoistre les flatteurs d'auec les amys, quand il est aymé du peuple, quand il a le iugement de se cognoistre, de se conduire, & de gouverner ses suiets, comme de pere à fils, &

non cōme de maistre à seruiteur, quand d'une main il scait porter la clef d'une liberalité Royale, & de l'autre, la clef de l'espargne, qui est necessaire aux occasions. Ce sont de grands tesmoignages qu'il a esté bien iustruit, & qu'il est d'une bonne nature: ou s'il estoit d'une mauuaise humeur, qu'il a eu l'heur d'une sage & d'une prudente eschole.

Il sera tousiours bien seant à vn Prince d'estre beau de corps, & d'une belle prestance; mais il est plus requis encore d'auoir vn esprit & une bonne ame: car cela hors toutes les perfectiōs du corps, sont desagrecables. La bonté de l'ame mesmes ne suffiroit pas, sans la beauté de l'esprit, parce que ce n'est pas assez que la volonté seule desploye ses richesses, il faut aussi que l'intellect face monstre de ce qu'il a de bien acquis, nommément d'une grande prudence, qui est logee dans ceste faculté de l'ame, & non dans l'imaginatiue, ou dans le temperament. Quand vn Prince, pour estre trop bon, pardonne des fautes de consequence, c'est une bonté stupide & sans esprit, qui importe bien au public, parce que l'impunité foment le vice, à la

ruine de l'Estat. Au contraire, les Roys  
 judicieux sont loiez quelquefois de  
 commettre vne petite iniustice, pour  
 faire vne grãde iustice. Outre tout cela il  
 est nécessaire que le Prince soit regardé  
 d'en haut, & que Dieu luy inspire ses gra-  
 ces, qui doit estre tousiours l'Ourse & la  
 guide de ses actions. Ainsi l'Empereur  
 Nerva voulant adopter Trajan, & le  
 choisir pour son successeur à l'Empire,  
 ne se contenta pas de son iugement par-  
 ticulier, mais il en demanda aussi le con-  
 sentement des Dieux, *Iudicium etiam*  
*Deorum in consilium adsumpsit.* Bref, puis  
 que le Roy est le plus grãd de s<sup>on</sup> Royau-  
 me, il est aucunement requis qu'il soit  
 aussi le plus beau. Estant le plus beau, il  
 doit auoir le plus de courage, d'autant  
 que l'un sans l'autre n'est point de bon-  
 ne grace, selon Euripide: *δῆλον ὄντα ευ-*  
*σωματεῖν ὃ καλόν.* Mais à raison que ces  
 deux regardent plus le corps que l'es-  
 prit, il faut que l'ame & l'esprit facent le  
 reste. L'esprit pour la science & pour la  
 prudence; & l'ame pour le reste des ver-  
 tus. Il ne peut pas estre vaillant, s'il est  
 esgalement temperé, selon les phanta-  
 sies de l'Examen: ou au contraire, il

pourra estre & vaillant. & prudent & sage, & sçauant, quoy qu'il fust de mauuaistemperament. La prudente acquiesce plustost que le bon temperament, ou le bon naturel, luy apprendra qu'il vaut mieux estre le meilleur que le plus grand & le plus beau de son Royaume. Que pour biē gouuerner, l'exemple souuent profite plus que les loix & la justice. *Non tam imperio opus quam exemplo.* Que l'innocence & l'amour du peuple sont les plus fideles gardes du Prince. Que l'on peut par violence tirer tous les moyens des suiets; mais l'amour & le respect, par bienfaits seulement, par douceur, par liberalité. Que l'or ne vaut rien qui est tiré des larmes du peuple, & prodigué miserablemēt à des mignons, ou à des mignonnes. Que l'amour du peuple est deu aux Roys, comme la crainte aux loix & à la justice. Que c'est vne cruauté, d'oublier plustost les seruices, que les offenses. Que regner, n'est point estre tyran, ou seruiteur du peuple, *ὄχλω δ'αλέειν*; mais gouuerner ses suiets souverainement, d'une affection de pere. Que la trop grande familiarité des Princes apporte le mespris, comme

le trop difficile accèz, l'enuie & la calomnie. Anciennement Alexandre voulut estre adoré, comme auourd'huy les Roys de l'Orient, lesquels on ne voit que rarement, ainsi qu'un reliquaire. Cela est plus faire qu'il ne faut. Il vaut mieux se tenir entre le haut & le bas, & par une douce & communicable Majesté, plustost que par force & par mespris gagner le cœur des suiets. *Maiestate, non aculeo.* Que la paix est tousiours à preferer à la guerre, & neantmoins, qu'il faut estre prest tousiours pour les occasions de la guerre, & feindre quelques-fois du remuement, pour se rendre redoutable à ses ennemys, pour sonder les volonteiz des suiets, pour estouffer les seditions & les entreprises cachées, pour exercer les soldats & les tenir en haleine. Que le Prince doit en tēps de guerre fonder sa plus grande force sur l'équité de sa cause; composer son armée de jeunes soldats & de vieux Capitaines, & ne laisser son armée dégarnie d'aucunes prouisions, notamment d'argent, qui est le nerf de la guerre, *νῆρα γὰρ πόλεμος ὁ χρυσός*, dit le Scholiaste de Pindare. Bion le Philosophe disoit un peu autre-

ment, que les richesses estoient les nerfs des affaires : τὸν πλεονεξία πλεονεξία τῶν : afin de ne croire pas ces nouveaux politiques qui disputent le contraire. Que les surprises, les ruses, les stratagemes sont moins dangereux que les batailles ouvertes. Qu'il faut faire observer & garder estroitement les loix du pays, sans rien relâcher de ce qu'elles portent de rigueur, sinon pour grandes & pressantes considerations. Jamais relâche de discipline ne fut salutaire en vn Estat. Si le changement du temps contraint le Prince de changer de forme de gouvernement, & supprimer partie des anciennes ordonnances, pour en supposer de nouvelles. Qu'il est besoin en cela de prudence, & d'adviser qu'en abrogeant les anciens statuts, il est mieux de les decoudre que de les decirer, comme dit vn des Sages de ce temps, & d'enfler les nouvelles loix petit à petit, plustost que tout à coup. Que le Prince doit presider souuent en ses conseils, d'Estat, des Finances & autres, & assister en ses Parlemens, afin d'autoriser dauantage la Iustice, de cognoistre les Iuges, de s'informer de leurs comportements, en in-



tention de recognoistre la vertu, & de faire punir rigoureusement la corruption & l'iniustice.

Toutes ces considerations, & infinies autres, ne sont ny de l'imaginatiue, ny de la cogitatiue, ny de la memoire, mais de l'entendement. auquel tout seul appartient ce qui est des actions morales, des loix, & des affaires publiques, selonc mesme le tesmoignage d'Aristote, au rapport de Diogenes Laërtius. *τῆς δὲ ἡθικῶν τῆς περὶ πόλιν, ἔτι περὶ οἶκον, καὶ περὶ νόμους, τὸν νοῦν κριτήριον ἀπέφηνετο.* Les Egyptiens en leurs figures saintes representoient la personne du Roy par vn œil posé au haut d'un Sceptre; parce que le Prince doit par son bon esprit, & son bon entendement, qui est l'œil de l'ame, & par sa prudence, qui est l'œil de l'entendement, cognoistre ce qui se passe en son Conseil, & sçauoir les affaires d'importance de son Royaume. Il doit auoir l'œil sur toutes ses Prouinces, & distribuer sa bonté à tous ses suiets, comme le Soleil espend sa lumiere sur toutes les parties du monde.

Pour mettre fin à ce discours de la

*Leg. sup.  
cap. 36. sub  
finem.*

Royauté, ie rapporteray ce que dit l'Examen, que le temperament esgal, qui est requis pour estre Roy ne se trouue qu'en Espagne. Cela est de la Philosophie de Castille; pour persuader aux peuples que pour estre biẽ regis & gouvernez il ne faut chercher des Roys que dans les Espagnes, & les tirer de là pour toutes les Prouinces du monde. Mais le malheur est pour ceste nation, que l'on ne croit pas à tout esprit, nommément en France, où la principauté & la liberté de long temps logent ensemble, comme à Rome du temps de Trajan. *Eodem foro vtuntur Principatus & libertas.* Nous n'empeschons pas que vers l'Orient, la Rhetorique de l'Examen n'entre en credit, & que les peuples n'aident à l'Espagnol à chasser Mahomet de la Grece, del'Egypte, & del'une & l'autre Armenie: mais par deçà, comme en France, où l'on reuere la franchise, nous nous contentons de la bonté de nos Roys, & ne sommes pas deliberez de faire tant d'estat du temperament d'Espagne.

Des diuers climats de la terre, &  
de leurs temperamens.

## CHAP. XXXVIII.



La dit au Chapitre huitiesme de son Examē, que les peuples situez vers le Septentrion, selon l'aduis de Galien, ont tous faute d'entendement; & que ceux au contraire, qui habitent entre le Septentrion & la zone torride, sōt prudēs & aduisez, & que ceste situation respond iustement à son pays d'Espagne: mais comme il propose cela hardiment & sans distinction, hardiment aussi ie me propose de le contredire. Toutefois auant que d'entrer en dispute ie veux luy faire marcher des pays qu'il n'a point courus, & des climats dont il n'a point eu encore de nouuelles, pour luy faire voir en suite combien il s'abuse, & tous ceux qui suivent le train de son Examen.

Aristote, dit-il, en son Probleme,

i.  
Laqual  
postura  
respondē  
pontual-  
mente à  
nuestra  
region.  
*Exa. España.*  
pag. 126.

traite mal les Flamans, les Alemans, les Anglois, & les François, quand il dit que leur esprit est semblable à celuy des yurongnes, *Lo ingenio es como los de los*

*Exam. ch.* *borrachos.* Cela est vne imposture; car  
*8 pag. 127.* Aristote ne nomme aucune de ces na-  
*a. Esp. 73. b.* tions, & vne ignorance de vouloir infe-  
*Franc.* rer que les Espagnols sont prudents & aduisez, parcc qu'ils sont entre la zone

torride & le Septentrion: attendu qu'en- tre ces deux bornes il y a vne si grande diuersité de peuples & de nations, qui differēt de mœurs, d'esprits, & de tem- peramens, que l'Authcur de l'Examen sera tousiours accusé de legereté des'e- stre aduancé à tirer ceste consequence, avec si peu de iugement, contre le tem- perament pretendu de son pays. Il a commis ceste faute, pour n'auoir enten- du ny rapporté fidelement le texte de Galien sur ce propos, lequel ne dit pas que tous ceux qui habitent entre le Septentrion & la zone torride sont les plus aduisez; mais que les peuples qui iustement au milieu occupent vne region temperée valent mieux que les autres nations, & pour le corps, & pour les mœurs, & pour la seien-

laupad  
 suflor  
 ebnoq  
 -leuino  
 s. orom  
 atflou  
 .noigot  
 .ada  
 .at

ce, & pour la prudence. Lib. quod animi mo- res, & gr. 349. 37.

μεσῶν τῶν ὅσοι τιμὴν εὐχρατον οἰκῶσι καὶ ἐξ ἡμῶν τε καὶ πόματα καὶ τὰ τῆς ψυχῆς ἦθη, καὶ συνέσει καὶ φρόνησει ἔχειν τῶν ἀνθρώπων.

Pline dit cela mesme, qu'en ce milieu de la terre, les esprits sont feconds & capables de toute la nature, 2. Cap. 78. lib. 2. nat. hist.

2 *Ingenia fecunda totiusque natura capacia.*

Et Macrobe, que les regions du milieu sont temperées, parce qu'elles sont fort esloignées de l'un & l'autre excez,

3 *Quoniam ab utraque nimietate longe recedunt, veram teneant salutareque temperiem.* 3. In somnii Scip. c. 7. lib. 2.

S'il entend donc que l'Espagne comprend tout ce qui est d'espace entre la ligne equinoctiale, & le cercle arctique; il s'abuse grandement, veu qu'elle n'en est qu'une bien petite partie: ou s'il veut dire qu'elle est iustement dans le climat du milieu, entre le tropique de Cancer & le cercle arctique, & hors de l'excez de l'intemperie, qui se trouue entre le Midy & le Septentrion, comme l'explique Galien, il deuoit se rendre intelligible, & proposer plus clairement son intention: car par ce moyen nous n'eussions eu à combattre, que le sujet & la matiere de son discours, sans nous ar-

rester à l'obscurité & ambiguité de ses paroles. Pour supplier donc à son défaut ie feray voir ce qu'il a oublié, & qu'il a veu trop peu de pays pour ordonner ainsi des temperamens & des conditions des hommes, selon les climats & la diuersité des regions de toute la terre.

Les anciens Geographes diuisoient le globe de la terre en cinq parties qu'ils nommoient zones; dont aucunes, selon leur aduis estoient habitables, les autres non, à raison du chaud ou du froid. Ils tenoyent inhabitable tout ce qui est sous les poles, sous la ligne, & sous les tropiques, & que ceste partie de la terre seulement estoit habitée qui est entre le tropique du Cancer & le cercle arctique: espace qui contient quarante deux degrez, diuisez en sept climats, à raison de demie heure de changement en chaque climat, pour le regard de la longueur des jours: attendu que plus on se retire du tropique vers le pole, plus les iours sont longs, & plus courts au contraire, plus on est proche du pole. De sorte que les iours, du second climat sont plus longs de demie heure que  
du

*des Esprits. Chap. XXXVIII.* 641  
du premier, & plus courts à proportion  
que ceux du troisieme, & ainsi des  
autres.

Ils donnoient à chaque climat le nom  
du lieu le plus celebre, ville, fleuve, ou  
montagne situé enuiron le milieu de  
route son espace : De maniere que le  
premier qui passe de l'Orient en l'Occi-  
dent, par Meroe ville d'Ethiopie, est dit  
le climat de Meroe. Le second à raison  
de la ville de Siene en Egypte, est nom-  
mé le climat de Siene : le troisieme, le  
climat d'Alexandrie, le quatrieme, le  
climat de Rhodes : le cinquiesme, le  
climat de Rome : le sixiesme, le climat  
de Borysthenes, fleuve de la Scythie : le  
septiesme, des Monts Riphées du Sep-  
tentrion, Et comme ils ont veu qu'il y  
auoit diuersité de temperamens, selon  
cette varieté de climats & de regions, &  
que les peuples qui sont proches des po-  
les ou des tropiques sont dans l'excez de  
froidure ou de chaleur : ils ont creu par  
mesme moyen que les climats du mi-  
lieu sont plus temperez, & que plus  
auant vers les poles ou vers les tropi-  
ques, la demeure estoit impossible.

Les nouveaux Geographes ont bien

fuiuy ceste doctrine des Anciens , mais ils l'ont augmentée & enrichie , parce que comme ils ont esté plus hardis & plus habiles en leurs nauigations , par l'inuention de la bouffole , ils ont decouuert que les degrez de latitude vers les poles , respondent en nombre aux degrez de longitude selon la ligne , grande preuue de la rotondité de la terre. Ptolomée ne trouuoit que dix-sept degrez de latitude , depuis la ligne vers le Midy , & septante trois vers le Septentrion , dont le dernier terme estoit l'isle qu'ils nommoient Thyle , auiourd'huy Islande. Maintenant , que l'on a passé la ligne vers le Midy , iusques au destroit de Magellan , qui est à cinquante cinq degrez de latitude ; & par deçà vers le Septentrion , presque iusques sous le pole , où l'horison est la ligne equinoctiale , iusques à quatre vingt & vn degré ; l'on a augmenté le nombre des climats , & trouué en suite de cela , que ceste tradition des zones habitées & non habitées estoit anciennement plus imaginaire que veritable , & que ce qu'ils ont dit du temperament des regions n'est pas vne doctrine si solide , qu'elle



*des Esprits. Ch. XXXVIII. 643*  
doitue seruir de regle , pour y arrester le  
jugement.

Pour preuue de cela , nous auons la  
contrarieté des aduis sur ce suiet, non  
seulement entre les Autheurs de ce  
temps , mais aussi entre les plus renom-  
mez Philosophes de l'antiquité. Platon *In Timæe.*  
en la description qu'il a faicte de l'isle  
Atlantique , qui est proche du tropique  
de Cancer , dit qu'elle est située en vñ  
climat temperé , & qu'elle abonde en  
toutes sortes de commoditez. Pline & *Cap. 12. lib.*  
Pomponius Mela sont tesmoins, qu'il y *4. nat. hist.*  
a des regions proches du pole, où les ha-  
bitans demeurent la teste nuë , se nour-  
rissent de bayes, & en leurs mœurs, sont  
grands obseruateurs de pieté & de iu- *Lib. 3.*  
stice. Que le pays est exposé au soleil ,  
bien temperé & à couuert de tout mau-  
uais vent. *Regio aprica , felici temperie ,*  
*omni afflatu noxio carens.* En ces derniers  
temps , l'on a trouué que toute la terre  
est habitable, tant sous le pole Arctique  
(ie ne parle point de l'Antarctique, par-  
ce que l'on n'a point encore penetré ius-  
ques là) que sous la ligne & sous les tro-  
piques. Vers le Septentrion l'on a des-  
couuert des regions, comme l'isle nom-

méc *Noua Zembla*, inhabitables du tout en hyuer, à raison des neiges & des grandes froidures: mais qui est vne des merueilles de la nature, vne autre isle a esté trouuée quatre degrez par delà vers le pole, toute verdoyante, & propre pour la nourriture des animaux.

L'on doute il y a long temps, lequel climat de tous est le plus temperé, iusques là que les plus doctes ont peiné à terminer ceste controuerse: car encore que l'on tienne pour constant que toute la terre à peu près soit habitable, le premier poinct neantmoins demeure toujours en litige, & en son entier, comme vne question indecise. Auicenne contre tous les deuanciers, mais fondé sur la raison cōfirmée depuis par experience, a creu que les regiōs situées directement sous la ligne sont les plus temperées. Albert le grād a esté de cēt aduis, & s'est tenu dans le party d'Auicenne, mais vn peu autrement, parce qu'il dōne le meilleur temperament à ce climat, en comparaison seulement des climats qui sont sous les tropiques, & non absolument, comme Auicēne. Galien adiuge le prix au quatriesme climat, qui passe par l'isle

de Rhodes, & par l'isle de Cos, pays d'Hippocrate, qui est l'une des Cyclades; & croit que ceste zone est exactement la plus temperée, *ἀριστα εὐκρατος ἢ μέση ζώνη τῆς οἰκουμένης*: Auerroës tient le cinquiesme climat le plus temperé; Manard, le sixiesme. C'est à mon aduis que chacun a voulu gratifier sō pays. Galien, la Grece; Auerroës, le Royaume de Grenate, compris dans le climat de Rome; Manard, la ville de Ferrare, lieu de sa naissance, qui est sur le commencement du sixiesme climat. Sur ce different, ie croy que ces regions là sont les mieux temperées, qui sont dans le quatriesme & cinquiesme climat, iusques au commencement du sixiesme, dans l'estenduë desquels sont comprises, la Grece, l'Italie, l'Espagne, & vne partie de la France. Le pays de la Chine, que l'on tient des meilleurs de toute la terre, & qui produit des esprits plus polis & mieux ciuilez, pour auoir peu de commerce avec le reste des autres hommes, est situé en vn climat peu different de celuy de la France. Sous la ligne l'on a descouuert en ces derniers temps que le climat y est fort temperé.

*r.  
Aphor. 14.  
lib. 3.*

comme la partie plus Septentrionale de l'isle Sumatra, les Moluques, le Royaume de Manicongo en Afrique ; au Perou, les Carybanes : mais ie croy que ce temperament leur est accidentaire, tant à raison des mers, des montagnes, des grands fleuves, des pluyes & des rousées frequentes en ce pays là, que d'un certain vent causé du mouuement rapide du Ciel, de l'Orient en l'Occident, & qui est vertical sous la ligne; on le nomme vent de brise. Il s'y engendre encore d'autres vents, des nuages & des vapeurs de la terre, lesquelles rabattent grandement les violentes chaleurs des regions equinoctiales.

Nous remarquerons donc, puis que les anciens n'ont constitué que sept climats, que celuy de Rhodes, qui est le quatriesme, & celuy du milieu, doit estre iugé plus temperé que le climat de l'Espagne : car ny selon Ptolomée mesme qui diuise la terre depuis la ligne iusques à l'isle d'Islande, en quinze climats & vingt neuf paralleles, ny selon la description des derniers Geographes, qui font dix-neuf climats & trente neuf paralleles, depuis la ligne equinoctiale

*des Esprits. Chap. XXXIX. 647*  
iusques au pole Arctique; le plus tem-  
peré climat ne peut estre accordé à l'Es-  
pagne, comme pretend l'Examen.

---

*De la difference des mœurs & des es-  
prits, selon la diuersité des regions.*

CHAP. XXXIX.



N ne peut pas soustenir  
auec raison que le tempe-  
rament, selon qu'il est dif-  
ferent, à raison de la diuer-  
sité des regions, du ciel, &  
de la nourriture n'ayt du pouuoir à ren-  
dre les hommes diuers aussi & differens  
pour ce qui regarde les mœurs & les es-  
prits. Ce seroit disputer contre la natu-  
re, s'obstiner contre la verité, & s'accu-  
ser d'estre peu versé en la lecture des bōs  
auteurs, nommement d'Hippocrate,  
qui dit que les mœurs, les formes & fi-  
gures des hommes, suiuent la nature de  
la region qu'ils habitent, τῆς χώρας τῇ  
φύσει ἀκολουθεῖν τὰ εἶδεα τῶν ἀνθρώπων, καὶ  
τὸς πρόπας. Epimenides natif de Can-

*Lib. de aer-  
re, 49. &  
loc.*

die disoit que les habitans de son pays estoient menteurs naturellement; Κρη-  
ται ἀεὶ ψευταί. Cicéron est tesmoin que  
les Grecs estoient coustumiers de se  
pariurer, & de faire peu d'estat de la  
foy de leurs promesses. *Testimoniorum  
religionem & fidem nunquam ista natio co-  
luit.* Iulius Maternus dit des Espagnols,  
qu'ils sont portez d'animosité contre  
tout deuoir à estre grands vanteurs &  
brauaches naturellement. *Iactantiae ani-  
mositate praeposteri Hispani.* Scaliger apres  
luy dit, *Hispanorum fastum tartareum.*  
Mais aussi de vouloir donner le tout aux  
quatre premieres qualitez & au tempe-  
rament, c'est vne autre extremité esloi-  
gnée de toute raison, comme ie feray  
voir icy que l'auteur de l'Examen est  
en tort d'auoir esté de cét aduis.

*Exa. ch 8.  
Espag 125.  
fr. 72. b. 73.  
b. 89. b.*

Il tient que les François, les Alemans,  
les Italiens, les Anglois, & autres peu-  
ples du Septentrion ont le cerueau chaud  
& humide de temperament, & en suite  
bonne imaginatiue & bonne memoire;  
à cause dequoy ils sont eloquens: mais  
parce qu'ils manquent d'entendement,  
qui doit estre le conducteur de la paro-  
le, & le precepteur de la verité, qu'il

ont tout perdu par leur cloquée. Tout cela est vne folie, & comme vne resuerie d'un esprit mal fait, contre laquelle ie proposeray icy deux ou trois questions,

I. Je demande premierement, comment il est possible que les Espagnols ayent bon entendement & mauuaise imaginatiue, veu que la bonté de l'entendement en son operation depend en partie de la bonté de l'imaginatiue, & que c'est elle qui luy presente les especes, qui sont le suiet & comme la matiere de son action. C'est ce que l'on dit en termes d'eschole que l'intellect ne fait point sa fonction, s'il ne se tourne vers les images de la phantasie, *Nisi per conuersionem ad phantasmata*. S'il est vray que les Espagnols ayent mauuaise imaginatiue, comme publie l'Examen, l'on peut inferer de là qu'ils manquent aussi de iugement & d'entendement, & qu'ils n'habitent point, comme il dit, un climat esgalement temperé, puis que, selon ses maximes, l'esgalité du temperament doit rendre l'ame esgalement parfaite en toutes ses facultez, pour ce qui regarde les arts & les sciences.

Dauantage, si l'imaginatiue depend

I.

pag. 74. a.

II.

de la chaleur, comme c'est vne des bases de la doctrine, pourquoy soustient il, que les Espagnols qui ont le cerueau chaud & sec, sont priuez d'imaginatiue? il accorde biẽ que le cerueau chaud & humide donne ensemble bonne imagination & bonne memoire, & que les melancoliques par adustion, à raison de leur temperature chaude & seiche ont ensemble vn grand entendement, & vne grande imagination; mais qu'ils ne peuuent auoir de memoire, faute d'humidité; & il ne veut pas que le chaud & le sec dans le cerueau des Espagnols fassent le mesme, pour le regard de ces deux facultez.

## III.

Si le temperament chaud & sec des Espagnols est cause qu'ils ont bon entendement & mauuaise imagination, comme les Egyptiens, qui sont logez comment eux entre le Septentrion & la zone torride, & qui deuroient iouir des mesmes priuileges, ont ils peu inuenter les sciences qu'il dit appartenir à l'imagination? Il respond que la chaleur du Soleil en Espagne attire au dehors la chaleur du cerueau; mais si cela a lieu, pourquoy les Egyptiens ont ils le cer-

*Exa. pag.*  
*93. a. Esp.*  
*95. a. 119.*  
*a. Franc.*

*Exam. fr.*  
*pag 116. a.*



neau plus chaud que les Espagnols? S'ils  
ne l'ont point plus chaud, à quel propos  
meilleure imaginatiue? L'obseruation  
d'Herodote pourroit elle point icy luy  
seruir d'excuse, de la dureté du crâne des  
Egyptiens, veu qu'elle pourroit empes-  
cher la chaleur du soleil de penetrer ius-  
ques à la substance du cerueau, & d'en  
attirer la chaleur au dehors. Cesté refui-  
te ne suffiroit pas pour le mettre à cou-  
uert, veu ce qu'il dit ailleurs, que les Exam. 128  
b. 129. 4 fr.  
Egyptiens ont le cerueau tout brulé de  
l'ardeur du soleil, & de colere brulée;  
en quoy il me semble encore digne de  
la ferule; parce qu'il n'y a point de rai-  
son, pourquoy leur cerueau doiue estre  
plus brulé que celuy des Espagnols, si-  
non parce qu'ils sont plus Meridionaux:  
mais si la chaleur du soleil attire en de-  
hors celle du cerueau des Egyptiens,  
pourquoy ont ils le cerueau plus brulé  
que celuy des Espagnols? & s'ils l'ont  
plus brulé & plus sec, par consequent,  
qui est la qualité de l'entendement; pour-  
quoy dit-il qu'ils ont plus d'imaginati-  
ue, & moins d'entendement que les Es-  
pagnols? Si ce brulement de cerueau  
auoit lieu, les peuples qui habitent la

Mexique, la Lybie, l'Ethiopie, n'auroient que des cendres dans la teste, au lieu de ceruelle. Si les Egyptiens, comme il dit, auoyent le cerueau brulé du feu de leur climat, & pour ceste occasion manquoient d'entendement, ils n'auroient pas l'honneur d'auoir esté inuenteurs presque de toutes les sciences, voire de celles qu'il dit appartenir à l'entendement. Homere dit, que les Egyptiens estoient tous Medecins. Aristote est tesmoin qu'ils ont inuenté les sciences speculatiues, apres celles que l'on nomme mechaniques & necessaires à la vie; & que l'inuention de l'Astrologie leur est deuë. Ce que confesse mesme l'autheur de l'Examen; pourquoy il dit, à mon aduis, que les Mathematiques & l'Astrologie appartiennent à l'imaginatiue: car il loge les sciences, & dispose des temperamens comme il luy plaist. Iosephe voisin de ceste nation, tenoit les Egyptiens les plus sages hommes du monde, comme Herodote les plus sains de toute la terre, marques de bon temperament, selon l'Examen. Il n'y a donc point de raison à leur reprocher qu'ils ont le cerueau brulé, & en

I.  
Cap. 5. lib.  
1. Metaph.

*des Esprits. Chap. XXXIX.* 653  
suite plus d'imaginatiue que d'entendement.

Les plus celebres Philosophes de la Grece ont fait voyage en Egypte pour y apprendre les plus cachez mysteres de la Philosophie ; comme Pythagoras, Democrite, Platon, Euripide, Cleobulus, Thales, Solon : & neantmoins nostre Examen veut que les Egyptiëns ayent le cerueau brulé, *el cerebro tostado*, & qu'ils ne soyent capables que des sciences de l'imaginatiue. Nous auons les œuvres de Mercure Trismegiste, comme vn eschantillon de leur doctrine, dont nous pouuons iuger que leursefcrits n'estoyent point vn ramas de vaines imaginations, comme le liure de l'Examen, mais des œuvres pleines d'une doctrine solide, & riches des mysteres de la Philosophie, & de la Theologie. Tousiours il faut reuenir à ce poinct, s'il est vray que la bonne imaginatiue depende d'une chaleur excessiue, & l'entendement du temperament sec, que les Egyptiens, qui ont, comme il dit, le cerueau brulé, & les Espagnols doiuent auoir ensemble bonne imaginatiue & bon entendement selon sa cabale.

*Exam. Esp*  
203. 4.

*Exam. ch.*  
6. *Espagn.*  
7. *b. f. anc.*  
40. 6.

La raison qu'il met en auant, que l'air par sa froideur repousse au dedās la chaleur du cerueau, & au contraire par sa chaleur attire la chaleur en dehors de ceste partie, & la rend plus chaude ou plus froide par ce moyē, me semble suspecte: car que les peuples des pays froids soyent plus chauds interieurement que ceux qui habitent sous les tropiques, est vne doctrine aucunement receüe, & que l'on tient communement pour veritable, dans laquelle neantmoins ie trouue de grandes difficultez, pour ce qui regarde le temperament du cerueau. Je croy bien avec Galien que ceste opinion a lieu, pour ce qui est des parties cachées au milieu, & comme au centre du corps, à sçauoir du cœur & du foye, des grandes veines & des arteres, qui sont les principes de la chaleur naturelle & de la vie; du sang, & des esprits; & que ceste chaleur du dedans du corps estant repoussée dauantage en dedans par la froideur excessiue de l'air du dehors, ou attirée en dehors par sa grande chaleur; le corps en peut deuenir plus chaud ou plus froid par accident: de sorte qu'aux pays froids, comme en la

Gothie, en la Tartarie, en la Pologne, ils sont plus chauds de chaleur naturelle que les Arabes ou les peuples de l'Ethiopie; mais que le cerueau d'un Egyptien, soit plus froid de chaleur naturelle que celuy d'un Alemant, c'est ce que ie ne croy point non plus que ce que dit Alexandre en ses Problemes, que les vins de l'Ethiopie sont plus froids & plus foibles, pour ceste mesme raison que ceux de la Scythie, veu que l'experience nous apprend au contraire, que les plus forts vins nous sont apportez des pays chauds, & que les regions froides ne produisent que des vins debiles.

Le cerueau, qui est plus esloigné des principes de la chaleur, qui est froid de temperament, & expose aux qualitez de l'air qui l'environne, semble deuoir estre plus froid aux pays froids, & plus chaud au contraire, aux regions moins esloignées du Soleil. Pour preuve de cela, nous voyons que les catarrhes & les maladies froides du cerueau ont cours, & sont plus frequentes en hyuer, & aux pays froids qu'en esté, & aux pays qui ont dauantage de chaleur. S'il est vray, selon Hippocrate & Galien, que le

veiller & le dormir se font selō les mou-  
 uemens de la chaleur naturelle, *κατα-  
 ροπαῖς τῆς ἐμφύτης θερμότητος*, c'est à dire,  
 selon qu'elle se retire du cerueau, ou  
 qu'elle y est portée: puis qu'en hyuer &  
 aux pays froids on dort dauantage qu'en  
 autre saison, & qu'aux pais chauds; c'est  
 vn grand tesmoignage que le cerueau  
 est tousiours plus froid aux pais froids.  
 Les parties froides du corps, comme le  
 cerueau, sont au regard de celles qui ont  
 beaucoup de chaleur, ce que les ani-  
 maux debiles & froids, en considera-  
 tion des autres, qui sont forts & chauds  
 de temperament. Or les animaux froids  
 comme ceux que l'on nomme *φωλέοντα*  
*ζῷα*, sont blesez en huiuer par la froideur  
 du dehors, à raison que leur chaleur na-  
 turelle est surmontée par la froideur de  
 l'air qui les enuironne, *2 νικᾶται τῶν  
 ὑπὸ τῷ κτ' τὸν χειμῶνα κρύος, τὸ ἐμφυ-  
 τὸν θερμότητος*: Le cerueau donc qui est froid  
 & humide est bleffé de mesme, & rendu  
 encore plus froid en hyuer, a raison que  
 la debilité de sa chaleur ne peut pas  
 vaincre la violence de la froidure du de-  
 hors. C'est ce qui a trompé Alexandre,  
 car comme il a creu ceste maxime d'A-  
 ristote

1.  
 Com. in  
 Aphor. 1.  
 lib. 2.

2.  
 Galenus  
 in Aphor.  
 15. lib. 1.

Aristote & de Galien generalement veritable, qu'un Tartare est plus chaud de chaleur naturelle qu'un More ou un Abyssin, il a faict un pareil iugement des vins des pays froids, sans considerer que la terre qui n'a nulle chaleur naturelle, est incapable de receuoir aucun mouuement de chaleur, de l'air froid qui l'environne. La terre aux pays chauds peut bien estre eschauffee de la chaleur du Soleil, mais qu'elle puisse estre refroidie par attraction de chaleur du dedans au dehors, il est impossible, puis que de soy elle n'a point de chaleur. La chaleur des cauernes & des fontaines en huiuer, est pour autres causes que ie ne dis point icy, de peur d'ennuyer le lecteur. Hippocrate dit, que le cerueau perçoit les premiers fruiets de la respiration, puis donc que l'air que l'on respire aux pays froids est plus froid qu'aux pays chauds, il est à croire que le cerueau y est plus froid aussi. Et ceste doctrine du temperament du cerueau peut suffire pour destruire en fond toutes les propositions phantasques de l'Examen.

Il n'y a rien de plus incertain que la doctrine de la diuersité des esprits re-

cherchée dans les temperamens , veu  
que les exemples & l'experience presque  
par tout manquent aux coniectures , &  
ne respondent pas aux pretentions.  
Quelques-vns, comme Cardan, ont at-  
tribué l'inconstance des esprits à la vio-  
lence des vents , plus grande en certains  
pays : & neantmoins nous auons des  
exemples qui monstrent le contraire.  
La Iauc, qui est vne isle assez renommée  
vers les Indes Orientales , est le pays du  
monde le plus battu des vents & de la  
tempeste de l'air : & toutefois l'on tient  
qu'il n'y a peuple sous le Ciel plus con-  
stant en ses promesses : la France aussi  
est vne region tellement sujette à la furie  
des vents & du froid , que le Prouerbe  
nous en est demeuré , *Hyeme Gallicâfri-  
gidior* ; & à la verité les esprits y sont le-  
gers ; mais avec vne certaine viuacité  
qui les rend desireux d'exccuter prom-  
ptement ce qu'ils entreprennent , & les  
rend habiles aux arts , aux sciences, aux  
armes, prompts à tout , & capables de  
tout. Mais cét honneur leur est deu,  
comme aux Allemans ; d'estre les plus  
fideles ames de toute la terre. Les Grecs  
qui habitoient vne region temperée,



n'ont pas laissé d'estre legers & inconstans, au rapport mesme de l'un des Sages, *ἐν παντί δ' ὁ μὲν κριθὸς ἐρεσι νόος.* <sup>I.</sup> *Solon apud Laert.*

Plusieurs qui ont donné le bon esprit & l'habileté de pouuoir estre sçauant, à la bonne temperature des regions ont confessé neantmoins, que cela n'est pas tant à raison du temperament des qualitez, que de la subtilité de l'air & de l'égalité de sa substance. Pour ce suiet, que la ville d'Athenes a esté vn grand marché pour toutes sortes de sciences: mais soit qu'ils attribuent cela à l'une ou à l'autre cause, pourquoy auourd'huy les lettres ont elles perdu leur credit par toute la Grece? L'Examen dit que l'air temperé d'une moyenne region, conuient pour toutes les facultez de l'ame, & neantmoins il soustient qu'en Espagne, où est le temperament égal, on manque d'imaginatiue, & des sciences qui luy appartiennent. Aucuns font estat pour auoir bon esprit, d'estre nay en pays sterile, & tel qu'estoit anciennement le terroir Attique, & de present une bonne partie de l'Espagne. L'on oppose à cela que la fertilité des terres avec plus de taison doit estre cause de la fer-

tilité des esprits : mais que la sterilité des regions est cause d'esueiller les esprits & les inciter à trouuer l'industrie & les moyens de se tirer de la pauureté. La Flandre est vn pays gras & fertile, & l'vn de ceux que blasme l'Autheur de l'Examen, pour estre situé dans les froidures du Septentrion ; & toutefois ceste Prouince a produit des meilleurs esprits de nostre siecle pour toutes sortes de sciences. La France, qui n'a presque rien de sterile & d'inutile en toute son estendue, & qui est meilleure de tout poinct que les Espagnes, abonde également en biens & en bons esprits, à raison qu'ils y sont cultiuez comme la terre. De maniere que l'Academie d'Athenes, selonc mesme sa confession, semble auoir esté transferée à Paris, ville capitale du Royaume, non que le Turc s'estant rendu maistre de la Grece, en ayt destruit le temperament ; car long temps auparauant la ville d'Athenes estoit ruinée, & les lettres commençoient à s'acheminier vers la France. Strabon est tesmoin non suspect de ceste verité : car ayant esté natif de Capadoce, instruit en la Grece, & Romain de conuersation, il

n'auoit point de suiet de fauoriser le party des François, au desaduantage des Grecs ou des Romains. Il dit, que de son temps les plus nobles familles de Rome, au lieu d'aller à Athenes, comme de coustume, pour estre instruits aux bonnes lettres s'acheminoyent à Marseille, ἀντὶ τῆς εἰς Ἀθῶνας ὑποδημίας. De mesme sainct Hierosme faict estat de la France, à raison de l'exercice des lettres. Tacite dit que Marseille estoit vn lieu qui tenoit de la gentillesse Grecque, *locus Græca comitate*, & que *Iulius Agricola* y fut enuoyé petit, pour commencer ses estudes. Je dis cecy en passant afin de faire voir, combien s'est trompé Iulius Maternus, d'auoit inuenté, que c'est comme vne propriété aux François d'estre stupides. Mais passe, ie veux bien qu'ils ayent esté autrefois lourds d'esprit & d'entendement grossier: Puis que maintenant nous voyons ceste stupidité d'esprit changée en vne habileté inimitable, sans mutation de temperament, cela doit estre vne condamnation contrel'Examen. Considérons de quel air toutes sortes de sciences, d'arts, de professions sont cultiuées en

i.

*In Vita  
Iul. Agric.*

la France, & comme elle excelle en toutes sortes d'ouurages : nous trouuons qu'il n'y a riē de comparable dans toutes les autres Prouinces. La Theologie, la Philosophie, les Mathematiques, la Medecine, la Iurisprudence, la Poësie, l'Architecture, la Peinture, l'Orféurerie, y sont exercées & enseignées avec tant d'industrie, que les peuples voisins confessent n'auoir rien de semblable. Pourquoy il me semble que les Chinois ont grande raison en ce qu'ils disent que le monde n'a que trois yeux, dont ils en possèdent deux, & la France le troisieme: qu'il n'y a en tout le reste que de l'aueuglement. Ceste pretendue sterilité des regions est donc vne raison sterile, pour prouuer la sterilité des esprits.

Il est certain que les pays qui tirent plus vers l'Orient produisent des esprits plus aigus & plus subtils que les autres nations, <sup>1</sup> *Ad Orientem omnes ferē mortales sunt acerrimis ingenijs* : de sorte que la France surpasse en cela l'Angleterre; l'Italie, la France; & la Grece, l'Italie: mais d'en rapporter la cause au temperament seul, comme l'Examen; ou à l'air, comme Panætius; ou au ter-

I.

Herodas-  
mus.

roir, comme le Sophiste Longinus; ou à l'influence des astres, comme Origene; ou à l'ame du monde, comme Porphyre; ien'y trouue point de raison soluable, & qui me contente. Ma raison est, que l'experience nous apprend, que tel enfant, qui aura eu le Ciel fauorable en sa naissance, & le temperament du corps, de l'air, & du pays irreprochable; s'il n'est bien instruit, s'il manque d'affection, s'il n'vse de diligence, sera tousiours vn ignorant en despit du ciel & de la terre. Toutes regiōs seront tousiours en vn bon air, & situées en vn bon climat; pourueu que les lettres y soyent en credit, & le trauail recompensé des hommes d'estude. L'on ne trouuera rien qui entretienne mieux les Academies, qui excite dauantage les bons esprits, & qui face plus florir les Republiques: comme au contraire, il n'y a rien qui ruine plustost vn Estat, que le desordre du vice preferé à la vertu, des scienees mesprisées, & des recompenses distribuées au luxe & à la volupté; *Cum pramia cessarint*, dit Seneque, *trahitur est certamen ad turpia*. Pour ceste occasion, les lettres depuis long temps

sont en credit en France plus qu'en la Grece, où les armes & la Barbarie sont esgalement en honneur.

Les premieres sciences comme les premieres colonies, nous sont venuës de l'Orient, où le premier homme a eü les sciences infuses, & non du merite de son temperament ; & me semble que sans raison l'on en donne l'inuention aux Egyptiens, veu qu'ils les ont apprises des Chaldeens, lors principalement de leur demeure en Egypte. Ils ont instruit non seulement les Egyptiens, mais aussi les autres peuples, selon qu'ils ont estendu leurs colonies par toute la terre, comme pour marque de cela l'on reco- gnoist encore en chaque langue des vestiges de la lague Hebraïque. Les Grecs confessent dans la vanité de leurs fables que Cadmus leur apporta de la Phœnicie l'vsage & l'inuention des lettres. Les sciences donc ont commencé à florir vers la Phœnicie, en la Syrie, en la Palestine, puis en Egypte & en Perse. Et comme il y a vne ruine fatale des Estats & des Republiques : Apres la cheute des premiers Royaumes de l'Orient, les Grecs ont commencé à faire profit de la

perte de leurs voisins, & prendre possession de leurs sciēces. Ainsi selon les loix de la mesme reuolution ; la pompe & la magnificence de la Grece & de la ville d'Athenes, a esté transferée à Rome & en Italie, puis en France, en Alemagne, en Espagne, en Flandre, peuples anciennement qui ne monstroyent que de la rudesse, auant que la conuersation des Romains leur eust ouuert le chemin à la ciuilité.

Nous auons en ces derniers temps deux Prouinces, où semble florir plus qu'en autres lieux l'honneur & le credit des lettres, à sçauoir la France & l'Italie. La France a esclaté par tout, & a surpassé mesme l'Italie, pour ce qui est de l'instruction, combien qu'elle luy cede pour le regard du tēperament. Il ne faut point que l'Autheur de l'Examen vante icy son pays : car pour l'instruction l'Espagne n'est point comparable à la France, ny d'assiete à l'Italie. Vitruue est de cét aduis, que la situation de l'Italie est la meilleure de toutes pour la fertilité des esprits, & Pline, qui tient que Rome a plus produit d'hommes excellens en toutes sortes de loüanges que tout le re-

ste de la terre. *Plures vna gens in quocumque genere laudis eximios tulit, quam ceterę terra.* Adiouſtons à cela ce que nous auons dit cy-deuāt des Espagnols, qu'ils apprennent mal, quoy qu'ils ayent bon eſprit: c'eſt vne grāde preuue que la temperature des climats n'eſt pas le point où l'on doit plus s'arreſter pour la cognoiſſance de la difference des eſprits.

S'il falloit rapporter aux diuerſes qualitez des regions: & diſtribuer les ſciences, comme veut l'Examen, ſelon l'air & le temperament des Prouinces; chaque natiō ne ſeroit propre qu'à certaines ſciences, de l'imaginatiue, de l'entendement ou de la memoire: car ie me tiens touſiours aux termes de ſa routine, ce que nous obſeruons eſtre faux, veu que en France, en Eſpagne, en Italie, il n'y a ville preſque qui ne s'adonne à quelque diuers genre d'eſtude, combien qu'elles ſoyent toutes ſous vn meſme climat & en meſme region. Les Milanois ſ'eſtudient à la Iuriſprudence: les Calabrois, à la lāgue Grecque: les Mantouāns, à l'Hebraïque: les habitans de Verone, aux lettres humaines: ceux de Bologne, aux Mathematiques: les Pa-



doüans, à la Medecine: à Pauie, ils sont Sophistes: à Florence ils aiment la Philosophie naturelle: à Vincence, la morale: les Venitiens se plaisent à la Musique: les Sienois, à la Dialectique: à Perouse, au droit Canon. Nous n'aurions iamais fait, si nous voulions rapporter la cause de telle varieté, à l'air diuers, & aux temperamens differents de toutes ces villes. I'en laisse l'essay aux meilleures ceruelles d'Espagne.

Pour ce qui regarde les mœurs, quelqu'un de ce temps en son liure intitulé, le Paradoxe, imbu encore de ceste Philosophie d'Espagne, a osé dire, que cela est ordinaire aux hommes blancs de visages d'estre lasches & peu courageux, où il semble vouloir taxer les François, ausquels mesme selon l'Examen, & au rapport des anciens auteurs, la blancheur est comme vne couleur naturelle. Petronius Arbiter dit que leuts visages sont blancs, comme s'ils estoient fardés avec de la Ceruse. *Incretatas Gallorum facies.* Les François, dit Ammianus Marcellinus, sont presque tous grands de stature, & blancs de visage, *Celsioris statura & candidi penè Galli sunt*

*omnes*: iusques là que quelques-vns, mal toutefois, ont creu que ce nom, *Galli*, leur auoit esté donné à raison de leur grande blancheur, parce que *γάλα* signifie lait, en langage Grec. Et neantmoins la France porte les meilleurs hommes & les plus vaillans de toute l'Europe. Charles V. Empereur & Roy d'Espagne leur donnoit ceste loüange, pour en auoir veu les effects en plusieurs rencontres.

Les Anglois & les Espagnols ont experimenté quels ils sont en ces derniers mouuemens de l'isle de Rey & de Casal. C'est vne histoire admirable de la valeur des François, qui merite d'estre déclarée à la posterité. De tout temps ils ont rendu tant de preuues de leur courage inuincible, que c'est vn suiet de croire, puis qu'ils sont blancs naturellement, que la blâcheur est vne marque de vertu, plustost que la couleur basanée d'Espagne & de Portugal. Alexandre en ses Problemes dit que les Ethiopiens sont timides, lasches, & de couleur noire, & les Scythes, qui habitent vne region froide, blancs & courageux, *λευκοί* & *θυμικοί*, où il apporte mesme l'exem-

ple des François, lesquels, dit-il, ont la chaleur amassée autour du cœur, comme monstre la couleur blanche de leur visage, *ὡς πολλοὶ λευκὸν τὸ χεῖματός.* Mais que pourroit respondre à cecy l'Autheur de l'Examen, que les deux plus vaillans hommes qui ont esté iamais, Alexandre & Iules Cesar ont esté blancs de visage, si nous croyons Plutarque & Suetone. Pour moy ie fais tant d'estat de la blancheur des François, que si vn Espagnol m'auoit prié de luy lauer sa basane, i'essayerois de luy donner vne couche de ceste couleur de la vertu.

---

*Quel temperament conuient mieux  
pour les bonnes mœurs, le chaud,  
ou le sec.*

CHAP. XL.



NOUS auons monstre cy-de-  
uant, que les mœurs ne sont  
point sous la conduite du  
temperament; & neantmoins

parce que les quatre premieres qualitez semblent auoir quelque force pour le mouuement des appetits, & pour estre fuiuis plustost que les loix & les commandemens de la raison; icy encore ie reprendray ce mesme sujet, & l'examineray comme en passant, attiré à cela & contraint par le mauuais ordre de l'Examen.

1. Les hommes, dit-il, qui ont bonne imaginatiue, sont preiudiciables à la Republique; parce que la chaleur les rend enclins à plusieurs vices. *Estos sue*

*Espag. 324.  
frl 191o* *len ser muy preiudiciales à la Republica, porque el calor los inclina à muchos vicios.*

Cela merite d'estre consideré vne autre fois; Il a dit ailleurs, 2 que les hommes

*Ch 6. Esp.  
45 fr 54. b.*

d'entendement & de grand sçauoir ne valent rien pour les affaires du monde. Si ces deux propositions sont veritables, que pouuons nous conclure, sinon, qu'il est impossible qu'un Estat soit biē gouverné que par des hommes ignorans, ou qui ont la memoire bonne seulement, mais l'entendement foible, & l'imaginatiue defectueuse? La prudence est la Roync des affaires du monde, & la plus necessaire vertu pour la conduite des

Republiques. Puis donc que la prudence, selon l'Examen, est en partie en l'entendement, en partie en l'imaginatiue, il ne faut point de prudēce pour le gouvernement des Estats ; si les hommes d'entendement & de bonne imaginatiue, comme il dit, sont preiudiciables aux Republiques, ou n'entendent rien aux affaires du monde.

Si l'imaginatiue consiste en vn temperament chaud & humide du cerueau, il a tort, pour ce qui est des mœurs, de blasmer ceste faculté, veu que ces deux qualitez font le temperament de la vie. Le cerueau est chaud & humide, mais plus humide que chaud de temperament. S'il arriue neantmoins qu'il soit plus chaud qu'humide, sans excez de chaleur, & que le reste du corps soit temperé à proportion ; Ces qualitez là ne peuuent pas dereigler autrement les appetits, ny donner de l'inclination au vice. mais si l'imaginatiue depend du temperament chaud & sec, comme il semble que ce soit l'aduis de l'Examen, veu ce qu'il dit ailleurs que l'imaginatiue est contraire à la memoire, laquelle il décrit humide de temperament ; il y

à quelque suiet de blasmer l'imaginati-  
ue, pour les mauuaises inclinations:  
mais plus à cause de la secheresse que de  
la chaleur. La raison est que le sec donne  
de la pointe & aguise les autres quali-  
tez, & qu'il est contraire à l'humide, qui  
est le fondement de la vie, & le tempe-  
rament du cerueau. Aussi voyons nous  
qu'Hippocrate condamne tousiours le  
temperament sec, comme ennemy des  
bonnes mœurs & de la vertu. Ceux, dit-  
il, qui sont de couleur rousse, qui ont le  
nez long & agu, & les yeux petits, sont  
enclins à mal faire, *ἰσόχροι πυρρὸν ὄξύρρι-  
νός, ὀφθαλμοὶ μικροὶ πονηροὶ*. Or toutes  
ces marques sont signes de tempera-  
ment sec; il est donc pire pour les mœurs  
que la chaleur. Considerons de plus  
prés ceste Philosophie d'Hippocrate, &  
la confirmons par luy mesme & par Ga-  
lien son plus fidele interprete, pour re-  
tourner apres à nostre Examen.

C'est vne reigle en la Medecine, que  
les intemperies doiuent estre corrigées  
par qualitez contraires, & les tempera-  
mens louïables conseruez par les sem-  
blables: & sur ceste base est fondé pres-  
que tout ce que l'on ordonne du regime  
pour

1.  
*Scet. 5. lib.*  
2. *Epidem.*

pour les sains & pour les malades. Puis donc qu'Hippocrate, qui a esté des premiers auteurs de ceste doctrine, dit que les hommes rousseaux ont besoin d'une maniere de viure qui humecte, parce qu'ils sont secs de temperament, *ἰσοῦντα γὰρ τὰ σῶματα ξηρὰ*; il veut enseigner par là que la couleur rousse est causée d'abondance d'humeur bilieuse, qui represente l'element du feu en la composition de l'homme. Il ne se plaint point de la chaleur, pour ce qui est des mœurs & de la santé, mais du sec seulement, parce que l'excez en est plus contraire à la nature.

Pour le regard du nés long & pointu, qui est vn signe d'esprit pointu aussi & subtil, en matiere de raillerie, comme les Poëtes souuent font mention de cela; Galien en donne la cause à la qualité du cerueau, & croit qu'ils sont secs de temperament, *ἔνδοξον ὑγρὸς νομίζεν τὸς σιμὸς ἀπαντας, ξηρὸς δὲ τὸς γεωγῆς*. Les petits yeux denotent aussi la mesme intemperie du cerueau: de sorte que ceste Philosophie restera veritable, selon l'Examen, que tout homme qui aura bon iugement & bon entendement, doit

estre enclin à mal faire, parce qu'il a le cerueau sec de temperament.

C'est vn grand abus de s'arrester à tout cela: car outre ce, que c'est vne notable absurdité, dit Galien, de vouloir du temperament d'une seule partie, qui est le cerueau, tirer tout le reste du corps en consequence; ἀποπον ἐξ ἐνὸς μοῦρος φύσεως ὡς πάντων ἀποφαίνει. Les mœurs ne sont pas sous le regime du temperament, mais seulement, quelques inclinations au vice ou à la vertu, sans necessité. Comme donc vn mauuais naturel ne peut estre dompté par la raison, & il ne suffit pas d'estre mal né, pour estre meschant; de mesme, vne bonne nature seule, n'est pas assez, dit Eustratius, pour la perfection de la vertu, ὡς τὸ καλὸν ἀρετῇ τέλειον; car il est besoin outre cela d'accoustumer la volonté par estude, par affection, par exercice, afin que les habitudes des vertus se fassent place dans nos ames. L'inclination naturelle est comme la force du corps: car comme vn hōme fort, ayant l'œil pour sa conduite, rencontre bien à faire ce qu'il pretend; mais estant priué de la veüe ne fait rien qu'inutilement.



mal à propos : ainsi le bon naturel au regard des vertus : car s'il est éclairé de l'entendement & de la raison, qui sont les yeux de l'ame, qui adressent le coup comme il faut, il est capable de bonnes actions : mais la conduite de ceste veüe s'acquiert par vne longue experience. Si l'œil luy manque, le coup, le mouuement, la violence de l'inclination, n'est qu'auement, & la rencontre que meschanceté. La raison conduit les bonnes inclinations, & corrige les mauuaises, si elle n'est domptée par la tyrannie brutale des appetits, qui domine souuent nos affections par auement & faute de resistance,

Quand il seroit possible, que quelqu'un qui seroit rousseau eust le cerueau chaud & sec ; on ne pourroit pas dire avec raison qu'il fust rusian de necessité, ( combien que ces deux noms se rapportent par l'affinité du vice avec la marque du temperament ) parce que le mesme, de naturelle constitution, sera peut-estre, froid & impuissant des parties qui seruent à commettre le vice. Nous voyons souuent des hommes de mesme poil, de mesme complexion &

& temperament, estre portez naturellement à diuerſes affectiōs, les vns à la vertu, les autres, au luxe, à vne ſotte prodigalité, ou à vne vilaine auarice. L'Examen pourroit-il rendre raiſon de ces inclinations ou affectiōs contraires, par vne meſme cauſe? Si le temperament chaud & ſec eſt contraire aux bonnes mœurs, pourquoy les hommes gras qui ſont humides, ſont-ils groſſiers d'eſprit, & meſchans pour ce qui eſt de l'ame, ſelon Hippocrate, *κακοὶ τὸν ψυχῶν, ὅτι τὰς τέχνας παύουσιν*. Pourquoy tant de femmes de mauuiſe vie, veu qu'elles ſont, la pluſpart, froides & humides de temperament? pourquoy dit-on que les Eunuques ne valent rien, puis que leur défaut les rend froids & humides & proches du naturel de la femme? il y a tant de difficulté en ceſte opinion des mœurs ſous le temperament, quand on luy donne le tout, qu'il vaut mieux la quitter pour prendre party ailleurs, que de ſ'y obſtiner mal à propos. Elle eſt aucunemēt palpable & ſpecieufe entre le vulgaire; mais elle a eu ſi peu de cours entre les Sages, que ce que nous a laiſſé Galien ſur ce ſuiet a eſté con-

*des Esprits. Chap. XL.* 677  
damné par eux, & reiecté comme vne  
mauuaise doctrine.

Tenons pour constant, que chaque  
regiõ est capable de tous temperamens,  
& chaque temperament de toutes sor-  
tes de conditions, d'inclinations, de  
naturels, pour les mœurs, & pour les  
esprits. La region glacée de la Scythie.  
& les pays brulez de l'Afrique, peuuent  
porter des hommes sçauans, vaillans,  
vertueux, de mesme que la Grece, la  
France, l'Espagne, l'Italie: au moyen *que*  
les Escholes y soyent establies, l'instru-  
ction bien ordōnée, & les exercices des  
ensans bien reglez. Nourriture passe na-  
ture. Je sçay bien que certains tempe-  
ramens sont volontiers suiuis d'incli-  
nations à bien ou à mal: mais ce qui est  
du mal, comme i'ay dit, peut estre de-  
stourné ou corrigé par la raison aydée  
de la discipline, de la conuersation, de la  
nourriture: comme les meilleures na-  
tures, au contraire, peuuent estre cor-  
rompuës par mauuaises compagnies.

Ἡ καλὰ φθεύουσιν ὁμιλίαι κακαί.

*En quoy differe l'homme d'auec la femme. Si vne femme peut estre changée en homme, Et vn homme en vne femme.*

## CHAP. XLI.

**N**OSTRE Examineur, qui fait gloire d'auoir trouué la raison de la diuersité des esprits, apres auoir logé les sciences dans les facultez & les facultez avec les mœurs dans les temperamens; promet pour obliger les Republiques, de leur faire vn presët, qui est vn moyen de faire des enfans, beaux, bien nez, & bien temperez, pour estre capables de vertu, de science, & de prudence. Afin de paruenir à cela, il resout de deduire quatre poinçts, dont le premier est, le moyē de cognoistre le naturel de l'homme & de la femme, pour les alliances, lesquelles estant faictes avec raison, on ne peut produire que des enfans bien accomplis. Le second, est vne instru-

tion aux peres pour pouuoir faire des fils, plustost que des filles. Le troisieme, ce qu'il faut obseruer pour les engendrer sages. Le dernier, est de leur nourriture.

Pour ce qui regarde le premier point, quand il décrit la constitution naturelle, & le temperament de la femme, il pose pour fondement ceste vieille opiniõ, qu'elle ne differe d'auec l'homme que de situation des parties de la generation: attendu que les mesmes que l'homme porte au dehors: sont aussi en la femme, mais cachées & retenuës au dedans: de sorte que si nature estant sur le train de former vn fils au ventre de la mere, chãgeoit de dessein à my-chemin de son action, & vouloit faire vne fille, elle n'auroit autre affaire qu'à retenir au dedans ce qu'elle auroit commencé de pousser en dehors: comme, au contraire, pour faire vn fils d'une fille commencée, pousser dehors ce qu'elle auroit retenu en dedans, iusques là & de premier coup. Il adioust, pour fortifier son opinion, que l'on a veu plusieurs femmes deuenues hommes par le moyen d'un tel changement de parties: & ainsi il

s'exerce sur ceste Philosophie imaginaire.

C'est vn malheur à cét Auteur, que tous ces principes se trouuent faux, & que les bons esprits qui ont pris la peine de lire son liure, ont tous iugé qu'il manque de iugement contre les priuileges de son pays, où doit estre logé, comme il dit, le bon air des sciences & de l'entendement. Icy neantmoins il merite aucunemēt d'estre excusé, parce qu'il a pour plege, l'autorité de Galien, qui est si forte, qu'elle pourroit couvrir toutes sortes de fautes: mais puisque Galien a esté iustemēt refuté par les doctes Medecins de ce temps, il est en tort d'auoir remis en jeu ceste opinion, & de l'auoir rappellée de son bannissement.

I.

*Hæc Latine sermo-  
ne quia  
minus in-  
honeste.*

*Nulla inter Vterum & scrotum, nulla inter Virgam siue mentulam & cervicem Vteri, nulla inter Viri & mulieris Vasa seminaria affinitas intercedit, ceu situs, ceu figura ratio sit, ceu modi quo in testes inseruntur.* Les femmes n'ont ny prostates, ny parastates, ny epidydimes, parties neantmoins qui sont necessaires en l'homme pour la generation. *Testes in muliere sunt minores & frigidiores quam in*

*viro & humidior temperamento; & spermatica vasa, quæ utrinque vnum in testes feruntur, in viris integra, in mulieribus bifariam diuisa utrinque sunt, ut portio feratur vna in testem, in fundum uteri altera.*

C'est donc vn abus de dire qu'il n'y a difference entre l'homme & la femme, que de situation de certaines parties. Je ne m'arresteray point dauantage sur ceste matiere, parce que i'en ay traicté ailleurs amplement, & de propos delibéré.

Puisque la nature, dit-il, a fait semblables les parties de l'homme & de la femme, elle peut aisément d'une femme faire vn homme, en poussant seulement en dehors ce qu'elle auroit retenu en dedans, lors de la generation. En tout cela il abuse de son loisir, & de la patience des doctes, & de l'ignorance du vulgaire. Les parties de l'homme & de la femme ne se ressemblent point, comme il dit: & la mutation de sexe, tant dedans que dehors la matrice, est du tout impossible à la nature. Je voudrois bien sçauoir qui luy a dit qu'un tel changement puisse estre fait dans la matrice; & que la nature soit si peu constante en

I.  
Au liure  
des prin-  
cipes de la  
generatiō

ses desseins , que de changer d'intention à my-chemin , & de faire vne fille au troisieme mois de la grossesse de l'enfant qu'elle auroit formé masle iusques là , depuis le commencement de la conformatiõ des parties. S'il me peut prouuer que cela soit par quelque bonneraison, ie luy signeray presentement la nullité de toutes les miènes. Il semble, dit-il, que cela soit difficile à prouuer : il se trompe : car il n'est pas difficile seulement, mais impossible. Tout ce qui se faiet dās la matrice lors de la generation de l'enfant est tellement caché & cacheté du seau de la nature , qu'il n'est point loisible d'en discourir, sinon avec grandes raisons & coniectures de si long temps approuuées par experiēce, qu'elles semblent necessairement veritables.

L'on recognoist , dit-il , ceux qui auront esté changez ainsi dans le ventre de la mere , en ce qu'apres estre nez ils monstrent certains mouuemens, qui ne sont propres ny conuenables aux hommes , & ont la voix delicate comme les femmes, iusques à estre enclins au miserable peché de Sodome.  
*en el peccato nefando. Voila vn créurier*

Esto pa-  
resce que  
es difficul-  
toso pro-  
narlo. Ch.  
15. pag. 288  
b. Esp. frāc.  
169. b.



estrangé d'une folle imaginative. Hippocrate, <sup>2</sup> qui a descouvert mieux que tous autres Medecins & Philosophes, les mysteres de nostre generation, dit que la difference, selon le sexe, depend de la victoire de l'une des deux semences, à sçavoir de l'homme, ou de la femme; & lors de la generation, quand le principe de la femme est masle, c'est à dire, fort & vigoureux; & celuy de l'homme, au contraire, est lasche & debile, & tient plus du temperament de la femme, & demeure victorieux neantmoins de celuy de la femme, pour ce qui est de la conformation; que les enfans' qui naissent d'un tel meslange sont Androgynes, c'est à dire, masles effeminez, & qui retiennent les conditiōs de la femelle. Mais l'Autheur de l'Examen, qui ne croit que ce qui rapporte à ses maximes, sans avoir égard à Hippocrate, ny à aucun autre, ny à la verité, croit que cela prouiet de mutatiō de sexe dans la matrice: comme s'il estoit necessaire aux hommes, pour tenir quelque chose du naturel des femmes, d'avoir esté femmes premicrement. Mais à quel propos vouloir rapporter la Sodomic à un certain temperament parti-

culier, & rechercher dans la nature la raison de ce peché, qui est contre nature. Je sçay qu'Aristote en ses problemes dit quelque chose qui rapporte à ceste opinion. Mais il est icy questiō de changement de sexe, dont Aristote ne fait aucune mention en ce lieu là.

Il adioust, que depuis peu d'années vne femme en Espagne a esté changée en homme, & que nous en auons mesmes plusieurs autres tesmoignages de l'antiquité; pourquoy il dit, qu'il n'est pas besoin d'en douter, parce que ce seroit disputer contre l'experience. Tout ce propos est aucunement veritable: car les exemples que l'on produit sur ce suiet, fondez comme ils sont sur l'autorité d'hommes dignes de foy, doiuent passer comme de bon aloÿ: mais faute d'auoir esté pris de bonne main, & compris comme il faut, ils ont trompé plusieurs beaux esprits, entre autres Iulius Alexandrinus, des œuures duquel a esté tiré ce texte de l'Examen. Pour le contentement du lecteur, ie rapporteray plusieurs autres exemples de ceste pretendue mutation de sexe, en intention de demonst<sup>r</sup>er en suite,

Iulius A.  
lexandrinus  
cap. 14. lib.  
2. salubriū.

que le tout doit estre entendu autrement, qu'il n'est icy proposé par nostre Espagnol.

Toutes les histoires que l'on rapporte tant de l'antiquité que des derniers temps, pour faire foy de ceste mutation de sexe pretendue, ne font rien pour la verité de la chose, mais bien pour en prouver seulement quelque apparence: car ce que l'on dit de certaines femmes changées en hommes, & que quelques hommes sont deuenus femmes, doit estre rapporté ou au Clitoris, ou à vne expulsio des parties masles, qui estoient cachées auparauant, ou à ce que l'un & l'autre sexe se sont rencontrez en mesmes personnes, contre le cours ordinaire de la nature.

A l'entrée de la partie secrette de la femme, *Carnosa quædam particula reperitur, quæ quodammodo virili pudendo similis est.* Les Medecins Grecs la nommoient Clitoris, d'où le verbe Grec κλιτορίζω. Les derniers Anatomistes ont ignoré ceste partie, auant Gabriel Falope, celebre Medecin d'Italie, lequel tout le premier en a fait vne curieuse description, en ses obseruations anatomiques. Quel-

*Du Clitoris.*

ques-vns l'ont nommée; *dulcedinem Veneris*, parceque *attritu titillationem parit & voluptatem dum Venus exercetur*. Et cela est naturel à toutes les femmes. Mais ce qui est à noter, est que rarement & contre l'ordinaire ceste partie a esté veüe en quelques femmes, grande outre nature; iusques à paroistre de la grandeur du petit doigt, & s'estendre comme la partie de l'homme, *Vnde etiam virorum more cœundi desiderium*. Platerus dit en auoir veu vne de longueur & de grosseur, *ut collum anserinum*.

Quand donc ceste augmentation de Clitoris est suruenüe à quelques filles ou femmes; à sçauoir lors que leur sang a commencé à s'eschauffer, & dans les premieres chaleurs de leur jeune âge, elles ont peu auoir opinion que ceste partie semblable à celle d'un homme, leur estoit comme vn changement de sexe & de nature; deuenüeshommes, de femmes qu'elles estoient auparauant: iusques là que quelques-vnes; *etiam cum aliis fœminis Venerunt in amplexus*, comme l'on dit de Sapho, qu'elle abusoit ainsi de ses seruantes.

Il n'y a pas bien long temps que le

bruit courut d'une fille devenue homme en un village non beaucoup éloigné de la ville de Rouën. J'en rapporteray l'histoire, comme ie l'ay apprise de personnes dignes de foy. Ceste jeune fille sur le point que le sein commença à luy grossir, se sentit avoir plus de chaleur & de gayeté que de coustume, & *ex illius pudendo prominuit veluti membrum virile, unde ad Venerem, & rem cum mulieribus habendam excitata est. Frustrâ hunc Vomerem sibi datum credidit à natura, nisi fundum aliquem susciperet exercendum.* De sorte qu'elle voulut changer d'habillement comme elle croyoit avoir changé de nature, & eut en l'opinion de fematier: mais apres le bruit espandu dans le pays d'un changement si estrange; la Iustice voulut en avoir la cognoissance, où la fille ayant esté ouïe, & sur le tout les Medecins consultez, elle fut renvoyée sans jugement.

Vn pareil accident survint il y a environ trente-cinq ans à une servante de Paris, laquelle par ce moyen abusoit, non seulement des filles qui servoient avec elle, & d'autres de pareille condition, mais aussi de femmes de qualité.

Le fait ayant esté descouvert, elle fut menée en Iustice, où les Medecins appelez, entre autres Marefcot & Riolan, tres-celebres personnages, ne trouverent rien en elle outre l'ordinaire des autres femmes, sinon la grandeur du Clitoris. Elle fut renvoyée aussi sans condamnation, *propter criminis novitatem*. Plusieurs semblables histoires peuvent estre leuës dans les observations de Skenkius, & dans Riolan : en ses liures de l'Anatomic.

I.  
Io. Riola-  
nus. F.

C'est au lecteur de juger si ceste partie, pour estre montée en vne grandeur outre nature, doit estre dictée mutation de sexe. Puis que nonobstant cela, les femmes demeurēt femmes il n'y a point de changemēt. Puis qu'elles n'ont point les parties de l'homme, elles ne sont point hommes.

De la Viri-  
lité cachée  
lors de la  
generatiō.

Outre la consideration du Clitoris, l'on a esté trompé encore en quelques-uns: lesquels on a creu estre filles, qui ne l'estoyent toutefois qu'en apparence. C'est que lors de la generation ou conformation des enfans dans la matrice, les parties males sont retenuës en dedans quelquefois; de maniere que les  
fils,

fils, par ce moyen demeurent sembla-  
 bles aux filles: mais lors qu'ils sont par-  
 uenus en l'âge de chaleur, & au temps  
 que les filles ont coustume de se marier,  
 soit par la chaleur & la vertu des esprits;  
 & de la semēce, & de l'amour, qui com-  
 mence lors à émouuoir tout l'interieur;  
 soit par l'effort des maris, qui rompent  
 les membranes & tous autres empesche-  
 mens, les parties cachées sortent, & la  
 virilité se declare. Alors donc il n'y a  
 point de parties nouuellemēt formées,  
 mais seulement cela sort hors, & est mis  
 en euidence, que nature auoit retenu en  
 dedans iusques là, & n'auoit point esté  
 veu, *Sexus potius detegitur quam mutatur*,  
 dit Hieron. i Montuus. Ce qui monstre  
 dauantage la verité de cela, est que tels  
 accidens n'arriuent gueres qu'environ  
 l'âge de quatorze ou quinze ans, apres  
 de grandes douleurs. Or il est impossi-  
 ble que cela soit vne expulsion de la ma-  
 trice, comme croit l'Auther de l'Exa-  
 men, veu ce que nous auons dit cy de-  
 uant, & ce que nous discourrons encoré  
 cy apres. Mais venons aux exemples.

Albert le grand faict mention d'un  
 jeune homme, qui auoit naturellement

*Cap. 6. lib.  
 1. Theor.*

*Cap. 3. tract.  
 2. lib. 18. de  
 animal.*

les parties cachées en dedans, de telle sorte que le bas des deux testicules joints ensemble représentoit comme les labies de la partie de la femme, & au milieu l'on voyoit *veluti fissuram*, vne maniere de fente fermée d'une pellicule. Or l'opinion estant qu'il estoit fille, pour la rendre habile à la compagnie de l'homme, l'on fit vne incision en ceste partie, apres laquelle sortirent la verge & les testicules. Il prit femme en suite de cela, de laquelle il eut plusieurs enfans.

1.

*Chap. 7. du  
livre 25.*

Ambroise Paré dit <sup>1</sup> auoir veu vn jeune homme, nommé Germain Marie, lequel iusques au quinziesme an de son âge auoit esté tenu pour fille, attendu qu'il ne monstroit aucun acte de virilité, & mesme qu'il se tenoit avec les filles en habillement de femme. Or ayant atteint l'âge, cōme il estoit aux champs à la poursuite des pourceaux qu'il auoit en garde, apres auoir sauté vn fossé, ses parties, verge, & testicules vindrent à se deuelopper, & apres les membranes rompuës sortir du tout en dehors, mais avec douleur. Elle retourna donc en la maison de sa mere, disant que ses en-



trailles luy estoient sorties du ventre. Les Medecins & Chirurgiens qui furent consultez sur cét accident, iugerent qu'elle estoit vrayement homme; & non fille, comme l'opinion en auoit tousiours esté, & comme elle en faisoit les actions. Il deuint barbu apres, & au lieu d'estre appellé Marie comme deuant, on luy donna le nom de Germain.

Licinius Mutianus, au recit de Pline, disoit auoir veu en la ville d'Argos vne fille nommée Arescusa, laquelle deuint homme barbu, peu de temps apres auoir esté mariée. *Nupsisse, mox barbam & virilitatem prouenisse, vxoremque duxisse.*

*x.*  
Cap. 4. lib. 7. *natur. hist.* citat Gellius  
cap. 4. lib. 4. *noct. art.*  
tic.

Nous lisons le mesme de Cæneus, dans les Poëtes: mais tous ces exemples ne font rien pour l'Examen: veu qu'il n'y a rien en tout cela, qu'une sortie des parties males, lesquelles auant l'âge de chaleur n'auoiēt peu estre poussées hors par la nature. *Virilitatis expulsio, quæ latebat prius.*

Cardan dit cela doctement en ceste maniere. Ce que l'on dit de certaines filles changées en hommes, n'est point

*2.*  
Cap. 4. lib. 8 *de rerum variet.*

fable, veü ce tesmoignage de Pline. l'ay veü en Affrique Lucius Cossutius, changé en homme le jour de ses nopces: mais qui est plus, il n'y a rien en cela d'esmerueillable, si l'on veut bien comprendre la verité de la chose. Car ce poinct que l'on tient sans difficulté, selon l'opinion des hommes, est du tout impossible à la nature. Il se trouue des enfans masles, qui ont naturellement leurs parties genitales retirées en dedans, & retenuës là par vne membrane, *velut sinu quodam*, en laquelle est vne petite ouuerture: pourquoy ceux qui ne les ont pas touchés croient qu'elles sont filles. Or à quelques vnes au commencement de leur ieune âge, ceste partie masle, quoy que cachée d'elle mesme, venant à se dresser & se roidir par la fraction de la membrane, sort du lieu où elle estoit retenuë. A plusieurs autres cela se faict lors qu'estant mariées comme filles, le mary qui propose auoir affaire avec la femme; fait effort à la membrane, la rompt, & la partie masle qui s'est dressée par chatoüillement, paroist & se monstre alors par vn tres-grand miracle, & toute fois sans miracle. C'est

plus de naistre sans aucune ouuerture au siege , & quelques-vns neantmoins sont tels naturellement, & sans miracle: mais le temps fait apres ce que nature n'a peu faire. Passons au troisieme point , qui est le meslange des deux sexes.

L'apparence du changement de femmes en hommes, peut estre rapportée aux deux causes dont i'ay parlé cy deuant, qui sont le Clitoris, & la sortie des parties males. Mais quand il est question de rendre raison au contraire, de ce que quelques hommes ont esté veus changez en femmes, c'est vn accident, qui ne peut estre referé qu'au meslange des deux sexes, lequel a esté reconnu en certaines personnes, nommées pour ceste occasion , Androgynes, ou Hermaphrodites. Ceux-cy donc, combien qu'ils ayent naturellement l'un & l'autre sexe, peuuent môstrer, selon leurs âges des marques plus fortes de l'un ou de l'autre. De sorte que tel qui en ses premiers ans aura esté estimé plus male que femelle en ses parties pourra lors de sa jeunesse, peut-estre à raison d'une plus grande abondance de sang crud &

*Des Hermaphrodites.*

mal digéré, changer d'ordinaire, auoir de tout poinct plus grande apparence de femme, & plus d'inclination à toutes les actions de la femme: dont l'opinion en suite, que d'hommes elles sont deuenues femmes, & cela peut arriuer successiuellement, comme Virgile dit de Cæneus. *Rursus & in Veterem fato reuoluta figuram.* Le mesme aduint à Tiresias, car d'homme il deuint femme premierement, puis il retourna à sa premiere nature. Or qu'il y ayt des Hermaphrodites, c'est chose tellement notoire que les doutes au contraire, semblent n'estre pas raisonnables. I'en rapporteray neantmoins quelques exemples, comme des deux autres.

1.

*Apud  
Laertium  
in Empe-  
docle &  
Philostat.  
cap. 1. lib. 1.  
Vita Apol-  
lon.*

L'on croit que le Philosophe Empe-  
docles a eu l'un & l'autre sexe, à raison  
qu'il semble tesmoigner cela de luy-  
mesme. *ἐγὼ γυνώμεω καὶ ἄρ η̃ τὸ κῶπος τὸ.*

2.

*Cap. 3. lib.  
7. natur.*

La nature, dit Plin, 2 produit des  
hommes qui ont l'un & l'autre sexe, que  
nous appellons Hermaphrodites, nom-  
mez anciennement Androgynes, & te-  
nus pour prodiges & de mauuais augu-  
re, *Olim Androgynos vocatos, & in pra-  
digiis habitos, nunc verò in delicijs.*

Quelques-vns ont voulu dire, 3 de *hist. 129.*  
Fauorinus Philosophe ancien, natif de *Gellius c.*  
Marseille, qu'il estoit *natura duplicis,* 4. *lib. 9.*  
Androgynie. 3. *Apud Cæ-*

I'ay veu, dit Hali 4 Rhodohan Me- *lium Rho-*  
decin Arabe, vn homme qui auoit la *dig. cap. 12.*  
verge, & les testicules, & les parties de *lib. 14. lect.*  
la femme ensemble. *Veretrum, & testi-*  
*culos, & vuluam mulieris simul.* 4. *Apud*  
Skenk *lib.*  
4. *obseru.*

Montuus dit, auoir cognu vn Her- *5.*  
maphrodite, lequel on croyoit estre *Skenkina*  
femme, car estant mariée elle a eu plu- *ibid.*  
sieurs enfans de son mary, & neant-  
moins elle auoit engrossy plusieurs ser-  
uantes.

Cardan 6 tesmoigne auoir veu vn *6.*  
Cheual Hermaphrodite. Tout cela me *Cap. 37. lib*  
faict douter si ce que dit Riolan 7 sage *7. de rerū*  
& sçauant Medecin, est veritable, que *Var.*  
ce que les fēmes Hermaphrodites font *7.*  
les actes de l'vn & de l'autre sexe, est à *10. Riol. fil.*  
raison du Clitoris: car si elles ont faict  
& on leur a faict des enfans, comme il y  
en a des exemples, il semble que ceste  
reigle ne peut pas estre generale. Le Cli-  
toris n'est point accompagné de testicu-  
les, & n'a point d'ouuerture pour l'ie-  
ction de la semence: vne femme donc

par le moyen de ceste partie est incapable de faire des enfans à vne autre femme. Mais reuenons à nostre <sup>premier</sup> propos.

Quand la faculté generatiue forme l'enfant dans la matrice, des principes du pere & de la mere, elle commence ensemble toutes les parties, selon<sup>t</sup> Hippocrate, *Ἀκρίνεται τὰ μέλη αἷμα πάντα*: & les premiers lineamens de toutes celles que l'on nomme spermatiques, sont ébauchez dans les sept premiers jours; de sorte que depuis ce temps là iusques au quarante cinquiesme ou cinquantesme iour au plus tard, elle ne s'employe qu'à parfaire ce qu'elle a commencé; & n'est pas en son pouuoir, notamment lors qu'elle approche du quarantesme iour, de rien changer de ce qu'elle a commencé desdites parties, pour l'un ou pour l'autre sexe. Tant s'en faut qu'elle soit capable de faire d'un fils vne fille sur le deuxiesme mois de la grossesse, comme nous veut faire croire nostre Examinateur, <sup>à</sup> défaut, dit-il, d'Hippocrate & de Galien, par vne vanterie Espagnole.

Or puisque la faculté, qui a charge d'articuler les parties de l'enfant, luy

I.  
Lib. i. de  
denta &  
lib. de locis  
in homin.

donne dans la matrice, tout ce qui est necessaire pour la ressemblance selon l'espece & selon le sexe; apres qu'il est né & mis en lumiere elle demeure du tout oisive & sans action, à raison qu'il ne luy reste rien à faire; & la chaleur, qui estoit dicté formatrice, *calor opifex*, *ἰμμερπὸς θερμότης*, dans la matrice, n'est plus utile à l'enfant, que pour luy conserver la vie, quand il est hors de ceste premiere demeure.

Si l'on repart, pour soustenir l'Examen, qu'il n'est pas besoin aussi, que la faculté face rien de nouveau; mais seulement qu'elle pousse dehors les parties de la femme, pour faire d'une fille un homme; parce qu'estant semblables, il n'y a que la difference du lieu qui cause la difference selon le sexe. Pour response, ie dis ce que j'ay rebatu cy-deuant, que tout cela est faux, & que l'experience nous apprend visiblement, que l'Examen & tous ceux qui sont de mesme aduis se trompent, du tout esloignez de raison & de verité. Nous voyons quelquesfois aux femmes la matrice, par la relaxation de ses ligamens, sortir & descendre iusques à my-cuisses; & neant-

moins en la cure de telles maladies, les Medecins n'ont point reconnu ceste ressemblance imaginaire de parties, & ne sont iamais entrez en opinion de ceste mutation de sexe proposée par nostre Auteur, qui n'est dās tous les endroits de son liure sçauant que par opinion, *Ἰδξόσοφος.*

Pourquoy donc, demandera quelqu'un, ceste doctrine iusques icy a t'elle eu tant de cours, que plusieurs hommes & femmes ont changé de sexe. Je réponds qu'elle n'a gueres esté en credit, notamment depuis ces derniers temps, que vulgairement & entre le commun peuple, qui ne cōsidere les choses qu'en courant, & sans s'arrester à vne curieuse recherche. Ainsi l'on croit communément qu'en l'espece des ciuettes, il n'y a point de masses; dautant qu'elles ont toutes au dessous de la queue vne raye ou fente aucunemēt semblable à la partie de la femelle. *Hyenam*, dit Plin, *sine mare parere vulgus credit*, *Aristoteles negat.* L'on a opinion que la Perdrix conçoit de l'haleine du masse, & pour auoir remarqué que les Lapins en se iouant sautēt indifferemment l'un sur



l'autre, ils croient que les masles portent comme les femelles. Ils disent que les Corbeaux conçoient par le bec, à raison qu'ils sont veus souuent se joindre bec à bec, comme les Pigeons, & rarement se coupler ensemble, le masle & la femelle. Telles viâdes sont au gouft des esprits grossiers & de la lie du peuple, non des hommes de jugement & sçauans en ce qui est de l'œconomie de la nature.

Pour mettre fin à ce different, nous disons que l'homme depuis le premier iusques au dernier poinct de sa vie, est ou masle ou femelle, ou l'un & l'autre; & que le changement de sexe soit dedans ou dehors la matrice, n'est point au pouuoir de la nature. Vn grand signe pour preuue de cela, est que l'on produit assez d'exemples de femmes deuenues hommes, mais d'hommes changez en fêmes, il n'en est gueres de mention: car ce qu'il dit, que nature a fait souuent vn masle bien accomply exterieurement en ses parties genitales, mais suruenant vn grand froid, qu'elles lès a fait retourner en dedans, & en a fait vne femelle, est vne Philosophie ridicule &

sans raison, & dont la preuue est impossible. Quand toute la partie genitale de l'homme, verge, testicules, & autres parties adjacentes, seroit rentrée dans le corps, voire en mesme lieu que la matrice est veüe située en la femme, & eõme se l'est imaginé l'Auther de l'Examen; il n'est pas possible de se représenter, comment elle pourroit estre semblable à la partie de la femme; & ne croy pas que cela entre iamais en l'esprit d'un homme d'esprit. Je me suis arresté vn peu long temps sur ceste matiere: mais cela sembloit aucunement de besoin, afin de faire perdre ceste opinion, qui a cours de trop long temps, pour pouoir aisément estre tirée & deracinée des esprits du peuple.

*Si l'homme est de temperament plus  
chaud que la femme.*

CHAP. XLII.



V discours qu'il faiët du  
temperament de la femme,  
il propose comme vne re-  
gle generale, qu'il n'y a  
point d'homme qui puisse  
estre dit froid au regard de la femme,  
ny de femme chaude de temperament,  
en consideration del'homme. Il deuoit  
penser que toutes propositions gene-  
rales sont perilleuses.

Hippocrate grand maistre en ceste  
matiere, dit que le sang de la femme est  
plus chaud que celuy del'homme, &  
pour ceste raison, que l'homme n'a pas  
tant de chaleur que la femme, ῥ θερμότε-  
ρον τὸ αἷμα ἔχει ἡ γυνή καὶ ἀπὸ τοῦ θερ-  
μότερου ἐστὶ τὸ ἀνδρὸς. Parmenides tres-  
ancien Philosophe, qui peut-estre auoit  
leu ce passage d'Hippocrate, disoit de  
mesme, au rapport d'Aristote, que les

i.  
Lib. de  
morb. mul.

femmes sont plus chaudes que les hom-

mes, <sup>1.</sup> τοὺς γυναῖκας ἢ τοὺς ἀνδρῶν θερμότε-  
*Cap. 1. lib.* *ex. 5.* Apres eux Iules Scaliger, grand re-  
*2. de part.* chercheur des secrets de la nature, re-  
*animal.* prend ceux qui ont opinion que les fem-

mes sont plus froides que les hommes,  
 & tient qu'ils ont l'un & l'autre vne me-  
 me raison de temperature pour le regard  
 de la chaleur, mais que la chaleur de la  
 femme est moins apparente, à raison  
 qu'elle est accompagnée de beaucoup  
 d'humidité. <sup>2.</sup> *Eundem Viri mulierisque ca-*

*Exerc. in* *lorem in muliere non apparere, dilutum hu-*  
*Card. 274.* *more multo; in viro sentiri, quod acnatur*  
*4.* *siccitate.* C'est ce que dit Theophraste,  
 que les femmes croissent plustost que  
 les hommes, parce qu'elles sont d'une  
 nature plus humide, comme les pois-  
 sons plustost aussi que tous autres ani-  
 maux, *humoris luxuriâ*, dit Plin.

Ceste opinion ainsi autorisée peut  
 estre encore soustenuë par raisons. Les  
 femmes ont plus de sang que les hom-  
 mes, comme font foy leurs purgations  
 réglées par les Lunes, qui est vn signe de  
 chaleur, selon Aristote, ἡ δὲ πολυαιμία  
 θερμότητος σημεῖον. Elles ont plus de par-  
 ties que l'homme, lequel manque & de

mâmelles & de matrice, elles ont donc plus de chaleur: car il semble, puis que le froid est cause du defect des parties qui se trouue quelquesfois aux enfans lors de la generation, s'il y en a quelques vnes de plus, que cela est vn effect de la chaleur; *1. Ut defectiones sunt à frigore, ita additamenta à calore.* Elles croissent plus tost hors la matrice; or l'accroissement est vn acte de chaleur, selō Aristote, *2. τὸ θερμὸν αὐξητικόν.* Elles ont le poulx plus prompt & plus frequent selon 3 Galien. *Lib. de sensu & sensato cap. 6. lib. 3. de part. anim. & cap. 3. lib. 5.* Elles sont plus coleres & plus faciles à estre eschauffées à l'amour. Elles ont donc plus de chaleur.

Sur ce different il me semble plus expedient de ne suiure ny l'un ny l'autre party; car qu'elles ayent plus de chaleur que les hommes, il n'y a gueres d'apparence, puis qu'Hippocrate, Aristote, Galien, & autres excellens Medecins & Philosophes, ont esté de contraire aduis. Elles sont femmes, à raison qu'elles ont esté formées de semence plus froide & plus humide qu'il n'estoit requis pour la generation d'un malle. Elles ont plus de sang, il est vray, mais plus crud & plus froid, afin qu'elles soyent suiet-

tes à leurs purgations ordinaires, sans lesquelles il n'y auroit point de generation. Elles ont bien de la chaleur assez pour engendrer beaucoup de sang: mais trop peu, pour le cuire à perfection, comme les hommes, & en dissiper les superfluitez. Et cela est cause qu'il s'eschauffe facilement, tant à raison des veines qu'elles ont estroites, que de la repletion. ὡς θερμαίνεται γὰρ ὑπὸ πληθώρας. Pour ceste seule consideration, Hippocrate a dit en vn lieu seulement, que la femme est plus chaude que l'homme, ce qui doit estre entendu de chaleur acquise, comme s'il disoit que l'homme a le sang plus chaud naturellement que la femme, parce qu'il est tel du merite des principes de sa generation; & la femme plus chaude par accident seulement. C'est pourquoy quelques doctes Medecins ont voulu croire, que ce texte n'est point legitime d'Hippocrate, mais qu'apres auoir esté annoté en marge par quelqu'un, il s'est coulé en fin dans le texte, par l'ignorance des Copistes.

La vraye doctrine d'Hippocrate sur ce suiet, est qu'entre tous les animaux, les

les mâles sont de temperament plus chaud & plus sec que les femelles, <sup>1</sup> τὸ

θῆλεα ὑγρότερα ἢ ψυχρότερα: & pour ce-  
ste occasion il dit que les femmes n'ont  
point l'usage des deux mains égale-  
ment comme certains hommes, <sup>2</sup> γυνή

ἀμφοτέρωθεν ὃ γίνεται, à raison qu'elles ont  
trop peu de chaleur & d'esprits, & en  
suite les muscles trop foibles pour cela.

Aristoté est de mesme aduis que le mâ-  
le est plus chaud & de plus longue vie  
que la femelle, τὸ ἄρρεν ὃ θερμότερον τῷ

θήλεος ἢ μακροβιότερον. Ce n'est rien de  
merueille, dit Galien, si la femme est

plus imparfaicte que l'homme, à pro-  
portion de sa froideur. εἰ τὸ θῆλυ τῷ ἄρ-  
ρεος εἰς τοσούτο ἀτελέστερον εἰς ὅσον ψυχρό-  
τερον.

Quant à ce que dit Scaliger, qu'elles  
ont plus de parties que l'homme, à sça-  
voir les mammelles & la matrice, c'est  
vn argument qui peut estre destruit par  
vne simple negation. Les hommes ont  
des mammelles comme les femmes,  
*mammæ, solus homo è maribus habet*, di-  
c't Pline <sup>4</sup> mais moins releuées, parce  
qu'elles sont d'une substance plus tiffuë,  
& plus amassée. Au lieu de matrice, il a

1.  
Lib. 1. de  
diata.

2.  
Aphor 45.  
lib. 7.

3.  
Lib. de lō-  
gitud. ἔς  
breu. vita.

4.  
Cap. 39. lib.  
11. nat. hist.

pour recompense de la nature, plusieurs autres parties qu'elle a refusé à la femme, comme la verge, la pochette, les prostates, les parastates, & les epididymes. Il est vray qu'elles sont plus promptes à l'amour & à la colere, mais cela est plustost effect de debilité de chaleur & de raison, que de toute autre cause, comme aux enfans & aux vicillards, nous voyons cela par experience, pour ce qui est de la colere; & aux bestes pour le faict de l'amour: parce qu'elles n'ont point de raison, qui bride leurs appetits, elles se laissent emporter aux mouuemens de leur imagination.

Cela donc doit estre expliqué & entendu avec restriction, & non selon qu'il est proposé dans l'Examen. Il dit qu'il y a des femmes froides au troisieme degré, & que celles là doiuent estre mariées avec des hommes chauds aussi au troisieme degré. Il adioust que la femme estant esgalement temperée, est incapable de concevoir, voire qu'elle ne peut'estre faicte femme dans le ventre de la mere de semence temperée, *Si la simiente di que se forme al principio 2 fue- ratemplada; parce que si elle estoit telle,*

1.

*Exa. pag.*  
179. a.

2.

*Exam. fr.*



les parties genitales sortiroient dehors; 170. b. Eff.  
& seroit fait vn fils. Ces paroles sont 290. b.  
tellement esloignées de raison & de sens  
naturel; qu'elles me semblent indignes  
d'estre escrites. Elles sont formellement  
contraires à la doctrine d'Hippocrate,  
& croy que de propos deliberé il a vou-  
lu prendre à partie ce diuin vieillard;  
comme il sera aisé à iuger par la confe-  
rence des textes. Voicy ce que dit Hip- Aphor. 62.  
pocrate. Les femmes qui ont la matrice lib. 5.  
froide & dense ne conçoient point, ny  
celles qui l'ont trop humide, parce que  
la semence y est esteinte, ny mesmes lors  
qu'il y a plus de secheresse & de chaleur,  
qu'il ne conuient; parce que la semence  
se corrompt alors faute de nourriture,  
mais celles-là qui tiennēt entre ces deux  
vne temperature moyenne sont capa-  
bles de generation. ὁκόσαι δ' ἐξ ἀμφοτέ-  
ρων πλεονεχῶσι ἔχουσιν σύμμετρον, αἱ τοιαῦ-  
ται ὅτι τέκνοι γίνονται.

Il est certain que les anciens pour au-  
tres considerations ont décrit la semen-  
ce sous les noms de feu & d'eau, comme  
l'ay discoursu de cela ailleurs: mais de  
vouloir persuader ces degrez de cha-  
leur & de froidure, en l'homme & en la

femme ; c'est estre trop hardy dans la science des temperamens. Avec vn tel excez de qualitez ne pourroit pas subsister le temperament de la santé ; à peine le temperament de la vie. L'on joindroit aussi tost les flammes du Mont-gibel, avec les glaces de la Scythie, que de pouuoir heureusement coupler ainsi, vn hōme chaud au troisieme degré, avec vne femme froide en pareil excez. Je perdrois le temps inutilement, si ie m'arrestois dauantage à le refuter.

L'homme en general pour ce qui est du temperament, lors de la conformation au ventre de la mere, est de necessity plus chaud que la femme, comme la femme aussi de premiere constitution est plus froide & plus humide que l'homme. Et neantmoins, si l'on vouloit opiniastrer que quelque femme ne puisse pas estre plus chaude que certain homme de temperament acquis: ce seroit sans raison & sans iugement. Nous voyons des femmes pleines de courage, de couleur brune, & nourries à l'exercice, à raison dequoy elles perdent quelquefois le cours de leurs purgations: Qui doute que celles-là ne soyent plus

chandes de temperament, que tel homme qui se trouuera pituiteux, nourry dans l'oisiueté, de viandes phlegmatiques, de couleur palle, froid en toutes ses actions, & suiet à estre purgé tous les môys comme les femmes, ou par les hemorrhoides, ou par la verge, comme il s'en est présenté vn à moy depuis peu de iours.

Pour finir donc ceste controuersé, nous suiurons le jugement de Valesius, afin que l'auteur de l'Examen ne croye pas que ie refuse de me sousmettre au jugement des doctes de son pays. Toutesfois, dit-il, cela est vray de telle sorte, qu'il n'y a rien qui empesche, qu'une femme puisse estre plus chaude que certain homme. Il se trouuera des femmes hommaces, qui ont les nerfs & tous les muscles plus forts & robustes, & qui n'abondent point en excremēs plus que les hommes. Sans doute vne femme bilieuse doit estre plus chaude, & auoir le poux plus grād & plus fort qu'un homme pituiteux. *1. Sanè biliosa mulier pituitoso viro calidior erit, eritque huic maior pulsus & fortior quàm viro.*

I.  
Centron:  
Medic. cap.  
9. lib. I.

*L'enfant n'est point nourry de laiët  
dans la matrice. De la genera-  
ration du laiët.*

### CHAP. XLIII.



E qui est traicté icy de la  
nourriture des enfans dās  
le vêtre de la mere, mon-  
stre que l'auteur est peu  
versé aux principes de la  
Medecine. La femme, dit-il, pour estre  
seconde doit estre froide & humide:  
car autrement il seroit impossible qu'el-  
le eust du laiët assez pour sustenter neuf  
mois la creature dans son ventre. Para  
i *sustentar nueue meses la creatura en el*

*Ventre.*

Pour le premier point de ceste pro-  
position, il n'y a point de dispute; car  
n'estoit l'humidité accompagnée de  
froideure, c'est à dire, d'une chaleur plus  
foible que celle de l'homme, la femme  
n'auroit pas ses purgations, & seroit ste-  
rile par conséquent. Mais il faut que ces

I.  
Exam. ch.  
15. Esp. 259.  
6 fr. 170.4.

deux qualitez soyent en degré remis, & aucunemēt temperé; parce que le trop d'humidité est cause que la semence est esteinte & noyée dans la matrice, *ἐκπλύνεται ὑὸ ὑποβέννυται αὐταῖς ὁ γόνος*: & que celles qui sont froides & humides avec excez, ne font point de bon sang, dont s'ensuit qu'elles n'ont point leurs purgations, comme cela arriue quelquefois aux femmes hydropiques, ou d'une mauuaise habitude, selon l'observation d'Hippocrate, <sup>1</sup> *γυναικεία τῆσιν ὕδαταινυσθῆσιν ἐπὶ πολὺ ὠδὲ μὲν*, De mesme quand la matrice a trop peu d'humidité, la semence se corrompt faute de nourriture, <sup>2</sup> *ἐνδεία τῆς προφῆς φθίρεται τὸ σπέρμα*... C'est ce que les Laboureurs & les Jardiniers trouuent veritable par experience, que leurs graines semées dans des terres marcescuses, ou dans des sablons, <sup>3</sup> *ἐν τελευτῶδι γῆ, ἢ ἐς ψάμμον*, ne produisent rien, parce que la vertu est là, ou esteinte ou dissipée. Mais comme tout cela est veritable, qui n'est point des viandes ordinaires de l'Examen, mais des fruiçts plus exquis de la Philosophie & de la Medecine; ce qui suit apres, qui est de la doctri-

<sup>1.</sup>  
Sect. 1. lib.  
6. Epidem.

<sup>2.</sup>  
Leg. Hippocr. lib. 1.  
de morb. mul. 236.  
15. Aph.  
62. sect. 5.

<sup>3.</sup>  
Apud Gal.  
in Apher.  
62. sect. 5.

ne imaginaire de l'Authcur, est du tout faux & indigne d'estre publié. Il croit que l'enfant est nourry de laiët dans la matrice, & non content de mettre ceste opinion en auant, il voudroit luy donner cours sous l'autorité d'Hippocrate & de Galien, la doctrine desquels neantmoins est du tout esloignée de ce qu'il soustient.

La nature a donné aux femmes l'abondâce de sang qui entretient le cours reiglé de leurs ordinaires, pour deux raisons: à sçauoir pour seruir de matiere à l'enfant, avec l'autre principe, lors de la generation; & de nourriture tant dedans que dehors la matrice. Pour nourrir l'enfant dans la matrice, le sang de la mere ne change point de nature, mais demeure tousiours sang. Pour le nourrir apres qu'il est né il prent vne autre forme, à raison qu'il deuient laiët dans les glâdules des mammelles. C'est ce que dit doctement Auicenne, qui fait comme trois parties du sang menstruel de la mere, deux bonnes & vne mauuaise. Des deux bonnes, dit-il, l'une est portée à la matrice, pour la nourriture de l'enfant; l'autre aux mammel-

les, pour estre conuerties en lait; & la troisieme, qui est vn excrement qui ne vaut rien, demeure dans la matrice, pour estre ietté hors au terme de l'accouchement. Vn Echolier seroit mocqué, si dans les Echoles de Medecine il auoit dict, que l'enfant est nourry de lait dans la matrice.

Le lait ne commence point à estre formé dans les mammelles, que sur le troisieme ou quatrieme mois de la grossesse; lors que l'enfant commence à dōner des marques de son mouuement. Or l'enfant auant ce temps là auoit besoin de nourriture; il estoit donc nourry d'autre aliment que de lait. Depuis le quaratieme jour iusques au troisieme ou quatrieme mois, l'enfant reçoit de l'accroissement ( comme en tout le reste du temps de la grossesse ) qui ne peut estre que par nourriture; & cēt accroissement est cause de la generation du lait: parce que, commel'enfant vn peu grand occupe dauantage de lieu. il estend & dilate la matrice, pour se faire place, & par ce moyen il presse dauantage les parties voisines: de sorte que les venes alors pleines de sang, à raison des

purgations de long temps retenues, estant pressées ainsi, le sang est poussé en haut dans les esponges des mammelles, par la communication des venes de l'Epigastre avec celles des mammelles, & là il est fait lait. Si donc la nourriture est cause de l'accroissement, & l'accroissement la cause du lait; quand l'Examen dit que le lait est la nourriture de l'enfant dans la matrice, l'espace de neuf mois; c'est autant que s'il disoit, qu'il y a du lait, & qu'il n'y en a point tout ensemble. Estre la cause de soy-mesme, c'est estre & n'estre point en mesme tēps: attendu que la generation est vne mutation de non estre à estre, parce qu'elle a la priuation & la presence de la forme, pour ses deux termes, qui sont deux momens de nature, en vn moment de temps.

Quand Hippocrate donne la raison, pourquoy l'enfant fait effort de sortir hors de la matrice, le temps legitime de la grossesse estant sur le point d'expirer: il dit, qu'estant grand alors, faute de nourriture, il se debat, & rompt ses enuelopes, comme s'il vouloit se faire passage, pour trouuer ailleurs. ce qu'il ne



trouue plus dans la matrice. ἀναπίσει  
καὶ τὰς ὑμῆρας πῆλυσσι. Si ceste doctrine  
est conferée avec celle de l'Examen, l'on  
trouuera qu'il se sert mal à propos du  
tesmoignage d'Hippocrate.

1.  
*Lib. de na-  
turapueri.*

Au temps de l'accouchement, il est  
certain que le laiët est en telle abondan-  
ce dans les mammelles, que les meres  
souuent en reçoient del'incommodi-  
té. Pourquoy donc si l'enfant est nourry  
de laiët dans la matrice, se debat-il pour  
sortir faute de nourriture, selon Hippo-  
crate ? seroit-il possible qu'il n'y eust  
point de laiët pour luy, lors qu'il est en-  
core dans la matrice, veu qu'il trouue  
incontinent apres estre né ses deux bou-  
teilles toutes pleines à sa bien-venue,  
comme si nature les luy presentoit, en  
guise de vin blanc de reception. De ve-  
rité, il y a lors du laiët abondamment  
dans les mammelles: mais outre ce qu'il  
n'est point dedié pour sa nourriture,  
tant qu'il est dans la matrice, ces deux  
bouteilles sont en vn lieu si haut, qu'il  
n'y peut atteindre.

L'Autheur de l'Examen donc com-  
met icy deux fautes notables. La pre-  
miere, quād il dit, que l'enfant est nour-

ry de laiët, l'espace de neuf mois dans le ventre de la mere: car quand cela seroit vray, pour le regard de l'espece de la nourriture, il se méconte, pour ce qui est du temps; veu que l'enfant est incapable de nourriture, auât l'articulation des parties accomplies. La seconde est, qu'il se sert pour preuue de son opinion d'un texte d'Hippocrate, qui ne faict non plus pour luy, que pour la generation des metaux, le leuer ou le coucher de la canicule: le lieu allegué est cestui-cy. Si à vne femme grosse, le laiët sort en abondance des mammelles, c'est vn signe que son enfant est debile, Γυναικὶ ἢν ἐν γαστρὶ ἐχούσῃ γάλα ἐκ τῆς μαστῶν πόλυ ρυῖ, ἀδυνάτους τὸ ἔμβρυον σημαίνει. Il croit qu'il est nourry de laiët dans la matrice, puis que la grande euacuation de laiët le debilité, selon ce texte d'Hippocrate; mais c'est vne consequence, qui ne vaut rien: car de mesme l'on peut conclure contre luy: que l'enfant est nourry de sang dans la matrice, puis qu'il est rendu debile par vne grande euacuation de sang.

1.  
Aphor. 52.  
sect. 5.

Les euacuations du laiët des mammelles aux femmes grosses prouient ou

de repletion de sang porté de la matrice, ou des parties voisines, dās les mammelles, quand l'enfant qui est debile en tire peu pour sa nourriture; & ceste opinion est de Galien: ou de la corruption des ligamens, qui tiennent l'enfant attaché à la matrice, qui est cause que la chaleur naturelle monte aux mammelles, où elle cuit beaucoup de lait, d'où vient qu'il s'enfuit apres, selon l'advis de Cardan; lequel me semble trop foible, pour luy estre assez de suiet de declamer contre Galien. Mais passons; ce n'est point icy le lieu de vuider ce different. Le party de Galien est plus fauorable, à raison que le sang abonde principalement, quand l'enfant estant debile dans la matrice, en attire peu pour sa nourriture. L'abondance de sang donc, qui est vn effet & vn signe de la debilité de l'enfant, est la cause materielle de l'abondance du lait, & la chaleur naturelle la cause efficiente. Aussi ne peut-on pas douter, que Galien n'ayt entendu, que la chaleur naturelle est portée avec le sang, pour ayder à la chaleur naturelle des mammelles. Mais on ne trouuera point d'interpretes d'Hippocrate, qui

ayent eu opinion que le laiët, lors que l'enfant est sain & fort, durant la grossesse, soit porté des māmelles à la matrice pour sa nourriture; & lors qu'il est débile au cōtraire, de la matrice aux māmelles. Combien qu'il n'y ayt eu iamais opinion si extrauagante, qui n'ayt trouué des esprits qu'il l'ayent fomentée; ceste cy neantmoins a passé tellement les bornes de la croyance commune, qu'elle n'a peu trouuer encore quel l'Authéur de l'Examen, qui ayt osé entreprendre de la proteger.

L'opinion d'Hippocrate donc est, que l'enfant prent sa nourriture dans la matrice, par le nombril, & que le laiët n'est point son aliment, mais la plus pure & la plus douce partie du sang de la mere. <sup>1</sup> Il diët bien qu'il attire aussi vne petite portion du laiët, ἀμα δὲ ἓ ὑπὸ τοῦ γάλακτος ἐπαυρίσκεται ὀλίγον, & l'Authéur de l'Examen deuoit se seruir de ce tesmoignage plustost que de l'autre, qui est inutile à son propos. Toutefois

1.  
τὸ αἷμα-  
τος τὸ ακ-  
ριφνὲς  
καὶ τὸ γλυ-  
κύτατον.

lib. de nat.

pu. 38. 22.

lib. 1. de

morb. mul.

241. 37. 253

23.

ibid. 38. 23.

Hippocrate veut dire en ce lieu là, que l'enfant sur les derniers mois de la grossesse; mais encore vn peu esloigné pour-tant du terme de l'accouchement, attire

quelque petite portió du laiët des mammelles pour sa nourriture, laquelle doit estre grande alors, parce qu'il croist fort, & neantmoins ne presse pas tant encore les venes de la matrice, qu'il se ferme toutes les voyes de sa nourriture. Pour estre nourry plainement, il est besoin d'une grãde attractiõ, & de beaucoup de sang: de sorte que, cõme quand l'enfant est debile le sang monte de la matrice aux mammelles; de mesme lors qu'il est vigoureux & fort, il en peut descendre vn peu des mammelles à la matrice, pour sa nourriture: & à raison qu'il attire puissamment alors, vne partie du laiët des mammelles se coule aussi avec le sang, lequel reprent la nature du sang, comme de sang il estoit devenu laiët auparavant. Non qu'il faille croire, qu'il y ayt de la violence en ceste attraction de la nourriture de l'enfant: car au contraire, tant que la femme demeure grosse, le sang y est porté lentement, peu à peu, sans peine, par les jours, en rond & par attraction seulement, ἡσυχῇ, κατ'ὀλίγον, ἀνευ πόνου, καὶ ἡμέραν, κυκλῶσε, καὶ ἐλξιν. Quand ellen'est point grosse, il y est poussé de force avec emotion abon-

damment vne fois chaque mois, & tout à coup. κατ' ὅσιν, (ᾧ παραχῇ, βύζην, καὶ μίῳα ἔχον, ὡς ἀπᾶς ἐ' ἀλεᾶ. Ce sont les termes dont vse Hippocrate, pour exprimer la diuersité de ces mouuemēs. Mais ie tiens que l'attraction de l'enfant est plus forte sur les derniers mois, que quand il est encore debile, au commencement de la grossesse. S'il est arriué à quelques femmes que grande quantité de laiēt se soit euacuée avec leurs purgations, apres l'accouchement; la cause de cela a esté que le laiēt poussé violemment, ou porté en suite dans les venes, ne s'est point meslé avec le sang, pour auoir trouué les venes presque vuides apres vn tel desbordement.

Pour faire fin, il y a vn grand rapport entre le laiēt & le sang: car comme le sang & non le laiēt est la nourriture de l'enfant dans la matrice: de mesme le laiēt & non le sang est l'aliment dont il est nourry, apres qu'il est né. C'est vn des effects de la preuoyance de la nature, qui a ainsi blanchy le laiēt, de peur d'accoustumer les enfans au sang, & de les nourrir à la cruauté. C'est comme vn fard, *veluti naturæ fucus, ne infantes ut ferarum*

ferarum catuli, cadibus & sanguine nutritantur. Tout ainsi que le sang qui est porté à la matrice, pour l'aliment de l'enfant, est la meilleure & la plus pure partie de toute la masse: le lait aussi est vn suc le plus gras & le plus doux tiré de toute la masse du sang, <sup>1.</sup> τὸ γλυκύτατον τῷ αἵματι & τὸ πιότατον. Pour ceste occasion Galien dit fort bien, que le lait & le sang menstruel sont comme freres, <sup>2.</sup> τὰ γάλακτα τῆς ὀπιμεινίων ἀδελφά. Et ceste affinité a peu estre cause de ce que l'Autheur s'est trompé en son discours, de la nourriture des enfans dans la matrice. Mais il doit estre accusé, ou de negligence; pour n'auoir pas consulté les bons Autheurs: ou de vanité, pour auoir preferé son opinion à leur doctrine.

<sup>1.</sup>  
Lib. 2. de  
morb. mul.

<sup>2.</sup>  
Cap. 8. lib.  
14. de usu  
part.

Pour concevoir vn fils, en quel temps  
doit estre faicte la copulation.

## CHAP. XLIV.



OV R engendrer vn en-  
fant malle, dit-il, il faut  
que la copulation soit six  
ou sept iours avant que la  
femme ayt ses fleurs, 1 seys

1.

Exam. ch.

15. art. 3.

Esp. 113. a.

fe. 186. a.

o siete dias, antes que a la muger le ven-  
ga la regla; où il se monstre inconstant  
en ses paroles, veu que, peu de pages  
auparavant, il auoit dit, quatre ou cinq  
jours seulement, 2 quatro o cinquos dias.

2.

16 pag. 309

a. Esp. fr.

182. a.

L'interprete qui s'est 'douté du mes-  
conte, a mieux aymé dire cinq ou six  
jours. Toutefois il n'importe point;  
car en quelque façon qu'il prenne son  
compte, il iuge mal des œuures de la  
nature; comme peu versé en la doctri-  
ne des plus celebres Medecins & Phi-  
losophes, qui ont traicté de ceste ma-  
tiere.

Quand Hippocrate discourt de la



nature des femmes, & de leurs maladies, il dit avec plus d'apparence de verité: que l'homme pour la conception, doit se coupler avec la femme, au commencement ou à la fin des purgations, ἡ ἀρχόντων ἢ ἀρχόντων τῆς ὀπιμύων, parce- que lors le sang vient plus lentement, en moindre quantité & d'une substance plus tenuë, qu'au milieu du temps. Et tant s'en faut, que ce diuin vieillard ayt esté d'aduis, comme nostre Examineur, de cinq ou six iours auparavant, qu'apres auoir proposé ces deux temps, il tient qu'il est encore plus à propos, pour coucevoir, que ceste action soit faicte, lors que les purgations cessent à la femme, & ne sont pas encore du tout arrestées, & disparuës, ἡ ἀφαιέων. La raison est, que le principe de la femme deuient plus ferme & plus solide, apres tāt d'humiditez euacuées, qu'il se mesle mieux avec le principe del'homme, que l'entrée de la matrice est alors plus ouuerte, & que les venes qui y aboutissent ont moins d'attraction, quand elles sont pleines de sang, ὅσκι ὁμοίως. La doctrine de l'Exa-

1.

Lib. de  
morb. mul.  
338. 36. 234  
30.

2.

De morbis  
mul. lib. 1.  
337. 1. 338.  
37. 239 25.

men donc est esloignée de celle d'Hippocrate, & ne croy pas qu'elle s'accorde mieux avec son plus fidele interprete. Quand la femme doit concevoir, dit Galien, les orifices des venes sont ouverts, qui aboutissent dans la matrice, & dont prouiennent les purgations chaque mois: car le vray temps pour cét affaire, est le commencement ou la fin des purgations. Elles s'ouurent bien, dit-il, en tout le reste du temps; mais lors la conception ne se procure point, à raison que la semence batuë, & lauée de trop de sang ne peut demeurer dans la matrice; ὅθεν ἡ γὰρ διύαται μένει ἐν τῇ μήτρᾳ, τὸ σπέρμα ἐκκλυζόμενον τῷ πλήθει τοῦ ὑπερρέοντος αἵματος: mais au commencement & à la fin, le sang ne tombe ny à coup, ny abondamment, de sorte qu'il rapporte mieux à vne rouée de sang, τῇ νοτίδι αἵματῆρα, qui se seroit formée de la vapeur du sang, & attachée contre les parois de la matrice. De sorte qu'il resout aussi, apres Hippocrate, que le temps le plus conuenable pour concevoir, est quand finissent les purgations. Ces deux grands Medecins donc manquent de party à l'Exa-

1.

*παυομένων**τῶν ἐπι-**μυώων ἢ**ἀρχομένων.**Lib. de dis-**sect. vulu.**Et lib 1. de**spem.*

2.

*Gal. ib lib.**de dissect.**vulu. 212.*

35.

men, lequel encore semble en estat de demeurer sans protecteur, si d'aventure Aristote, pour luy faire plaisir, ne vouloit vn peu relascher les courroyes de la raison. Toutefois il n'y a gueres d'apparence, que ce grand Philosophe, qui s'est tiré de l'opinion de Platon, en plusieurs poincts, pour embrasser le party de la verité, le voulist maintenant abandonner, pour prester la main à ceste chetive opinion de l'Examen.

Voicy ce que dit le Philosophe. La conception se faict naturellement aux femmes, apres la fin de leurs purgatiōs, *μετὰ τὴν ἀπαλλαγὴν*, parce qu'il faut que l'humeur de la femme y soit portée modérément. Et ailleurs. La femme ne conçoit point, dit il, quand elle n'a pas ses purgations, ny mesme quand elle les a, sinon apres la fin de l'euacuation, *μετὰ τὴν ἀποκᾶρσιν*, parce, dit-il apres, que la semence est noyée dans l'abondance du sang, *ὑπεκκλύζεται διὰ τὸ πλῆθος*: comme Galien apres luy, *ἐκκλύζομενον σπέρμα τῷ πλῆθει*. Apres Hippocrate l'un & l'autre. Plinc a suiuy ceste mesme route. Quel'on croit les conceptions se faire mieux quand les fem-

Cap. 2. lib.  
7. hister.  
anim.

mes sont au commencement ou à la fin de cét estat. *Incipiente hoc statu aut desinente, conceptus facillimi traduntur.* Puis que l'autorité de ces grands hommes est contre luy, il n'est gueres possible qu'il ayt la raison de son costé.

Auicenne discourt de cela vn peu autrement, & avec plus de façon. Il dit, <sup>2</sup> apres quelques-vns, que la generation d'un fils s'ensuit, quand la copulation est faicte depuis le premier iusques au cinquiesme iour d'apres la fin des purgations; depuis le cinquiesme iusques au huietiesme, vne fille: & en suite, iusques au douziesme ou peu apres, vn Hermaphrodite. C'est vne autre opinion extrauagante, laquelle neantmoins ne faict rien encore pour l'Examen, & partant comme ie le voy sans appuy, & d'autoritez & de raisons, voicy de plus ce que i'oppose pour le destruire.

Puis que l'enfant doit estre formé de semence & de sang, il n'y a donc point de raison à vouloir enseigner que la copulation, pour concevoir, doiue estre faicte six ou sept iours auant les purgations; auquel temps sont pleins & non ouuerts les orifices des venes de la ma-

<sup>1</sup>  
Cap. 16. lib.  
7. nat. hist.

<sup>2</sup>  
Post men-  
sum pro-  
fluuiū die  
primo ad  
quintum  
generatur  
masculus.  
&c. lib. 3.  
fin. 20. tr.  
1. cap. 12.

trice. Pour conceuoir la semence, il faut la receuoir & la retenir: pour la bien receuoir, il faut qu'elle soit attirée par les venes, & que la matrice soit ouuverte: pour la retenir, il est besoin que les parois de la matrice soyent humectées du sang des purgations: car comme ceux qui veulent enduire vne paroy, de plastre ou de ciment, la rendent inégale auparavant, & l'arrousent d'eau, afin que les matieres s'y attachent mieux; ainsi pour estre retenuë la semence dans la matrice, il faut que les parois soyent rendues humides, par l'arrousement du sang des purgations, & inégales par les aboutissemens des venes qui portent le sang dans la matrice. C'est ce que disoit Diocles ancien & tres sçauant Medecin, que pour alier deux corps ensemble, le rude conuient mieux que le poly, ὅτι πιδευτερόν ἐστι πρὸς σύμφορον τὸ τεχνικὸν τῶν λείων. Il appert donc, que nostre Examineur n'est nullement receuable, en ce qu'il traite des moyens de la generation.

*Apud Gal  
lib. de diff.  
Sulua.*

Et neantmoins pour luy trouuer quelque excuse, i'ay pensé mesme à remuer la question, si les purgatiōs des femmes,

grosses, ou nō se font par le col ou par la  
 capacité de la matrice: car si elles se font  
 par le col, cōme il y a de l'apparēce, veu  
 la distributiō des venes hypogastriques,  
 & que ceste opinion semble estre ap-  
 prouuée de <sup>1</sup> Fernel & de <sup>2</sup> Riolan. Il  
 semble raisonnable, que pour la gene-  
 ration, l'homme & la femme se cou-  
 plent quelques iours auant les purga-  
 tions, selon l'Examen; attendu que la  
 semence retenuë dās la matrice ne peut  
 pas estre elauée & batue de l'abondance  
 du sang, qui doit estre peu apres euacué,  
 puis que le passage n'est que par le col, &  
 nō par le lieu où doit estre faicte la con-  
 ception. le responds que ceste nouvelle  
 opinion n'est point generally veritable:  
 car combien que les venes hypo-  
 gastriques soyent plantées premiere-  
 ment au col de la matrice, elles ne lais-  
 sent pas de se terminer en sa substance, &  
 d'y ietter le sang comme dās vne épon-  
 ge, & de là estre porté en abondance  
 dans la matrice: de maniere que les pur-  
 gations ordinaires des femmes peuuent  
 auoir leur cours par ceste voye; si nous  
 en exceptons les filles & les fēmes gros-  
 ses, lesquelles se purgent plustost par le

1.  
 Cap. 17. lib.  
 6. Patholog

2.  
 Cap. 4. lib.  
 2. Anastro-  
 pograph.

col de la matrice : car quelques femmes ont leur regle aussi durant leur grossesse. Fernel n'est point d'autre avis, car il croit que le cours ordinaire est du dedans de la matrice : mais en la grossesse, & aux filles que cela se fait par les venes du col de la matrice : à raison que l'entrée y est lors estroitement fermée, & que les pores sont bouchés par la connexion de l'arrière faix. *Vteri acetabula secundarum adhesu obturantur.* Il est vray que Riolan dit mesmes auoir veu à certaines femmes fluer les purgations *per cervicalis venas, fundi capacitate nullo modo humectata.* Mais ie ne trouue gueres possible ceste experience, d'auoir reconnu hors la grossesse, que le sang fluë par le col, sans estre humecté le fond de ceste partie de la femme.

Parcāt ie reuiēs tousiours à ce point, que nostre Examineur ne cognoist riē à faire des enfans; ny ceux de l'esprit, attendu que son liure est mal formé & mal fait presque en toutes ses parties; ny ceux de la nature, veu qu'il en ignore les moyēs, & qu'il en dōne de mauvais preceptes. Dans ce mesme Chapitre, & par tout ailleurs, il commet tant de pe-

730 *Examen de l'Examen*  
tites fautes, que ie ne touche point,  
qu'il seroit besoin pour cela d'un autre  
volume.

---

*De la ressemblance des enfans aux  
parens. Des causes de ceste  
ressemblance.*

CHAP. XLV.

I.  
*Exam. fr.*  
192. b.



VAND il discourt, de  
la ressemblance indiuidua-  
le, des enfans aux parens, il  
rapporte le probleme d'A-  
ristote: pourquoy les au-

2.  
*Probl. 13.*  
*sect. 10.*

tres animaux font leurs petits sembla-  
bles à eux plustost que les hommes; &  
le blasme d'auoir attribué cela aux di-  
uerfes imaginations de l'homme, lors  
de la copulation, ὅτι ἡ πολλὰ ἄνθρωπος  
τίθεται πρὸς ψυχὴν καὶ πρὸς ὁμιλίαν. Pour  
impugner ceste opinion du Philoso-  
phe, il se sert de deux ou trois raisons,  
qui sembleront au lecteur, moins rai-  
sons que celles d'A-ristote,

*Premiere*

Il dit premierement que les plantes,



qui n'ont point d'imaginatiue, produi-  
sent des plantes semblables; & partant,  
que la ressemblance indiuiduale appar-  
tient à l'ame vegetatiue, & non à la len-  
fitiue, de laquelle depend la faculté d'i-  
maginer. De sorte qu'il ne croit rien  
de tout ce que l'on dit communement,  
des causes de la ressemblance des enfans  
à autre qu'à leurs parens; iusques à re-  
prouuer l'histoire de ceste femme, qui  
engendra vn More, pour auoir lors de la  
conformation de son enfant, regardé at-  
tentiuelement la figure d'un More en vn  
tableau. Il reiette mesme ce que nous  
lisons en l'Escripture des troupeaux de  
Iacob, parce, dit-il, que cela s'est fait  
par miracle. Il deuoit parler ainsi, quãd  
il a fait mention cy-deuant de la para-  
bole du mauuais riche. Il dit des mer-  
ueilles du pouuoir de l'imaginatiue,  
lors qu'il veut s'en seruir pour l'establis-  
sement de ses maximes; & icy où il s'a-  
git de quelque effect que l'on attribue à  
cette faculté, contre ce qu'il pretend, il  
aime mieux auoir recours aux miracles,  
que de luy accorder quelque vertu, au  
preiudice de son Examen.

Secondemēt, il dit que cela est faux, *II. Raisō.*

voire selon la doctrine du mesme Aristote, qui veut que la semence tienne lieu seulement de cause efficiente en la generation, & dispute contre luy en ceste maniere. Puis que le pere, dit il, ne fait autre deuoir en l'acte de la generation, que d'espandre la semence, qui n'a aucune forme ny figure, comme le Laboureur, qui sème le bled en terre, & que l'enfant n'est formé que trente ou quarante iours apres: comment sera t'il possible que l'imaginatiue du pere soit cause de la ressemblance du fils, veu que le pere est separé lors que l'enfant est formé dans la matrice.

*III. rais-  
son. pag  
193. 194* Il adiousté, que ce n'est point à l'ame  
ny du pere, ny de la mere, de donner la  
forme aux enfans; mais à vne troisieme,  
me, qui est en la semence, sçauoir à l'ame  
vegetatiue, laquelle n'est point capable  
d'imagination, mais seulement de suivre  
les mouuemens naturels du temperament:  
& partant dire que les enfans  
sont de telle forme ou figure, à cause de  
la diuerse imagination des parens, est  
autant que si quelqu'un vouloit soustenir,  
que de plusieurs bleds les vns sont  
grands, les autres petits, à raison que le

laboureur en les semant , auroit esté distrait en son esprit par diuerses imaginations.

Que les anciens interpretes d'Aristote, Grecs, Latins, & Arabes, seroyent estonnez maintenant, de voir la Philosophie de leur maistre ainsi mal traitée par vn Espagnol, qui seroit mort de honte après tant d'absurditez, n'estoit que la presumption ne rougit jamais. Je respondray donc pour eux, aydé de leur doctrine, combien que tout cela ne merite point de response.

Les plus celebres Autheurs, qui ont traité des causes de la ressemblance indiuiduale, se trouuent de differens aduis. Aristote<sup>1</sup> donne cela à certains mouuemens de la semence, quand l'enfant ressemble au pere ou à la mere, ou à quelqu'un des parens: mais s'il ressemble à vn autre, il croit quel'imaginatiue en est la cause. Empedocles<sup>2</sup> est de ce mesme aduis, que le rapport des enfans aux parens prouiēt de la victoire des semences: mais quand ils portent le trait d'autres que de leurs parens, que cela appartient à l'imaginatiue de la femme,

1.

*Cap. 3. lib. 4. de gener. animal.*

2.

*Leg. Pluarchus iap. 11. & 32. lib. 5. de plac. ph.*

τῇ τε τῶν συλληψὶν παρτοίσια τῆς Γυναι-

nos. Parce, dit-il, que plusieurs femmes ont eu des enfans semblables à des images dont elles auoyent esté amoureuses. Parmenides rapportoit ceste ressemblance au mouuement de la semence, selon qu'elle est portée de costé ou d'autre de la matrice, Au costé droit les enfans sont faicts semblables aux peres, &

<sup>1.</sup>  
*Apud Galenum lib. 2. de sem.* aux meres au contraire. Athenée, ne faisoit mention que de la matiere, d'où vient, dit-il, que tous enfans ressemblent

plustoit à leurs meres. Erasius donne le tout à la faculté formatrice, laquelle il dit, n'auoir point besoin d'exemplaire, ny mesme des peintures de l'imaginatiue, veu que plusieurs animaux mâquent du benefice de la veuë, qui neantmoins engendrent leurs petits semblables à eux. Fernel<sup>2</sup> a recours seulement à l'imaginatiue. Nostre Espagnol rapporte le tout à la nourriture & au temperamenr. Galien qui auoit fléré toutes ces opinions, & iugé qu'aucune d'icelles separément n'estoit soluable; pour respondre à toutes obiections, a proposé trois causes de ceste ressemblance indiuiduale; à sçauoir la force de la faculté, la victoire des semences, & le sang

<sup>2.</sup>  
*Cap. 12. lib. 7. physiol.*

de la mere: & neantmoins en son opinion, il semble encore qu'il y ayt du manquement, comme en tout le reste.

La victoire seule des semences ne suffit point, à raison que les filles n'auroient iamais aucun trait de leurs peres, ny les fils aucune marque de leurs meres: s'il est vray que les fils sont engendrez tels, à raison de la victoire demeurée à la semence des peres, & les filles, au contraire. S'ils disent que la victoire peut estre partagée, pour pouoir ressembler & au pere & à la mere, l'on opposera que tous enfans qui ressembleroyent aux deux parens, seroyent pareillement Hermaphrodites. L'imaginative de mesme, ne peut pas auoir l'autorité de gouverner seule ceste sorte de ressemblance, veu que plusieurs animaux qui n'ont point de veuë, comme dit Erasme, ne laissent pas d'engendrer leur semblable: mais de croire aussi avec Erasme, que la faculté conformatrice seule en soit la cause, il y a peu d'apparence, veu que les histoires font foy, de plusieurs enfans qui ont ressemblé à certaines images regardées d'affection par leurs meres, lors de la copulation,

ou de la formation des parties. Il y a peu de raison encore à vouloir accorder le tout à la matiere, attendu qu'il est question icy, non seulement de la cause materielle; mais aussi de l'efficiente: de sorte qu'Athenée ( comme nostre Examineur ) a esté trompé en son opinion; quand il donne tout à la nourriture: Tout ainsi qu'un ouvrier, de plusieurs matieres diuerses, peut faire un nombre de statnès, qui se ressembleront toutes, de figures, & de caractere: & au contraire d'une mesme matiere, plusieurs images diuerses & differentes: de mesme la faculté qui forme l'enfant; peut d'une mesme semence faire des enfans dissemblables, comme l'on voit de deux gemeaux l'un ressembler au pere, l'autre à la mere, & quelquefois ne leur rapporter aucunement ny l'un ny l'autre. L'on voit des enfans se ressembler, quoy qu'ils soyent de diuers parens, & de diuerses semences: comme l'on dit; qu'un homme de basse condition, anciennement à Rome, eut un fils qui ressembloit à Pompée, iusques à représenter la Majesté de son front, & la beauté de son visage. Galien encore est venu

manquer

*Exa. pag.*  
*194. 195 f.*  
*chap. 15.*  
*Esp. 330. a.*  
*b. 331. a.*

manquer en quelque chose; car combien que les trois causes qu'il rapporte, semblent pouuoir suffire, pour fermer les aduenues à toutes obiections, il s'y trouuera du defaut, pour n'y auoir pas compris l'imaginatiue.

Nous disons donc que la faculté qui forme l'enfant, est le principal agent en ceste ressemblance, & tousiours qu'elle a pour premier dessein, de rendre l'enfant semblable au pere ou à la mere, selon la victoire de leurs semences. Qu'elle peut aussi luy donner le traict & la figure de quelqu'un de ses ayeux, selon les mouuemens de ces deux principes enseignez par Aristote: cōme nous voyons l'aymant attirer plusieurs petites pailles de fer qui se touchent, iusques à vn certain nombre: & tout cela est de la vertu interieure de la faculté, quand elle suit les marques actuelles ou potentielles des semences. Mais quand l'enfant, au lieu de ressembler à aucun de ses parens, porte le traict de quelque autre, avec lequel il n'est lié d'aucune affinité, cela se fait bien encore par la vertu de la mesme faculté, mais pour s'estre perdu quelque chose de sa force, ou exhalée

quelque partie de la chaleur de la semence, comme disoit Empedocles, τῆς ἐν τῷ σπέρματι θερμασίας ἐξατμοθείσης, elle est portée à donner vne autre figure, laquelle ou fortuitement ressemblera à quelqu'un, τυχαῶς ἢ αὐτομάτως, ou avec cause, comme quand l'imaginatiue, qui est vne faculté superieure, luy suppose vn autre lineament particulier, que celuy qu'elle portoit naturellement.

Les matieres, à sçauoir le sang & la semence, selon qu'elles sont diuerfes, peuuent bien apporter quelque varieté au mouuement de la faculté formatrice, & selon qu'elles luy resistēt ou obeyssent: d'où s'ensuit que les enfans ressemblent ou ne ressemblent pas: mais cela ne suffit point, attendu que la faculté estant forte, peut leuer tous les empeschemens de la matiere. Vn Statuaire, qui aura la main foible, & de mauuais outils, aura plus de peine à grauer, & bien représenter en marbre la figure, qu'il aura conceuë en son esprit, qu'en vne autre matiere plus traictable: mais s'il a la main forte & sçauante; de bons outils, & le traict bien conceu en son



esprit ; il le representera également en l'une & en l'autre matiere. De mesme, si la faculté est debile, la matiere & les autres causes externes peuuent luy rompre son coup, & luy faire changer de dessein.

Cela se voit aux plantes, lesquelles pour n'estre gouuernées que par l'ame vegetatiue, sont entre elles pour ce regard, grandement differentes ; à raison de la diuersité des nourritures. Nous ne voyons point que deux arbres d'une mesme espeece, ayent vn pareil nombre de branches, de fueilles, de fruiets, de racines ; vne mesme grosseur de tronc, vne mesme hauteur, vne mesme figure. Ny mesmes les herbes venuës de graine d'une mesme plante, en cela ne sont pas semblables : pour monstrier combien l'opinion de Cardan est ridicule, qui dit que tous arbres d'une mesme espeece, ont vn pareil nombre de feüilles. La cause donc de ceste grande difference, est que la faculté debile des plantes, au lieu de cōduire les matieres & les nourritures, est tellement conduite & gouuernée par elles, qu'il ne luy reste du pouuoir presque, que pour la ressem-

blance selon l'espece. La terre, qui est la matrice des plantes, l'air, les vents, le chaud, le froid & autres qualitez, diuersifient aisémēt leurs formes exterieures. Mais aux animaux, pour autres considerations, cela va d'une autre maniere.

*Responce  
à la pre-  
miere rai-  
son.*

Pour responce donc à la premiere raison de l'Examen, j'accorde que les plantes n'ont point d'imaginatiue, & qu'elles monstrent neantmoins de la difference, en ce qui est de la ressemblance particuliere; mais qu'il ne faut pas, pour ceste seule consideration, conclure que l'imaginatiue ayt tousiours la main close, quand il s'agit de ceste mesme ressemblance aux animaux. Il n'est pas croyable, que toutes les generations des animaux soyent sous la cōduite seule de l'ame vegetatiue, comme pretend nous persuader l'Autheur de l'Examen. L'on dit biē que la faculté d'engendrer est vne des seruantes de l'ame vegetatiue; mais cela doit estre entendu, qu'en toutes generations de corps animez, il faut au moins que l'ame vegetatiue soit presente comme aux Plantes: mais que l'ame vegetatiue seule puisse produire vn animal, il est impossible. La genera-

tion est vne mutation qui se fait d'un terme à l'autre; à sçauoir du terme à quo, qui est la priuation, au terme ad quem, qui est la forme. Or puisque la generation communique avec ces deux termes, elle participe aucunement de l'un & de l'autre: si donc ce qui engendre a ame sensitiue, pour exemple vn Cheual, il faut que sa semence ayt vne faculté communiquée & donnée par l'ame sensitiue du Cheual, afin de preparer les matieres, & les disposer à receuoir l'ame sensitiue, comme celle du pere, sous laquelle est contenuë l'ame vegetatiue, *sicuti trigonum in tetragono*. Il est besoin que l'ame sensitiue preside en ceste action.

Pour le regard des matieres, la faculté vegetatiue peut bien les preparer, les cuire, les digerer, comme seruante de la sensitiue; mais qu'elle donne ce qui est requis, pour l'introduction de l'ame du Cheual, il est impossible. C'est ce que dit diuinement Aristote; comme il se montre admirable en ce qu'il enseigne, que l'œuff fait par la Poulle, sans auoir esté faillie du Coq, *ὡς οὐ πτωμένον*, est inepte à la generation du Poulet, par-  
 1.  
 Cap. 3. lib.

2. de gener.  
animal.

ce qu'il n'a pas le principe qui fait le Poulet, *τὸ ἀρχὴν οὐ ἔχει*. Il a bien quelque chose de la vegetatiue, mais non ce qui est requis pour estre fait vn animal, à sçauoir la partie sensitiue de l'ame, *ὥν ὅτι καὶ τὸ μόριον τῆς ψυχῆς τοῦ αἰσθητικόν*. Puis que les parties des animaux different des parties des plantes; il est besoin de la faculté sensitiue portée par la semence du malle. *Virtus canem generans*, dit Scaliger, *non ea est quæ alit, sed quæ sentit*.

1.  
Exerc. 290.  
2. in Card.

Puis que la generation de l'homme est vne mutation, qui tend à l'introduction de l'ame raisonnable; il faut que l'ame raisonnable donne à la semence vne certaine vertu, qui leue tous les empeschemens de la matiere, & la rende capable de receuoir ceste forme immaterielle. Il n'est pas possible, que la faculté sensitiue ayt assez de vertu, pour rendre la semence de l'homme en estat de receuoir l'ame raisonnable; veu que ce qui est plus grand ne peut pas estre compris dans ce qui est plus petit, comme le quadrangle dans le triangle. *Qui potest maius, potest minus, non contrā*.

Le Cheual, dit-il, engendre sans l'a-

me raisonnable, il est vray, & la laictuë, sans l'ame sensitiue: mais le Cheual n'engendre pas sans la sensitiue, ny l'homme sans l'ame raisonnable, laquelle avec le Ciel contribuë la vertu qui est necessaire pour la reception de l'ame du fils, lors de la conformation des parties accomplie. Il est certain, que les facultez de la sensitiue, y sont aussi entiere-ment necessaires, comme il appert en ce que nature enuoye des nerfs de la sixiesme coniugaison aux testicules pour la generation, selon l'observation de Vesale. Or en l'ame sensitiue, l'imaginatiue est comme vne Royne: il y a donc grand suiet de croire que ceste faculté peut beaucoup, pour ce qui regarde la ressemblance indiuiduale.

La seconde raison qu'il allegue contre Aristote, a moins de force encore que la premiere: car puis qu'il s'agit d'une faculté qui imprime, il suffit que la figure qui doit estre donnée à l'enfant soit portée par les esprits de la semence du pere, lesquels demeurent dans la matrice, & peuuent garder ceste figure, tant qu'elle soit imprimée lors de la conformation, quand bien le corps de

*Response  
à la seconde  
raison.*

la semence seroit dissipé, & n'entreroit point cōme matiere en la composition del'enfant, selon Aristote. Le pere est absent lors de la conformation, il est vray; aussi n'est-il pas besoin qu'il soit present, puis que l'esprit de la semence est vn substitut, qui agit comme Procureur en l'absence du maistre. Puis que le pere est absent, dit-il, son imaginatiue n'y peut plus rien. Auicenne ne luy accorderoit pas ce point là, qui tient que l'imaginatiue a tant de vertu, qu'elle peut en dehors produire des effects insensiblement, par le pouuoir qu'elle a sur la nature, & par l'obeyssance des matieres.

Le pere & la mere peuvent estre causes de la ressemblance indiuiduale, par la vertu de leurs principes, ou par la force de leurs imaginatiues, mais diuersement; car le pere n'y peut rien contribuer, sinon lors de la copulation: la mere, & lors de la copulation, & lors de la conformation des parties. Quelquefois mesme l'imaginatiue du pere & de la mere en la copulation ne laissent pas d'imprimer certaines marques, qui demeurent aux enfans; quoy que d'ailleurs ils ressemblent au pere ou à la me-

re, selon la victoire de leurs principes. Mais l'imaginatiue de la mere ne pert rié de son pouuoir apres la copulation, comme quand elle s' imagine quelque chose avec violence, sur le refus de ce qu'elle desire avec passion : car l'imaginatiue alors a la force de supposer à la faculté l'image de la chose désirée, laquelle apres demeure imprimée en l'enfant. Pour preuue de cela nous auons tant d'exemples, & tant d'observations d'habiles hommes, que ce seroit manquer de iugement, que de s'opposer à la croyance commune. C'est vne folie d'attribuer à miracle, les effects ordinaires de la nature.

Vne tres-noble & tres-vertueuse Dame, lors de sa grossesse estant demeurée malade ( & pour ce suiet, hors de pouuoir d'assister en vn banquet, que faisoit son mary à plusieurs Gentils-hommes de ses amys ) commanda quel'on ne sernist point vne Lamproye, qu'elle scauoit auoir esté apprestée pour le festin : mais qu'elle luy fust apportée, parce qu'elle auoit vn extreme desir d'en manger. Le Baron son mary la pria qu'elle fust seruie seulement sur table, à raison

qu'il faisoit estat de ce plat , comme de la viande pour lors la plus exquise de toutes, & la plus curieusement assaisonnée; & qu'il la luy renuoyeroit incontinent apres. Elle fut seruie donc & mangée sur la table , le mary ne s'estant pas souuenu de sa promesse. De maniere que la malade , apres auoir long temps attendu avec apprehension , & grande peine en son esprit , fut frustrée de ce qu'elle desiroit. Apres quelque temps elle accoucha d'une fille, qui est demeurée marquée d'une oreille de Lāproye. Elle m'a esté monstrée , & suis tesmoin de cela, pour en auoir appris l'histoire de la mere mesme.

L'on rapporte l'exemple d'une autre femme grosse , laquelle pour s'estre regardée en vn miroir , fendu en long par le milieu; qui luy representoit le visage mi-party , eut vn enfant au bout du temps marqué d'une ligne qui luy separoit toute la face en deux égales parties. A quoy pourroit estre rapporté cela , sinon à la force de l'imaginatiue , dont se sert la faculté conformatrice , comme d'un cachet ?

Pour mesme raison, Python ancien-



nement, le dernier des fondateurs de la ville de Thebes, portoit naturellement en vne partie de son corps, la figure d'vn nelance: Epaminondas, d'vn serpent: Antiochus, d'vne Anchre: & de ces derniers temps, Scanderbeg, d'vne espée.

Ce que dit Olaus Magnus, est digne d'estre noté; que les femmes vers le Septentrion, sont suiettes à auoir des enfans qui ont la levre fenduë, comme les Lièvres; quand estant grosses elles mangent de la chair de Lièvre, ou vn Lièvre en courant leur a passé sous la robe. L'Autheur de l'Examen attribueroit cela à la nourriture, mais sans raison: car pourquoy la mere ayât mangé d'vn Coq, ou d'vne Poule, son enfant ne naistroit-il aussi marqué sur le front d'vne creste de Coq ou de Poule? sur l'opinion commune que les Lièvres ont ceste propriété de marquer ainsi les enfãs, l'imaginatiue des meres interuient quelquesfois, qui donne la marque, de laquelle la nourriture ne peut pas estre la cause, quand la mere a passé seulement par dessus le Lièvre. Mais que diroit l'Examen de cét enfant; qui naquit avec vne dent d'or? Si l'imaginatiue peut

bien changer les matieres, n'est-il pas sans raison quand il veut contester son pouuoir, pour ce qui est de l'impression des marques & du changement des qualitez seulement? Ils'abuse donc, quand ainsi denué de raisons, & armé à la legere, il veut combattre Aristote, qui est à bon droit estimé le genie de la nature.

*Respose à  
la 3. raison.*

Sa troisieme raison n'est pas seulement impertinente, mais ridicule: car si ce qu'il dit auoit lieu, la semence seroit animée, qui est vne opinion fausse, comme ailleurs i'en ay faiët vne ample demonstration. Dauantage quand elle seroit animée d'ame vegetatiue, par quel moyen ceste ame qui est du tout sans cognoissance, παντοίπαισιν ἀλογος, dit Galien, pourroit elle estre cause, qu'un enfant vint au mōde, avec le trait & la figure de quelque autre de ses parens? pourroit-il trouuer à force d'esprit, qu'un enfant né avec la lèvre fendue eust quelque proportion avec la nourriture de ses parens, qui, peut estre, n'auront point mangé de chair de Lièvre, ny deuant, ny durant tout le temps de la grossesse.

Il faut de necessité qu'il y ayt quel.

que vertu donnée à la semence par l'ame du pere & de la mere, qui soit cause de ceste ressemblance particuliere; ou qu'il y ayt de l'entremise de l'imaginatiue, qui aura eu la force de supposer vne autre figure, que celle dont naturellement estoit porteur le principe de la semence. La comparaison qu'il faict du pere avec le Laboureur, est sans jugement: attendu que le Laboureur iette en terre la semence de la plante, & ne sert que de cause instrumentaire: où le pere lors de la copulatiō iette dans le champ de la mere sa semence propre faicte de sang & d'esprits, & à laquelle l'ame a donné la faculté, comme i'ay dit naguères, de former l'enfant en son absence, tout ainsi que la pierre iettée en haut continuë son mouuement, encore qu'elle soit separée du bras & de la main, qui luy ont donné le mouuement.

Quand deux enfans gmeaux auroyent esté engendrez de parens nourris seulement de fourmage, par l'espace de vingt ans, comme Zoroaste; ou de lait, comme les Scythes, en Hippocrate: cela n'empescheroit pas, qu'ils ne peussent estre differēts entre eux, & nul-

I.

*Zoroastes  
in desertis  
casco vixit  
annos vi.*

ii. Plin.

lement semblables aux parens ; parce que la faculté qui faict ressembler, vient principalement de l'ame, laquelle n'est point sujette à nourriture, & que la nourriture n'est qu'une cause matérielle.

Les Scythes, dit-il, selon Hippocrate, ont tous mesmes mœurs, & formes de visage ; à raison qu'ils vsent tous de mesme nourriture, boient mesmes eaux, & sont vestus de mesme maniere. Il se sert peu fidelemēt & mal à propos des paroles d'Hippocrate ; comme ie feray voir par le texte traduit & rapporté icy sans desguisement. Les mutations des saisons, dit-il, n'y sont ny grandes, ny fortes, mais à peu prés égales, pourquoy ils se ressemblent d'habitudes, & de constitution de corps ; διότι ἃ τὰ εἰδηα ὁμοία αὐτὰ ἐαυτοῖς εἰσιν. Le mot εἰδηα en ce lieu là, mal interpreté, formes, & visages, ne signifie autre chose, que constitutions & habitudes des corps, qui sont semblables, à raison de l'égalité des saisons. Hippocrate dit en suite, qu'ils vsent aussi de mesmes nourritures, qu'ils se couurent de mesmes vestemens, qu'ils ne font point d'exercice,

i.  
Lib. de ac-  
re, aq. &  
loc.

pourquoy ils sont gras & gros d'habitude & de constitution de corps, τὸ εἶδός αὐτῶν παχέα ἔστι καὶ σαρκώδεια. L'Autheur donc peche doublement, à sçauoir quand il traduit & entend mal les paroles d'Hippocrate; puis quād il veut persuader que ce diuin vieillard ne parle en ce lieu-là que de la nourriture, & du vestement, sans faire mention de l'égalité des saisons & de l'air, à laquelle neantmoins il attribue la principale cause de tout cela.

Il est certain que l'air & les vents, ont vn grand pouuoir au faict de la generation, veu que l'air que nous respirons, est porté au cœur, pour l'entretien des esprits de la vie, plus vtils que le sang, pour la production de la semence, & pour la generation; pourquoy Anaxagoras disoit fort bien que l'air donne les semēces, & tient on pour vray, que nous ne sommes pas moins nourris d'air, que de viandes; *nos aere inspirato non minus nutriri quàm cibo*. Pour les vents, il est certain aussi, que selon leurs mouuemens, ils peuuent faciliter les conceptions, & causer la sterilité aux femmes. Proclus<sup>1</sup> disoit que durant le vent

du Septentrion, se fai& la conception des masles, comme des femelles, lors du vent de Midy. *Flante Borea conceptiones fieri*, ἀρρενώγονες, *Flante verò Austro*, θηλιζόνες. Nostre Autheur donc est en tort de s'estre seruy de l'autorité d'Hippocrate contre son intention, & pour donner cours à son Examen, d'auoir voulu faire porter au mensonge les couleurs & les liurées de la verité. Il declame contre Aristote, qu'il ne cognoist point, & se messe de publier vne doctrine qu'il ne sçait point. Il merite donc d'estre blasmé, selon ceste sentencedonnée de long temps. *Quod nescias damnare; summa est temeritas.*

S'il est vray que les enfans des hommes illustres, degenerent quasi tousiours du bon esprit ; Et des vertus de leurs parens.

CHAP. XLVI.



EST vne plainte comme ordinaire entre le commun peuple; que les enfans des hommes celebres degenerent presque tous, & sont plus portez à estre heritiers de la fortune, que du bon esprit & de la vertu. Auguste grãd Empereur des Romains, appelloit sa fille, sa niepce & son nepueu Agrippa, ses trois chancres. Dans la grandeur de son Empire il ne trouuoit rien qui luy rongeast l'esprit, & fust capable de l'affliger, outre ces trois pestes. Il souhaittoit de n'auoir eu iamais aucuns enfans, & declaroit cela par vn carme d'Homere approprié à sa personne. Αἴθ' ὀφελον ἀγαμὸς τ' ἔμμεναι ἀγρόος τ' ἀπολέας. *Natis vitinam caruissim.* Nous auons sur ce mesme suiet, les

exemples des deux fils d'Aristarque, du fils de Cicéron, de Ctesippus, qui fut surnommé mangeur de pierres par Aristophane, pour auoir vendu piece à piece le sepulchre de son pere Chabrias, grand Capitaine des Atheniens. Commodus le plus meschant de tous les Princes Romains, fut fils de Marcus Antoninus, Empereur grandement recommandé pour ses vertus. Bassianus homme perdu & abandonné à toutes sortes de vices, eut pour pere Seucrus Septimius Empereur de grand nom, dans l'histoire Romaine. De ce temps nous auons vn si grand nombre d'enfans mal nez & de peu d'esprit, sortis neantmoins de parens illustres, que l'herbe de Democrite, qui auoit la vertu de les rendre beaux & de bon entendement, seroit de saison en ce miserable siecle.

L'Examen, pour rendre raison de cela, dit que les enfans des hommes sages, sont formez seulement de la semence de leurs meres; & que la semence des peres ne sert alors que d'aliment; & l'enfant, qui est, dit-il, ainsi formé, ne peut estre ingenieux ny habile. C'est vne Philosophie qui ne vaut rien, comme i'ay



faict voir ailleurs; pourquoy, au lieu de la refuter, de peur que le lecteur ne s'en aille les mains vuides, ie traicteray ce suiet d'une autre maniere.

Ie croy que ceste opinion qui a cours il y a long temps, n'a point tât de credit, & n'est point renue si certaine entre les hommes de jugemēt, cōme nous la voyōs bien receuë du commun peuple. Nous auons plusieurs exemples de personnes notables, qui ont engendré des enfans ou de mauuaise vie, ou de mauuais esprit, ie l'aduouë. Mais aussi pour contre-poids, combien auons nous d'hommes celebres, sortis de parēs illustres, qui peuvent destruire l'affirmatiue trop generale de ceste proposition de l'Examen?

Alexandre le grand fut fils de Philippe, grāds Roys & l'un & l'autre. Cimon fils de Miltiades a succedé comme heritier legitime aux vertus de son pere. Aristote fils de Nicomachus Medecin & Philosophe, n'a pas eu l'honneur seulement d'auoir esté plus habile que son pere, mais aussi le plus sçauant & le plus renommé Philosophe qui a iamais esté. Hippocrate descendu de Medecins tres

salus, Medecin admiré par Galien entre les sectateurs d'Hippocrate. Et Galien qui a esté l'autre œil de la Medecine, estoit fils d'un pere sage & sçauant, comme nous en auons le tesmoignage de luy-mesme. Je confirmerois cela par infinis exemples de nostre temps, si la biē-seance me le permettoit & cela se pouuoit sans enuie & sans jalousie. Nous voyons aujourd'huy en nostre Frâce un si grand nombre d'hommes admirables, en toutes sortes de professions, qui ont herité de la vertu & de la science de leurs peres, que l'Authéur de l'Examen sera iugé auoir mal fait, d'auoir proposé ceste question, comme si elle estoit veritable generallyment. L'exēple tout seul de nostre grand Roy LOVYS LE IUSTE, Fils de HENRY LE GRAND, est suffisant de renuerfer ceste Philosophie d'Espagne, comme il a reduit sous le joug toute la rebellion huguenote de la France.

Ce qui a donné suiet d'adiouster foy à ceste traditiue du peuple a esté que l'on iettel œil pluſtoſt ſur les grands, & ſur leurs familles, & que l'on conſidere de plus près leurs comportements, que

- I.  
Li. de cur.  
inimis  
morbis.

du commun. Combien que les enfans de basse condition soyent plus souuens mal nez, mal instruits, & de mauuais esprit, au lieu de remarquer cela, l'on en neglige la memoire, pour n'estre pas vne affaire de si grande consequence. Mais lors qu'un enfant de maison, de marque, & d'honorable famille, trompe l'esperance que l'on auoit, qu'il succederoit à l'honneur & à la gloire de ses parens, c'est vne tache notable, qui demeure quelquefois pour exemple à la posterité. Plus les hommes sont illustres & de grande extraction, plus leurs fautes sont illustres aussi, & exposées à la censure de tout le monde. Et telles disgraces d'enfans sont autāt de ruine dans les esprits des peres: Pourquoi Homere disoit, que les enfans qui degenerent sont le tourment des ames heroïques, *Ἡρώων πῆμα τὸ τέκνον.*

Mais supposé qu'il soit vray, que les enfans des hommes sages soyent pour la plus part, stupides, deuons nous en rapporter la cause à la semence de la mere: nullement. Car si l'enfant est fait de la semence de la mere seulement, & la semence du pere, comme il dit, ne luy

sert que de nourriture; au lieu d'un fils elle feroit vne fille, à raison de la victoire de sa semence, & selon la doctrine, ceste fille seroit sage comme le pere, & semblable au pere, veu ce qu'il a dit cy-deuant, se seruant du texte d'Hippocrate, que la ressemblance de mœurs & de visage, το εἶδος, depend de la nourriture. Le pere pour estre sage, doit se nour-

*Exam. fr.* rir de viandes propres. Or si de ceste  
*pag. 194. b.* nourriture sa semence est faicte, & elle sert encore de nourriture à la semence de la mere, il n'y a point de raison, selon la suite de ses maximes, à soustenir que les enfans en ce cas, ne soyent point sages comme leurs peres.

Ce qui a trompé l'Autheur de l'Examen, a esté, qu'il s'est empesché l'esprit à vouloir rendre raison de tout par la nourriture, plustost que de chercher ce qui en est, dans la verité des autres principes; de peur de manquer à son dessein, qui est de rapporter tout au temperament.

Sur ce suiet il y a plusieurs poincts à considerer; à sçauoir la mauuaise instruction, la conuersation & la debilité du pere, tant à raison de sa vieillesse, car la

prudence ne se montre gueres qu'en cét âge là ; que pource qu'il est trop employé au gouuernement de la Republique, & autres affaires du monde ; ou trop addonné à l'estude, où l'on se porte quelquefois avec tel excez, que la force, les esprits & la chaleur de tout le corps montent au cerueau pour ce suiet, qui deuroyent d'une bonne partie descendre plus bas, pour satisfaire au deuoir de la generation. Quand il s'agit d'auoir lignée, & l'on desire des enfans de bonne constitution, il est plus à propos de feüiller les cahiers de la nature, que remuer si souuent les registres du Palais, ou courtiser les liures d'une Bibliothéque. D'ailleurs, si vne femme permet qu'un fauory luy face vn enfant pour en faire vn present à son mary, est-il raisonnable, s'il manque d'esprit, d'en rapporter la faute au mary, plustost qu'à l'adultere ?

Il me semble que les hommes lourds & stupides, & les hommes sages peuvent également engendrer des enfans stupides ou habiles : mais que l'opinion tire plus d'un costé ; d'autant que si vn ignorant engendre vn habile homme :

& vn homme ſçauant, vn enfant lourd & de dureſprit, cela eſt noté, comme digne d'eſtre publié. Ou au contraire, ſi vn homme cōmun, a vn enfant buzard comme luy, & vn habile homme vn fils heritier de ſon habileté, l'on conſidere cela ſimplement, parce que l'vn & l'autre ſemblēt eſtre du deuoir de la nature.

L'Autheur donc eſt en tort, d'auoir pour quelques exemples particuliers, tiré quaſi tout le general en conſequence, & enſigné que les enfans en mariage, ſont touſiours faiçts de la ſemence de la mere ſeulement, & que la ſemence du pere ne ſert que de nourriture: car en cela il commet vne faute la plus eſloignée de raiſon, & faiçt monſtre d'vne ignorance la plus ridicule, qui puiſſe eſtre miſe en auant, non ſeulement dans ſon pays de ſapience: mais dans toute la Republique des lettres. Il deuoit faire mieux, ou ne dire pas ſi hardiment, que l'Eſpagne eſt le climat des bons eſprits.

Des Bastards. Pourquoi ils sont  
gentils & de bon esprit.

Des Eunuques.

CHAP. XLVII.



L demande, pourquoy les  
Bastards coustumieremēt  
ressemblent à leurs peres,  
sont gentils de leurs per-  
sonnes, courageux & bien

*Exam. fr.*  
200. b 201.

aduisez. Il respond, mais froidement,  
& dit que la chaleur de la semence en est  
la cause, laquelle est plus cuite que celle  
des parens mariez. Exerçons nous avec  
luy sur ceste Philosophie.

Il est certain que les Bastards ont pour  
la plus part l'esprit brillant & esueillé;  
& la cause de cela peut estre la ferueur  
que leurs parens ont apporté au metier,  
lors de la copulation. En telles affaires  
la iouyssance est comme vn rapt, & les  
enfans qui en sont produicts, sont aussi  
comme larcins faits non à la nature,  
comme dit quelqu'un, car toutes telles

copulations sont naturelles, mais aux loix & à la religion. Or tout ainsi que ceux qui commettent quelque larcin, ont volontiers les esprits émeus de crainte d'estre surprins, pressent & cachent ce qu'ils tiennent : De mesmes ceux qui desirent iouyr d'une amour derobée, conduisent leur entreprise avec tant d'industrie, prennent tant de plaisir aux approches, apportent tant de ferueur à la iouissance, tant de chaleur & d'emotion d'esprits, que les enfans qui sont engendrés apres le feu d'une telle action, doiuent auoir, ce semble, quelque viuacité d'esprit extraordinaire. Il faut tant d'inuention en ces larcins d'amour, tant de ruses, de subtilités, de détours, que les enfans en demeurent plus ingenieux ; comme s'il degouttoit sur eux, quelque partie des bonstours & du bon esprit de leurs parens.

Tels ont esté autresfois Remus & Romulus, Ismael Ramiers Roy d'Arragon, Guillaume Duc de Normandie, Iason, le maistre des Sentences, Petrus Lombardus : De ces derniers temps Jacques Faber, Calcagnius, Erasme, &c



autres notables personnages. Et pour ceste mesme raison les femmes engroffies par ce moyen sont moins sujettes aux descharges; car comme elles ont la volonté de cacher ce qu'elles ont dérobé; les esprits, les humeurs & la chaleur se ferment & se pressent, autour de la chose dérobée. Cela doit suffire, pource qui est de la viuacité des Bastards & de la gentillesse naturelle de leurs esprits.

Cardan propose vne autre question: pourquoy les Bastards sont ordinairement meschans. La cause de cela dit-il, est que leurs meres, qui sont la plus part de basse condition, & les peres qui ne veulent estre cognus, negligent de les faire instruire à la vertu. Mercurial respōd autrement, & dit que pour faciliter la conceptiō, & auoir des enfāns bien nais, il faut auoir l'esprit tranquille, & hors du tracas des affaires, & pour ceste occasion, que les Bastards sont volontiers de mauuaises mœurs; parce qu'ils ont esté engendrés de parens, qui auoient peur d'estre surpris, l'intention mauuaise, & l'esprit porté à mal faire. *Aparentibus vel timentibus, vel male animo affe-*

<sup>I</sup>  
*Cap. I. lib.*  
*I. de morb.*  
*mulier.*

*Etis. Spurij mali*, dit Scaliger, *quia ex malis*. Ils sont extrêmement portés à bien ou à mal faire, selon la portée de leurs esprits qui ne sont pas ordinaires. Mais l'instruction & la conduite ont vne grande force pour tout cela. Puisque nous auons des exemples de Bastards recommandables pour les lettres & pour la vertu, ils ne sont pas tous de mauuaise nature.

*Des Eun-  
ques.*

L'on propose vn pareil doute, des Eunuques: Pourquoy aussi ils sont de mauuaise vie. Plusieurs ont eu ceste opinion, qu'il ny eut iamais chastré sçauant, ny homme de bien. L'on tenoit pour constant anciennement, que la plus grande vertu des Eunuques est d'empescher autrui, d'executer ce qu'ils ne peuuent faire eux mesmes. Iamais Eunuque, dit Auenzoar, n'a esté ny de bōnes mœurs, ny de bon esprit. Ammianus Marcellinus assure quād Numa Pōpilius ou Socrates diroient du bien d'vn chastré, qu'ils seroient repris de ne dire pas la verité, encore qu'ils fissent foy de cela par poincts de religion. *Si Numa Pompilius Vel Socrates bona quadam dicerent de spadone, dictisque religionum ad-*

1.

*Lib. 2 rom.*

*3. cap. 2.*

*des Esprits. Chap. XLVII. 765*  
*derent fidem, à veritate descivisse arguerentur.*  
L'on raconte à ce propos, qu'un cha-  
stré, un iour ayant fait mettre ceste in-  
scription sur le linteau de sa porte; *Ni-*  
*hil ingrediatur mali.* Par où donc, deman-  
da Diogenes, entrera le maistre du lo-  
gis.

Pour preuve de tout cela, l'on rappor-  
te plusieurs exemples, entre autres de  
Photius Eunuque, qui fut homme sedi-  
tieux, & premier auteur de la division  
de l'Eglise Grecque. De Phauorinus  
Philosophe, du temps de l'Empereur  
Adrian, lequel on dit avoir esté vicieux  
adonné à la volupté, iusques là qu'il  
fut soupçonné d'adultere. Toutesfois  
ie trouue en cela aussi peu de certitude,  
qu'en tout ce que l'on allegue contre les  
Bastards. Si ce que dit Hippocrate est  
veritable, que le temperament sec est le  
pire pour les bonnes mœurs, pourquoy  
voulons nous blasmer les chastrés, qui  
sont rendus froids & humides, & com-  
me d'une nature moyenne entre l'hom-  
me & la femme, par la perte de leurs ré-  
sticules? Si ces deux petites parties du  
corps, sont cause de beaucoup d'excez,  
de desordre, de mal-heurs entre les ho-

mes, pourquoy voulons nous croire, que ceux qui les ont perduës, doiuent estre de mauuaise vie. Si les effects se perdent avec leurs causes, la perte des testicules doit-elle pas estre comme vn bannissement de mille sortes de vilennies. L'on appelle vulgairement ceux-là couyons, qui sont poltrons & effeminés, & qui manquent de courage, comme si ceste partie d'où est venu le mot, leur ostoit l'inclination à la vertu; & neantmoins nous tenons pour vn vice le manquement de ces parties qui sont la cause du vice. A quel propos les Eunuques manquer d'entendement, veu que le nom d'Eunuque leur a esté donné par les Grecs, à raison de leur bon esprit  $\epsilon\upsilon \nu\delta\upsilon \epsilon\chi\epsilon\iota\nu$  en leur langue, signifie auoir l'esprit bien fait, pour ce qui regarde les voluptés, qu'ils nommoient  $\pi\alpha \acute{\alpha}\nu\omicron\eta\tau\alpha$ , affections sans raison & bestiales. Comme il appert par ce lieu d'Aristophane,  $\upsilon\pi\omicron\upsilon\tau \acute{\alpha}\pi\epsilon\chi\epsilon\iota\varsigma \chi\epsilon \acute{\alpha}\nu\omicron\eta\tau\omega\nu \pi\acute{\epsilon}\nu\tau\omega\nu$  s'abstenir de trop d'ormir & de toutes sortes de voluptés bestiales.

Je ne suis point d'avis donc, que les Eunuques soient condamnés légèrement & d'un iugement precipité; car

comme l'on ne porte pas vn escu au billon, pour estre leger seulement de deux grains: De mesme ce seroit mal fait, de vouloir que tous Eunuques, pour auoir perdu deux petites parties, soient banis du Royaume de la vertu. Deux petites parties, disie, qui incommodent plus, selon Platon, qu'elles ne profitent aux exercices de la prudence.

Mais ce lieu allegué d'Ammianus Marcellinus, n'est-il pas sur le propos, d'Eutherus Eunuque, du regne de Constans, lequel il admire luy mesme, tant à raison de ses vertus, que de son bel esprit. *Immensum*, dit-il, *quantum memoria vigens, benefaciendi avidus plenusque boni consilij*. Cet Eunuque reprenoit quelquesfois Iulian l'Empereur, de ce qu'il estoit leger & inconstant, pour auoir esté nourry selon les mœurs & les coutumes de l'Asie. Et si l'Empereur Constans eust voulu suiure ses aduis, il ne fust pas tombé en tant de fautes qu'il a commises. Menophile Eunuque de Mithridates fit monstre d'un courage plein de vertu & d'une fidelité notable, lors que Manlius Priscus prit le Chasteau, où il auoit en garde la fille de Mi-

thridates. Mardonius Eunuque precepteur de Iulian l'Apostat, fut homme sçauant & de bonnes mœurs; selon mesme le tesmoignage de l'Empereur son disciple, en sa harangue contre les habitants d'Antioche. Et pour faire voir que le propos d'Auenzoar est faux : Phauorinus, duquel i'ay fait mention cy-deuant, n'estoit-il pas homme sçauant, & estimé entre les eloquens de son siecle?

Tenons pour constant, que les Bastards & les Eunuques peuuent estre stupides, ou de bon esprit, de bonne ou de mauuaise vie, comme les autres hommes; & que c'est vne folie de vouloir restreindre ainsi les conditions des hommes, sous les loix du temperament.

*De la Honte.*

CHAP. XLVIII.



**A**V E c grande raison, quelqu'un de ce temps trouuoit estrange dans nos deportemens ordinaires, que les instrumens avec lesquels on tuë les hommes, sont portés comme

me en triomphe, enrichis & curieusement étoffés, d'or, d'email, d'argent, d'ivoire & autres matieres de prix, outre l'invention & l'artifice; comme si c'estoit vne grande gloire, de tuer vn homme, qui est l'image de Dieu & le miracle de la nature: où au contraire, nous faisons scrupule & tenons pour chose honteuse, de monstrier les parties qui seruent à la generatiō de l'homme, & se cache t'on, quand il faut s'employer à cet affaire, comme si c'estoit vne iniure ou vne offense que l'on fist à la nature. D'où vient cela, ie vous prie. N'est-ce point que la valeur & grandeur de courage est vne vertu particuliere à l'homme & admiree par dessus les autres vertus, pourquoy elle est nommée *ἀνδρεία*, *virilitas*: & que l'on fait estat des outils, avec lesquels on exerce ceste vertu? Mais pourquoy tient-on les autres cachés: Pourquoy les nommet-on les parties de la honte?

L'on doute, si ceste honte est naturelle: c'est à dire si nous les cachons du commandement tacite de la nature: ou par coustume, apres l'ordonnance de quelque loy: ou du iugement, parce que

nous recognoissons estre meſſeant de monſtrer vne partie, qui eſt vne marque d'imperfection. Que ce ſoit du precepte de la nature, il ſemble qu'il y ait peu de raiſon, veu que les enfans & les beſtes, qui ſont ſimplement ſous le gouvernement de ceſte bonne mere, ne ſe vergongnent point de monſtrer tout ce qu'ils portēt. Pourquoy les Stoiciēſ diſoiēt, que rien n'eſtoit deſhōneſte naturellement. Ils nommoient toutes choſes par leurs noms, avec toute liberté. Et les Philoſophes Cyniques, à l'imitatiō des beſtes, faiſoiēt en public, & à la vue d'un chacun, ce que l'on iuge ſale & deſhōneſte; ſans ſcrupule de monſtrer tout ce que la honte commune nous commande de tenir couuert, ioint que l'on ne dit pas qu'Adam ayt caché l'imbecillité de ſa nature, ſinon apres eſtre decheu de l'eſtat de grace & d'innocence. Il y a donc quelque apparence que ceſte honte n'eſt point naturelle.

De vouloir auſſi que ceſte couſtume receuē, entre toutes ſortes de peuples & de nations, ayt eſté eſtablie, par l'autorité de quelque loy, comme Ariſtippus, Archelaus & autres Philoſophes an



ciens ont eu opinion, que rien n'estoit iuste ou iniuste, honneste ou des-honneste naturellement, mais par coustume ou par establisement de loy <sup>1</sup> οὐ φύσει ἀλλὰ νόμῳ καὶ ἔθει: Il semble qu'il y ait aussi peu de raison; veu que nous n'auons point de loix qui portent telles defences; mais seulement des preceptes de ciuilité & que nous ne voyons point qu'un homme qui auoit mōstré sa honte en public d'eust estre puny de quelque supplice; mais mocqué seulement, comme Diogenes le chien, lequel pour auoir planté vn homme publiquement, fut exposé à la risée d'un chacun, sans autre punition.

Mais peut-estre ceste honte viendrait plustost de iugement: parce que nous recognoissons, qu'il y a en cela quelque chose de deshonneste. Et ceste opinion rapporte à la doctrine d'Aristote, qui met le siege de la honte, en la partie de l'Ame qui raisonne, <sup>2</sup> ἐν τῷ λογικῷ τῆς ψυχῆς De maniere que Fracastor apres luy dit fort bien, que la honte est vne marque d'un esprit bien nay, & qui a soing de pouruoir à ce qui luy manque,

<sup>3</sup> Verecundia signum est ingenui animi, cui

I.

Apud  
Laertium in  
Archelao  
Et in Ari-  
stippo.

2.

Cap. 5. lib.  
4. topic.

3.

Cap. 12. lib.

*de symp.  
& anti-  
path.*

*cara est defectus proprij.* Quand le Philo-  
sophe demande en ses problemes: pour-  
quoy les hommes qui par amour, desi-  
rent la compagnie d'une femme, sont  
honteux de le declarer, & non quand  
ils ont appetit de boire ou de manger,  
ou d'autre chose semblable. Il respond  
que le desir del'Amour est superflu, &  
vn signe seulement de repletion, où les  
autres sont appetits necessaires, pour  
l'entretien de la vie. Comme s'il disoit,  
que l'homme qui iuge l'acte de Venus  
estre superflu & point necessaire, ny  
pour la vie, ny pour la santé, croit en  
suite qu'il est honteux & des-honnesté.

*Exam.  
166.b.167.  
a.*

Mais nostre Examineur, selon sa  
coustume blasme encore ici Aristote &  
condamne la response & le probleme,  
A raison, dit-il, que l'homme à honte,  
non seulement d'auoir affaire avec sa  
femme, mais aussi de boire, de manger  
& de dormir. Chose estrange, qu'Ari-  
stote ait esté tellement stupide & igno-  
rant, de n'auoir pas sçeu, si de son temps,  
boire, manger, d'ormir estoient tenus  
pour actions honteuses. Je ne sçay pas,  
si de present en Espagne l'on se tiët tant  
fermé dans le scrupule: mais en France

l'on ne faiët point difficulté de s'employer librement à tout cela aux occasions, ny de declarer ses appetits, ny mesme de s'inuiter à faire bonne chere les vns aux autres.

En la Grece anciennement, pour entretenir les amitez, quelquefois ils banquettoient en public, comme encore de present nous pratiquons cela, lors des grandes resioüyssances du peuple. Cleodemus au banquet des sept sages de Plutarque, dit qu'en ostant la table qui sert aux hommes pour le boire & le manger, on ruine par mesme moyen l'autel des Dieux d'amitié & d'hospitalité. Et peu apres: l'ame, dit-il, iouïra bien d'autres voluptez meilleures, mais le corps ne pourroit pas trouuer vn plaisir pl<sup>9</sup> honnesté que celuy du boire & du manger, cōme cela est notoire à vn chacun. Pour ceste occasiō les hommes drescent leurs tables en public, pour boire & manger joyeusement ensemble, où pour jouïr du plaisir de Venus, ils mettent au deuant tout ce qu'ils peuuent de tenebres, jugeans bien que c'est autant bestialement & impudemment faiët de jouïr de l'vn en public, comme de ne jouïr

pas de l'autre. ἡγούμενοι ταύτης τὸ κοινωνεῖν ἀνείχυντον εἶναι καὶ θεμιτῶδες, ὥς τὸ μὴ κοινωνεῖν σκάνης. Les premiers Chrestiens mangeoyent en public dans les Temples, apres la communion; & nommoient ces festins ἀγάπας, banquets de charité & de dilection: mais ils furent blasmez par S. Paul, à raison qu'il s'y coula del'abus.

L'Autheur de l'Examen a tort de rejeter le Probleme d'Aristote, qui sçauoit mieux que luy, si en la Grece, c'estoit chose honteuse, de manger en presence, & en public. Ceste coustume mesme estoit obseruée entre les anciens Romains de dresser leurs tables & de manger publiquement au recit d'un de leurs Historiens. *Nam maximis viris prandere & coenare in propatulo verecundia non erat, nec sanè epulas habebant, quas populi oculis subiicere erubescerent.* Il est vray que depuis, lors que l'estat Romain commença à se perdre dans le luxe, les banquets publics furent deffendus: comme du temps de Valens, Ampelius pour restreindre les excez de la ville de Rome. ordōna entre autres reglemens, que nul honneste homme ne fust veu

manger en public , *Ne honestus quidam mandens videretur in publico.* Mais ceste deffense fut faiçte , non que la chose de soy fust honteuse , mais l'excez de mauuais exemple.

Nostre Autheur monstre encore qu'il a peu consideré le Probleme d'Aristote : car comme il attribuë le desir de l'embrassement à vne superfluité , & il le dit honteux pour ceste occasion. Il semble que sous ces mots *ἐπιθυμῆν τῆς ἀφροδισιάζειν* , desirer le plaisir de Venus , il comprenne cachément tous autres appetits , qui sont marques d'abondance & de superfluité d'excremens , comme d'vriner, de cracher, de vomir, & autres semblables. En Perse anciennement, moucher, ou cracher en presence, estoit pecher contre les loix de l'honnesteté, & reputoyent à vilenie, quand on alloit en quelque lieu, s'il y auoit du doute, que ce fust ou pour faire de l'eau, ou pour chose pareille, selon le tesmoignage de Xenophon. Aristote ne pouuoit pas ignorer, qu'au moins en certaines nations c'estoit chose des-honneste, d'vriner en presence. De present encore entre les Turcs, ils ont ceste coustume

*Cyropad.  
lib. 1. leg.  
Athen.*

de se retirer en lieu secret & caché pour faire de l'eau, & tiennent comme vne iniure, si quelqu'un rend son vrine en la presence d'un autre. C'est que telles euacuations sont signes de superfluité, comme la superfluité signe d'imperfection.

Je croy, n'estoit qu'il est nécessaire d'auoir le visage du tout descouuert, pour la respiration & pour la liberté de la parole, que nous cacherions le nez & la bouche: mais à raison que cela seroit trop incommode, nous nous contentons de cacher les excremens, ou en les receuant dans vn linge, ou en détournant le visage. Cela semble plus raisonnable, que de cacher ceste belle partie, qui est le miroir de l'ame: car combien que la bouche soit l'entrée des nourritures, qui sont matieres corruptibles, & par ceste mesme voye encore que la nature se descharge des superfluités du cerueau, des poulmons, & quelquefois de l'estomach; elle recompense tout cela, en ce qu'elle est comme vne porte ouverte pour la sortie des paroles, d'où sourdent les loix immortelles de l'ame immortelle, pour la conduite de la vie raisonnable. *d'avant Ju.*

ἡς ἀθανάτοι νόμοι, δι ὧν ὁ λογικὸς βίος *De mundi*  
κυβερνᾶται, dit Philon Juif apres Pla- *opif. lib. 1.*

ton. Auec raison donc, quelques-vns ont eu opinion, que la honte prouient d'un certain iugement, par lequel on recognoist estre bien seant de cacher les imperfectiōs de la nature, & on setrouue confus quand on est surpris en quelque action dont on peut estre blasmé.

Mais il semble que ceste opinion ne leue pas toutes sortes de difficultez: car si la honte depend du iugement, pourquoy est ce chose honteuse à vn homme d'estre veu auoir affaire avec sa femme, puis que les loix de Dieu & des hommes à ceste fin permettent le mariage? pourquoy jugeōs nous ceste action des-honneste, puis qu'elle est permise! L'on accorde bien le liēt coniugal, mais on n'y veut point d'arbitres: Chacun sçait que le Mariage est sainctement institué, & les nopces pour ceste occasion sont sollemnisées avec ceremonie & applaudissement, comme vn jour de feste, & neantmoins on se cache quand il faut venir aux approches. L'on veut bien que les esprits voyent clair en ceste affaire, mais on ne permet point que les yeux

*B. August. foyent de la partie. Sis enim hoc recte fa-  
cap. 18. lib. Etum ad sui notitiam, lucem appetit animo-  
14. decinit. rum, ut tamen refugiat oculorum.  
Dei.*

La cause de cela, selon Aristote, est que le desir amoureux est signe de superfluité, dont l'euacuation n'est point necessaire. Mais il semble que l'Examen le reprend avec raison, car la semence retenuë apporte souuent de grands accidens de maladie, & quelquefois la mort. Elle est necessaire, puis qu'elle est le principe de la generation. Si ceste raison d'Aristote auoit lieu, plus nous aurions de jugement, plus nous serions capables de hôte, de sorte que les vieillards seroyent plus honteux que les jeunes hommes, contre sa doctrine, veu ce qu'il dit, que l'adolescence est l'âge de la honte. Les hommes plus judicieux seroyent plus honteux aussi que les femmes, contre l'experience ordinaire.

Ceste dispute enueloppée de tant de doutes, semble espineuse & difficile, mesme selon l'Authcur de l'Examen, qui dit que la respõse à tout cela ne peut estre donnée par raisons de la Philosophie naturelle, & qu'il faut passer à vne science superieure, que l'on appelle, dit-



il, Metaphysique. Il dit donc que le „  
premier homme au commencement „  
estant nud, n'auoit point de honte, mais „  
apres le peché qu'il se couurit, parceque „  
la meraisonnable, qui est procedée de „  
la nature des Anges, s'est faschée de se „  
voir jointe avec le corps, lequel a quel- „  
que chose de commun avec les bestes; & „  
cognoissât que par sa faute il auoit per- „  
du l'immortalité, & les parties secretes „  
luy auoyent esté baillées, afin qu'estant „  
corruptible en sa personne, il peüst en- „  
gendrer des successeurs pour continuer „  
l'espece: il s'est vergongné de ceste im- „  
perfection, & fasché que les Anges „  
soyent demeurez immortels au dessus „  
de luy. „

En ceste Philosophie qu'il dit estre  
surnaturelle & Metaphysique, il y a plus  
de langage & de mauuaise conduite,  
que de jugement. L'homme, de vray,  
est inferieur aux Anges, *paulominus ab*  
*Angelis*, & à propos de cela, Platon dit  
fort bien, que comme les troupeaux  
des bestes sont conduits par les hom-  
mes, de mesme les societez des hommes  
sont sous le gouuernemēt des Demons.

τὸ γένος ἀμεινον ἡμεῶν ἐφίδη τὸ τῶν δαιμόνων.

*Lib 4. d.  
legit,*

i.  
 Partic. I.  
 artic. 76.  
 ad 6. Co-  
 ntimbr. de  
 anima.

Mais puis que nos ames naturellement leur sont inferieures, pourquoy sont elles faschées de la compagnie du corps, avec lequel naturellemēt elles ont plus de perfection, selon S. Thomas. Puis que Dieu, lors de la creation, a formé toutes choses en degré de perfection, selon leurs especes; il est à croire, que le propre de l'ame est d'estre jointe avec le corps. C'est donc vn abus de dire qu'elle se vergongne de la cōpagnie du corps. Adam deuant le peché auoit les parties ordonnées pour la generation, & Dieu luy auoit fait commandement de multiplier; il estoit donc suiet à generation & corruption auparauant. Il auoit les mesmes parties deuāt & apres le peché, toutefois sans honte deuant le peché: non que leur nudité leur fust incognue, mais parce qu'elle n'auoit rien encore de des-honneste. D'ailleurs, pourquoy l'ame se vergongneroit elle de l'immortalité des Anges, puis qu'elle est immortelle?

Sans doute, le peché a esté la premiere cause de la honte, & non ceste Metaphysique imaginaire de l'Examē. Adam apres la faute commise, se voyant nud,

despoüillé de vestemens, & denué de la grace, *gratiæ indumento*, eut le visage couüert de confusion; & de feüilles il cacha ce que la hôte ne permettoit plus qu'il tint descouuert; estant raisonna- ble, que ces parties qui sont émuës de- reiglement par volupté, soyent cachées honteusement par la vergongne <sup>i. quas</sup> *libido inobedienter mouet, verecundia puden- ter tegat.*

<sup>i.</sup>  
*D. Augusti  
capit. 17. lib.  
14. de ci-  
uit. Dei.*

La derniere raison donc que i'ay mi- se en auant, semble la plus certaine: mais elle a besoin encore d'explication. Le iugement seul ne peut estre la cause de la honte; il faut que la nature en ayt ietté les premiers fondemens. Puis que la nature, pour le regard mesme des be- stes, tient aucunement cachées leurs parties qui seruent à la generation, & *aidia*, *puenda*: il appert que les pre- miers traiçts de ceste honte, sont de la nature. L'on demande, pourquoy le Renard naturellemēt faiçt monstre d'une si grosse queue, à proportion du reste du corps. N'est-ce point, dit Scaliger, que nature a faiçt cela, pour cacher les parties de dessous, qui sont en cét ani- mal, plus sales qu'en tout le reste des

bestes ? & que nous recognoissons en cela la honte de la nature. *Num-ei clu-  
nes quam ceteris animantibus foediores te-  
etas esse oportuit ? Certè agnosco naturæ pu-  
dorem.*

L'on a obserué que les fēmes noyées nagent sur l'eau, le visage bas, au contraire des hommes; & Pline pour raison de cela dit, que c'est la nature qui a soin de leur honte apres leur deceds. *Observatum est virorum cadauera supina fluitare, foeminarum prona; Veluti pudori defunctorum parcente natura.* Entre personnes mariées, on ne s'employe au plaisir de la couche que secrettement, & à chambre close; parce que la honte ne permet pas que cela soit faict en presence d'arbitres: d'autant que, quoy que l'esprit soit en repos, & hors de honte, pour ce qui est de l'honnesteté ciuile; la permission en ayant leué le scrupule: il reste qu'il n'est pas à couuert, pour ce qui regarde l'honnesteté de la nature; grande preuue, qu'elle est le premier fondement de la honte.

C'est donc vne doctrine & naturelle & raisonnable, qu'il faut que l'homme, qui est naturellement amateur de socie-

té, & l'ornement de la nature fasse gloire principalement de ce qui est de l'ame, à raison que toute sa perfection depend de ce principe ; & pour le regard du corps, qu'il s'en serue comme d'un accessoire, avec soin d'en cacher les defauts, & ce qui s'y trouue de des-honneste, nommément les parties, <sup>i. quas</sup> *pudor communis abscondere, quas verecundia naturalis lex iubet.* Les Theologiens donnent conseil à l'homme, de viure dans le monde, comme s'il n'y estoit point ; apres saint Paul, qui donne aduis d'auoir vne femme, comme si on n'en auoit point. De mesme nous sommes enseignez, & par la raison & par la nature, de nous tenir secrets & cachez en l'usage de ces parties, |comme si du tout elles n'estoyent point.

I.  
*Arnobius*  
*contra*  
*gentes.*

Nous auons des fonctions, qui sont signes de bon esprit, & de la bonté de certaines parties du corps, comme bien parler, bien voir, bien ouïr ; à raison dequoy la nature nous les laisse decouvertes. Quelques autres montrent bien quelque imperfection de la nature, comme le boire & le manger, mais à raison qu'elles sont necessaires pour

l'entretien de la vie , & de soy qu'elles n'ont rien de des-honneste, elles peuvent sans honte estre exercées à descouvert. Toutes les autres necessitez de nature, comme les euacuations de ce qui est superflu, le iugement fondé sur la loy de la nature; veut qu'elles soyent cachées, & que nous ne puissions y vacquer en presence; sinon honteusement, & avec confusion. En telles affaires, ce que l'on ne voit point, laisse quelque opinion de nullité. C'est bien vne imperfection commune à tous les hommes, mais elle seroit plus grande, & plus brutale, si en la montrant, nous faisons gloire de nostre vergongne. Et cela soit dit, pour faire voir, que l'Autheur de l'Examen dit en vain, que les raisons de la honte ne peuvent estre trouuées dans la science de la nature.

De la generation des enfans, &  
de leur nourriture.

CHAP. XLIX.



AY demonstéré cy-deuant  
que la meilleure partie des  
propositions del'Examen,  
est ou fausse ou suspecte, ou  
d'une mauuaise structure,  
& qu'il est mal aisé d'en tirer rien d'uti-  
le & de bon; comme Epicharmus di-  
soit, qu'il est difficile de rien dire de  
bien, sur des suppositions fausses. <sup>1. Cn</sup>  
<sup>των μη χαλῶς ἔχοντων λέγειν χαλῶς.</sup> Il a <sup>Apud Atti-</sup>  
soustenu cy-deuant contretoute raison, <sup>stor pag. 9.</sup>  
que la semence est d'une mesme nature <sup>lib. 13. Me-</sup>  
que l'vrine. Que les venes & les arteres <sup>taph.</sup>  
spermatiques viennent des reins. Que  
l'homme, pour estre habile à la genera-  
tion, doit auoir la compagnie de la fem-  
me six ou sept iours auant les purgatiōs.  
Qu'en la generatiō des enfans ignorans,  
& de dur esprit, la semence de la fem-  
me demeure la plus forte, & celle de

l'homme luy sert seulement de nourriture. Que l'enfant est nourry de lait dans la matrice. Tout cela est faux, & faux encore tout ce qu'il establit sur ces premieres maximes.

Il y a bien quelque chose de loüable en l'ordre & en la suite de ses propositions; mais il s'y trouue peu de verité. Car comme il attribuë l'imaginatiue à la chaleur, il dit que l'enfant, pour auoir ceste faculté bonne, doit estre faict de semence chaude, & nourry d'alimens de mesme qualité. A l'entendement, qu'il fait marcher sous la premiere banniere du temperament froid & sec, il ordõne pour nourriture du pain blanc, & salé, lequel, selon son aduis, porte les mesmes qualitez. Il tient que le pain bis est froid & humide, & en suite, fort prejudiciable à l'esprit; se souuenāt, peut-estre de ce propos d'Heraclite, qu'il repere souuent en son Examen, que pour auoir l'ame tres-sage, il est besoin d'une splendeur seche des esprits. *Splen'or siccus, anima sapientissima.* Or le pain bis, estant noir & obscur, ne peut apporter a l'ame que des tenebres, & par mesme moyen de la stupidité & de l'ignorance.



C'est ce que disoit quelqu'un anciennement des pains noirs, *non panes esse, sed panum umbras*: & lors qu'on les luy presentoit à table: cesse, dit il, de nous servir de tels pains, car tu nous ferois venir la nuit avant le temps.

Il dit, que le pain blanc est froid & sec, & de semblable temperament que la Perdrix, le Cabri, & le vin muscad: Autant de fautes que de paroles. Le pain blanc fait de pur froment, selon l'advis des meilleurs Medecins, auxquels appartient d'en faire le iugement, est temperé, c'est à dire, qu'il n'est apparemment ny chaud, ny froid, ny sec, ny humide; ou s'il passe en quelque'une de ces qualitez, c'est qu'il incline un peu vers la chaleur, qui est le temperament de la vie. Toutefois qu'il soit de temperament froid & sec, ie ne veux pas piquer sur si peu de sujet: mais de luy accorder que la Perdrix, le Cabri, & le vin muscad ayent ces mesmes qualitez, ie ne puis, sans me declarer partie à mesme temps contre l'experience & la verité.

Hippocrate dit, que les oiseaux ne rendent point d'urine, à raison de leur grande chaleur, qui attire les seorsitez

Lib. 2. de diet.

du sang pour la nourriture, c'est à dire, pour son entretien, comme il dit ailleurs que la chaleur est nourrie d'une froideur modérée, τῷ ψυχρῷ τρέφεται

1.

τῷ μετρίῳ. C'est que les oiseaux naturellement n'ont point de vessie, & ne rendent point d'urine, à raison que ce qu'ils boient est attiré & consommé en partie par la chaleur, en partie porté aux plumes pour leur nourriture. τρέπεται εἰς τὰ πτερά τὸ περιττόμενον τῷ περιττώματι. Ce sont les paroles d'Aristote. Hippocrate dit ailleurs, que les

Λ  
π

2.

oiseaux sont bilieux, ὀρνίθες χολώδες, & qu'ils multiplient plus en esté, lors que la terre est chaude & sèche: & l'expérience nous apprend, que telles nourritures échauffent & engendrent la bile. Il eust mieux faict donc de donner la Perdrix à l'imaginative, à laquelle est deu le temperament chaud, selon ses maximes. Toutefois à dessein, comme ie croy, il a mieux aymé la donner à la faculté de l'entendement, qu'il dit dominer plus en Espagne, de peur de desobliger son pays, s'il luy defendoit l'usage d'une viande si exquisite.

Mais qui doute que le vin muscad ne

Lib. de car.  
nib. & lib.  
de natura  
pueri. pag.  
30. 24.

sect 4 &  
5. lib. 6.  
Epidem.

soit chaud & humide, avec vne grande vertu de dessécher? si le goust estoit iuge de cela, sur le champ l'Examen perdrait sa cause. Aux malades de fièvre le vin est deffendu à raison de sa chaleur. Du vin l'on tire de l'eau de vie, laquelle jetée au feu brule comme de l'huile. Le vin est vn grand remede pour donner de la chaleur, & les Anciens disoyent de ceste precieuse liqueur, qu'elle seule estoit l'esperance de vie aux natures froides, *μῆνος γὰρ οἶνος ἐλπίς ἐς ζῶνι ψυχῶις*. Pline tourne vn peu autrement ce carme cité par Aretæus, ancien Medecin Grec. *Cardiacorum morbo vnicam spem in vino esse*. Le vin donc est chaud de temperament: mais il suffit que l'ex-

1.  
Cap. 1. lib.  
23. nat. hist.

Il dit: que le lait & le miel sont les meilleures nourritures du pere, pour engendrer vn enfant sçauant; & de l'enfant apres qu'il est né. Pour les peres, il n'y a gueres de raison, ausquels les alimens plus solides seront tousiours plus

2.  
Exam. 192  
a. 203 a.

vtils. Mais pour les enfans, afin de leur conferuer la chaleur & l'humidité naturelle, en suite de leur premier aliment, le lait semble estre vne nourriture louable. L'on y adioustoit du miel anciennement pour l'empescher de cailler, ou de se corrompre en l'estomach; Maintenant au lieu de miel, du sucre, qui est moins bilieux & de meilleur goust. L'usage moderé du vin, conuient mieux aux pères, pour engendrer des enfans bien nez, parce qu'il a plus de force pour les mœurs, ny que le lait, ny que le miel, selon Aristote.

*Problem. 1.  
sect. 30.*

Les parens donc qui seroient nourris reglemēt de vin & de viādes de bon suc, seront plus habiles, sans comparaison, à engendrer des enfans beaux & de bon esprit, que s'ils estoient nourris de lait & de miel, comme les Scythes, lesquels ont esté recognus de tout temps, durs, rudes, & mal habiles de corps & d'esprit, selon Iustin, qui dit, *Scytharum corpora & ingenia esse duriora*. L'Autheur de l'Examen dit le mesme, mais plus imprudemment; si Dieu par sa puissance ordinaire, vouloit faire vn homme sçauant, en la Scythie, qu'il ne pourroit

pas. Cela deuoit estre dit avec plus de modestie, veu mesme que c'est contre ce qu'il a enseigné du laiët & du miel, pour la generation des enfans de bon esprit. Mais sur ce propos, peut-estre, sera t'il permis de dire le mot pour rire. Nous appellons asnes les hommes qui ne scauent rien, qui sont stupides, rudes, inhabiles à tout, & incapables de discipline. Or en la Scythie, il n'y a point d'asnes.

I.

*Leg. Arist.  
cap. 7 lib. 2.  
de gener.  
animal.*

Il adioust, qu'il faut trouuer à l'enfant vne jeune nourrice, & qui soit de temperamēt chaud & sec, qualitez propres, dit-il, pour corriger la grande froideur, que l'enfant apporte du ventre de la mere. Tout cela est suiet à caution. Cy-deuant il a rebatu souuent, que les femmes sont froides & humides; & icy il veut obliger les pārens à trouuer vne nourrice chaude & seche, qui est chose impossible, selon ses maximes. Si la nourrice est de ce temperamēt, sera t'elle pas aussi d'une cōplexion bilieuse reietée à bon droit par Hippocrate, comme contraire aux bōnes mœurs des enfans? Dauantage, qui luy a dit, que les enfans nouueaux nez sont froids & humides, &

qu'ils apportent ces qualitez du ventre de la mere? il deuoit auoir appris d'Hippocrate, que tous animaux ont plus de chaleur naturelle, plus ils sont proches de leur naissance, *ὅσοτα ἐγγύτα τῆς γενέσεως*. parce qu'ils n'ont encore rien perdu de la chaude humidité de leurs principes, qui sont la semence, le sang, & les esprits.

Ce qui est à discourir sur ce suiet, avec plus de verité, peut estre compris en peu de paroles. Pour engendrer des enfans beaux & de bon esprit, il faut auoir l'œil premierement à regler les Mariages; c'est à dire, à prendre garde que les personnes soyent en âge d'estre mariées; les jeunes hommes à trente ou trente-cinq ans: les filles, à dix huit, ou peu plus. Qu'ils soyent l'un & l'autre de bonne constitution, de bonne complexion, de bon temperament. Le jeune homme fort, de belle taille, sage, & de bon esprit. La fille droite, bien formée, deliberée, de bonne couleur, agreable & de bonne grace. Les palles sont molles & trop humides: les noires sont dures & ont trop de chaleur: celles qui sont brunes, c'est à dire, de cou-

leur moyenne, sont les mieux tem-  
rées. Hippocrate dit, *οἰνωπὸς γυναικας*, Lib. 1. de  
natur. mu-  
lier. 213. &  
femmes de couleur de vin. Caluus tour-  
ne *subfuscus*, brunettes, avec vne petite lib. 2. de  
morb. mul,  
couche de vermillon sur la jouë, com-  
me aux raisins, lors qu'ils commencent  
a mourir.

Outre cela, l'on doit considerer,  
qu'il y a ie ne sçay quelle sympathie &  
antipathie entre les humeurs & les na-  
turels, qui peut estre cause de la fecon-  
dité ou sterilité des mariages. Vn mary  
ne pourra auoir lignée d'une premiere  
femme, comme Auguste de Liuia, qui  
en aura d'une autre en secondes nopces,  
& vne femme de mesme. C'est quil y a  
en cela quelque chose de diuin & de ca-  
ché *τὸ θεῖον*, pourquoy l'on dit que les  
mariages se font au ciel premierement.  
Il faut auoir égard à l'affection & à l'in-  
clination des parties qui sont quelques-  
fois inspirées d'en haut, à vouloir ou ne  
vouloir point, sans apparence de suiet.

Après le mariage, il faut auoir soin  
du regime qui consiste à se bien condui-  
re, pour ce qui regarde les choses dictes  
par les Medecins, non naturelles; à sça-  
uoir l'air, l'exercice, le boire, & le man-

ger, le veiller, & le dormir, & autres. Nous auons parlé de l'air cy-deuant. Les exercices doiuent estre reglez & moderez, selon les complexions; car les natures froides sont bleffées par l'oïfueté, & portent mieux le trauail. La paresse peut rendre les femmes steriles, ou les enfans stupides & de peu d'esprit. Hippocrate est tesmoin que les femmes de la Scythie estoient la plus-part steriles de son temps, à raison qu'elles estoient molles, lasches, grasses, & accoustumées à ne rien faire, ἀλάρπυροι ἔπιε-  
γι. Leurs seruantes, au contraire, qui s'addonnoient au trauail, & ne demandoient qu'à rire, faisoient souuent des enfans. L'exercice frequent leur rendoit le corps de meilleure constitution. Le veiller & le dormir doiuent à peu près suiure les regles de l'exercice.

Pour les nourritures, celles qui sont de bon suc, c'est à dire, qui sont le bon sang & modement chaud & subtil, & difficile à estre corrompu, sont les meilleures, pour auoir des enfans de bon esprit & de bon naturel. Entre les alimens, on recommande le Levrault, car à tort on le met entre les viandes melancoli-



ques. L'on dit qu'il rend les personnes agreables & de bonne grâce. *Conciliare gratiam creditur esus leporis.* Comme l'on a creu anciennemēt auoir esté tel pour ce suiet *Alexander Seuerus*. Valeriola prefere la Perdrix à toute autre sorte de nourriture, pour le bon esprit des enfans. Elle est de bon suc, & croit-on qu'elle incite à l'amour, veu ce que dit Plinc, que pour ce qui est du plaisir amoureux, au reste des animaux il n'y a rien de pareil à la Perdrix. *Neque in alio animali par opus libidinis.* Il est bon neantmoins de n'accoustumer point son estomach à vne certaine nourriture, ny d'vser tousiours de viandes delicates. Pour l'vsage ordinaire celles-là sont meilleures qui sont solides, faciles à l'estomach, & qui ont moins de chaleur, comme le Veau, le Cheureau, le Mouton, le Ramier, le Pigeonneau; par interualles le Levraut, le Lapin, la Perdrix. Et cela principalement pour la mere, lors de la grossesse, afin que l'enfant ayant part à ceste nourriture, puisse estre capable de bon esprit, c'est à dire, le corps, les humeurs, & les esprits plus souples, pour toutes les actions de l'ame.

I.

Cap. 34. lib.  
10. nat hist

Le bon pain est tres-vtile pour tout cela, parce qu'il est temperé, & le fondement de la nourriture. L'on recommande fort l'usage des Coings, pourquoy Solon donnoit auis, d'en faire manger aux femmes nouvellement mariées. Ce fruit affermit le sãg, fortifie l'estomach, & tient l'enfant plus fermement attaché à la matrice; avec vne particuliere vertu de le rendre beau & de bon esprit. Les febves sont de tout poinct contraires, à raison qu'elles noircisẽt les esprits & retardent la generation: elles estoient deffenduës par Pythagoras, au rapport de Clement Alexandrin.

Tout bien consideré & examiné, nous n'auons rien de plus exquis, & de plus excellent que le vin; mais l'excez en est dangereux. Il faut suiure le sage aduertissement que donne Platon, de ne s'employer pas à l'acte de la generation, lors que le corps est perdu de vin, ἡ δὲ ἐν μὴ τῇ σωματίων ἀγαγεμένην ὑπὸ μέθης γίνεσθαι πρὸς παῖδες γέναν. Le vin pris outre mesure suffoque la chaleur naturelle, remplit le corps d'excremens, & refroidit la semence, dont naissent des enfans grossiers, vicieux, & d'esprit hebeté.

i.  
Lib. 6. de  
legib. 363. c.

Estant pris moderément, dit le Sage, il est la joye & la santé du corps & de l'ame. *Exultatio animæ & corporis vinum moderatè potatum. Sanitas est animæ & corporis sobrius potus.* C'est le sang de la terre, dont il ne faut vser qu'avec discretion, dautant qu'il enflamme les viscères, *calore accendit viscera*, dit Plinc: Tant s'en faut que le vin muscad soit froid & sec, comme il est ainsi qualifié par l'Examen. Quelque vin que l'on presente, il le faut tousiours tremper d'eau plus ou moins, selon les natures.

Après la nourriture réglée, les mariez sont obligez pour auoir des enfans bien formez de corps & d'esprit, de n'estre point immoderez au plaisir de la couche. L'excez debilite tout le corps, nommément le cerueau, les jointures, & les parties qui seruent à ceste action. La semence en deuiant plus froide, par la perte des esprits, & les enfans en sont plus foibles & moins habiles, pour toutes sortes d'exercices. Il est plus à propos de donner du loisir à la semence de se cuire à perfection: car vn peu de repos & de reserve, met en humeur les parties, pour s'employer à l'œuure puis après

798      *Examen de l'Examen*  
avec plus d'action & de chaleur.

Le repos de l'esprit leur est necessaire aussi, parce qu'estans diuertis & inquietez d'affaires ruineuses ou penibles, ou de consequence, la sterilité s'en ensuit bien souuent, ou vne generation d'enfâs de peu d'entendement. Le temps de la copulatiō merite avec le reste d'entrer en ligne de compte. Il est certain que les femmes conçoient mieux au Printemps, qu'en toute autre saison de l'année; & le matin qu'en toute autre partie du jour. En l'un & l'autre temps, au commencement & à la fin de leurs ordinaires.

C'est beaucoup pour toutes sortes de temperamens, quand l'on est nourry de viandes de bon suc, & l'on en vse moderément. S'il est necessaire, pour les temperamens froids, d'y adiouter quelque pointe de chaleur, il suffira de les assaisonner d'un peu de canelle aux occasions, ou de poivre, ou de muscade; de tremper moins le vin, & le boire meilleur. L'Autheur dit que la memoire qui est fondée sur le temperament humide, demande aussi des viandes humides: & neantmoins tous les remedes

sont chauds que l'on ordonne pour la la rendre meilleure par artifice, comme la confection d'Auacardes, le syrop de Strechas, l'eau de Cannelle, le fiel de Bœuf appliqué, les herbes Cephali-ques, d'où l'on tire des eaux & des es-sences pour ce suiet. L'on recommande encore les cloux de gyrosle pour l'affai-sonnement des viandes.

Lors que l'enfant est né, il faut adui-ser si la mere le peut nourrir, de luy fai-re garder le regime. Les meres qui nour-rissent leurs enfans sont meres deux fois. Si elles ne peuvent rendre ce de-uoir à la nature, l'on doit faire choix d'autres nourrices de bõne habitude, & les tenir dans mesme maniere de viure. Telle est la nourriture, tel est le sang : & tel est le sang, tel est le lait : c'est à dire, que ces trois se suivent à peu près, à rai-son que les alimens ne perdent point leurs qualitez dans l'estomach, & que le sang est plus chaud que le lait, à pro-portiõ que le foye a plus de chaleur, que les glandules des mammelles. Bref, quel-que nourrice qu'ayt l'enfant, elle doit estre sage, de bonne complexion, de bonne coulcur, & bien nourrie ; afin

qu'elle ayt dequoy traicter & nourrir son petit, de ses mammelles seules, iusques à l'âge de vingt mois, ou de deux ans, selon que les dents luy seront venues, plustost ou plus tard. Quand il peut manger, il n'a plus besoin des bouteilles de sa nourrice; encore qu'il ne faille pas tout à coup luy en oster la coustume.

Estant parvenu à l'âge de discipline, l'on commencera à le façoner aux bonnes mœurs & aux bonnes lettres, ou à telle autre professiō qu'il sera iugé plus enclin naturellemēt. Pour les lettres, au lieu de s'alābiquer l'esprit sur son temperament, on essayera de luy former peu à peu le iugement & la memoire, le retirant du blason ordinaire des femmes, & sur tout des contes superstitieux des vieilles, & des fables de la veillerie; On le rangera sous la conduite de bons maistres, faciles, habiles, traictables & nullement coleres: car l'echole qui est vn ieu, doit estre menée avec plaisir, *μετὰ παιδείας ἔνδον*, dit Platon, & non gouuernée par des esprits quinteux & suiets à leurs caprices. L'impertinence des maistres degousté bien souuent,

& fait perdre aux enfans bien nez l'affection de poursuiure leurs estudes commencées avec du fruit & de l'esperance.

En suite, l'on employera leurs esprits aux exercices du College, aux compositions, aux traductions, aux disputes. Et dans ces mouuemens les maistres pourront recognoistre s'ils ont point d'inclination à quelque science particuliere: car il est certain qu'ils sont volontiers portez d'affection à quelque vne; & à ceste-là, pour ceste occasion ils doiuent estre employez parce qu'elle a plus de proportion avec leur esprit. Toutefois si ceste sorte d'estude ne respondoit à leur condition, ou que les parens fussent contrainsts de les pousser à vne autre; on ne laissera pas de les tirer de ceste premiere inclination, contre le conseil del'Examen. Celuy qui est capable d'une science, est capable de toutes, au moyen qu'il y employe les forces de son esprit. Il est tousiours plus à propos de suiure l'inclination del'enfant, que celle du pere: mais les parens peuvent auoir de grandes raisons pour l'auancement de leurs enfans; & en tout

802      *Examen de l'Examen*  
cela la prudence du maistre est entiere-  
ment necessaire.

---

*Par quelles marques on peut cognoi-  
stre l'esprit & le naturel des enfans.*

CHAP. L.



L'AUTHEVR de l'Exa-  
men, au lieu de s'arrester tant  
à discourir des nourritures  
qui conuiennent pour les fa-  
cultez de l'ame, eust mieux faiet d'estre  
plus exact à enseigner les moyens de co-  
gnoistre les inclinations naturelles des  
enfans, & par quels signes l'on peut iu-  
ger de la capacité de leurs esprits. Cela  
deuoit estresō principal suiet, le but de  
tout son trauail, & comme le point le  
plus necessaire de tout son liure. Mais  
puis qu'il a manqué à ce deuoir, dont  
dependoit encore tout l'honneur de  
son traitté, & qu'il n'a examiné cela que  
legerement, par couplets, & par bouta-  
des, à raison, comme ie croy, de la debi-  
lité de ses maximes, auxquelles sans con-



fusion, & sans estre abandonné de la verité, il n'eust peu rapporter la raison de tant de marques & de coniectures. A son defaut i'essayeray d'en apporter quelques regles, tant pour le merite du suiet, que pour le contentement du lecteur; en suite de la doctrine d'Aristote, qui est que l'on peut recognoistre aux enfans quelques vestiges & comme certaines semences des habitudes qui leur sont promises. *ἐν τοῦτοις τῶν ἄνθρωπων μὲν ἔξω*

*ὑπερὸν ἑσομένων, ὅτιν ἐιδεῖν οἷον ἔχῃ τὸ*  
*σπέρματα.*

*Cap. i. lib.  
8. de gener.  
animal.*

Il y a tant de correspondance & d'affinité entre l'ame & le corps, qui est son organe, que nous entrons en cognoissance de ses mouuemens, & de la capacité des enfans; & de ce que l'on peut esperer de leurs esprits; par le visage, appelé pour ce suiet le miroir de l'ame, & par autres parties du corps, & par les actions; notamment sur la septiesme ou huietiesme année de leur âge.

Les marques plus considerables pour le bon esprit des enfans ( i'entends icy par le bon esprit la bonté del'imaginatiue & de la memoire sensitiue, sans y comprendre l'intellect ) sont principa-

lement en la teste. Car puis que la partie du corps où s'exercent ces deux facultez de la sensitiue, est le cerueau, il semble raisonnable que la teste exterieurement doit monstrier quelque chose de ce qui se passe au dedans, comme le quadrans nous represente en dehors les mouuemens de l'horloge, qui est caché & que nous ne voyons point.

Il faut donc auoir l'œil premieremēt sur ceste partie, & considerer, si l'enfant, comme l'on dit communément, a la teste bien faicte. L'on blasme les petites testes d'auoir trop peu de ceruelle, & d'ailleurs celles qui sont trop grosses, volontiers sont plus pleines de vapeurs & de pituite, que d'esprits & de chaleur naturelle. La moyenne constitution est la meilleure, apres laquelle la grosseur ou la petitesse au premier degré, & à proportion du corps, doit estre iugée la moins vitieuse. L'on appelle ceux-là teste de criquet, qui ont peu d'esprit mouuant dans peu de ceruelle; comme l'on dit aussi qu'il y a peu de sens dans vne teste trop grosse. La teste doit monstrier quelque eminence en deuant & en derriere, à raison des ventricules du cer-

ueau, où sont logez le sens commun, l'imaginatiue, & la memoire: & le haut de la teste vn peu enfoncé, à l'endroit de la rencontre des futures. Mais i'ay traité de tout cela cy-deuant. Pour ce qui regarde le temperamēt du cerueau, il doit estre humide d'vne humidité grasse, aérée, & accompagnée de la chaleur celeste, & subtilité des esprits. Et tout cela, quoy que caché en dedans, nous est apparent par les signes, & par les qualitez des cheueux, de la peau, & du visage. Les cheueux doiuent estre assez deliez, & non trop durs, ny trop noirs, <sup>2.</sup> *πριχμαίτιον μὴ λίαν σκληρὸν μὴ δὲ λίαν μέλαν.* Le visage doit estre plus tost decharné, que trop plein & trop gras. La peau deliée & teinte, comme de blanc & de rouge meslez ensemble, pour représenter la bonne constitution du cerueau, lequel, quoy qu'il soit vne glandule blanche, selon Hippocrate, a esté formé neāt moins d'vne bonne partie de la semence, du sang, & des esprits des parens. La bonne conformation & le bon temperament de toutes ces parties donnent vne certaine coniecture de la bonne habitude du cerueau, lequel

1.  
Au Chap.  
xi. sur la  
fin.

2.  
Aristoteles  
in Physio-  
gnom.

doit estre comme vne plote de cire d'vne substance égale, traictable, & en quantité mediocre, afin qu'il soit souple aux actions de l'ame, que les especes y soyent empreintes facilement & nettement, & à demeure: car par ce moyen, comme dit Platon, les enfans sont faicts dociles premierement, puis de bonne memoire, *πρῶτον μὲν ευμαθεῖς, ἔπει μνήμῳνες*, où ils n'ont rien de cela, quand le cerueau est trop mol, ou trop dur, & d'vne cire qui n'a pas la pureté qui luy est requise, *μὴ καθαρῶ ἔκκληρῶ*.

*In Thea-  
gone. 136. e.*

*Exam.*

En Espagnol l'on tient pour marque de bon esprit, auoir du sang aux yeux, *sangre en el ochio*. Mais ce signe ne peut icy auoir lieu, à raison qu'il est particulier aux hommes d'estude, aux yeux desquels on remarque volontiers de petites venes rouges & pleines de sang, à cause des veilles & de la lecture: où icy nous n'entendons parler que des signes du bon esprit des enfans. En France l'on approuue plus de voir du sang aux ongles, & tient on en vn enfant pour presage d'vn bon naturel & pour le iugement quand il a les ongles bien formez, & de couleur comme de blanc luisant

mellé d'un peu de rouge; car cela monstre la pureté & la subtilité du sang & des esprits. Ils sont subtils, puis qu'ils s'épandent & s'insinuent iusques au bout des doigts; ils sont purs puis que les ongles sont luisans. Ce n'est donc pas sans raison ce que dit quelqu'un, que les ongles luisans sont marques de bon esprit.

Mais puis que les esprits sont les instrumens de l'ame, en toutes les actions de la sensitiue; il semble que l'œil doit estre le premier iuge, <sup>I.</sup> *Nulla ex parte*, dit Pline, *maiora animi indicia*. Il n'y a point d'ouuerture au reste du corps, où soyent portez tant d'esprits, & d'où il en sorte tant, que de ces deux fenestres de l'ame, L'heur de la bonne conformation de ceste partie consiste en la mediocrité, c'est à dire, à n'auoir l'œil ny trop petit, ny trop gros, ny trop eleué, ny trop enfoncé, <sup>2.</sup> ὅτε ἐξόφθαλμον, ὅτε κοιλόφθαλμον εἶναι; la moyenne constitution est la meilleure marque, parce qu'elle mōstre la force de la faculté. Les yeux doiuent estre pleins de clairté, pleins d'esprits, & de couleur d'azur. Bref, ceste partie est capable de faire voir tout ce que nous auons de caché en l'interieur, parce qu'il

<sup>I.</sup>  
Cap 37 lib.  
<sup>II.</sup>

<sup>2.</sup>  
Apud Ari.  
Stotel. in  
Physiogn.  
150. 28.

sēble que l'œil estyne place marchande, où l'ame trafique avec tout ce qui est de visible au mōde : pourquoy l'Escrature dit, que l'œil estant mauuais & de peu de clairté, il n'y a que des tenebres au reste du corps, *Si oculus fuerit nequam, totum corpus tenebrosum erit*, pour rapporter à ce que dit Hippocrate, que selon la disposition des yeux, l'on iuge de l'estat de tout le reste du corps, *ἰ ἀφθαλμοὶ ὥς ἀν' ἰχθύωσιν, ὅτεο καὶ γυῖον*. Car combien que ces deux textes soyent pour autres considerations, que pour le suiet de ce que nous traiçtōs icy, tousiours montrent ils & l'un & l'autre, l'excellence de ceste partie, qui a tant de pouuoir, que les Medecins, au iugement qu'ils font des maladies, tirent de là plus de coniectures pour le prognostique, que de tout le reste du corps.

Les marques principales donc du bon esprit sont veuës clairement aux visage, entre les parties duquel les yeux, comme deux astres, montrent vne grande lumiere. Tout le visage doit estre bien formé, & comme i'ay dit, plus maigre que gras, d'où vient qu'ils font estat en Italie des testes seches : car cela

1.  
Sect. 4. lib.  
6. Epidem.

doit estre entēdu, non du cerueau; mais des parties du dehors, nommément du visage. *Bona facies vestigium boni cordis.* Les yeux doiuent estre clairs, & d'une couleur de ciel. L'espace qui est entre ces deux estoiles, appelé par les Grecs *μεσόφρυον*, doit estre modere-ment enfoncé, plustost qu'enleué. Straton a eu opinion que là estoit le siege de l'ame. Aristote entre les signes du bon esprit fait estat de la moleste & delicatesse de la chair. *τῆς εὐταρχίας ἔ μαλακοταρχίας*, Chap. 10. pag. 108. l'en ay dit les raisons cy-deuant.

Le front & la main sont encore deux parties où se voyent peintes toutes les puissances de l'ame. Vn grand front, & quarrément formé, à proportion du reste du visage, *μέτωπον μακρον ἔ τετράγωνον*, monstre la force de la faculté, est marque d'une grande ceruelle, & vn signe de bon sens & de bon esprit. Ils disent aussi, que selon l'Ecriture, Dieu a donné des marques en la main, afin que chacun cognoisse ce qu'il sçait faire, *In manu omnium hominum signat, ut nouerint singuli opera sua.* Mais tout cela n'est point pour les enfans, plustost pour les hommes formez, qui ont le visage mai-

gre des exercices de l'estude , *vultum exercitatum* , dit Petronius , & les mains habiles pour toutes sortes d'ouurages.

Des actions & deportemens des enfans l'on tire encore des coniectures de ce qu'ils promettent. Ceux qui ont la pensée vn peu tardiue , accompagnée neantmoins de quelque viuacité d'esprit , qui se declare lors qu'ils desirent quelque chose d'affection , ont volontiers de l'esprit. Ceste tardité est signe d'humidité de cerueau , quel'âge & l'estude dissiperont ; & que les esprits ne sont pas encore exercez dās les voyes de l'ame ; cōme ny la memoire , ny l'entēdement , non encore riches des presens de l'imaginatine. Mais au temps que tout cela commencera à iouer ; ils commenceront aussi à se declarer , & à faire monstre de ce qui estoit caché auparauant.

D'ailleurs , l'on voit des petits esprits éucillez & mouuants comme marionnettes , legers à penser tout , prompts à dire tout , & hardis à faire tout. Tels enfans donnent du plaisir en cēt âge là , mais de peu de duree ; parce que ceste premiere boutade est comme vn feu de paille , qui meurt incontinent.



*Vt fenilis iuuenta*, dit Pline, *præmature mortis signum*, *præcox ingenium stupiditatis propinqua indicium est*. On les appelloit anciennement *Mercuriales pueros*: comme si l'estoile de Mercure, qui est inconstante & legere, auoit presidé en leur naissance; & donné ceste propriété d'estre prêts à apprendre & tardifs à faire du fruit. Il vaut mieux sous l'influence & la cōduite de Saturne, auoir vn peu l'esprit rude & tardif, pour produire du fruit avec le temps, que d'estre sage dès le berceau.

Quand le sentiment du toucher, qui est le sens du temperament, est exquis en vn enfant, c'est à dire quand il a la peau sensible & delicate, c'est vn signe de bon esprit; à raison que cela est en suite de la bonne constitution & du bon temperament du cerueau & de ses membranes, & de la subtilité des esprits. L'odorat exquis au contraire, est vne marque d'esprit tardif, comme i'ay discoursu de cela cy deuant. C'est vn bon signe aux enfans quand ils ont le goust bon, & l'estomach point grossier, mais delicat médiocrement. L'on tient que la honte est vn grand témoignage de bon entendement. aux enfans, parce qu'elle est placee en la

partieraisonnable de l'ame selon Aristote. Pourquoy Platon donnoit conseil aux parens, d'estre plus curieux de laisser à leurs enfans vne honneste honte, que beaucoup de biens & de moyens, 1

1. Lib. 5. de πασι δὲ αἰδῶ καὶ πολλῶν, οὐ χεῖρον χα-  
λεσθῆναι. Mais ce que dit Fracastor est di-  
gne d'estre noté, que ceux là qui ont vne

grande memoire pour retenir les lieux & les chemins, sont proches & tiennent de

la nature des bestes; 2 *Qui brutis vicini sunt,*

2. Lib. de in- *locorum memoriâ plurimum valent.* Et cela, à  
tellectu. raison, que la cognoissance des lieux en-

tre en l'imagination par le sens de la veüe,

& s'imprime mieux que ce qui est porté

par les autres sens. C'est chose émerueillable,

que les Chiens & les Cheuaux, qui

auront passé par des détours de chemins

& de sentiers tant cachez, confus & diffi-

ciles que l'on voudra, les retiennent & ne

les oublient iamais. Les hommes, qui

ont l'esprit grossier, ont cela de commun

auec les bestes.

Les Maistres outre tout cela, peuuent

reconoistre en leurs disciples la facilité

qu'ils ont d'apprendre, & le iugement

qu'ils font estant interrogez sur quelques

poincts douteux & difficiles. Cirus, qui

iugea eſtant encore enfant , que la robe  
courte deuoit eſtre baillée au plus petit,  
& au plus grand , la plus grande, mon-  
ſtroit qu'il auoit l'eſprit reiglé , pour ce  
qui eſtoit du iugement , mais iniuſte  
pour le regard des mœurs & de la vertu.

FINIS.

# Table



## T A B L E

### DES CHOSES PLUS NOTABLES contenuës en cét Examen de l'Exa- men des Esprits.

#### A

- L' A**CADEMIE d'A-thenes, lieu mal sain, chap. 5. pag. 116. ch. 37. pag. 616.
- Adam appella tous les animaux par leurs propres noms , chap. 23. pag. 388.
- Aduocats eloquëts, ch. 19. pag. 462.
- Al'duocat pour estre estimé, doit auoir bon entendement, bon iugement, bonne memoire, chap. 29. pag. 478.
- <sup>les</sup> Alchymistes distribuët les esprits des planetes aux esprits des mine-  
raux, cōme il leur plaist, ch. 21. pag. 361.
- Alcibiades apres auoir ouÿ Socrate, quitoit sa mau-  
uaise vie, ch. 3. pag. 48.
- Alcibiades donna sur la ionë à vn maistre d'es-  
chole, qui negligeoit de  
porter vn Homere, ch.  
21. pag. 363.
- L'Aigle vit plus long temps  
que l'homme , chap. 37.  
p. 612.
- a meilleur odorat que  
l'homme, chap. 10. pag.  
198.
- L'Aiax d'Auguste, chap. 23.  
p. 412.
- L'Air, appellé grād maistre  
par Hyppocrate, ch. 30.  
p. 492.
- Alcÿphon addonné au lu-

## *des Matieres.*

- xe naturellement, ch.2.  
p.27.
- Alexandre le Grand, & Iu-  
les Cæsar estoient blâcs  
de visage, chap.39. pag.  
669.
- Ames raisonnables toutes  
inesgales en perfection,  
ch.1.p.2. ch.4.p.88.
- l'Ame raisonnable n'est  
point disciple ou seruâ-  
te du temperament, ch.  
1.p.3.
- est principe de ses actions,  
ib. & ch.7.p.151.
- est cōme la loy en vne Re-  
publique, ch.1.p.3.
- est en l'homme la premie-  
re cause, & le suiet des  
sciences, ch.1.p.8.
- a certaines notions gene-  
rales, qui sont le fonde-  
ment des sciences, ch.2.  
p.14.
- est capable de tout, ch.3.  
p.37.38.
- est constituée des princi-  
pes de toutes choses, ib.  
p.37.
- est tousiours principe de  
ses actions, quoy qu'el-  
le se serue du tempera-
- ment, ch.3. p.47.61.62.  
ch.20.p.352.
- a deux sortes d'actions, ch.  
20.p.354.355.
- n'est point naturellement  
seuante, cōme croyoit  
Platon, chap.5. pag.  
106.
- est vne harmonie, selon  
Platon, ch.5.p.111.
- est cause du bon accord, &  
& du meslange reglé des  
humeurs. ibid.
- pour ses actions propres  
ne se sert du tempera-  
ment, ch.6.p.121. ch.10.  
p.195. ch.20.p.351. ch.17  
p.300.
- est immatérielle, cha.17.p.  
288.299.
- a peu de proportion avec  
les deux autres ames.  
ch.6.p.126. chap.8.p.  
158.
- est eternelle, ch.7.p.132.
- est créée à l'image de Dieu  
ch.9.p.184.
- fait son profit de la debili-  
té du corps, ch.11.p.213.  
216.
- feroit mieux ses actions, si  
les organes dont elle se

## Table

- sert, n'auoient aucune  
des qualitez elementai-  
res, ch. 16. p. 282. ch. 20.  
p. 359.
- ne comprendroit pas les  
choses materielles, si el-  
le estoit materielle. ch.  
17. p. 290.
- par les facultez sensitives  
& materielles, fait les o-  
perations des sens, quoy  
qu'elle soit immateriel-  
le & immortelle, com-  
me Dieu par la nature;  
les actions materielles,  
ch. 18. p. 309. 310
- abandonne le corps, par la  
vehemence de la fièvre,  
pour quelle raison, c. 18  
p. 320
- reçoit comme accidents  
les especes intelligibles  
ch. 18. p. 322
- reçoit les impressions de la  
sensitiue, & se laisse aller  
à l'impetuosité des ap-  
petits, quoy qu'elle soit  
immaterielle & incor-  
ruptible, ch. 18. p. 323
- est blesee en son action  
par la melancolie, pour-  
quoy, ibid.
- reçoit des sens, les pre-  
miers traiçts de son ope-  
ration, c. 18. p. 324
- ne peut guere estre prou-  
uée immortelle que par  
coniectures, ch. 19. pa.  
333
- se pourmené en vn mo-  
ment par tout le mon-  
de, & porte les clefs du  
Ciel, comme vn autre  
S. Pierre, pour l'ouurir  
quand il luy plaist, cha.  
19. p. 336. 337.
- est tres bien definie par le  
nombre, ch. 19. p. 337
- ne peut se cognoistre par-  
faitement, à raison de la  
compagnie du corps;  
ib. 338
- contemplerà à nud ses fa-  
cultez, quand elle sera  
separée du corps, ch. 19  
p. 340
- ne pourroit douter de son  
immortalité, si elle n'e-  
stoit point immortelle,  
ch. 19. p. 342.
- puis qu'elle comprend les  
substances spirituelles,  
elle est vne substance  
spirituelle, & partant  
immor-

*des Matieres.*

- immortelle, ch. 20. p. 347  
estât separée, pourra mou-  
voir les elements, selon  
Auenicenne, ch. 20. pag. 348  
est principe de mouue-  
ment, ch. 8. p. 159. ch. 9.  
p. 178. & partant incor-  
ruptible, ch. 20. p. 352  
a deux sortes d'actions, ch.  
20. p. 354. 355  
selon les anciens Philoso-  
phes, est de figure ronde,  
& composee d'atomes  
ronds, ch. 20. p. 356  
subsiste d'elle-mesme, &  
partant est incorrupti-  
ble, ib.  
est le principe de la nour-  
riture, & non le tempe-  
rument, ch. 7. p. 149  
l'Ame vegetatiue est prin-  
cipe de la nourriture,  
ch. 8. p. 159  
l'Ame, en quelle partie  
du corps, ch. 10. p. 186  
l'Ame vegetatiue & l'ame  
sensitiue font ce qu'el-  
les ne sçauent point, ch.  
6. p. 128. ch. 7. p. 154. 156  
l'Ame meut les esprits, per  
contactum virtutis, ch. 7.  
p. 152  
l'Ame du pourceau luy  
sert de sel, ch. 8. p. 157  
Ame humide, ch. 10. pag.  
197  
l'Ame exerce toutes ses fa-  
cultez par tout le cer-  
ueau, selon Gallien, ch.  
12. p. 232  
Anaxagoras repris par A-  
ristote, ch. 1. p. 5  
Anaximenes estoit home  
gras, & ventru, ch. 11. p.  
213  
Androgynes, ch. 4. p. 693  
les Anges ont eu commen-  
cement, ne sçauent pas  
tout, ne peuuent pas tout  
c. 33. p. 563  
Anges tutelaires en cha-  
qu'une region, & en  
chaqu'une ville, ch. 4  
p. 73  
Anges donnez aux hom-  
mes dès le commence-  
ment de la vie, ch. 4  
p. 88  
les Animaux qui n'ont  
point de poulmons, ne  
respirent point, ch. 6  
p. 127

# Table

- Anuict, en vieil langage  
François, pour dire au-  
iourd'huy, parce qu'ils  
contoient les temps par  
les nuicts, c.24.p.403
- Apollonius Thyaneus a  
esté vn imposteur, c.31  
p.394
- pour Apprendre, trois cho-  
ses necessaires, ch. 2  
pag.15. leg.pag.107.110  
124.128
- l'Apoplexie a son siege en  
la substance du cerueau  
c.12.p.232
- son principal remede, la  
saignée, c.33.p.537
- les Apophyses mammil-  
laires portent l'air de la  
respiratiõ aux premiers  
ventricules du cerueau,  
c.15.p.174.275
- iettent les excremens du  
cerueau dans les con-  
duits du nez, ib.
- les Apostres, pourquoy dits  
le sel de la terre, ch.18  
p.319
- l'Aragne a l'instinct de fai-  
re sa toille. Naturelle-  
ment elle fait & apprend  
à faire en mesme temps,
- ch 5. p. 121. c. 17. p. 297  
leg. c. 36. p. 597. 601
- l'Argent est le nerf de la  
guerre, c.37.p.633
- Argenterius sçauant en la  
Theorie de la Medeci-  
ne, c.32.p.512
- Aristote le Genie, & l'es-  
prit familier de la natu-  
re, ch.5.p.112.ch.45.pa.  
748
- Aristote le Roy des bons  
esprits, auoit l'estomach  
delicat, c.10.p.204
- trompoit les nuicts avec  
vne boule & vne poële  
d'airain, p.113
- a plus acquis de credit par  
les lettres, qu'Alexandre  
son disciple par les ar-  
mes, c.17.p.289
- grand Dictateur des scien-  
ces, & le plus solide iu-  
gement qui fut iamais,  
c.20.p.344. c.46. p.755
- a escrit de l'immortalité de  
l'ame, & en a fait vn  
traicté separément, que  
S.Thomas dit auoir veu  
c.20.p.345
- a esté bon Poëte, chap. 21  
p.365.



- 2 esté fort eloquent; & son style, selon Ciceron, estoit vn fleuve d'or coulant, ch.21. p.378
- 2 creu l'eternité du monde, ch.26. p.437
- n'a rien, ou peu ignoré de ce qui peut entrer en la cognoissance des hommes, ch.28. p.452
- l'Architecture ne bastit pas le palais: mais l'Architecture, ch.29. p.469
- l'Arithmétique est vn art diuin, qui a vne grande force, pour le gouuernemēt d'vne republ. & d'vne famille, chap.3. p.51.53
- Arquebouse mot tiré de l'Italien Arcobuso, ch.24. p.400
- l'Art est comme vn instrument de l'intellect, ch.29. p.471
- tout Art est pratique, ch.29. p.477
- est de maximes generales, ch.29. p.469. mais l'artisan ne regarde que le particulier, ibid.
- l'Art a son principe en l'artisan, & la science en la chose, ch.29. p.465
- l'Art en quoy differe de la science, ib. p.464
- tous Arts & toutes sciences sont en l'intellect, ch.27 p.441
- l'Art est vn recueil de preceptes que fait l'entendement, pour pratiquer sans faillir, ch.31. p.495
- l'Art comment deffini, ch.35. p.573
- l'Art n'est pas *in rebus quæ fiunt sed in eo qui facit*, ch.35. p.573
- l'Art militaire, selon l'Examen, demande vn degre de chaleur plus que la Medecine, ch.35. p.556
- l'Art & la nature comment conuiennent, & different l'un de l'autre, ch.6. p.121.122.123
- l'Art aquis, agit sans deliberer, ch.6. p.124
- l'Art est vn principe externe, ch.6. p.125
- l'Art imite la nature, ch.7. p.145
- les Artères sont mieux risuës que les venes. c.12.

# Table

pag. 224  
Alclepiodorus ancienne-  
ment, peignoit sans va-  
riété de couleurs, ch. 22  
p. 381

en l'Asie les habitans ont  
plus d'esprit que de cou-  
rage, ch. 37. p. 615

les Astres sont les pre-  
miers fondateurs des  
villes, ch. 4. p. 73

Athenes la plus celebre  
vniuersité qui fut ia-  
mais, ch. 1. p. 13. chap 5.  
p. 100

à present pleine d'ignorance,  
ch. 4. p. 72

Athenes vniuersité trans-  
ferée à Paris, chap. 5  
p. 103

Athenes par tout, où les  
sciences sont en credit,  
ch. 5. p. 100

Atheniens riches du bout  
des doigts, ch. 2. p. 28

l'Attraction que font les  
parties du corps, des ali-  
ments, est admirable  
comme celle de l'ay-  
mant, ch. 7. p. 50

l'Authent de l'Examen  
n'est point, comme il

croit, inuenteur du sur-  
jet qu'il traite, chap. 4.  
p. 83

Croit que les enfans bien  
temperés peuvent par-  
ler incontinent apres  
estre nais, ch. 3. p. 45. dis-  
courir, philosopher, ib.

l'Aymant est vne pierre  
animée selon Thales,  
ch. 7. p. 136

perd sa vertu à la presence  
du diamant, ch. 7. pag.  
134

a son adresse vers le pole,  
non à raison du tempe-  
rament, ibid. p. 133

Attire plusieurs petites  
pailles de fer qui se  
touchent, quoy qu'il ne  
touche que la premiere,  
ch. 45. pag. 737

## B

**B**Abil quel mot & quel-  
le est son origine, ch.  
24. p. 402

Badaut, *bataulus*, ibid.

Banquets publics, en cre-  
dit anciennement, ch. 48.

p. 773. 774

## *des Matieres.*

Barbare, d'où les François  
ont tiré ce mot, p.401

Bastards volontiers spiri-  
tuels, ch.47.p.761.762  
vn Baston de moitié dans

l'eau pourquoy paroist  
rompu, ch.18.p.325

Beauté en quoy consiste,  
ch.37.p.617

la Beauté & la vertu ne  
sont pas fideles compa-  
gnes, p.618.619

n'est pas iugée d'une mes-  
me sorte, dans toutes  
les nations, p.626

la Beauté des Roys en  
quoy consiste, p.627

les Bestes n'ont point de  
volonté : mais vn in-  
stinct, ch.7.p.154

ont l'odorat plus exquis  
que l'homme, chap.10.  
p.168.642.5

n'usent point de compa-  
raison, ch.32.p.507

pourquoy n'ont point l'v-  
sage des mains, chap.35.  
p.566

la Boëtie ne produisoit  
que des esprits lourds,  
ch.4.p.71

la Blancher couleur de la

vertu, ch.39.p.668

Bouffole quadran des Ma-  
riniers, inuenté à Mel-  
phes en Italie, chap.24.  
p.401

origine du mot, Bouffole,  
ibid.

le Burin ne sçait rien de  
l'intention de l'ouurier,  
ch.8.pag.165

## C

**C**amarium partie du  
cerueu, où, peut  
estre est logée la me-  
moire, ch.14.p.259

Camarium principal pa-  
lais de l'ame, chap.13.  
p.247.249

est vne voute dans le cer-  
ueu, ch.12.p.223. faut  
lire le ch.13.p.246.247.  
248. ch.15.p.266

le Camarium est la cellule  
principale de l'imagina-  
tiue, & où elle appro-  
che plus pres de l'in-  
tellect, ch.25.p.418

est le lieu où l'imaginatiue  
est ditte, *intellectus pa-*  
*tiens*, p.419

## Table

- Cambises instruit par des femmes, & des Euniques, chap. 2. p. 27
- Capitaines cōment se cōduisent en guerre, chap. 35. p. 571. 573. 580. 583
- les Capitaines, & les Medecins conuiennent en quelques choses, ch. 35. p. 570
- les Capitaines ont souuent plus de peine à tromper leurs Soldats que leurs ennemis. p. 571
- ne doiuent point auoir peur, p. 581
- le Cardinal du Perron, ch. 28. p. 457. 458. 459
- les Catarrhes sont plus frequens en hyuer, & aux pays froids, ch. 39. p. 655
- Catō estoit tres-bon Orateur, tres-bon Empereur, très bon senateur, c. 21. p. 367
- les Cendres ne sont point incorruptibles, chap. 18. p. 328
- le Cercle est la plus parfaite & plus capable figure de toutes, c. 19. p. 332
- le Cerf de Ptolomée entendoit la langue Greque, ch. 36. p. 597
- le Cerf est de plus longue vie que l'homme, ch. 73. p. 612
- le Cerueau est la plus digne partie de tout le corps, ch. 15. p. 265. est comme la ville Capitale du temperamēt froid & humide, ch. 10. p. 194. ch. 11. p. 218.
- le Cerueau de quel temperament, ch. 10. p. 187
- est plus Chaud & plus froid que la peau. p. 189. 190
- est plus Chaud que tout air qui l'environne. ib. a du sang, contre l'opinion d'Aristote, p. 192. 193
- est vne substance molle & glanduleuse. chap. 12. p. 237
- n'est point actuellement froid, ib.
- est principe de mouvement selon Ferr el, & ses ventricules principes de sentiment, chap. 13. p. 245
- est Chaud au toucher, ch.

## *des Matieres.*

10. p. 194  
selon Aristote, a vne nature commune d'eau & de terre, ch. 16. p. 283  
est le plus froid de toutes les parties du corps, selon Aristote, chap. 16. p. 285
- Cerueau de l'homme tel que celuy des bestes, ch. 20. p. 357  
est plus froid aux pais froids qu'aux pays chauds, ch. 39. p. 657
- la Chaleur est de deux sortes, en tous corps animez, chap. 7. pag. 131. 141
- la Chaleur & autres qualitez elementaires, sont dispositions qui seruent à l'Ame, & ignorent les desseins de la nature, & les instincts imprimez en l'ame, ch. 8. p. 165
- la Chaleur est la plus active qualite de toutes, ch. 9. p. 179
- les Charlatans aujourd'huy sont vne maladie incurable, ch. 34. p. 548
- Couper la bourse aux toupinanbous de l'Europe, p. 550  
tirent plus de gain de leur langue, que de leur mirridat, p. 548  
pour de l'argent promettent de resusciter, ch. 32. p. 527
- sont tous trompeurs, qui n'entendent que la drogue & la pistole, p. 521  
trompét & sont trompez à toutes occasions, ch. 31. p. 501. parce qu'ils sont ignorans, chap. 32. p. 518
- ne trompent que les fols, p. 498
- Charles le Chaune empoisonné à Mantouë par vn Medecin Iuif, chap. 34. p. 350
- Chair de Paon point incorruptible, ch. 18. p. 329
- le Cheual fidele compagnon à l'homme, ch. 8. p. 170
- quelles marques doit auoir, pour estre estimé bon, p. 169
- le Cheureau essaye de sauter incontinent qu'il est

# Table

- né, de l'instinct de sa forme, chap.7.p.151.ch. 8.p.163.164
- la Chine fertile en beaux esprits, ch.5.p.100.chap. 38.645
- le Chien mange du chien- dent contre la colique, ch.36.p.596
- les Chiens pour estre bōs, quelles marques doi- uent auoir, chap.8. pag. 169
- ont l'instinct de la chasse, qui depend de leur for- me, pag.168
- Chiēs de Lycurgus. p.167
- Chrysippus grand Philo- sophe & petit homme, ch.11.p.209
- le Chyle est porté au foye par les venes mesarraï- ques, & le sang du foye aux intestins par les mesmes venes, chap.15. pag.274
- Ciceron le fils, de mauuai- se nature, ch.2.p.13.19. ch 46 p.754
- Ciceron s'est estudiē à re- duire les loix Romaines, ch.29.p.479
- le Ciel est exēpt des quali- tez elementaires, ch.18. p.322
- est en quelque maniere in- corruptible, chap.20. p.347
- n'est point du tout neces- faire à l'homme pour e- stre sçauant, chap.4.p. 84
- le Ciel & les elements sont deux causes naturelles, dont depend tout icy bas, ch.7.p.130
- la Ciguē qui tuē les hom- mes, est nourriture aux estourneaux, chap.7. p.140
- Cleanthes le Sophiste, stu- pide naturellement, de- uint tres-sçauant, cha.2. p.23
- Cōposa le liure de la louā- ge du travail. ib.
- le Climat de la Grece, le meilleur de tous, pour les sciences, chap.5. pag. 100
- Clitoris, quelle partie en la femme. ch.41.p.685. 686.688
- le Cœur principe de la vie,

## des Matieres.

- des esprits, de la chaleur influente. ch. 15. p. 264
- quelles sont ses parties, ibid.
- son ventricule senestre la principale de toutes, ibid.
- Cogitative faculté qui raisonne des choses particulieres, chap. 32. pag. 507
- la Conformation bonne des parties du corps, notamment du cerueau est plus necessaire pour le bon esprit, que le temperament, ch. 4. p. 81. 94
- la conformation de la teste peut plus pour la difference des esprits, que des autres parties du corps, ch. 11. p. 214
- la Cognoissance est actuelle ou habituelle, ch. 32. pag. 511
- Cognoissance habituelle, de deux sortes. ib.
- Cognoissance de l'occasion, tres-necessaire en la Medecine, chap. 33. p. 533
- la cognoissance de ce qu'il faut faire, rend les hommes hardis, chap. 35. p. 568
- Coniecture est vne cognoissance imparfaite, ch. 30. p. 481. 482
- Coniectures artificielles: p. 489
- Constantin fut inspiré, de transferer le siege de l'Empire de Rome, à Constantinople, ch. 4. p. 74
- les Contraires cessent d'estre contraires, en l'intellect, ch. 25. p. 410
- le Coq est dit tout-voix, par les Grecs, *ολόφωνος*, ch. 2. p. 17
- le Corbeau vit plus longtemps que l'homme, p. 612. conçoit par le bec. ch. 41. p. 699
- Cordouan, cuir de Cordoue, ch. 24. p. 401
- le Corps quarrement composé est le plus loüable, ch. 11. p. 207
- le Crane ou le test qui couure le cerueau, ch. 12. p. 221

# Table

Cratippus precepteur du  
 fils de Ciceron, à Athe-  
 nes, ch.2.p.13  
 la Coustume est vne autre  
 nature, ch.2.p.33  
 s'accorde avec la nature,  
 ch.7.pag.144

## D

les **D**emons font des  
 operations ma-  
 terielles, sans participer  
 à la matiere, chap.18.

p.312

tiennent le sabath, p.316

317

Demon, c'est à dire sça-  
 uant, ch.35.p.563

le Demon de Saül fut chas-  
 sé par la Musique de  
 Daud: & celui de To-  
 bie par l'odeur du foye  
 d'un poisson, ch.18.pag.

316

des Demons l'on dit plu-  
 sieurs choses qui ne sôt  
 point, ou qui sont au-  
 trement, p.314

les Demons ne cōprennēt  
 rien que par especes in-  
 telligibles, qui leur sont

naturelles, ch.18.p.317  
 Democrite également sça-  
 uant en toutes sortes de  
 sciences, ch.27.p.450  
 Demosthene rude d'esprit  
 naturellement, ch.2.p.  
 21

Demetrius prenoit les ad-  
 uerbes Grecs pour ser-  
 uir de noms à ses serui-  
 teurs, c.24.p.400

les Dents sont insensibles  
 à la solution de conti-  
 nuité, & sensibles à l'in-  
 temperie, ch.8.p.166

pour Deuiner il faut estre  
 fat, selon Platon, ch.9  
 p.195

la Dialectique est necessai-  
 re, pour la cognoissance  
 des autres sciences, ch.3  
 p.57

le Diamant ne peut estre  
 dompté, ny par le fer, ny  
 par le feu, chap.18.pa-  
 329

rapporte à l'aymant, attire  
 le fer comme l'aymant,  
 & luy a donné le nom,  
 c.7.p.134

il n'a point son adresse  
 vers le Pole, cōme l'ay-



## *des Matieres.*

- mant, ib.  
 Dieu est la premiere cause  
 de toutes choses, sans  
 ayde que de sa bonté, &  
 sans autre matiere que  
 le rien, c. 18. p. 308  
 Dieu & la premiere ma-  
 tiere sont les deux extre-  
 mitez de toutes choses,  
 ch. 10. p. 195  
 cognoist tout, & le futur  
 luy est present, ch. 9. pa.  
 184  
 vent toutes choses au prix  
 de la peine, chap. 2. pag.  
 18  
 distribuë ses graces selon  
 la vertu d'un chacun, c.  
 12. p. 60. 62  
 peut & fait tout ce qui luy  
 plaist, sans matiere, ou  
 avec matiere, chap. 3.  
 p. 61  
 seul est éternel, peut tout,  
 & sçait tout, ch. 35. pag.  
 565  
 doit estre tousiours guide  
 des actions du Prince,  
 c. 37. p. 631  
 est seul dans le monde  
 vrayemēt sage, & vraye-  
 ment sçauant, ch. 19. pa.  
 343
- les Dieux estoient diuisez  
 durāt le siege de Troye,  
 c. 21. p. 361  
 Diogenes estoit bateur, ou  
 changeur de monnoye,  
 c. 27. p. 450  
 estoit homme maigre, c. 11  
 p. 213  
 Diomedes grand homme  
 pour l'exécution, non  
 pour le conseil, chap. 35  
 p. 583  
 Diploë, substance entre les  
 deux tables du crane, c. 12  
 p. 222  
 la Discipline est necessaire  
 pour l'apprentissage des  
 sciences, c. 5. p. 99  
 fait plus de vaillans hom-  
 mes que la nature, ch. 35  
 p. 568  
 le Discours est la pourme-  
 nade de l'ame, ch. 3. p. 38.  
 ch. 6. p. 128  
 Discourir est vn mouue-  
 ment de l'entendement,  
 c. 6. p. 126  
 les Discours de la pieté &  
 de la vertu, n'ont point  
 tant de besoin des orne-  
 mens de l'éloquence, c.  
 22. p. 382

## Table

Diuination de deux sortes, c.9 p.182

la Diuination ne peut estre par le temperament, ibid.

le Dormir est rapporté au sens commun, ch.26. pa.

425

Douleur & plaisir ne peuvent estre sans sentimēt, ny le sentiment sans organes materiels, chap 18 pag. 313

## E

les **E** Clypsés sont dictes, *siderum labores*, ch. 18. pag. 311

les Effects du Ciel son cachez, c.7. p.132

Egyptiens, ch.36, p.590. c. 39. p.652

les Egyptiens expriment le Roy, par vn œil au hault d'vn sceptre, c.37. p.635

Election est vn iugement que fait l'ame, d'vne chose qui luy plaist, c.3 p.54

l'Elephant est plus aduisé

que les autres bestes, ch.10 p.201. c.11. p.208 c.15. p.275

approche plus de la nature de l'homme, p.201

vn Elephant a escrit anciennement, ch.36. pag.

597

l'Eloquence appartient principalement aux Advocats, ch.29. p.462

Empedocles estoit Poete, Orateur, Philosophe, & Medecin, chap.21. pag.

567

l'Enceide de Virgile, chef-d'œuvre de la poesie, & le derniereffort des Muses, ch.21. p.366

vn Enfant naquit avec vne dent d'or, c.45. p.747

les Enfants sont humides de temperament, ch.3.

p.45

sont inhabiles à la generation, ch.6. p.129

sont timides naturellement, faute d'experience, ch.3. p.49

des vieillards sont sçauants dès leur naissance, selon

l'Examen, c.5. p.102

*des Matières.*

des Roys n'apprennent  
rien mieux qu'à picquer  
vn cheual, chap.37  
pag.629.

l'Enfant tette, d'instinct dō-  
né aux léures, par l'ame  
de l'enfant, chap.8. pag.  
153

n'est point nourry de laiēt  
dans la matrice, ch.43.p.  
710,&c.

Entendement, que c'est,  
c.36.p.601

l'Entendement, selon Pla-  
ton, est Roy du Ciel &  
de la terre, chap.3. pag.  
37

est tout, parce qu'il sçait  
tout, ib.

est comparé à la premiere  
matiere, ib. à vn fluteur,  
c.4.p.80

se plaît quelquesfois à  
choses faulles, ch.3. pag.  
41

demande vn temperament  
sec, selon l'Examen, c.4  
p.44.52

l'Entendement & la vo-  
lonté sont deux princi-  
palez au Royaume de  
l'ame, c.3.p.46

l'Entendement, pour estre  
bon, a besoin de la bon-  
té de l'imaginatiue, &  
de la memoire, ch.25

p.414  
opere bien ou mal, selon  
les pieces de ses rappor-  
teurs, ib.

Eschalote, quel mot, c.24  
p.402

Esclaves anciennement  
marquez au front, ch.34  
p.554

Espagne, pays temperé, c.5  
p.102. le temperament  
des lettres, ch.33.p.540  
659

Espagnols, quoy que de  
bon esprit, sont mal-  
heureux en leurs estu-  
des, p.104.666

l'Espee de Scāderbeg. ch.5  
p.109.c.45.p.747

les Elpecies sensibles sont  
produictes des accidens  
des obiects, chap.1.  
p.9

les Elpecies des sens sont  
portees par reflexion,  
du quatriesme ventri-  
cule du cerueau, aux  
trois premiers, selon

# Table

Fracastor, chap. 12. pag.

236

font la matiere des choses  
intelligibles, dans le Ca-  
marium, pour la dernie-  
re main, ch. 25. p. 419

comment deuiennent im-  
materiales en l'intel-  
lect, c. 26. p. 427

les Esprits des homes sont  
steriles, sans la diligence  
de l'estude, c. 2. p. 15. c. 4  
p. 10

les Esprits les plus debiles  
sont rendus capables de  
de discipline, par l'exer-  
cice, ch. 2. p. 20. 21. 22

l'Esprit de l'homme capa-  
ble de toutes sciences,  
c. 3. p. 37. 38

les Esprits chauds plus ha-  
biles à remuer des dis-  
putes, qu'à des affaires  
de iugement, chap. 4  
p. 87

Esprit froid, chap. 10. pag.  
194

les Esprits sont meus par  
l'ame, *per contactum vir-  
tutis*, c. 7. p. 152

les Esprits de la semence  
en la generation, sont

comme le cachet, & la  
faculté comme la main,  
c. 8. p. 161

les Esprits sont plus subtils  
au cerueau qu'au cœur,  
c. 10. p. 195

les Esprits des melancoli-  
ques sont purs & luisants  
p. 197

les Esprits sont les pre-  
miers instruments de  
l'ame, c. 13. p. 246

les Esprits de l'ame sont  
preparez dans tous les  
ventricules du cerueau,  
c. 15. p. 267

dans le rets admirable, ibi.  
p. 268

ne sont pas preparez com-  
me les viandes dans l'e-  
stomach, ibid. pag.  
270

sont les plus habiles in-  
struments de l'ame, ibi.  
p. 272

sont plus vtils pour le bon  
esprit que le tempera-  
ment, c. 16. p. 279

les Esprits purs & subtils  
du cerueau, sont neces-  
saires pour le bon entē-  
dement, c. 25. p. 421

# des Matieres.

Esprit, *ingenium*, que c'est,  
c.36.p.601

Esplingues, *Spinula*, c.24.p.

403

Estomach de sentiment ex-  
quis, est signe de bon  
esprit, chap. 10. pag.

203

Eunuques, pourquoy mes-  
chans, c.47.p.764

en l'Europe plus de cou-  
rage que de bon esprit;

c.37.p.629

Exemples d'enfans mes-  
chans nais de peres ver-  
tueux, ch. 46. pag. 753.

754

Experience de deux sortes,  
c.31.p.500.502

Experience medecinale,  
que c'est, c.32. pag. 507  
508

depend de l'intellect, pag.  
515

l'Experience doit estre cõ-  
duite par la raison ;  
ibid.

l'Experience sans science  
rencontre mieux que la  
science sans experiẽce,  
p.524.525

l'Experience & la memoi-

re , en quoy different,  
c.29.p.470.

F

**F**Abius n'estoit point ti-  
mide, mais sage & dis-  
cret, c.35.p.581

la Faculté generatiue de la  
semence du pere, est vn  
agêt qui forme tout en  
l'absence du pere, c.9.

p.141.143

la Faculté est comme la  
main, c.8.p.161

les Facultez de l'ame sont  
par tout le cerueau, se-  
lon les Grecs, ch.12.p.  
224.234.c.14.p.256

selon les Arabes elles sont  
separees comme les cel-  
lules du cerueau, c.12.p.

225.234. c.14. p.256. c.  
15. 272.

les Facultez du cerueau  
peuvent toutes estre  
blessées par l'indisposi-  
tion d'un seul ventricu-  
le, c.16.p.255

Fauconnerie, ch. 24. pag.

403

la Femme a la chair plus

# Table

- molle & plus delicate que l'homme, ch. 10. p. 201
- plus humide que l'homme, c. 40. p. 676
- commēt plus chaude que l'homme, ch. 42. p. 702
- 703
- le Feu auroit son action sans fin, s'il n'auoit point de matiere, ch. 19 p. 336. ch. 20. p. 353
- est principe interne de chaleur, p. 352
- la Figure de l'œil n'empesche pas qu'il ne perçoie les autres figures, ch. 17. p. 293
- Filles deuenues, hommes, ch. 41. p. 690
- vne Fille nourrit sa mere en la prison, du lait de ses mammelles, chap. 8. 171. 172
- vne autre de mesme nourrit son pere, 1b.
- la Flandre pays gras, fertile en bons esprits, ch. 39. p. 560
- les Fleurs sont les tapisseries de la nature, ch. 7. p. 128
- la Forme est principe de mouuement, ch. 8 p. 164
- la Forme du corps est vn signe incertain, pour l'esprit de l'enfant, c. 10 p. 214
- les Fourmis & les Abeilles qui n'ont point de sang, ont plus de prudence que plusieurs autres animaux, c. 10. p. 192. 199 ch. 11. p. 208. 209
- le Fourmi n'a point de cerueau, c. 16. p. 283
- n'a point de prudence, ch. 36 p. 595. 596
- le Foye a esté formé par la nature avec plus d'artifice que le ventricule, c. 15. p. 263
- les François blancs de visage, c. 39. p. 667
- la France de pire temperament & neantmoins plus sçauante que l'Espagne, c. 5. p. 104. c. 39. p. 660
- en France on prefere l'instruction au temperament, p. 117. 118. 665
- les Frenetiques quelques-fois on

## *des Matieres.*

fois ont parlé Latin, ch.  
23. pag. 387. 388. 391  
395  
Front auancé marque de  
bon esprit, p.245  
Fusil est vn nom qui re-  
presente fort bien la  
chose qu'il signifie, ch.  
35. pag. 581

### **G**

**G**Alien a esté fils d'un  
pere scauant, cha.  
pag.756

Galien n'a pas creu l'im-  
mortalité de l'ame, ch.  
4.p.78.79

la Geometrie rend les es-  
prits dociles, & plus ca-  
pables des autres scien-  
ces, ch.3.p.5

les Geographes nouveaux  
different des anciens  
pour la diuision des cli-  
mats, c.38.p.641

Glaner, quel mot, cha.24.  
p.403

les Gots ne permettoient  
point à leurs Roys, de  
s'adonner à l'estude des  
lettres, c.37.p.621

Goust delicat signe de bon  
esprit, c.10.p.303

la Grandeur & petitesse  
du corps blasmée &  
louée, c.11.p.208.209.  
&c.

Grands hommes volon-  
tiers ont plus de corps  
que d'esprit, c.11.p.211  
les Grenadiers plus sont  
petits plus ils portent de  
fruiet, c.11.p.211

la Grece pays temperé, c.  
4.p.69.102.c.37.p.615

le climat des bons esprits;  
& la retraicte des mu-  
ses anciennement, c.4.  
p.69

en la Grece entre les habi-  
tans se trouuent la va-  
leur & le bon esprit,  
p.615

la Grece aujourd'huy, n'a  
plus le credit des lettres  
c.39.p.659.663

les Grecs appelloient bar-  
bares toutes autres na-  
tions, ch.23.p.396

la Gresse rend le corps stu-  
pide, chap.11.  
pag.213

# Table

## H

**H** Areng for pourquoy  
ainsi dit, chap.24.

p.402

Habitudes sont en l'intel-  
lect, c.29.p.466

les Hebricux ont porté les  
sciences en Egypte, c.4.

p.72.p.664

Hellebore préparé ancien-  
nement, autrement  
qu'aujourd'huy, chap.4

p.91

l'Hellebore est remede au  
Scorpion. c.7.p.139

Henry Estienne apres vne  
fièvre quarte enhait les  
lettres & les liures, c.76.

p.280

Hermaphrodites, chap.41.

p.693 694.695

Hippocrate de tout temps  
grandement estimé, en-  
tre les doctes de toutes  
professions, c.21.p.369

a esté eloquent, ib.

Histoire notable d'une  
Damoiselle malade de  
suffocation hystérique,

c.20.p.358

Histoire de Demetrius, c.  
22.p.383

d'une Dame qui eut vne  
fille marquée d'une o-  
reille de Lamproie, ch.

45.p.745

d'un enfant qui parla La-  
tin dans le ventre de sa  
mere, c.23 p.388

du fils de Crœsus, qui par-  
la incontinent apres es-  
tre nay, c.23.ib.

d'une fille de Spolette, qui  
parloit Allemand sans  
l'auoir apprins, pag.

395

d'une autre fille de Tosca-  
ne, qui disoit auoir l'es-  
prit de Virgile, pag.

390

d'une autre, qui parloit  
Grec, p.395

du sellier, c.14.p.259.c.25.

p.421

Homere, la source des  
bons esprits, & le pre-  
mier pere des sciences,

c.21.p.363

estoit sçauant en l'anatomie

p.367

l'Homme a quelque co-  
gnissance de Dieu na-



## des Matieres.

turellement, ch. 3. pag.

42

a naturellement quelque  
desir d'apprendre. ch. 2.

p. 13

est capable de science, ibi.  
pour estre sçauant, doit es-  
tre laborieux, p. 17

de quelque bon tempera-  
ment qu'il soit, ne peut  
sçauoir de quelles par-  
ties il est composé, s'il  
ne sçait l'anatomie, c. 5.

p. 108. c. 7. p. 153

est la meilleure partie de la  
nature, p. 13

n'a inclination à rien, d'in-  
stinct particulier, parce  
qu'il a l'intellect capa-  
ble de tout, c. 5. p. 122

quoy que bien temperé,  
s'il est sans discipline, il  
a moins de prudence  
que celuy qui est intem-  
peré, & bien instruit,  
c. 5. p. 119

sans discipline ne peut es-  
tre sçauant, c. 5. p. 101

est le mieux temperé de  
tous les animaux, c. 10. p.

187

est la regle, la mesure, le

milieu, & le centre de la  
nature, ibid. ch. 19. pag.

335

est le plus prudent de tous  
les animaux, p. 191

excelle sur tous autres  
animaux, pour le regard  
du toucher, p. 196

a la teste plus petite que  
tous autres animaux, à  
proportion du corps, p.

215

marche la face droite,  
parce qu'il est d'une na-  
ture diuine, p. 210

pour estre capable de tout,  
a esté mis nud au mon-  
de, & sans aucun instinct  
c. 17. p. 297. 298

l'Homme solitaire est ou  
Dieu, ou beste, selon A-  
ristote, c. 18. p. 317

est constitué à l'horison de  
l'éternité c. 19. p. 335

sçait moins que les Anges,  
& pourquoy, c. 25. pag.

564

a naturellement imprimée  
en l'âme, quelque opi-  
nion de l'immortalité,

c. 19. p. 341

les Hommes de lettres cher-

# Table

- chent le repos dans leurs  
estudes, c.2.p.16
- quelques Hommes peu  
différents de la nature  
des bestes, chap.4. pag.  
90
- les Hommes sçauants sont  
& ont esté tousiours en  
petit nombre, ib.
- sont plus habiles à com-  
mander qu'à obeyr,  
ibid.
- Hommes sanguins stupi-  
des, c.10.p.191.192
- le deuoir de l'Homme est  
d'entendre, & d'estre sa-  
ge, c.10.p.188
- les Hommes sages ont le  
test & le cerueau delicats  
p.202
- qui ont l'estomach delicat  
ont bon esprit, p.204
- grands de corps, & peu  
d'esprit, c.11.p.206
- Hommes gras sont gros-  
siers, p.212
- Hommes d'estudes gresles  
ordinairement & deli-  
cats, comme Aristote,  
p.213
- sont de moyenne grandeur  
au milieu de la terre ha-  
bitable, p.211.212
- les Hommes choleres ont  
bonne memoire, selon  
Platon, c.16.p.278
- les Hommes qui habitent  
les pays chauds sont  
plus sages, chap.16. pa.  
285
- les Hommes delicats &  
foibles sont volontiers  
de meilleur esprit, c.19.  
p.340
- vn Homme d'entendement,  
selon l'Examen, ne peut  
estre Poëte, c.21.p.363
- Honte, c.48.p.768
- Hortensius, c.29.p.462
- l'Humidité naturelle & ra-  
dicale, est la force des  
fonctions, le fondement  
de la vie, & la substance  
des parties similaires,  
c.8.p.162
- tient plus du Ciel que des  
elements, ibid.
- estant perdue est irrepara-  
ble, pag.163
- l'Humidité est comme vne  
peste aux actions de  
l'ame, c.10.p.197
- la Hupe pour guerir man-  
ge de l'adanthon, chap.

## des Matieres.

36. pag. 596

Hydropisie, quelle plus  
dangereuse, chap. 32.  
pag. 513

### I

**I**acobites en l'Orient,  
marquez d'une Croix,  
c. 34. p. 554

Jeunes Medecins, quand  
habiles, ch. 32. p. 523. 525  
526

l'Ignorance est plustost  
faute d'affection que de  
bon naturel, c. 2. pag. 14  
est vne maladie selon Pla-  
ton, & selon Seneque, la  
sepulture de l'homme  
vivant, pag. 20  
est quelquesfois fauorisee  
d'une bonne fortune, c.  
31. p. 499

l'Image de Mercure n'es-  
toit pas faite de tous  
bois, ch. 3. p. 36

l'Imaginative selon l'Exa-  
men demande vn tem-  
perament chaud, chap. 3  
p. 44

l'Imaginative de la mere,  
derobe, à la faculté la fi-

gure naturelle, pour luy  
en substituer vne autre,  
c. 7. p. 146

l'Imaginative reçoit les  
especes du sens cōmun.  
c. 16. p. 277

est logee aux premiers ven-  
tricules du cerueau, ch.  
13. p. 241

est l'Intellect patient, pag.  
251

consiste plus en humidité  
qu'en tout autre tem-  
perament, ch. 16. p. 281.  
mais sans excez, ibid.  
282

l'Imaginative dépend de  
l'ame sensitive, c. 45. pa.  
731

est la plus noble faculté  
des sens interieurs, c. 25.  
p. 416

l'Imaginative n'est point  
contraire à l'entende-  
ment ny à la memoire,  
p. 410

est dite quelquesfois intel-  
lect par Aristote, ch. 26.  
p. 431. &c.

l'Imaginative du Roy Frā-  
çois, c. 34. 543

l'Imaginative seule peut

## Table

- rendre vn homme pe-  
stiferè, selon Paracelse,  
p.544
- L'Imaginatie ne peut rien  
s'imaginer de l'ame, ny  
qu'il y ayt des ames, ch.  
35.p.560
- est vne faculté brutale, en  
comparaison de l'intel-  
lect, c.35.p.561
- fait aux bestes cōme mai-  
stresse, ce qu'elle fait en  
l'homme, en qualité de  
seruante, p.565
- L'Immortalité de l'ame est  
de preuue difficile, c.19  
p.331.332
- est prouuee par Aristote,  
principalemēt par l'im-  
materialité, ch.19. pag.  
305
- a esté tenuë de tout temps  
par les plus barbares na-  
tions, p.341
- aux Indes Occidentales  
descouertes en ces der-  
niers temps, ils croient  
l'immortalité del'ame,  
p.342
- Impossible, signifie quel-  
quesfois difficile, ch.12.  
p.34
- L'Imposition des noms;  
n'est point de la nature,  
c.24.p.404
- L'Impudēce est la principa-  
le drogue des charlatāns,  
c.31.p.500
- L'Inclination louable des  
enfans doit estre suiuiue,  
c.3.p.62.63
- Indication en la medecine,  
que c'est, chap. 31. pag.  
505
- les Indications surquoy  
sont fondees, ch.32. pag.  
507
- ne font point partie de la  
Medecine, p.516
- L'Inesgalité des ames est  
vne des principales cau-  
ses de la difference des  
esprits, c.4.p.85.87
- peut plus pour la differen-  
ce des esprits, que les  
vertus & influences du  
Ciel, p.88. 92.93
- Instinct de nature n'est  
point instinct du tempe-  
rament, ch.7. p.132.133
- L'Instinct & l'operation  
sont de la forme, pag.  
151
- L'Instrument de Musique

## *des Matieres.*

- bien d'accord ne rend  
pas bon ioieur celuy  
qui le possède, s'il n'y est  
habile, c.5.p.11
- l'Instructiō corrige les de-  
fauts de la nature, cha.2.  
p.29.33
- l'Intellect est la principale  
faculté de l'ame raison-  
nable, ch 2.p.30. ch.35.  
p.576
- est vne faculté qui agist  
sans instrumens mate-  
riels, ch.1.p.9.ch.26.p.  
426
- pour agir, se tourne vers  
les especes de la phanta-  
sie, c.1.p.10.c.3.p.55 ch.  
26.p.426.c.39.p.649
- se debilité de la force du  
corps, c.2.p.20
- est semblable à la main, ch.  
3. p.37
- est la main immaterielle  
de l'ame, p.52
- est l'instrument de l'ame,  
comme la main est in-  
strument du corps, pa.  
38
- l'Intellect, par le discours,  
se pourmenepar tout le  
monde, c.3.p.38
- est capable de sçauoir tout,  
comme, la volonté de  
vouloir tout, chap.3.  
p.55
- est plus prompt & plus vite  
en son action que toute  
autre chose, chap.6  
p.126
- ne seroit point immortel,  
si en son action propre  
il operoit naturellemēt,  
ch.17.p.301
- l'Intellect a ses especes im-  
materiales, ib.
- est Immateriel, & com-  
prend toutes choses ma-  
teriels & immateriel-  
les, p.304
- ne se sert point des instru-  
mens du corps, pour  
son action propre, ch 18  
p.306
- n'est point blessé en la  
phrenesie, p.311
- se sert de l'imaginatiue  
comme d'une seruante,  
ch.25.p.409
- l'Intellect & la volonté  
sont puissances libres &  
immateriales, chap.20.  
p.348.349
- l'Intellect ne se lasse point

# Table

- en son operation, mais est rendu plus fort, plus il agit sur des points de violente meditation, p. 350.351
- l'Intellect patient dans le camarium, c.25.p.419
- l'Intellect agent merite seul le nom d'intellect, car le patient n'est ainsi dit qu'improprement, p.420
- l'Intellect comparé au sens commun, ch.26.p.425
- comparé à la lumiere, c.26 p.427.c.31.p.494
- l'Intellect comprend les choses singulieres & les vniuerselles, p.426.ch.33.p.529.&c.
- peut seul raisonner & discourir, c.27.p.444
- comprend son action, *scit enim se intelligere*, ch.20 p.351. ch.26.p.426
- est l'œil de l'ame, c.31.pag. 494.c.35.p.564
- peut seul vser de comparaison, ch.32.p.507
- est vne faculté diuine, qui peut neantmoins estre trompée, c.29.p.466
- est de deux sortes, speculatif ou pratic pour cognoistre ou pour faire, cha.29.p.464.476
- l'Intelligence que c'est, ch.36.p.600
- l'Intelligence faict mouoir son ciel, *per contemplum virtutis*, selon Aristote, ch.18.p.332
- Intention que c'est, ch.36.p.600
- l'Inuention de fondre le fer, *post Ida montis incendium*, ch.4.p.91
- l'Inuention de faire du verre, ib.
- l'Inuention du papier admirable, p.92
- l'Inuention de l'horloge & de la nauigation, ch.35.p.562
- Inuention des machines de la guerre, n'appartient point à l'imaginatiue, ch.35.p.561
- Iours critiques, chap.4.p.91
- l'Italie a iouy des sciences apres la Grece, chap.4.p.72
- Iuba Roy des Mores, trop

## *des Matieres.*

- adonné aux lettres, c. 37. p. 624
- le Iuif errant de Pierre Cahier, ch. 34. p. 548
- Iules Cæsar alloit du pair pour l'éloquence, avec les premiers Orateurs du temps, c. 37. p. 624
- estoit chauue & portoit sa robe mal ceinte. pag. 625
- estoit blanc de visage, ch. 39. p. 669
- n'oubloit rien que les injures, ib.
- fut le premier qui eut dessein de reduire les loix sous certains Chapitres, ch. 29. p. 479
- malpropre en son habillement, ch. 35. p. 576. ch. 37. p. 625
- Iules Scaliger grand de stature, ch. 11. p. 211.
- Iuments de Portugal, ch. 5. p. 105
- les Iuifs n'ont point eu meilleur esprit depuis leur demeure en Egypte qu'auparauant, chap. 34. p. 539
- sont opiniastrés & de dur esprit, ch. 35. p. 541
- Iuuenal estoit grand de corps & d'esprit, cha. 11. p. 211
- la Iurispudence consiste en theorique & pratique, cha. 29. p. 461
- est art, plustost que science ch. 29. p. 465. 479
- est fondée sur regles vniuerselles. ibid.
- est pratique & non speculative, sinon improprement. p. 477
- appartient à l'intellect, p. 479
- les Iuriconsultes sont hôteux, quand la loy leur manque, p. 474
- la Iustice est de l'essence de Dieu, ch. 19. p. 343

## L

- L**E lait quand commence à estre fait dans les mamelles, c. 43. p. 713
- la Lampe d'Epictete, ch. 5. p. 109
- les Lamproyes ont l'ame au bout de la queue, c. 6

# Table

p.124

la Langue est messagere  
des conceptions de l'a-  
me, ch.3.p.38

la Langue ne doit auoir  
aucune faueur, pour  
perceuoir les faueurs du  
dehors, en pareil degre,  
c.17.p.296

la Langue Latine cōtraire  
aux Espagnols, chap.21.

p.374

la Langue des Dieux, selon  
Platon, ch.21.p.389

la Langue Latine est la  
langue naturelle, selon  
l'Examen, l'Hebraique  
selon les Cabalistes, &c.  
ch.23.p.392

la Langue Latine comme  
les autres, doit estre ap-  
prinse, p.395. est écho-  
liere de la greque, pag.  
397

la Langue Hebraique est  
la premiere langue, pag.  
389

à peine peut estre apprin-  
se, que sous la conduite  
d'un iuif, ch.24.p.408

la Langue Greque est à  
preferer à la Latine, de

tout point, ch.23.p.397

les Langues sont del'insti-  
tution de la nature, se-  
lon Platon & les Stoi-  
ciens, ch.13.p.388

selon Aristote, elles sont  
de l'institution des hō-  
mes, ib.

les Langues ont toutes be-  
soin d'apprentissage, d.  
192

notamment les grammati-  
ques, c.24.p.408

la Languette de la balance  
ne fait pas le poids, mais  
elle le suit, chap.3.p.50

Lappins comment con-  
çoient, c.41.p.698

Leon X. Pape, homme de  
grandestature, chap.11.  
p.211

Leuain est vn mot qui si-  
gnifie plusieurs choses  
en l'escriture, chap.36  
p.595

le Lion mange des cinges,  
pour guerir, p.596

le Lion d'Androdus, c.32.  
p.516

la Loy Cincia, chap.29.  
p.468

les loix sont iussions gene-



## *des Matieres.*

- rales, ib. l'usage de la main pour-  
la loy en quoy differe du quoy donné à l'homme  
prieuilege, ibid. seul, ibid. pag. 40. ch. 30.  
Lucullus n'auoit aucune p. 564  
experience à la guerre, les Maistres comment  
quand il partit premie- doiuent se comporter  
rement de Rome, pour enuers leurs disciples,  
commander, chap. 32 ch. 2. p. 25. 26  
p. 524  
la Lumiere rend les cou- les Malades proches de la  
leurs actuelles, qui n'e- mort, quelquesfois pro-  
stoient qu'en puissance, phetisent, pourquoy, c.  
ch. 17. p. 301 20. p. 359  
la Lumiere & le feu ont les Maladies bien cognuës  
leurs actionstres-prom- sont à demy gueries,  
ptes, & quasi immate- chap. 30. p. 484  
rielles, parce qu'elles sont difficiles à cognoistre  
n'ont quasi point de ma- p. 489  
tiere, ch. 19. p. 336

## M

- la **M** Ain fait tout, & la  
langue dit tout,  
souz la conduite de  
l'intellect qui scait tout,  
ch. 3. p. 40  
la Main est le peintre de  
l'Ame, & de la langue,  
p. 39  
est plus excellente que la  
langue, ib. la Matiere est cause de la  
corruption, chap. 20.

# Table

P.347  
alentit l'esprit, p.210  
Maroquin quel mot, c.24.

p.401.

les Medecins predisent la  
crise, par vne diuination  
artificielle, cha.9. pag.  
183.

les Medecins Arabes n'ont  
point esté les premiers  
inuenteurs des diuers  
sieges des facultez de  
l'ame dans le cerueau,  
c.13.p.239.240

les Medecins ne sont point  
eloquêts, selon l'Exam.  
c.21.p.367

Medecins ignorans hardis,  
c.30.p.486

le Medecin en quoy se  
trouue empesché, lors  
qu'il pratique, pag.  
487

pour cognoistre le reme-  
de, doit cognoistre la  
cause du mal, pag.  
483

pour estre dit sage & sça-  
uant, doit estre habile  
en toutes les parties  
de la science, ch.31.pa.  
494

le Medecin habile est vn  
bon-heur pour le mala-  
de, p.487

le Medecin guerit, par le  
moyen de l'art qu'il a  
en son esprit, ch.31. pag.  
499

doit donner bonne opi-  
nion à ses malades, &  
les consoler de bon visa-  
ge, p.488

qui parle trop est vne ma-  
ladie p.486

le Medecin doit auoir l'ex-  
perience & la methode,  
la theorique & la prati-  
que, c.31.p.502

tente & hazarde aux mala-  
dies deplorees, p.504  
est à blasmer, quand il est  
trop tardif, ou preci-  
pité, chap.31. pag.  
504

imite les mouuemens de  
la nature, p.503

les Medecins sçauans, qui  
n'ont point d'experien-  
ce, ne guerissent point,  
c.32.p.521

les Medecins de la France  
tres-habiles, ch.34. pag.  
545

## des Matieres.

la Medecine est vne science de l'occasion aux maladies, selon Aristote, ch.30. p.437. ch.33. pag. 535

en toutes ses parties appartient à l'intellect, ch. 32. p.511

pour estre pratiquée a besoin de deux choses, de la raison & de l'experience, c.31. p.496

la Medecine & la guerre *sunt artes in fraudibus*, c.35. p.573.574

la Medecine, pourquoy dicte science incertaine, c.30. p.481. &c.

est vn art tres-certain en toutes ses regles, pag. 482

les Medecines donnees hors de saison, tres-dangereuses, p.500

vn Medecin Iuif guerit le Roy François, ch.34. pa. 358.545

la Melancholie la plus fine & la plus luisante ne scauroit auoir fait l'astrotyque de la sybille, c.9. p.182

les Melancholiques sont addonnez aux femmes, c.9. p.179

sont semblables aux tireurs d'arc, p.180

sont habiles aux sciences, c.10. p.196

ont la peau dure, & sont plus capables des sciences qu'autres qui l'ont delicate, p.200

deuiennent epileptiques, c.13. p.240

les Melancholiques & les Meridionaux sont sages, c.16. p.286

les Melancholiques de mauuaise sorte, ont l'imaginatiue trop prompte, c.25. p.414. & sont phantasques.

les Melancholiques de la meilleure marque ont bon esprit, & sont plus capables des sciences, p.415

la Memoire est logee au derriere de la teste, c.15 p.243.246

la Memoire est de deux sortes, chap. 14. pag. 254

# Table

demande vne certaine humidité huileuse, pour mieux retenir, comme les peintures durent davantage, en huile, c. 16. p. 277

la Memoire demande vn temperament sec, pag. 238

est meilleure aux naturelles tardiues, ch. 25. pa. 422

la Memoire perduë à quelques vns, de certaines choses seulement, ch. 16. pa. 279. 280

la Memoire & l'experience en quoy different, c. 29. p. 470

Menophile Eunuque, homme vertueux, ch. 47. p. 767

Mercure & Saturne Dieux tutelaires des sciences, c. 4. p. 83

Mercure est l'emblem du conseil, des arts & de la prudence, c. 32. pa. 527

Mere qui accoucha d'un enfant More, pour auoir veu vn More peint

en vn tableau, ch. 7. pag. 146

les Meraux croissent par apposition de matieres, c. 7. p. 138

Miroir luisant *speculum lucidum*, partie du cerueau, ch. 12. p. 223

le Monde inferieur est gouuerné par le superieur, ch. 4. p. 83

les Mœurs ne suiuent point de necessité le temperament, ch. 37. p. 618

les Mouches à miel, sont habiles à bastir leurs cellules, naturellement cha. 36. p. 597.

la Musique est vne science qui ne peut appartenir qu'à l'intellect, c. 27. p. 443

la Mutation de sexe est du tout impossible à la nature, ch. 41. p. 682 699

N

Nature selon Hippocrate, est vne habi-

## des Matières.

- leté naturelle, chap. 2.  
 pag. 31  
 n'est autre chose que Dieu  
 selon Aristote, chap. 4  
 pag. 76. chap. 18. pag.  
 308  
 n'est point le tempera-  
 ment, ch. 2. pag. 32. ch. 4.  
 pag. 66  
 estant mauuaise, est difficile  
 le à corriger. p. 34  
 a moins de force pour les  
 sciences, que l'affection  
 & le courage. p. 24  
 est vn principe interne, ch.  
 6. p. 125  
 ne donne la perfection aux  
 choses, que par degrez,  
 c. 25. p. 418  
 a vn grand pouuoir dans le  
 monde, c. 9. p. 181  
 donne le temperament, se-  
 lon les actions, ch. 10.  
 p. 188  
 ne succede pas tousiours  
 en ses desseins, ch. 30.  
 p. 489  
 la Nature & l'art operent  
 sans deliberer, ch. 6  
 p. 122. 123  
 la Navigatiō est vn art qui  
 appartient à l'intellect,
- c. 27. p. 445. 446  
 le Nectar des sciences & de  
 la prudence, suit le vi-  
 naigre de l'estude. ch. 2.  
 p. 18  
 les Nerfs organes des sens,  
 prennent leur origine  
 de la moëlle de l'espine  
 c. 14. p. 257  
 les Nerfs de la sagesse, cō-  
 sistent à ne croire point  
 de leger, chap. 18  
 p. 314  
 Neron sçauoit iouer de la  
 harpe, chap. 37.  
 p. 624  
 fut detourné par sa mere,  
 de l'estude de la Philo-  
 sophie. p. 621  
 Nireus le plus beau des  
 Grecs au siege de troye,  
 n'estoit point vaillant,  
 ch. 8. p. 170. c. 37. p. 619  
 Noua zembala, chap. 38  
 p. 644  
 le Nombre croist sans fin  
 par addition d'vnitez,  
 mais il ne decroist pas  
 sans fin, parce qu'il  
 trouue yne derniere  
 vnitē, ch. 19. p. 337  
 la Nourriture corrige les

# Table

disgraces de la nature,  
c.2.p.25.29

la bonne Nourriture & la  
discipline guerissent les  
maladies de l'Ame, c.3.  
p.50

Nourriture passe nature.  
c.40.p.677

O

**O**biects propres & ob-  
iects communs,  
des sens, en quoy diffe-  
rent, ch.17.p.292.293

Occasion en la Medecine,  
en quoy consiste, ch.30.  
p.485

L'Occasion est vne com-  
modité de peu de durée  
ch.33.p.536

L'Odeur de la ruë deliure  
les possédez, cha.18  
p.216

L'Odorat depend du tem-  
perament sec, cha.10.  
p.198

Oeil gros ne voit pas si  
bien. p.209

Oiseaux pourquoy n'vri-  
rinent point, c.49.p.787

L'Oeil, pour estre capable

de toutes sortes de cou-  
leurs, ne doit auoir au-  
cune couleur, cha.17.p.  
291.298

L'Opinion, que le tempe-  
rament est cause du bon  
ou mauuais esprit, fait  
perdre à quelques vns,  
l'occasion de l'eschole  
& de la discipline, ch.5.  
p.118

Opinions fausses impri-  
mées en l'esprit, refusent  
l'entrée à la verité, c.17.  
p.296

L'Opium est plus éloigné  
du temperament de  
l'homme que l'euphor-  
be, ch.16.p.281

L'Or est moins suiet à  
corruption que toute  
autre substance d'icy  
bas, quoy qu'il corrom-  
pe les hommes, ch.18.  
p.330

L'Or est destruit par le vis-  
argent. ibidem.

Les Oracles ne se faisoient  
point par vne vertu de  
la terre, ch.9.p.181

L'Ordre est inuiolable-  
ment gardé dans l'æco-  
nomie

## des Matieres.

nomie du monde, ch. 19

p. 334

l'Oraison de Lyfias non  
approuuee par Socra-  
te, quoy qu'elle fust biē  
faite & en fa louange, c.  
22. p. 383

l'Orient produict des ef-  
prits plus subtils. que  
les autres nations, c. 39.  
pag. 662

P

**P**Age, *padagogius puer*,  
ch. 24. p. 403

Pain bis cōtraire à l'esprit,  
c. 49. p. 786

la Paralyfie n'est point  
causee du default de  
l'vn des deux premiers  
ventricules du cerueau,  
chap. 12. pag. 229. 230.

est point aux tuniques,  
mais en la substance des  
nerfs, p. 232

le Paon, bel oyseau, est de  
mauuaife nature, ch. 8.

p. 171

la Paresse corrompt la bō-  
té de la nature, chap.

2. pag. 16

à Paris, l'Academie d'A-  
thenes a esté transferee  
ch. 39. p. 560

Paris n'est point situé en  
vn climat temperé, c. 4.  
p. 73

est plus riche en bons ef-  
prits que tout le reste  
du monde, ibid.

les Paroles ne peuuent es-  
tre en la langue, que  
premieremēt elles n'ay-  
ent esté en l'ame, ny  
en l'ame si elles n'ont  
entré par les oreilles, c.  
23. p. 393

les Paroles vaines mon-  
strent la vanité de l'es-  
prit, c. 30. p. 488

les Parties du corps, in-  
strumens de l'ame, ch. 1.  
p. 9

la Peau est la plus tempe-  
rée partie du corps, ch.  
10. p. 187

est plus froide & plus  
chaude que le cerueau,  
consideree diuersemēt,  
p. 189. 190

selon qu'elle est d'vn tem-  
perament exquis, l'on

H h h

# Table

- coniecture du bon tem-  
pérament de tout le  
corps, c. 10. p. 120  
Pensee, que c'est, c. 36. pa.  
600. 604  
la Perdrix, comment con-  
çoit, c. 41. p. 698  
Pericles auoit la teste  
grosse, c. 11. p. 214  
vn Perroquet à Rome re-  
citoit vn Pseaume de  
Dauid, p. 598  
Petitesse de corps blasmee  
p. 208  
Petronius Arbitrator estoit  
poli en son luxe, ch. 35.  
p. 575  
la Phantasie est vn sens  
interieur, materiel, &  
proche voisin de l'intel-  
lect, c. 1. p. 10  
est logee en vne partie  
plus humide que la me-  
moire, chap. 16. pag.  
277  
Pherecides peu de temps  
auant Hyppocrate, a  
esté le premier des  
Philosophes Grecs, qui  
a escrit en prose, ch. 21.  
p. 373  
la Philosophie est la me-  
decine de l'ame, ch. 37.  
p. 627  
les Philosophes anciens,  
outre la science auoient  
vn mestier pour l'exer-  
cice du corps, chap. 27.  
pag. 450  
estoit habiles à toutes  
sortes de sciences, ibid.  
Philippe le Bel chassa les  
Iuifs de la France, c. 34.  
p. 552  
Phrenetiques deuenus ha-  
biles contre leur natu-  
rel, aucuns à faire des  
vers, autres à l'eloquen-  
ce, ou aux affaires d'e-  
stat, chap. 9. pag. 173.  
& c.  
quelques Phrenetiques  
ont parlé Latin, ib.  
Phrenetiques, pourquoy  
ne sentent point les  
douleurs, ch. 18. p. 324.  
326  
Phrenesie, inflammation  
de cerueau, ch. 16. pag.  
256  
Pilote, du mot, pile, qui si-  
gnifie nauire, ch. 23. pa.  
390  
Platon alla en Egypte 2



## *des Matières.*

nec Euripide, ch. 5. pag.  
115  
alla à Megare vers Euclide  
p. 116  
à Tarente vers Architas,  
ibid.  
Platon a creu l'immorta-  
lité de l'ame, ch. 20. pag.  
345  
a esté grandement elo-  
quent, ch. 21. pag. 375.  
&c.  
estoit gras & replet, ch. 11.  
p. 213  
les Platoniciens donnoiet  
à chacun homme, son  
propre genie, ch. 21. pa.  
306  
Playe en l'un des premiers  
ventricules du cerueau,  
c. 12. p. 233  
la Poësie est vn art aydé  
de la nature, ch. 2. pag.  
24  
requiert vn temperament  
chaud au troisieme de-  
gré, selon l'Examen, c. 3.  
p. 46  
est contraire à l'entende-  
ment, selon l'Examen,  
c. 21. p. 363  
Empesche de compren-

dre les autres sciences,  
selon Zenon, p. 368  
Polemō quittoit ses mau-  
uaises mœurs, oyant dis-  
courir Xenocrates de la  
temperance, ch. 3. pag.  
48  
Pommes de Paradis, pour  
quoy ainsi dites, ch. 24.  
p. 403  
les Poissons ne respirent  
point, pourquoy, ch. 6.  
p. 126  
ont la teste grosse & les  
sens stupides, plus que  
les autres bestes, cha. 11.  
p. 217  
la Pratique du droit consi-  
ste en faits particuliers,  
c. 29. p. 469  
la Pratique de la Medeci-  
ne, ch. 28. p. 455  
la Pratique de la Theolo-  
gie en quoy consiste,  
ibid.  
Pratique de la Medecine  
est œuvre de l'intellect,  
ch. 31. p. 498  
la Predication, pour ce qui  
est des belles paroles  
depend de la Rhetori-  
que ch. 28. p. 455  
Hhh ij

# Table

les Predictions des Melancholiques sont fortuites, chap.9. pag.180.181  
non par la vertu de la cholere bruslée, ib.

la Prestresse au temple de Delphes, rendoit ses responses en Grec. c.23.

p.395

le Prince doit estre instruit à la Philosophie, ch.37.

p.628

Principes des corps animés, trois, chap.7

p.131

le Procez en credit en France, plus qu'au reste du monde, chap.29. pag.480

Prognostiques aux maladies aiguës, incertains, ch.30. p.489.490

Prudence que c'est, ch.36. p.586.601

a cours dans tous les arts, p.587.588

Est la Royne des affaires du monde, chap.40. p.670

est la conduite des autres vertus, pag.605. ch.37. p.629

la Prudence à malfaire requiert bien - souuent plus d'esprit, que celle qui tent à bien, pag.603 604

la Prudence du Capitaine en quoy consiste, ch.35. p.572

la Prudence n'appartient qu'à l'homme, pag.594

Purgation des humeurs, quand elles sont en orgueil, chap.33. pag.533

Pyrrhon & Platon estoient peintres, ch.27. p.450

Python estoit marqué naturellement de la figure d'une lance, chap.45 p.747

## R

la **R** Acine de l'Aconith est semblable à la queue du Scorpion, c.7. p.139

en la Raison est le privilege d'estre sçauant, ch.2. p.13

la Raison est en la partie

## des Matieres.

discourante de l'ame,  
ch.2. ibib.

est vn art qui precede tous  
autres arts, chap.3. pag.  
40.41

les Regions froides pro-  
duisent des vins debi-  
les, ch.39. p.655

Regions ou l'on vit plus  
long temps, chap.37  
p.616

Regions sous la ligne, tem-  
perées, ch.38. p.644

la Religion nous apprend  
à seruir & honorer Dieu  
ch.28. p.455

la Respiration pour quelle  
fin, ch.6. p.126

le Rhubarbe en essence,  
purge plus qu'en infu-  
sion. chap.29. pag. 470.  
471

Rien de materiel incor-  
ruptible, chap.18. pag.  
330

Rome fut preseruee mira-  
culeusement de Hanni-  
bal, chap.4. pag.73  
74

est vne ville dont l'Empi-  
re est eternel. ib.74

les Roys doiuent estre pru-

dens & sçauants, ch.37.  
p.622

ne doiuent pas vser d'vne  
eloquence de barreau  
ou de College, ibid.  
p.623

la **S**aignée souverain re-  
mede de l'apople-  
xie, ch.33. p.537

la Salamandre reprime la  
violence du feu, ch.8. p.  
329

Salomon chassoit les de-  
mons, par l'odeur d'vne  
racine, p.316

le Sang pour la prudence,  
ch.10. p.193

Sert pour acquerir la pru-  
dence plus que les au-  
tres humeurs, p.192

Sang de bouc, pour guerir  
du calcul, ch.32. p.308  
309

Sang de lieure remede co-  
tre la fievre quarte, pag.  
309

pour la santé, il suffit d'vn  
degré de chaleur, ch.16.  
p.280

# Table

- Saphe,** ch. 41. p. 686  
**Sapience ou sagesse,** que  
 c'est ch. 35. p. 600  
**le Satyre d'Esopé** souffloit  
 le froid & le chaud, d'v-  
 ne mesme bouche, c. 12.  
 p. 226  
**Sauonarola** predict la ve-  
 nuë de Charles VIII.  
 en Italie, plus de dix ans  
 auparauant, chap. 9. pag.  
 183  
**Scanderbeg** marqué d'une  
 espée, p. 747  
**la Science** est l'instrument  
 de l'intellect, chap. 3.  
 p. 38, la main & l'instru-  
 ment de l'intellect, c. 18  
 p. 325. 464  
**la Science** est vne maniere  
 de repos, ch. 6. p. 127  
**la Science & la vertu** sont  
 fideles compagnes, c. 37.  
 p. 622  
**la Science** de bien viure,  
 est la reyne & la mai-  
 stresse des autres, ch. 22.  
 p. 384  
**la Science & la vertu** sont  
 habitudes aquisées, ch. 5.  
 p. 110  
**la Science** de l'homme,  
 n'est qu'ignorance, ch.  
 24 p. 405  
**la Science** en quoy differe  
 de l'art, ch. 29. p. 464  
**la Science** du droict est  
 pratique, p. 463  
**les Sciences** sont de diffi-  
 cile abord, chap. 2.  
 p. 19  
 dependent de l'action de  
 l'esprit, selon Periander,  
 & de l'exercice, ib.  
 S'aquierent par la diligen-  
 ce, avec le temps, p. 23  
 ne Sont point incompati-  
 bles, chap. 3. pag. 41. 43.  
 44  
 Sont moins habiles, estant  
 plusieurs en vn esprit,  
 pag. 43.  
 peuuent estre acquises sans  
 inclination naturelle, p.  
 47  
 ont esté apportées premie-  
 rement de l'Orient, c. 4  
 p. 72  
 ne sont point naturelles &  
 à cause du temperamēt,  
 ch. 5. p. 101. 105  
 ne Sont en l'ame, que par  
 le moyen des especes,  
 p. 106

## des Matieres.

Sont comme infinies, c. 28

pag. 451

les Sciences de l'imaginatiue, de la memoire, de l'intellest, selon l'examen, ch. 27. p. 440. 441

le Scorpion deuiant hebeté estant touché de la racine d'aconith, pag.

139

le Sel est agreable à Dieu, & le Symbole de l'eternité, ch. 18. p. 318. 319

est le Symbole de l'amitié, ibid. p. 319

à vn Sellier blessé l'on tira du derriere de la teste, tout le quatriesme ventricule, sans perte de la memoire, chap. 14.

p. 259

le Serpent, animal prudent, c. 36. p. 592. 593

les Sens sont facultez materielles, ch. 1. p. 9

la Semence comparée à vn artisan, ch. 7. p. 142. à Phidias, p. 143

les sens doiuent estre priuez de leurs sensibiles, pour en perceuoir les especes, chap. 17.

p. 290. 291. 296

le Sens commun est placé aux deux ventricules de deuant du cerueau, c. 13.

p. 246

est le premier apport des especes des cinq sens, & comment, ch. 14. p.

257. 258

n'agit qu'en presence des objets, ch. 16. p. 277. 424

est comme vn premier luge, ch. 26. p. 423

cognoist les actions des sens extérieurs, p. 424

le Sens ne comprend que ce qui est singulier & particulier, ch. 33. p. 527

&c.

le Sēs de la veuë, plus que les autres, demande vne grande clarté aux esprits, ch. 15. p. 271

le Sens du toucher a pour principal instrument, &c. cha. 17. pag.

294

le Sens de l'ouye doit estre priué de tout bruit, c. 17 p. 295

le Sens du toucher exquis est signe de bon esprit,

# Table

- chap. 10. pag. 104  
 le Sens de l'odorat ne doit  
 auoir aucune odeur,  
 pour percevoir les o-  
 deurs du dehors en pa-  
 reil degré, chap. 17. pag.  
 296  
*Septem lucidum*, partie  
 dans le cerueau, ch. 13.  
 p. 251.  
 vn Singe en Portugal sça-  
 uoit iouer aux eschets,  
 c. 36 p. 398  
 Socrate estoit d'esprit stu-  
 pide & vicieux natu-  
 rellement, chap. 2. p. 22  
 estoit sculpteur, ch. 27. pa.  
 550  
 Socrate, Esope, Agesilaus,  
 Hipponax estoient mal  
 faits de corps, ch. 37. pa.  
 618  
 le Soleil est plus grand  
 que toute la terre, ch. 33  
 d. 532. c. 18. p. 326  
 est principe, interne de  
 lumiere, chap. 20. pag.  
 352  
 les Songes se font en l'i-  
 maginative, ch. 26. pag.  
 415  
 les Sophistes sont plus sub-  
 tils que les Philosophes  
 c. 36. p. 390  
 Sor, signifie roux, en lan-  
 gue Gothique, ch. 24.  
 p. 402  
 Sosipatra cinq ans instrui-  
 te par vn demon, ch. 5.  
 p. 104  
 la Souris n'a point de pru-  
 dence, c. 36. p. 394  
 Stercaterus Geant, hom-  
 me fort de corps & d'e-  
 sprit, c. 11. p. 211  
 les Stoiciens disoient l'a-  
 me moyenne entre le  
 corruptible & l'incor-  
 ruptible, ch. 18. pag. 321  
 les Substances qui ont  
 moins de matiere, ont  
 plus d'action, ch. 10. pa.  
 195  
 les Substances ne sont pas  
 toutes capables de tous  
 accidents, chap. 18. pag.  
 322  
 toute Substance spirituel-  
 le, & qui n'a point de  
 corps, est immortelle,  
 ch. 20. p. 346  
 Sylla, ennemy des scien-  
 ces, c. 37. p. 621  
 Sylenes d'Alcibiades, c. 37

## des Matieres.

p. 620  
les Sybilles & les Prophe-  
tes n'ont point faict  
leurs predictions, par le  
temperament, ch. 9. pa.  
179. 181. 182.

### T

**T**Aille moyenne de  
corps est plus pro-  
pre pour vn soldat que  
pour vn homme de  
lettres, chap. 11. pag.  
213.

de toute Taille bon &  
mauuais esprit, pa. 208.  
212. 213.

le Temperament n'est  
point principe des ope-  
rations de l'ame, chap. 1.  
p. 3.

n'a point plus de comman-  
dement sur l'entende-  
ment, que sur la volonte,  
c. 3. p. 46.

obeyt aux comandemens  
de l'ame, qui est com-  
me vne Reyne, ib. pag.  
50. ch. 7. p. 152. ch. 8. pag.  
167.

n'est point la nature qui

fait l'homme sçauant,  
c. 4. p. 66. 94.  
a beaucoup de pouuoir  
pour la diuersité des es-  
prits, ch. 4. p. 79  
ne suffit pas seul, pour la  
difference des esprits,  
pag. 79.

n'opere point en nous ne-  
cessairement, chap. 37.  
p. 615.

le Temperament égal ne  
peut produire de soy  
que des esprits medio-  
cres, ch. 4. p. 86.

le bon Temperament & le  
bon naturel sont neces-  
saires pour les actions  
de l'ame, chap. 5. pag.  
108. 109.

le Temperament égal est  
le meilleur, pour estre  
sage & sçauant, chap. 10.  
p. 188. c. 16. p. 282.

sert de substitut à la priua-  
tion de qualitez, qui est  
impossible icy bas à la  
nature, ch. 17. p. 295.

est le meilleur pour la sci-  
ence & pour la pruden-  
ce, chap. 37. pag. 606  
&c.

## Table

- n'est pas le meilleur pour la longue vie, la beauté, &c. p. 609. &c. 612. 619
- approche plus de la nullité, *ibid.* 609. ne sert que priuatiuement, chap. 12. p. 227
- le Temperament est vne cause *sine qua non*, & vne disposition qui aide, mais il est besoin de discipline, ch. 2. p. 33
- est inutile pour l'inuention des langues & des dictions, chap. 24. p. 401
- le Temperament melancholique est de deux especes, selon Aristote, ch. 4. p. 76
- le Temperament de la chasse, ch. 8. p. 168
- par le Temperament, on fait coniecture de l'esprit, ch. 10. p. 190
- le Temperament froid couuient pour les facultez du cerueau, chap. 16. p. 282
- le Temperament sec, est le pire pour les mœurs, ch. 40. p. 673
- le Temps n'est cogneu que par l'intellect, c. 26. p. 425. 427
- est le plus precieux gage du monde, ch. 2. p. 22
- la Terre sterile est rendue fertile par la diligence du laboureur, p. 20
- est la matrice des plantes ch. 45. p. 740
- Testes longues en la Scythie, ch. 7. p. 144
- Teste bien faite marque de bon esprit, chap. 4. p. 81. ch. 11. p. 214
- la Teste est la plus diuine partie de tout le corps, ch. 10. p. 187
- est la boutique de l'Ame raisonnable, ch. 11. p. 214
- Teste grosse, esprit grossier, p. 214. 215
- Teste grosse de S. Thom. d'Aquin, p. 214
- en la Teste de l'homme on ne trouue que de l'incertitude, ch. 11. p. 215
- Testes petites plus louées pour la prudence par Aristote, blasmees par Galien, p. 216



## *des Matieres.*

Testes de mauuaife mar-  
que, p.219

la Teste est comme vne  
ventouse, p.218

la Teste est plus debile  
que le reste du corps,  
pour estre plus capable  
des sens & de la prydē-  
ce, c.37.p.617

les Testicules, pourquoy  
esloignees du cerueau, c.1  
p.8

Tetter est vne action pos-  
sible aux hommes aa-  
gez comme aux enfans,  
ch.8.p.171

la Theologie est vne sciē-  
ce infinie, ch.28. pa.451  
parce qu'elle a Dieu  
pour suiet.

la Theologie scholastique  
a son principal exerci-  
ce dans les controuer-  
ses, ib.

la Theologie positive, ibid.  
en quoy differe de la  
scholastique, pag.453

la Theorie du droit, en  
quoy consiste, ch.29  
p.472

Thessalus, fils d'Hyppo-  
crate a esté Medecin,

admiré par Galien, ch.  
46.p.756

S. Thomas de propos de-  
libéré a vsé d'un style  
bas en ses escrits, c.22  
p.381

la Thrace fertile à raison  
de la froidure du climat  
ch.16.p.286

le Ton cognoist les solsti-  
ces, ch.36.p.597

le Toucher est le sens de  
discipline, ch.10. pag.  
190

le Trauail est le pere de la  
renommée, ch.2. pag.  
18

donne de l'esprit à ceux  
qui n'en ont point, p.19

le Trifolium guerit de la  
morsure de la vipere,  
ch.7.p.140

la Turquie pays d'ont  
sont banies les sciences,  
non faute de tempera-  
ment, mais de discipli-  
ne, ch.5. p.101

en Turquie, vriner en pre-  
sence est tenu com-  
me vne iniure, chap.48  
p.776

# Table

## V

la **V**aleur, selon Socra-  
te est, vne science,  
ch. 35. p. 569

Vaillant est cestuy-là, qui  
ne craint point de mou-  
rir dans les occasions de  
la guerre, ibid.

le Vautour & l'Escarbot  
meurent à l'odeur de la  
rose, chap. 8. pag.  
165

le Vêtricule seroit vn ani-  
mal raisonnable, s'il cui-  
soit les viandes, par  
preuoyance des autres  
partie du corps, chap. 7.  
pag. 150

les Ventricules du cer-  
ueau, chap. 12. pag. 223  
224

font les voyes de l'Ame,  
ch. 13. p. 241

en quoy different les vns  
des autres, pag. 227  
228

font les sieges ou sont lo-  
gées diuertement les  
facultez del'Ame, selon  
les Medecins Arabes,

pag. 234

les trois Ventricules pra-  
miers du cerueau, ne  
sont pas logés de front  
au milieu du cerueau,  
comme croyoit Char-  
ron, ch. 15. p. 275

le Ventricule est le Roy  
de toutes les parties du  
corps, ch. 15. p. 263

le quatriesme ventricule  
du cerueau est plus pe-  
tit que les autres, pag.  
224

Ventre gros ne peut en-  
gendrer qu'un gros es-  
prit, chap. 10. pag.  
196

la Verité ne veut point  
de fard, chap. 22. pag.  
381

au Vertige, pourquoy tou-  
tes choses semblent es-  
tre meües en rond, c. 18.  
p. 325, 326

la Vertu habite dans des  
rochers de difficile ac-  
cés, ch. 2. p. 18

n'est point naturelle, ch. 5.  
p. 99

Vertus du Prince, quel-  
les, chap. 37. pag. 619.

630. & apres.  
les Vieillards ne sont point  
sages à raison de leur  
temperament, mais de  
leur longue experience,  
ch.10. pa.199

Vieux Medecins, plus ca-  
pables de guerir, ch.32.  
p.525

le Vin, pourquoy est dit  
agreable à Dieu, ch.18.  
p.319

Virgilé eloquent, & bon  
Orateur, chap. 21. pag.  
367

fut gratifié par Auguste,  
ibid.

Vlysses, homme sage, &  
de petite stature, cha.11.  
p.269

la Voix est la clairté de  
l'entendement, chap.3.  
p.39

la Volonté est plus neces-  
saire pour les sciences,  
que la nature, ch.2. pa.  
15.

les Volontez diuerfes font  
la diuersité des esprits,  
p.16

le Vomissement en la co-

lique, en la frenetique,  
en la migraine, se fait  
par sympathie, c.16.256  
le Vulgaire rapporte tout  
à Dieu immediatemēt,  
ch.7.p.130

Y

les **Y**Vrongnes ne crai-  
gnent rien, parce  
qu'ils n'ont point l'es-  
prit de iuger ce qui est  
perilleux, ch.p.50.

Z

à **Z**Anclez les dents re-  
uindrent apres l'aa-  
ge de cent quatre ans.

Zones de la terre cinq, ch.  
38.p.640

Zoroaste estant encore en-  
fant auoit la teste telle-  
ment pleine d'esprits,  
que le cerueau luy bat-  
toit si fort, qu'il repous-  
soit la main quel'on ap-  
posoit dessus, c.16.p.279  
fut nourry de fourmage  
par l'espace de vingt ans  
ch.45.p.749

## PRIVILEGE DV ROY.

**L**OVYS par la grace de Dieu Roy de France & de Navarre, A nos Amez & Feaux Conseillers les gens tenans nos Cours de Parlement, Baillifs, Seneschaux, Prieux, & leurs Lieutenans, & à tous autres, nos Justiciers & Officiers, & chacun d'eux, ainsi qu'il appartiendra, Salut. Nostre bien aimé MICHEL SOLY Marchand Libraire & Imprimeur à Paris, nous a fait remonstrer qu'il a recouvert vn liure intitulé, *Examen de l'Examen des Esprits, par le sieur IOVRDAIN GVBELLET Docteur en Medecine, & nostre Medecin à Eureux*, Lequel liure l'exposant desireroit faire imprimer: s'il nous plaisoit luy octroyer nos lettres nécessaires. A CES CAUSES, desirans le bien & fauorablement traiter, & qu'il ne soit frustré de son labeur, luy auons permis & permettons par ces presentes d'imprimer ou faire imprimer par tel Libraire que bon luy semblera ledit liure, iceluy mettre ou faire mettre & exposer en vente durant le temps de six ans, à compter du iour qu'il sera acheué d'imprimer. Desendons à tous autres de quelque qualité qu'ils soient, d'imprimer, ou faire imprimer durant ledit temps, souz quelque marque, ou caractere que ce soit, à peine de cinq cens liures d'amende, & de tous despens, dommages, & interets enuers ledit exposant, ou de ceux ayans droit de luy, à la charge qu'iceluy exposant, sera tenu mettre deux exemplaires en nostre Bibliothèque, auant l'exposer en vente, suivant nostre Reglement, à peine d'estre descheu dudit Priuilege. **SI VOUS MANDONS**, que du contenu en ces presentes, vous faciez & souffriez iouyr ledit SOLY, & ceux qui auront droit de luy, plainement & paisiblement. Voulons en outre qu'en mettant à chacun exemplaire dudit liure ces presentes, ou extraict d'icelles, il soit tenu pour bien & deuement signifié, **CAR** tel est nostre plaisir. Donné à Paris le 13. iour de May, l'an de grace 1631. & de nostre regne le vingt-vneisme.

*Par le Roy en son Conseil,*

**COUPPEAU.**